



PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

PL	Yalçın, Hüseyin Cahit
248	Nâdide
Y26N3	
1892	

3791

18/780






# نَادِيَّة


Nādide

محرری :

ح . جاہد



معارف نظارت جلیلہ سنک رخصتید طبع اولنشد



استانبول

✽ عالم مطبعہ سی - احمد احسان و شرکائی ✽ ابوالسعود  
جادہ سنندہ نومرو ۵۴


۱۳۰۸

PL


248

Y26 N3

1892



احمد احسان وشرکائی - باب عالی جو وارنڈہ ابوالسعود جادہ سنندہ






فخر المحررين عطا فناء احمد مدحت افندی حضرت پيريك افسانه  
بيورمه اولادلى تقييه حكيمانه لر بير :

نه بخيارم كه شو بر ايكى هفته ظرفنده بر قاج رومانه شو بولده  
كلمات تبريكه يازدم . عثمانليلر من آرتق يالكز ترجمه ايله اشتغال  
ايتميوپ ايته تأليف مرتبه سنده صاعده اولديلر . لهم ده مقوط  
قاعده نه مكلو ا متنايب دينلر يك بر صورته سر عتي كينه كچه منرايد  
بر صهود ! يالكز بنم سوزمه قالميرق اوقوبانلر دغي اعتراف  
ايدم بقطر در كه شو رومانه امثالى ميانده محماد در . لهم بيوكلك  
لهم صورت تحرير و لهم ده منتج اولديغي حكمت موقظه جريئله  
محماد در . مؤلفى از دل و جان به تبريك ايله بلكم كبي قارئلك ده  
تبريك ايدم بقطر يه شهره ايتتم .

احمد مدحت

في ٥ شباط سنه ١٣٠٦



ایشته ایستدیکمز کی بر محل اولمش اولور ، بولطیف  
 اووده کی آغاچلرک نقطه تلاقیسی کی عد اولنه بیلان اوفق  
 بر قور یلقدن آزاجق اوزاقده کوزل بر کوشک کورینور .  
 بیاض بویاسیله ، خوش منظره لی باجالریله ، محاط اولدیغی  
 بغچه ده کی نازک چیچکلریله ظاهر حالد بر آشیانه سعادت  
 اولدیغنه حکم ایتدیرر . تکلیفسزلکی اله آله رق کوشک  
 ایچریسنه عطف نظر ایدرسهک ، اوطه لرک کوزلجه مفروش  
 و خدمتکارلرک حال بشاشته اولدیغنی کوریرز تدقیقا تمزده  
 دوام ایدرسهک ، آلت قاتده کی اوطه لرک برنده اوچ کشینک  
 یمک یدیکنی و اطرافلرنده کی خدمتجیلردن بونارک افندی اولدقلر-  
 نی آ کلارز .

بریسنک بونی ، هر نقدر مندره اوطورمش اولدیغندن  
 پک بللی اولیور سهده اوزون اولدیغی ینه فرق اولنیور ؛  
 قیصه قره صقالیده میدانده در ؛ ناصیه سنده کی طور اصالت ،  
 حالنده کی نجات کوزه چارپه حق درجه ده در . اعضاسی متناسب  
 اولدیغی کی اختیارلق علامتیده پک کورلمز . ایلک دفعه کورن  
 شبهه سز اوتوز بش یاشنده یا وار یا خود یوقدر دیر . لیکن  
 شونیده بیان ایدمکه سنی قرق - قرق بش صولرنده در .  
 اسمینده او کر نه لمی ؟ علی بک ! یا ؟ هانیا شو . . .  
 شهرینک اک قدیم خاندانندن اولوب یکر می ایکی سنه اول پدری



وفات ایدن و او یاشده اوجسیم ثروتی محو ایده جکنه قناعت کسب ایدناره رغماً حسن اداره ايله برقاتدها توسیع اعتبار ایدن علی بکمی ؟  
اوت ! تا کنیدیسی ! ..

مومی الیهی طانیدیکزسه یاننده کی : اورته بویلی ، قره صاحلی ، واسع آئلی ، صاف چهره لی اینجه بیقنی اون سکز - اون طقوز یاشنده کی اولادلی فؤاد بکیده طانورسکز . هله بوناری بیلدکن صکره یانلرنده کی : مهیب چهره لی ، قیصه بویلی ، پوص بیقلی ، قوجه صقاللی ، اوزون برونلی ، قنبر اسمنده کی اسکمی امکدارلرینده طانورسکز . قنبرک مدهش قانلی کوزلرنده کی پارلاقانه ، یوزنده کی بروشقلره دقت ایدن سوابق احوالنه پکده حسن شهادت ایتمز ؛ یاشنی ایسه تخمیندن عاجز قالور ! شوقدرکه حالی کوزلجه تدقیق ایدیلورسه پک قورناز برتلیکی اولدیغنی آکلامقده تأخر ایدلمز .

ایشته شمدی شونلری کوزلجه اوکرنک . هایدی بر پارچه ده ایتدکلری لقردی نی دکلیه لم :

علی بک اولادلی فؤاده خطاباً دییوردی ، که :  
— قنبریده کتوره جکمیسک ؟

— خیر افندم .

— انی کوزلرینی آچها ! حریفلر شیطان کیدر .

— بزى آلداتمه ملرينه ايجه دقت ايده جكم افدم ، بويله جه  
 كنديمك ماهر بر چفتيجي ، مشفق بر اولاد اولديغنى اثبات  
 ايده جكم .

قنبر سكونتله مكالمه يي دكلوردى .

على بك فؤادك بوسوزلرى اوزرينه ممنونيتله :  
 — آفرين سوكيلى اولادم ! آرتق بنده اختيارلش  
 اولديغمدن سنك بويله جه اقتداريني كوررسه م ايغى سكا ترك  
 ايله راحت ايده بيليرم .

— ممنونيتكزى استحصال ايچون هر نه يايلاق لازمكلورسه  
 اجرا ايده جكم عزيز پدرم .

قنبر ، دتره مكدن وايچنى چككمكدن كنديني منع ايده مدي .  
 كوريليور يا ! بابا اوغل بك تكليف سزجه قنوشميورلر .  
 على بك بوخصوص ايچون برقاج كره فؤاده طارلش ايديسه ده  
 يالكز بو امرنده عدم اطاعت كورلش ايدى .

محاوره نك دوام ايتديكى مدتجه يمكده بتمش اولديغندن  
 هپسى يرلرينه چكيلديلر .

اكر طيشاريده كورديكمز بدايع طبيعتى ، شاعرانه برشيئه  
 تشبيه ايچون ذهنمزي يورمسه ، بو وسيله ايله ده وقت غائب  
 ايتسه ايدك لقردينك ابتداسنى دكلر وفؤاد بكك بر چفتلك  
 ماده سى ايچون ايرتسى كوني شهره كيده جكنى اكلاردق .

حکایه مزك يوم جرياننده يعنى — بيك ايكيوز شوقدر  
سنه سنده بو ولايتده كوزلجه اصلاحات اجرا ايديله مه مشايدى .  
بو كاده تاريخجه معلوم بر طاقم اسباب مانع اوليوردي . اك  
برنجى سبب : دره بلكلكك رفعندن صكره تشكىل ايدين اداره  
عادلّه حاضر ميبى چكه مين « انتريقه ميدانلرنده كوزلجه آت  
اويناته ميان و پسپايكان اهالى ايله حقوقجه مساوى اولملرى  
لازمكلن و بو حالده اصلا راضى اوله ميان زادكانك وجداء  
نسزلغيدر هر نه ايسه ، بورالرى تاريخه عائد اولديغندن شوقدر  
رينى بيله ليكه : او وقتلر حكم و نفوذ زادكانك النده دكل  
ايديسه ده بيله حققرنده شدت استعمال اولنه مزدى .

یونی اکلا دقن مکره حکایه مزدن براز اوله ارجاع نظر  
ایدهلم :

علی بکک منسوب اولدینی سالا له متبوع مفتحملرینه  
صداقده هر فداکارانی کوزه آلدیرمش اولان اصیل ، نجیب  
عثمانلردندر .

علی بك پدری تیمور بكك حین وفاتند غایت جسیم  
بر ثروتك وارثی : چلغین ، آتشین مشرب برکنجدن بشقه  
رشی دكلدی .

یا لکز بروالدسی واردی ، هرکس بو عظم ثروت ایکی  
سنه دن زیاده دوام ایتمز امیدنده بولنیورلردی .

فی الواقع استبعادده ایدیه من . او آشفته چنگاه قزلری  
خائن طالق او قیلر نیجه جانپاره لری والدیندن نیجه کنج لری  
ثروتلرندن آیرم شلردی ! . .

اگر : بالاخره فائده لی بر فاجعه وقوعه کلمه ایدی ، علی  
بککده محو اوله جفی شبهه سز ایدی .

باقیکز او حادثه فصل وقوعه کلدی :

علی بك یاس مدتی اكل ایتدكدن صكره - كیمك  
عربه سینه بیزلرله آنك دودوكنی چالان - رفقا سیه برابر  
دریای ذوقه طامش ایدی نقود موجوده سی بیتدیکمندن برایکی  
چفتاکی بیوفا [\*] ایتدی . والدہ سی ایتدالری ایایشیک  
ایتمدیه ده علی بك مفتون اولدینی پنوش [\*\*] اسمنده کی  
بر چنگانه قزینك او عرنده تکمیل ثروتی محوه ایتدار ایدنجه  
تلاش ایدرك کندیه سینه همان نصیحتلر ویرم شیه ده هیچ بر

[\*] صائمقدن دها بدتر بر مصیبتدرکه شدی بیله طشره لردم حالا  
موجود بکلر بو صورته ثروتلرینی محو ایدیورلر . بیوفا دیمك عادتا رهین  
دیمکدر . بك آز بر مبلغ مقابلنده ؛ غایت فاحش فائض اخذ ایدن مزاجه .  
جیلرله ، بر قاج سینه ظرفنده مع فائض یورجی تأدیه ایده مدیکی حانده  
ترهین ایتدیکی چفتلكك ضبطنه دائر بر مقاوله عقد ایدر . بر قاج سینه  
صكره رأس المالی بك چوق تجاوز ایدن فائض ایله برابر پاره پی ویره مدیکندن  
چفتلك الدن کیدر .

[\*\*] « پنبه » دیمکدر .



تأثیری اولیه مامشدر . بناء علیه اولادینک و فامیایاسنک سعادت  
حالی ایچون بر جنایت اجرا ایتدیرمشدر .


برکون پنبوشک غائب اولدیغی حوادثی شهرده شایع  
اولمش و ایرتسی کونده قنالی ( خنالی ) الماری و سائر اعضاسی  
نهردن چیقمشدر .

علی بک مرقومه‌نی جدأ سودیکندن وفاتندن صکره  
حقیقه پک زیاده متأثر اوله‌رق او کنج یاشنده چفتاکلرینک  
بریسنه چکلمش ، زراعتله ، بر درجه‌یه قدر رخنه‌دار اولان  
ثروتی تعمیر ایله اوغراشمشدر .

کندیسنه عالمدن نفرت کلش اولدیغندن کیمسه ایله چوق  
قنوشمیوردی . تفکی النده اوله‌رق طاغلرده ، بایرلرده کزره  
اراضیسی — داخلنده کی اورمانلرک بریسنده طبیعی کچوجک  
برمیدان حاصل اولمش اولدیغندن اکثریا اوراده اوتورردی .  
یانی باشنده آقان صویک زمزمه‌سنی دکلکله متلذذ اولور  
و آرده صرمده « اوف ! » دیه تظلم حال ایدردی .

اختیار عزات ایدملی بریحق سنه کچمدن والده‌سی وفات  
ایتدی بوندن متحصل کدرله منتخبی اولان یرده حزین حزین  
اغلا رکن کویا کندی تأثرنه اشتراک ایدیورمش کبی بر فریاد  
معصومانه ایشتدی . ابتدا اهمیت ویرمدیسه‌ده صدا کیتد کجه  
تزاید ایتدیکندن نه اولدیغی اکلامق ایچون یرندن قالقدی ...

آریہرق بر اغاجك قوو غندہ قونداقلى بر چوجق كوردى .  
والدیندن اثر یوق !  
على بك بیچاره یی قوجاغنه آلهرق طومبول یناقلرندن ،  
یاشلی کوزلرندن اوپدی . زواللیجغز آرتق صوصمشییدی .  
چوجغك کوکسی اوزرنده بیاض بر شی مصادف نظر دقتی  
اولدی . بوده : بر پارچه جق کاغذ اولوب اوزرنده ده :



کیملری یازیلی ایدی . على بك کنیدی تأثرنی اونوتهرق  
قوجاغنده طوتدیغی بدبخته خطاباً :  
— واه بیچاره واه ! دها بویاشده بدبختسك ها ! خیر ،  
خیر ، سن بدبخت اولمیه جقسك ، بن سنی ثمره فؤادم کبی بیو-  
ده جکم سن بنم اوغلم اوله جقسك ! دیمشدر . ایشه بوچوجق  
بو کونکی کون کوردیکیمز فؤاد بکدر .  
على بك چوجق قوجاغنده چمتدکه عودت ایتدیکی وقت  
خدمه ، یناشمه لر ، اورناقجیلر هپ حیرتمه قالدیلر .

هیچ بر کیمسه به بد معامله بی سومیان علی بك مر قومه لره  
هر شایئی اکلادی و او کیجه ایچونده غایت مکمل بر شـنـلـک  
ترتیب ایتدیردی .

ایشته بو کوندن اعتباراً بد بختلغه محکوم اولان زواللی  
یاور و جق ، سعادتله الفت ایتدی ، اسمیده فؤاد بك اولدی ،  
کوزل تربیه کوردی ، تحصیل معارف او وقت بکلرجه معا-  
یباتدن ایکن علی بك - کندییی کی - فؤادیده بهره دار علم  
ایتدیردی .

بو وقعه دن آلتی سـنـه صـکـره قـنـبر اسمـنـده بریسی کله رـک  
علی بکه عرض خدمت ایتدی . هر نقدر مومی الیهک آدمه  
احتیاجی یوق ایدیسه ده - برسوزنی ایکی ایتدیکی - اولادنی  
فؤادک کلان آدمه بر میل ، بر محبت مخصوصه ابراز ایتـمـنـدن  
طولانی قنبری خدمته قبول ایتدی .

بو خصوصده پشیمان دخی اولمدی :

قنبر خدمتی صادقانه ایفا ایتدی . موسم صیفده شدت  
حرارتدن قورتلماق ایچون شهر خلغنک کیتدکلری یایلاده  
اوزرلرینه هجوم ایدن اشقیایه جانسپارانه مقاومتله علی بکی  
قورتارمشدر . ایچنده بولندینی اوطه نك طو تشمسینه محو اولمسنه  
رمق قالمش اولان علی بك ینه قنبرک فدا کارانی سایه سنده  
قوزتلمشدر .

قبرك ورودندن اون ايكي - اون اوچ سنه مرور ايتديكي  
 حالده قبر هيچ بر كره على بكك تكديرينه دوچار اولماشدر.  
 على بكده آنك سئنه ، خدمتنده كي قدمنه حرمتاً حنفته  
 اظهار رعایت ايدر ، يكدده ياننه آلور ، كندينه : دوستم ،  
 آرقداشم ، قورداشم ديه خطاب ايلردی ايشته بو حكايه عمومك  
 معلوميدر .

بو اوچ كشينك كيم اولديغني كوزجه اكلا دق يا؟.. اويله  
 ايسه آرتق حكايه مزه دوام ايدم :  
 يكدن صكره قبر على بكك تاهل ايتماستندن طولاي  
 هر وقتكي كي سرزنشله باشلدي . على بكده - هر زمانكي كي -  
 ايشي لطيفه بوزارق ازدواجدن مقصد ادامه سالا ايسه  
 ايشته كنديسنك فؤاد اسمنده بر اوغلي اولديغني بيان ايتدی  
 بو محاوره اوزاندي كيتدی . هيسنكده اويقولري كمش  
 اولديغندن او طه لرينه چكيديلر .

ايرتسي صباح فؤاد بك پدريله وداعلاشدقندن صكره  
 يالكوزجه شهره عزيمت ايتدی . على بك كنديسنه تيزه سنك  
 اونده قالمسني تاييه ايتمشديسه ده طبعاً محجوب اولديغندن  
 باركيري ني بر خانه براققدن صكره اقشامه قدر ايشيله مشغول  
 اولدی . اوكونكي يورغاندن طولاي او كيجه يي كوزجه اويو-  
 مقله راحتجه كچيردی . ايرتسي كون ينه ايشيله مشغول اوله-



رق ساعت بشه قدر ایشی دوام ایتدی . جانی صیقلامش  
اولدیغندن شهرده شویله جه بر طولاشمق ایستدی . بویله جه  
یواش یواش یوررکن بردنبره طوردی . سبب توقفی یانندن  
کچدیکی قوناغك پخیره سنده کوردیکی بر خیال یاخود بر کوکل  
مقناطیسی ایدی .

اوت ! بر خیال ایدی ! چونکه کورنمسیله غائب اولمسی  
بر اولمشیدی .

اوت ! بر کوکل مقناطیسی ایدی ! چونکه بر لحظه ده  
انسانك کوکلانی جذب ایتمی ایشدن بیله دکلدی .  
فؤاد شاشیردی . عجباً رؤیای کوریوردی ؟ دقتله پخیره  
باقدی : کیسه لر یوق !

یوانده دوام ایتك ایستدیه ده دوچار اولدیغی مراق  
کندیسنی منع ایتدی . کوردیکینك کیم اولدیغی اکلامق  
ایچون قوناغك قارشیسندنه کی سوتجی دکانندن مناسب بریر  
اوله مز . فؤاده بونی دوشندیکنندن اورایه کیتدی . سوتجی  
کندیسنی بشوشانه برچهره ایله قارشولیه رق :

— بیوریکز افندم . . . . ای سوتلریمز وار . . . . ممنون  
اولورسکیز افندم . . . . ظن ایدرسه م طعام ایده جکسکیز . . .  
یتاجق یریمزده وار !

فؤاد سوتجینك کوزه لیکندن استفاده ایتك املیه :

— اوت ، يمك ييه جكم .

اختيار سوتجی اطرافنه باقنه رق :

— اعلا یمورطه لرم وار! ... هم تازه ...

کوزل یا یلا پیسنریمده وار ، هیچ امشالی بولنمز ! کچی  
سودییه دیه جاک یوقدر ، یاقیون سودی ؟ مسکدر افندم مسک!  
کوزل تازه اکمکده وار ..... بورایه کلدی ککزه پک ای  
ایتدی کز افندم ..... بورالری تنها ایسه ده کبار محله سی اولد -  
یغندن کوزل مال (!) بولنور ....

— پک اعلا ، بر یمورطه پیشیر ... پینری بولجه  
اولسون ها !

— مراق ایتیمک افندم ..... سزک کی کبار بر مشتری نک  
ممنونیتی ایچون هر بر فداکارانی اجرا ایدرم افندم ..... پینر  
دیدیکک ندرکه ! سزک او کوزل خاطر یی کزی یایمق ایچون  
افندم ..... ذاتا بورایه کلان مشتری لر پک زیاده ممنون اولور لر  
اوسته موشک [\*] دکانی برنجیدر افندم ....

کوزه اختیار هم لقردی سویلیور همده فؤاد بکک  
ایستدیکی یمکی حاضر لیور ایدی .

یمورطه پیشدکدن صکره دیدیکه :

— بیورک عافیتله ییک افندم ..... ایستر سه کز سودده

---

[\*] محمد دیمکدر .

ویریم . . . برنجیدر افندم هیچ مراق ایتیک . . . . ایچنه  
اکمکده طوغراسکنز . . . . .

— ایسته . . . یالکنز ایچمک ایچون ازاجق ویریکنز . . .  
— باش اوستنه افندم . . . پک خشنود اوله جقسکنز . . .  
او قدر قوتلیدرکه یوز درهمدن زیاده ایچه میه جکسکنز . . . الله  
صاغلق ویرسونده افندم هرشی اولور . . . . هله شوکچی  
سودینه باقکنز ! ساده یاغ !! برطامله بيله سودیوق !! شی !!  
صویوق ! . . .

فؤادیمکی یمکده دوام ایله برابر سوتجینک لقردیسنی  
کسهرک :

— دیمک هراوه سود ویریورسکنز .  
— نه دیمک افندم ؟ هراوه اقشام صباح !! اکر خاکپا -  
یکنرک دولتیخانه . . . . .

فؤاد سوتجینک کندی ایستدیکی طرفه طوغری کلدیکنی  
کورهرک منونیتله دیدیکه :

— هریره عین مقدارده ویرمزسکنز ظن ایدم . . . .  
فؤادک لقردی سویلمسنه میدان براقیهرق :  
— پک طوغری افندم ، کیمیمی چوق آیر ، کیمیمی  
آز . . .

— شوقارشیکی قوناقدن چوچه آلورلر غالبا ؟

فؤاد بوسؤالی برخلجان قلب ایله صورمشیدی !

— ها ! شودنیا کوزانك قوناغندمی افندم ؟ اقشام صباح

درت اوقه سود ویررم افندم . . . بیوک قوناق بیوک ! . . .

هم خانم افندی حضرتلری پك جومرددر افندم . . . هیچ

بردفعه سود پارمسی ایچون کورلتی اولمدی افندم . . . ذاتا

بن بویله شیلره قولاق ویرمکه !

سوتجینك کمال سرعتله سویلدیکی شو باصمه قالب ازبرله

سوزلری فؤاد کمال سکونتله دکلیوردی .

آج اولان قارنی طیورمش واوستنده سوددن ایچمش

اولدیغدن لارینی ییقارکن دیدیکه :

— دیمك اولیورکه قارشیکی قوناقدہ چوق غایهلق وار .

— نه کزر افندم نه کزر ؟ برخانم برده قزی ! اوته کیلر

هپ کورلتی ! خلاق ! اوشاق ! بغچوان !

— زنکینمیدرلر ؟ . . .

— بوده سوزمی افندم ؟ پاره ایچنده یوزیورلر ! . . .

او قدر چقتلکیر . . . . . پووووو . . . . . آه کوزینه یانديغ . . .

— سن لقردینك ابتداسنده دنیا کوزلی دیمشیدک ؟

کودزه سوتجی فؤادک یوزینه دقتله باقهرق کولدکن صکره :

— سز غالبا افندم بو شهرک عجیبیسیسکیز . بتون مملکت

خاقی بونی بیلدیکی حالدہ سزک بیامه مکلکیز بونی ایجاب ایتمیزی ؟



— هر نه ايسه صكره ،

— تحف ! هم كنيج هم ياقيشقى اوله سكزده . . . . كور -

مليسك افندم دنياده كوزل اولسه اولسه بوقدر اولور .

او قاشلرمي ديدك ؟ كان ( !!! ) او كوزلرمي ديدك ؟ بادم ( !!! )

آغزمي ديدك ؟ حقه ( !!! ) دوداقلرمي ديدك ؟ لال ( !!! )

بويمي ديدك ؟ سروى ( !!! ) بيياضمي ديدك ؟ قار ( !!! )

بلمي ديدك ؟ چوپ ( !!! ) كورملي افندم كورملي ! ايسته

بونكچون بوقوناغه دنيا كوزلك قوناغى ديرلر .

فؤاد اختيارك برصورت غريبهده مدح ايتديكى دنيا

كوزانى ( !!! ) خيالنده تصوير ايله عرض پرستش اتمكه

باشلدى . . . !!!

زوزمك سوتجى لقرديسنده دوامله ديديكه :

— حاصل افندم . بتون مملكت دليقانليلى كنديسنه

اورغون ! حتى نادر بك اسمنده بربك كنديسنى ايسدديسهده

ويرمديلر . . . هپ دليقانليلىر شو ديوار دينده التفات بكلايلر . .

هپسيله اكلندي اكلندي قويوردى . . .

— يا ؟ ! . .

— اوت نقدردم قانلره ، غوغالره سبب اولدى ! . .

— باباسى يوقى ؟

— خير وفات ايتدى .

فؤاد ایستدیکنی اوکرنمش اولدیغندن اختیارک اکلادیغنی  
بشته برطقم دیرلتیلری دکله میهرک دکاندن چیقدی .

ذهنی پک مشغول ایدی . . . نهدن ؟ ایشته بوسـؤالک  
جوابنی کندیسیده بیلمز ! .

سوـتجینک اوقدر مدح ایتدیکی بوقز عجباً نصادی ؟ . .  
عجباً فی الحقیقه کوزلی ایدی ؟ . . واقعا کندیسنی بر لحظه حق  
کورمش ایدیسده تامیله تشخیص ایدمه مشیدی .  
کوردیکزمی دوشونجه لرینی ؟ . . !

کیجه نی همان اویقوسز کچیردی دیه بیایرز یمکنی اویله  
اشتهاسز یمسی ، مغموم طورمی خانجینک بیله نظر دقتنی  
جلب ایتمشیدی .

ایرتسی کونی چیفتلکه عودت لازمکلنجه پک زیاده  
مضطرب اولدیغنی سویلمکه لزوم وارمیدر ؟ . .

جانم ، انسان برکوزلی برثانیه جک کورمک و کودزه بر  
اختیار دنده مدحنی ایشتمک ایله بودرجه دوشنورمی ؟

اگر بویله اولسه ایدی وای حالمزه ! . . . !  
یافؤادک سوداوی مشرب اولدیغنی اونتدکزمی ؟ سوـ .  
یلمدکسه غفو ایدرسکز !

اگر فؤادک فکرینه ، خیالنه شویله جه برباقق ممکن اولسه  
ایدی ایشی نقدر بیولتدیکنی کوردیکز .

خیالی جوجق !

فؤاد چفتا که عودت ایتدیکی وقت، علی بك قنبر ایله برلکهده  
 اوتورمرق قنوش-یورلردی حال و طور لرندن آره لرند بر  
 مسئلهیه قرار ویردکلریده اکلایشیلوردی . علی بك فؤادی  
 کورنجه یرندن قالقمرق اولادینک آلنی اوبدکدن صکره  
 ممنونانه بر حال ایله دیدیکه :

— کل بقالم ماهر چفتجی ! شبهه سزکه موفق اولدک  
 دکلی ؟

— اوت پدرم ،

مقدمه سیله فؤاد ایشلره متعلق اولان تفصیلاتی تمامیه  
 اکلادتدی . نادیده مسئله سندن برشی آچمادیغنی سویامک  
 لزوم سزدر آ ؟ ..

علی بك کال تقدیرله دکلیوردی . فؤاد سوزینی بتردکدن  
 صکره دیدیکه :

— آفرین اوغلم ، سنک بو درایتک شمدی قنبر ایله  
 قنوشدیغمز و قرار ویردیکمز مهم بر خصوصی تقویه ایتدی .  
 فؤاد برطور استیضاح ایله پدرینک یوزینه باقدی .  
 علی بك ایسه سوزنده دوامله :

— اولادم ، اینی دکله ! صوره جغم شیلره کوزلجه جواب

ویر .

فؤاد بیلمدیکى حالدہ دوچار خلیجان اوله رق :

— بیورك افندم . . . . .

— شمدي يه قدر هيچ بريسي سودكمي ؟

فؤاد آيتلاشدى . بويله طامدن دوشرجه سنه بر سؤاله مخاطب اوله جغتى اصلا خاطرندن كچيرمه مشيدى .

نه جواب ويرمني ؟ سومدم ! ديسه ناديدەنك خيالى ! . . مانع ! ! « سودم » ديسه دها لايقيه كورمديكي برشي نصل سوبيلور ؟

على بك فؤادك سكوتنى كورهرك :

— دوشون اولادم ! همده اينجه دوشون ! قابنى شويله جه بريوقلا باقيم .

فؤاد هيچانندن صاپ صارى كسلمش اولدينى حالدہ تترك برصدا ايله ديديكه :

— خير . . . . . ا . . . . . قند . . . . . م . . . . .

— بك اعلا ! باق شمديده بزم قرارمزي سويليميم : بن آرتق استراحت ايتمىنى ايسـتـهـيـورم . ذاتا دنياـدن نفرت ايدرك يشامقده ايدم صكره سن بكا حياتمك ايچنده بردور جديد كشاد ايتدك ، نهايت سنده بيودك ، آدم اولدك . چيفتلكارى اداره ايدە بيله جكنى بك كوزل بيليرم . باخصوص قنبر كي برارقداشك ، برپدرك وار . . .

فؤاد پدرینک لقر دیسنی عجله ایله کسه رک :

— یاسز ؟

— بنده اولادم چنقل کده اوتوره جغم ، هر زمان سز کله برابر بولنه جغم .

— شمدی برابر دکل یز ؟

— برابر اولادم ، لکن بوقدر دبدبهی اداره ایدن بنم ، بوقدر کورلتی هپ بنم اوزرمده در . بوندن صکره سن اداره ایدرسک بنده سکا یعنی — مدت حیاتمه جناب حقم بکا احسان ایتدیکی بر اولادمه باقهرق افتخار ایدرم . . . بوراده سوزینه بر پارچه فاصله ویردکدن صکره :

— همده سنک چوجقلرینک بشیکلرینی صاللازم .

فؤاد حیرتله علی بکک یوزینه باقدی .

علی بک سوزینه دوامله :

— اوت اولادم ، مرادمن سنی اولاندیرمکدر . نصل

راضی اولدکی ؟

فؤاد بر خیلی دوشندکدن وذهنجه بعض شیئه قرار ویردکدن صکره :

— دوشنملیم پدرم . — دیدی .

— پکی ، سکا اون بش کون مساعده ویرهیم .



— او !! .. بو مهلت پك آذر پدرم . هیچ اولمسه  
برسنه .

— پك اعلا ! بوكاده موافقت ایدرم . هر تقدرووقته  
قدر سنك مینی مینی یاوروکی کورمك ایستر ایدیسهمده  
ایستدیکك کبی دوشونمك ایچون برسنه مساعده ایدرم .  
— تشکر ایدرم پدرم .

— برشی دها سویلیهیم : بو برسنه ظرفنده سنی بوراده  
حبس ایتك ایستهم ، شهره کیت ، سیاحت ایت حاصلی نه  
ایسترسهك یاپ .

فؤاد علی بکک لقر دیلرینک کندی افکارینه مطابق  
اولدیغنه سوینهرک پدرینک یانندن ایرلدی .  
علی بک قنبر ایله یالکیز قالنجه :

— ایشته بوندن صکره مسعود اوله جغز دوستم . واقعا  
شمدییه قدرده سعادت حال ایله اسرار وقت ایتدک ایدیسهمده  
بوندن صکرهکی مسرتمز طبیعی بشقه درلو اوله جقدر .

فؤاد ایرتهسی کون شهره عزیمت ایتدی . آتی خانه  
براقور براقز نریمه کیده چکی معلوم دکلې ؟  
سوتجی دکاننه سوتجی !!

تردد لازمی یا ؟ ! .

سز فؤادی : شاه اسماعیل ، عاشق غریب ، کرم ،

عاشق عمر کبی بر طاقم هذیان نامه‌ری او قومامشدر می ظن  
ایدیورسکز ؟

او قومش، حتی بعضیلرینی از بر بیله ایتشدر . یابو حکایه‌لری  
او قویه او قویه، پری قزی مصالارینی ایشیده ایشیده بویله  
مدحنی ایشیدیکی بر قزه عاشق اولماسی ممکن دگیدر ؟ .. !  
یاغلی مشتریسنک ینه کلدیکنی کورن سودجی فؤادی همان  
استقبال ایله :

— او! بیورک افندم، انشاالله ایوسکز افندم دون تشریف  
بیورم دیغکزدن بر خطامی ایتدم دیه حیقلانیوردم . [\*]

— حمد اولسون ایوبم سن نصلسک باقهلم ؟ .

— چوق شکر قولکزده ایی یم افندم ... قهوه آلتیمی  
ایده جکسکز افندم ؟ هله بو کون بر تازمه پینرم وارکه دکه  
کیتسون ! ..

دها کله‌لی یاریم ساعت اولمدی !! یایمورطه‌لر، بش دقیقه  
اول کلدی .

فؤاد، حریفک کوه زه لکنه کوله‌رک :

— جانم سنک یمورطه‌لر کدنده بیقدق ... بشقه برشی  
یوقی ؟

[\*] آجینق ، متأثر اولق

— امان افندم نیچون بویله تکدیر بیوریورسکیز ؟ هر نه  
امر ایدرسه کز اجرا ایدرم افندم . . . شوراده گوشه باشنده کی  
دکاندن کباب کتیره می افندم ؟

— ممنون اولورم . . . . هم هر کون بورادیم . .

— خدا علیم پک سویندم افندم . . . سزی ایلک  
کوردیکم کون او یله بر کوکلنم سودیکه تعریف ایدم . . .  
ایسترسه کز بزم باجی یه خبر کوندیرم یئک کتورتیرز افندم .  
— یئکدن اول یئاق یوزغان کتیرتملی !

— امان افندم قولیکیزی قات قات ممنون ایلدیکیز . . اودن  
کتیرمهک حاجت یوق بوراده واردر .

— پک اعلا ! دکانکزدن هیچ ایرلیه جغم . هانیا کباب  
نرمده قالدی ؟ . .

سوئجی ، فؤادک ایستدیکنی کتورمهک کیتدیکندن فؤاده  
براسکمله آلهرق دکابک اوکنده اوتوردی .

کلنه کچمه می باقه جق ؟ خیر آ افندم خیر ، پنجره یه باقه جق  
همده تام وقتنده باقمش ! باق ! پرده آراقلمشدی ، آی بتون  
بتون قالدی ! . تصادف بویا او پنجره نکده قنسی دوشمش !!! . . .  
آی جامده آچیلدی !

فؤاد رنگدن رنکه کیره رک بونلری تماشا ایدیوردی .

نازك بېرىم پىچرەدە كورندى . شېھەسىز نادىدە اولەجىق  
 حقيقتاً مدح اولنديغى قدر وارمىش يا !

فؤاد آيقلاشدى ! آغزىنى آچديغىنك هيىچ فرقەندە بىلە  
 اولمىهرق كوزلىرى نادىدەدە اولديغى حالە طالدى كىتدى .  
 نادىدە كىم بىلور كىمى كورمىشدرە پىچردىن چكىلدى .  
 سادە چكىاسە ابى يا ! چكىلوركن خفيفجە برتمنا ايتدى . . . . .  
 شوخانە برتبسمى دە بوكا علاوہ ايتدى . فؤادك عىقلى باشندن  
 كىتدى بىلە ! دىيائى كىنديسنىك ظن ايتدى . . . سعادتنە حدود  
 تصور ايدەميوردى !

خيالى چوجق !

برازىسكەر سوتجى فؤادك ايسىتديكنى كتورەرك دىديكە :  
 — ايشتە ايسىتديكىكزىدن دها اعلاسى ! بو كىباچى حسين  
 اغاپك ابى آدمدر اقمىم . . . . . پىدرىدە . . . . .  
 فؤاد ، بردنبرە سوتجىنىك لقرديسىنى كسەرك :  
 — سىزە برشى رجا ايدەجكم .  
 — امان اقمىم رجا نەدىمك . . . . .  
 — برپارچە آز سويلەيكز !  
 سوتجى دەكى صورت !! .

كوزە اختىيار خسوردانەرق بر كوشەيە چكىلدى .  
 فؤادك بوغازندن لقمە كىتمىورە ! كوزلىرى پىچردىن

آرلیور ! لقمه‌سنی دوشیریور ، سودی دوکیور ! حاصلی  
یادقلرینک فرقنده بیله اولیور !

سوتجی بوکا دقت ایتزمی یا ؟ باخصوص لقردی سویلیوب  
دکان دکان کز مک ایچون وسیله آریان بویله برکوهزه بوفرستدن  
استفاده ایتزمی ؟

حتی دقت ایتدیده کنیدی کنندینه شوسوزلری بیله  
مراداندی :

— ممالکته برساقز [\*] ده‌ها ! بوده بوینک اولچوسنی  
آلسون بقالم . توکلی بزم دکانده یاتوب قالمیه جق ! آه بنم  
کوزل دکانجغم جنت کیسک !

فؤاد ده‌ها اقشامه قدر بکله دیسه‌ده بشقه هیچ برشی  
کوره‌مدی . سوتجی ایله زوزکلک یاریشنه چیقیدیلر . قوجه  
اختیار ! دیرلیرینه کیمسه‌نک آرتق اعتبار ایتمه‌مسندن  
طولای قیزغین ایکن بویله خواهشکر بر مخاطب بولنجه اولانجه  
مهارتنی صرف ایتدی ! فؤاده آندن آشاغی قالمدی !! .

برقاج ساعت ایچنده بربرلرینه او قدر محبت پیدا ایتدیلر که  
تعریف اولمز ! فؤاد آراقده نادیده‌دن بحث آچیور اختیارده  
متبسمانه اعطای معلومات ایدیوردی ؛ فؤاد ، ایلمک دفعه

---

[\*] قبل وقال دیمکدر



صوری شنیده هر شیئی او کرشم اولدیغندن وسو تجیده ده بشقه  
معلومات قالماش اولدیغندن تمجید پلاوی کبی ایصیدوب  
ایصیدوب سویلیوردی . فؤادده صیقلقمسزین دکلیوردی .

زهی صبر !! دکلی ؟ ..

فؤاد دنیا کوزلنک !! قوناغنده نه اولوب نه بتمش ایسه  
کاملأ او کرندیکی کبی ملازمت عاشقانه ده بولنا نازک اسمارندن ده ،  
لقبلرندن ، ده خبردار اولدی . حاصلی : تعبیر مخصوصله ایجیقارینی  
چیجیقارینی بیله او کرندی !  
استبعاد ایتیکز !

بوشهرک او یله برخاقی واردرکه آغزلرنده دکل باقله ایصلا-  
نمق ، کتن حلواسی بیله ایصلانمغه وقت بولاماز !! ..  
تجربه ایچون پیره قدر بریلان سویلیکز ، دوه قدر اولد-  
قدن صکره سز بیله اینانمزسه کز آلنکزی قاریشارم !

حتی مشهوردرکه : حریفک بری بوشهرک بر او جنده  
سویلدیکی بریلانه دیکر او جه کیمه دن کندیس بیله اینانمغه  
مجبور اولمشدر !!! ..

یا قادیناری ؟ معاذ الله ! انسان آنارک دیانه دوشمکدن  
ایسه میلیونلرجه آرشون یوکسکدن آشاغی دوشمسی بیک قات  
خیرلیدر !

مبالغه : عجمانه اولدی فکرینه ذاهب اولمیکز ! هان عین  
حقیقتدر !

— ۲ —

فؤاد تمام اون درت کون بو حالده امرار وقت ایتدی .  
نادیده هر کون پنجره ده کلیور فؤاده کولیور ، اوده اکا  
پیرو اولیور !

فؤادک مشغولیت ذهنیه سی اودرجه تراید ایتمش ایدیکه  
بعض کره سوقا قدم طولاشیرکن کندیسینه قارشى کوسه تریان  
مستیزانه تبسمی ، قولاقدن قولاغه ایدیلن فیصیلدیلری فرق  
ایتمیوردی .

ملعون سوتجی ، دها ایرته سی کون فؤادک ملازمته دکان  
دکان کزه رک — بیک درلو مبالغه ایله — هرکسه خبر ویرمش  
وبرقاج کون صکره فؤادک کیمک نه سی اولدیغی اوکرندیکندن  
اولکی اعطا ایتدیکی معلوماته بونلریده علاوه ایتشیدی .

نادیده نك عاشقاری فؤاده ابتدا نمایش ایتک ایسته مشلر -  
سهده فؤادک حامیسی ، پدری علی بکک نامی ایشیدنجه سکوته  
مجبور اولمشاردی .

علی بک بو ! ...

فؤاد کندی حرکاتک برطاقم قیل وقاله سبب اولدیغی

— سوتجینک اخباری اوزرینه — آکلادیغندن — ینه سوتجینک  
دلالتیه — آرقه سوقاقده طورمغه باشلامشیدی .

اون دردنجی کونی بغچه قپوسنک اوکنده طورهرق بو  
حالك نیه منجر اوله حغنی دوشنیور وکیدوب علی یکی خبردار  
ایتمکی تصمیم اییدیوردی .

بغچه قپوسی یواشیجه آراقلاشدی . فؤاد حالا طاقین !  
یانته دوشن بر مکتوبک حقیفجه « پات ! » صداسی  
کندینی بردنبره ایقراض ایتدی .

مکتوبک نقدر برتهالکله اوقوندیغنی سویلمکه لزوم  
وارمیدر ؟

مکتوب برموعدتلاقی اولدیغندن فؤاد ، دها بونی بوصنی  
کورمک دکل برسوزینی بیله ایشتمدیکی سوکیایسنک یاننده  
بولنه جنی دقیقه بی سویلیه جکی لقردیلمی دوشنهرک اولیه برعالم  
خیالاته طالیدی که آرقه سندن یواش یواش کلان و اوموزندن  
طوغری مکتوبی اوقویان شئوم چهرملی برحریفی کورهمدی .  
بو آدم مکتوبی تمامیه اوقودقدن صکره منونیتنی مشعر  
برصورتده صریتهرق — کلدیکی کبی — یواشیجه اوزاقلشدی . .  
سوقاغی دوزر دوزمز آدملرینی تسریع و آره صره آرقه سینه  
باقهرق یولنده دوام ایله شهرک خارجنه چیقیدی .

برقواق آغاچنك دینده اوتوره رق آزاچق هم دکلند کدن  
وهمده تعقیب اولندیغنه کسب قناعت ایتد کدن صکره - سیغاره -  
سیده سونمش اولدیغدن - یولنه دوام ایله واسع بر ایلیغلیك  
[\*] ایچنه کیردی . طاوشانلردن بشقه کیمسه نك کیرمیه جکی  
بدیهی اولان بوراده پك کوزل یوریوری .

بش دقیقه کیتد کدن صکره قالدیردیغی بیوجك بر طاشك  
باشنده اوچ کره قارغه کبی اوتدی . طاشك قالمسیله حاصل  
اولان برمدخلدن آشغی ایندی . بوراسی واسع بر مستطیل  
شکلنده بر مغاره ایدی . طرفیندن ایکی قپو آچیلان بومردار  
محلك جبهه قسمیه سائر یرلرینی ؛ اوزرلرینه ؛ آیو ، قورت ،  
قیون پوستی سر یلمش کرده وت تشکیل ایدیوردی .  
نمناك دیوارلرنده ؛ چرکس قمارلندن قره طماغ روولور -  
رینه وارنجهیه قدر تکمیل اساعه - غایت تمیز اولدیغی حالده -  
اصیلی طور یوردی .

برطوپراق دستی قپو یاننده بر محل اشغال ایدر . دائمی  
صورتده یاقیلان پترول مایعك پیس قوقوسی بوراسنی استیلا  
ایتمشدر .

مجهول آدمك ایچرییه کیردیکی وقت همان بردوزینه قدر  
عبوس الوجهه آدملرك کمسی طقوزر جیین اوینامقده کمسی  
سلاحلرینی تمیزلکده ایدیلر .

شخص مجهول شبهه سز بیوک بر احمیتی حائز او ملیدرکه هپسی  
مشغولیتلرینی ترک ایدرک ایاغه قالدیلر .  
رئیساری اولدیغی طور آمرانه سندن بللی اولان بریسی  
دیدیکه :

— خیر اوله ایبوش [\*] چوقدنبری کلدک . کور یورسک یا  
انسان بوراده اوتوره اوتوره سلاحلر کبی کوفانیور .

— نه یاپیم محسن ، بکدن آلدیغم امر موجبجه بریسی اون  
ایکی کوندر کوز تلیوردم .

— آکلادم . هانی شو اوکشی ایچون دگی ؟

— اوت اوت . لقردی . دکشدیرمک فیکریله اسمنک  
ایبوش اولدیغی اوکرندیکمز شخص مجهول دوام ایدرک :  
— هرکون تعینکز کلیور یا ؟ .

— البته !

ایاق اوستی جریان ایدن شو قیصه جق محاوره دن صکره  
ایبوش : حیدودلر رئیس محسنک یانه یاقاشه رق برخیلی  
قونوشدیلر .

مرقوم عودتنده « باش اوستنه ! » جوابی آلمش اولدیغی  
کبی کیدرکن دخی عمومنه خطاباً :

[\*] ابراهیم

— کنديکزی ايو محافظه ايديکيز . اسکی آرقداشمز  
اولان اوخائن قيرسرداری سزی کمال شدتله آریور . —  
دیشیدی .

مغارەدن چیقەرق شەرە عودت ایتدی و بیوک برقوناقدن  
ایچری کیردی . قپوده طوران فستانلی آرئؤدلرک هیچ برما  
نعتده بولمیشنه باقیلورسه قوناغک بیلدکارندن اولدینی اکلایشلر .  
ایبوش ، بیوک برحولیدن کچدکدن صکره کوزل برطاش  
مردیوهندن یوقاری چیقدی . مردیوهن باشنده نوبت طوران  
ایکی آرئؤددن برینه :

— کیت کلدیکی بکه خبر ویر . — دیدی .

برمدت صکره ظاهر حالندن کنج جه ، یاقیشقلی ، فقط  
خائن طورلی بر بکک یاننه کتورلدی .

بز بوبکی طانیرز . کوهزه سوتجینک فؤاده نقل ایتدیکی  
حکایه لرده نادیده بی ایستیه نلردن وجواب رد آلانلردن بریسیده  
نادر بک اولدینی کچمه مشمیدی ؟ .

نادر بک ، ایبوشی کورر کورمن یوزی کوله رک :

— کل بقالم ایبوش ، نه خبر ؟

— ایش یولنده کیدیور بکم ، امرکز موجبنه برکوشه ده  
صاقلنه رق بکلمکده وبربرلینه متحسرانه باقشدقلرینی کور -  
مکده ایدم .



— انتقامی آلورز . دوام ایت !

— بوکون آرتقی جانم صیقلمش اولدیغندن اویوقلامقده ایدم . برده بردنبره آرقه سوقاق طرفنده کی قپوجق آچیلوب دلربا برمکتوب آتدی .

— ای !! ..

— فؤادده آچوب اوقومغه ، اوقودقچه حیرتده قالمغه باشلادی بنده بو حالندن استفاده ایله یاقاشدم و مکتوبی اوقودم . — نه یازلمشیدی ؟

— نه یازیله جق بکم ؟ التفات ! پک ایی خاطر مده قالمدیسه ده شو قدرینی بیلیورمکه : بویله اون درت کوندن بری دیوار دینده طور مق کنندینی سومک دکل بلکه اغیاره قارشی نامنی شهیر ایتمک ایمش . حاصلی اوزون اوزون لقر دیلر ، کنایه لر نهایتده ده یارین کیجه ساعت آلتی بچقده بغچه ده حوض یاننده کی چیم کوشکده کنندیسنه منتظر اوله جغنی واکر کلیه جک اولور ایسه انتقامنک پک شدید اوله جغنی بیان ایدیور . بغچه ده کی چوک قپو آچیق براقیله جق ایمش .

— عجایب ، انتقامی پک شدید اوله جقمش ها ! فؤاد اکا قارشی نه کبی تأمینانده بولنمش که بوصورتده تهدیداته قیام ایلور ؟ .. دیمک اولیور که نادیده آنی جداً سویور . کنندیسنه اوله جق هر نه ایسه ؛ صکره نه یابدک ؟

— طوغریجه کیتدم محسنه خبر ویردم ایشی قرارلشد -  
ردق .

دها یارم ساعت قدر مکالمه لرندده دوام ایتدیلمر . نتیجه -  
سندده نادر بك ، بك ممنون اولمش اولمایدركه برقاج آیدن بری  
کولمه ن یوزی کولمشیدی ! . . . .

\*  
\* \*

فؤاد ایرته سی کیجه نی کمال شدتله بکلمکده اولسون بزشو  
دنیا کوزلنك اوینه عطف نظر ایدلم :

بوخانه والده وقزك متصرف اولدقلری ثروتله متناسب  
دکلدی . اول امرده سوقاق قپوسندن کیرلدیکی وقت اطرافی  
کول فدانلریله محاط قیصه جق بریولدن کچیلدکدن صکره  
کوزل برچفته مردیونه له آلت قاته چیقیلور .

کوزمزك اوکنه ابتدا واسع برصوفه چارپار . اوست  
قاندده نادیده نك ، والده سنك اوطه لری واردر . آلت قاندده کی  
صوفه یه آچیلان متعدد قپولرك کیمیمی خلایق اوطه لری ،  
بریده : بش آتی آباق طاش مردیونه له اینیلان واسع برلیو -  
نالغک قپوسیدر . لیونالقدنده بغچه یه چیقیلور . بنانك اطرافی  
واسع بر بغچه ایله محاطدر . لکن اوکده کی سوقاق ایله بنانك  
صول طرفندن کچن برطار یولك دخی کورنمسیچون کوشه یه

انشا اولمشدر . طار سوقاغده اوفاجق برقبو آچیلورکه ،  
قبونك اوستنه كوزل برقریه یابامش اولدیغندن کیردن چیقان  
انسان اچریدن کوزوكمز .

بغچه نك اوبر كوشه سنده سلاماق دائرہ سی واردرکه حرم  
بغچه سندن برتخته پرده وبر اوفاجق قبو ایله تفریق اولمشدر .  
بغچوان او طه لریده سلاملغك بر كوشه جکمنده در .

بو بغچه نك شهرده بر مثلی دها واردر دیه نار شهبه سز یلان  
سویامش اولورلر . بیوك حوضلر ، نادیده چیچكلر ، جسم  
اغالر ، لطیف قریه لر باشایجه تریناتیدر . طوپ طوپ كول  
فدانلری ، لیمون ، تورونچ صاقسیلری مبذولدر ، میوه اغاچلری  
ایسه هیچ سوز کتورمز !

بغچه نك بر كوشه سنده چام و مازی اغاچلرینك تشکیل  
ایتدکلری لطیف بر قورولغك التنده اوفاجق بر حوضك  
باشنده غایت كوزل بر چیم كوشك واردرکه نادیده ، اك زیاده  
سودیکی یر اولق جهتله هر بغچه یه حیقشده بوراده اوتورر .

نادیده ، فؤاده یازدینی مکتوبده تعین ایتدیکی ملاقات  
بوکیجه اوله جنی جهتله پك زیاده متفکر ایدی . انا قیز یمکدن  
قالقه لی برخیلی مدت کچمش ایدی . نادیده نك صبر سزلغندن

جانك صیقینتییی پك زیاده ایدیسده والدهسی بالعکس پك شن ایدی .

والدهسی یاتدقدن صکره یارم ساعت مرور ایتدی . نادیده سس صدا قالمقدن صکره بغمچه ایندیکی وقت اوزون قاره صاحبلیده فکری کبی طارمه طاغین اولمشیدیکه بوکاده خفیف خفیف اسن روزکار سبب اولمقده ایدی .

زوواللی قزك اون بش کوندن بری حالی زیاده سیله تبدل ایتمش وشدتلی برسودا کندیسنی محو ایتمکده بولنش ایدی .  
فؤآدی ایلک کوردیکی کون استهزایه لایق بوله رق اکلنمکی قورمشیکن ترتیب ایتدیکی طوزاغه کندیسیده طوتلمشدی ،  
یازق !! .....

ذاتاً بو قدر حشریانی شمدی هپسی ایدیورلر ؛ لیکن اکلنه لم دیرکن عفتلرینی وبوسبیدننده حیاتلرینی غیب ایدیورلر!  
زووالیلر !! .....

بو حال عینله نادیده ده واقع اولدی . دوداقلرندن زائل اولیان تبسمار ، جزئی برشی ایچون وقوعبولمقده اولان سورکلی قهقهه لر حزنه مبدل اولدی . انظاری دائماً بر نقطه یه معطوف قالیر ، دائماً دوشنر - اسمنی بیله بیلمدیکی - عاشقك خیالی کورمکه چالیشور دی . کوزلری اغلامقدن شیشمش اطرافی چوریمش ، طومبول پنبه یناقلری اویقوسزلماقدن صارارمش ایدی ! .

کندیسنک بو حالنه دقت ایدن والدہ سی پک زیاده مراق  
ایدیوردیسه ده قزینک طبیعتی بیلدیکی جهته برشی صور میهرق  
طاتلیقله آغزندن بلکه برشی آلورم امیدنده بوانوردی !  
ایشته بودہشتلی عشق کندیسنک محوینی موجب بر ملاقاته  
فؤادی دعوت ایتمه مجبور ایتشدرد .

\*  
\*\*

فؤاد مکتوبی بر خیلی اوپدکدن صکره قوینده قویهرق  
سوتجی دکانه عودت ایتدی . عجباً شو مسرت نصل شیدر ؟  
دین بدبختلره شوق مجسم حالنه کیرمش اولان فؤادی کوسترمک  
کفایت ایدر . بونکله برابر فؤاد ایرته سی اقشامه قدر نصل  
بکلیه جکم دیه دوشینیوردی !

بوراده ده سوتجینک کومزملکی امداده یتشدی : اسکی  
محاربه لردن ، مملکتک احوالندن بر خیلی قنوشدیلر . ایرته سی  
کونیده لقلقیات ایله محو ایتدیلر !

فؤاد اقشام اذانندن صکره خانه کیدرک اوسستنی باشنی  
دکشدیرمک ایستدی اون بش کوندزبری بر دفعه خانه کیتمش  
اولدیغندن خانجی بردها کلز ظنیله اوطه نی بشقه سنه ویرمش  
و فؤادک اشیا سنی برکوشه یه بیغمش ایدی . فؤاد خانجی به

برخی طارلقدن صکره مترکم بورجفی ویردرک اشیاسنی  
بر او طیه تکرار یراشدرتدی . کوزله کینوب خاندن چیقده  
ینی وقت ساعت بری کچمشیدی .

دها بش ساعت وقتی واردی . بو قدر اوزون برزمانی  
نه ایله امرار ایده جکدی ؟ !

بر ایکی قهوهیه کوروب چیقدی ، سوقاقلرده سرسریانه  
طولاشدی نهایت وقت کلدی . کلدی اما فؤادده ده متانت  
قلیه هیچ قالمش ایدی !

شدت هیجانندن خاندن چیقدیغی دقیقه دنبری آرقه سنده  
طولاشان چوبان قیافتلی اوچ حریفه احتمالکه هیچ دقت بیله  
ایتمدی .

کوچک بغچه قپوسنه کلدیکی وقت خاندن بوغولوق  
درجه سنه یاقاشمش اولدیغندن هوا آلمق ایچون اون دقیقه قدر  
توقفه جداً مجبور اولدی .

قبو آراق بر اقلمشیدی . فؤاد آدیغنی ایچری آته جنی وقت  
تردد ایتدی . بو دقیقه ده کندیسنگ ایشلمکده اولدیغنی فعلک  
نقدر مذموم اولدیغنی وعادتاً بر جنایت ارتکاب ایتکده  
اولدیغنی دوشونجه عودتنه رمق قالمش ایکن کوزینگ اوکنه  
کلان نادیده نکل خیالی ، نه اولورسه اولسونی کوزینه آلدیر .  
تمشیدی . مکتوبده تعریف اولنان محله طوغری ایلریلمکده ،



یافشد چو خلیجانی تزیید ایتدکده ، — مبالغهیه حمل اولنسون  
اما — کیهنک سکوتی آره سنده یورکنک کومبور دیسی  
ایشیدلکده ایدی .

طوپ طوپ کول اغاجلرینک آلتنه دقتله باقسه ، آیری  
آیری بش چفت کوزک کندیسنه قارشى پارلدامقده اولدیغنی  
کورردی .

ماهتابک اعانه سیاه کیجهنک ظلمتی آره سنده نادیدهنک  
چنار اوستنه بروضع دلفریبانه ده یاصلنیشنی والنده طوتدیغنی  
اوفاقق بر غنجه کولی قوقلایشنی کورنجه غشی اولق  
مرتبه سنه کلدی .

نادیده حقیقه کوزلدر . کوزلم ! دیه نلره غبطه رس اوله جق  
درجه ده کوزلدر . سیاه کوزلرینه سیاه ویرمن کرپکلری ،  
یرلرده سورنمه درجه لرینه کلن سیاه صاچلری ، مینی مینی  
الری ایاقلری ، لطیف بیاض کردانی ، طومبول یناقلری ،  
سیاه قاشلری ، پک چوقلری بر خیلی کیجه لر اویقوسوز براقه  
جق درجه ده روح پرور در .

اوفاقق آغزینک پنبه دوداقلرندن اکسیک اولیان تبسم  
شو خانه ، حسننه بشقه بر لطافت بخش ایدر .  
متاسب برونجیزینک کنارلری — مشتهیات نفسانیه سنه  
دال اولق اوزره — آزاقق آچیقجه در .

کیجه نك سکووتی ائناسندم فؤادك ایاق سسلری نادیده یی  
ایقاز ایتدی . فؤاد تایانه کلمشیدی . . . . . ایکینسکده بوغازلرینه  
برشی طیقانمش کبی هیج برلقردی سویله میورلردی . یالکیز  
فؤادك آغزندن :

— نادیده جکم ! کلهسی چیقارق سوکیلینك ایاقلرینه  
قپانیویودی .

## §

فؤادله نادیده نك شو حال سعادتلرینی بر اوکسوروکی  
متعاقب یاطالایان بر سلاح سسی زیروزبر ایتمشیدی .  
قورشون فؤادك اوموزندن صیرتدیسده ینه مئانتنی غائب  
ایتمهرك بلنده کی یتـاغان بچاغی ایله اطرافنی احاطه ایدن بش  
کشی یه مقابله ده بولمغه باشلادی . هر تقدیر بش دقیقه قدر  
مقاومت ایده بیلدیسه یاره سندن آققده اولان قان هر ثانیه ده  
قوتنی تنقیص ایدیوردی .

زووالی فؤاد ! نه اولدیغنی بیلیمهرك کوزلجه باغلنورکن  
برق خاطف کبی امداده یتیشهن اوچ کشی طرفندن قاپلدی  
کتورلدی . . . . . دیکرلریده انلری تعقیب ایچون اوفق قپودن  
کمال سرعتله طیشاری فیرلادیلر . بو وقعه او درجه سرعتله  
جریان ایتمشیدیکه خدمتکارلر اللرنده مشعله ایله هنوز  
کلورلردی .

نادیده بو نا کهظهور باصغیندن طولایی بایلدی . . . چنار  
اوستنه یوارلنیویردی .

کلن خدمتکارلر؛ مهتابک کال لطاقله - بردرجه یه قدر -  
تنویر ایتدیکی خانملرینک آچیق صاحیق وجودندن بشته  
برشی کوره مدیلر .

دنیا ده بو قدر متناسب وجود کور مدکار نمیدر ، ندر ؟  
جمله سی باقه قالدیلر .

برکت ویرسونکه ایچریدن خلایقارده یتیشه رک خانملرینی  
آلدیلر کتوردیلر بونلرده کلمسه ایدی بدبخت نادیده بلکه صباحه -  
قدر بفرجه ده قالور ایدی !

### — ۳ —

قبر ، فؤادک شهره کیتدیکندن طولایی پک زیاده تعجب  
ایتمکده ایدی . نصل تعجب ایتمسونکه فؤادک ال زیاده سو -  
دیکی برشی وارسه اوده : اورمانده قره جهلر ، کییکلر آرقه سنده  
قوشمق ، اوچوروم کنارلرنده ، یوکسک قیاتپهلرنده ، واسع  
چمنزارلرده اوتورورق ملاحظاته طالمق وجناب لم یزک قدرت  
وعظمت الهیه سنه حیرت خوان اولمقدن عبارتدی .

شمدی ایسه او یله دغدغلی بر عمره باشلمشیدیکه بو حالدن  
پک زیاده نفرت ایتدیکنی قبره بلکه بیک کره سویلمشیدی .

باخصوص قنبرك ، فؤادی دوشونمسی ایچون دیگر بر طاق  
سبیلریده وارسهده شمیدیلک حکایه مزه تعاقی یوقدر . فؤاد کیده لی  
اون ایکی کون اولدینی حالد هیسج بر کره چفتا که کلیشنی دوشونجه  
تعجبی بر قاندها آرتقمده ایدی . قنبر دوشونه دوشونه بوایشک ایچنده  
بر سودا مسئله سی اولدیغنه قانع اولمغه باشامشیدی . بوفکر بر کره  
ذهنته کیرنجه - اوغلی کی ! . سومکده اولدینی - عجمی دلیقا -  
نلی یه برشی اولور ملاحظه سیله ترتر تتره مکده ایدی .

آرتق صبر ایده مدیکندن ایرته سی کون ایکی نفر آرقدا -  
شیله برابر علی بکدن اذن آله رق شهره کلدی ،

بیکی لرینی بر خانه باغلدقن صکره عقانجه تبدیل قیافته  
لزوم کوردی . آرقه سندن قوجه مان ارئود فستانی چیقارارق  
برقاچ غروشه تدارک ایتدیکی چوبان اثوابی کیدی . آیاقلرندن  
چارینی چیقارمغه لزوم کورمدی . آرقداشلریده کندیسنه  
تبعیتده قصور ایتدیله . ده ها کلدکلری کون شهری جولانه  
باشلیه رق تکمیل قهوه خانه لری طولاشدیله . بوسعیله  
یورغانلندن بشقه بر فائده بی موجب اولدی هیچ کیمسه فؤادی  
کورمه مشیدی . یاخود کورمشلرده سویلمیورلردی .

خانه عودتلرنده یمکی حاضر بولدقلرندن کوزلجه برصو -  
رتده قارنلرینی طیور دیله اوستنه چبوق و قهوه لرینی سسزجه  
ایچدکن صکره اوچ آرقداش قنوشمغه باشلدیلر .

قنبر — بوگونکی چکدیکمز اذیت بوشنه کیتدی . لکن  
بز آرمقدن واز چکمه ملین فؤادی جمله مز سوز بونکچون  
حیاتمزی بيله فدادن قورقاملی یز ، نه دیرسکمز آرقداشلر ؟  
بسامی ؟

— اوت ، بسا ! یافؤادی بوله جغز یاخود بوخصوصده  
جانمزی فدا ایده جکمز .  
— بندنده آل او قدر !

— آفرین آرقداشلر ! بز بویه ثبات ایدرسه ک امینمه  
فؤادی بوله جغز . لکن نه صورتله بوله جغز ؟ بندده پک ای  
کس دیره میورم . نه دیرسکمز ؟

— بوگون قهوه لری طولاشدق بر فائده می اولدی .  
یارینده کارخانه لری طولاشیرز . اکر فؤادک باشنده بر سودا  
وارایسه مطلقا بونلرک بریسنده قپانمش قالمشدر .

— معاذالله او یله برشی وقوعبولمش ایسه بزم ایچون  
فلاکت حاضرلنمش دیمکدر . او آشفته لرک الندن آدم قورترمق  
قدر کوچ برشی یو قدر .

— خیر بن بوکا اینانه مم . اوتیمز یورکلی دلیقانی بر آشفته نک  
اورغونی اوله مز اکر ایشک ایچنده کوکل مسئله می اولدیغنه  
حکم ایدرسه ک مطلقا ناموسلی بر قزایچون اولمقددر .

— او حالده ایش قولایشمش دیمکدر . اناسندن باباسندن ایستر آلورز .

— خیر ! اکر بویله اولمش ایسه ده زوردر . یاناسی باباسی ویرمز لرسه نه یاپه رز ؟

— تحف سویلیور سک به ! بوبلمزده کی سلاحلر نه کون ایچون طور ییورلر . مادامکه قز ایله اوغلان بر برلرینی سو- یورلر مش انا بابا نه قاریشور ؟ شاید بر سویلیه جکلری وارسه کوره جکلریده واردر . سن نه دیر سک قنبر ؟

بو خطاب اوزرینه دمندنبری طالغین بر حالده محاوره یی دکلین قنبر دیدی که :

— بن نه دیه جکم ؟ الله ویرسونده بویله برشی وقوعبو- لمسون ! چونکه ازدواج دیدکلری شی آنانک بابانک رضاسیله اولمیدر اکر هر قزی ایستدیکنه ویره جک اولسه لر وای کیدی وای ! دنیا نه اولوردی ؟ ! . . . ایشته شممدی یکی یکی بو عادتلر ظهور ایتمه باشلیدیه اورته لق قارمه قاریشق اولدی یا ! بو قدر قانلر نه ایچون دوکیلیور ؟ اک چوغی قادینلر یوزندن دکلیدر . ؟

شممدی فؤادک سودیکی قزک شاید بر نشانیلسی یا خود بر سوکیلیسی وارسه آرمزده قان دوکیله جک دگلی ؟

— دوکیله جک اما مردانه بر صورتده دوکیله جک !

— هر حالده بر قتلدن عبارت دكلى ؟ صكره آنك اقرباسى  
سنى اولديره جككر . سنك چو جقكر وارسه آنلرى اولديره .  
جك اى ! بو ، اى بر شيميدر ؟

— يابر ارلك بر قزى سومشسه نه ياپسون ؟  
— آدم سنده ! عشق و علاقه ديديكك هپ بوشدر .  
انسان مصالارده طويه طويه بر كوزلى كوردى او كاهان عاشق  
اولدم ظن ايدر . ليكن بونلر كده هپسى ينه بوشدر !  
كيم بيلور نه دن طولاييدر كه قنبرك كوزلى يشار مشيدى !..  
لقردى يي قيصه كسمك نيتيله :

— قدسيت نكاح بشقه ! بوبشقه !  
— اى اما بر لر ينى سورلر نكاح ده ايدر لر سه بوكا ديه جكك  
وارمى ؟

— وار قرداشم وار ! بالفرض سن بر قزى سوسهك  
اوده سنى سوسه نكاح ايتسه كز سن ناموسلى برشى آلدم ديه  
راحت ايد بيلور ميسك ؟ اكر ايدر م ظننده ايسهك پك خطا  
ايد بورسك ! صكره سندن بر كوزانه راست كلور سه ايسته  
اميدلر ك محو اوليورر .

بوكا ده سبب هپ شمديكى تربيه لر در ! اوللرى بر چو جق  
والده سنك قوجاغنده ايكن مات ! حميت ! فداكارلق سوزلرينى ،  
وطن شرفلرينى ايشيديردى ! شمدي بونلر ك يرينه عشقه  
دائر كملر ، عاشقلردن كله بر طاقم مکتوبلر قائم اوليور !



شوقوجه شهرده برینی بوله بیلور میسک که برار ککله اوفق  
بیوک برماجراسی اولسون ؟

هرندایسه بونلری براقلم ؛ فؤاد بر آنلی بابالی قزه هوس  
ایتمش اوله من چونکه قهوه نك بریسنده اوتوره جقدی . احتمالکه  
بعضیسنده اوتور مشدرده بزم قیاقتمزه باقهرق برشی سویله -  
مدیلر . شمدی برامیدمزده خارج شهرده کانیسه [\*] محله سنی  
طولاشمقده قالیور . اکر اوراده ده بولنمز ایسه کندیسنک  
پازملرینه وسالاجارینه طمعاً اولدیرمش اولسی لازمکیورکه  
بزمده :

— الله رحمت ایتسون ! دیمکدن بشقه چاره قالیور .

— واه زواللی فؤاد واه ! اکر بو حاله دوشمشسه علی  
بکده پک متأثر اوله جقدر .

— البته ! فؤاددن بشقه کیمی وار ؟

محاوره نك بوندن صکره سی بوش لقردیله منحصر قالدی .  
ذاتاً جمله سنکده اویقوسی کلمش اولدیغندن یتاقلرینه سربیلدیله .  
قنبر حقیقتاً کون کورمش بر آدمدر . علی بکک یاننده  
خدمتکار اولسنه کیم بیلور نه کی برجلوؤ الهی سبب اولمشدر !! .  
چونکه : حالی ، لقردیسی کندیسنک بویله بر موقعه

---

[\*] کارخانه لرك بری .

یا قشمدیغنی جداً کوسترر . آرقداشلری بویله حسلردن بی خبر  
اولدقلرندن سوزلرینی بر حیرت ، بر تقدیر ابلهانه ایله دکه  
مشاردی ! ...

صباحین قالقار ، قالقماز کیجه کی قرارلرینی اجرایه باشدیلر  
ایسه ده بوندنده بر ثمره اقتطاف ایده مدیلر .

ساعت ، اهتزازلی ضربه سیله یدی بی اورمشیدیکه کزه جک  
بر یرلری قالدیغندن کمال مایوسیتله بر قهوه یه اوتوره رق  
دکلنیورلردی .

قنبر — بوندنده مایوس اولدق بن آرتق نه یاپه جغمزی  
شاشیردم .

— بنم عقلمه برشی کلدی ...

— نه ؟ چاق سویله !

— فؤاد البته حیوانی بر خانه باغلمشدر ...

قنبر شدتله فرلایه رق و آرقداشنک لقر دیسنی کسه رک :

— تمام تمام ! هایدی خانلره کیده لم !

اوچ آرقداش خاندن خانه کزیورلردی . هیچ بر یرده

نائل موفقیت اوله مدیار . خانجیلرک اکثریسی بونلرک قیا -

فتلرینه نظراً خیرلی برشی اولدقلرینه ذاهب اوله رق کندیلرینی  
دفع ایدیورلردی .

نهایت یدی دانه خانه کیروب چیققدن صکره سکرنجیسنه ده

داخل اولدیلر . آولی یی سپور مکده اولان براوشاقدن خا .  
نجی نك یوقاری قانده اولدیغنی بالتحقیق یانه چیقدیلر .

قنبر — سلام علیکم اغا !

— وعلیکم السلام . نه ایستورسکیز هله شویله اوطورك  
باقه لم !

— بزم بك ، غایت کوزل برینك آتی ایسته دیکندن سنزك  
خانك شهرته مبنی طوس طوغری بورایه کلدك . اکر اوپله  
برشی وارسه بزه کوسترمکیزی رجا ایدرم . بوایشمزك سزده  
بیته جکنی زیاده سیله امید ایتمکده ایم . چونکه خانجیلریمزك اک  
شهرتلیسی سز اولدیغکیزدن البته . . . .

خانجینك . بوسوزلردن قولتوغی قبارمزق اسکی طور  
عظمتنی ترك ایله ییلشق برطورله دیدیکه :

— اوت ! المده اوچ دانه اوپله کوزل آت وار . فصل  
ایسته یورسکیز ؟

— رنکی آل اوله حق ! آآنی آقیتمه لی ، اوچ ایاغی  
بیاض ، بوی یوکسک اولمی . همده جنس اولمه لی !

— پك اعلا تمام ایستدیککیز کبی ! هایدی اشاغی اینه لمده  
سزه کوستره ایم . ها ! باق اولدن شونیده سویایه یمکه پاره نی

چوقجه ویرمی ! آآلمش یتش لیرادن اشاغی اوله مز !  
— اوصکره کی ایش ! بز برکره آتی کورهم .

خانجی بردفعه دها :

— هایدی بیورك !

دید کردن صکره جمله اشاغی ایندیله . خانجی . بونلری  
تعریف ایتدیکی آنک یاننه کتوره رک بر طاقم دیرلتیلرله مدح  
ایدیوردی . قنبرده بونی دکلیه جک قولاقی وار ؟

کوزلری آخوردی کی تکمیل بیکیرلری معاینه ایدیوردی .  
قنبر فؤادک حیوانی کورنجه منو نیتله کولوب و خانجینک  
بیکیرینی بکندکدن ، یارین کندی بکلرینک کلوب کورمسینه  
قرار ویردکدن صکره فؤادک بیکیرینی کوسترم رک :

— بوکیمک ؟ . — دیدی .

خانجی کندی آتی بکنلمز قورقوسیه :

— واقعا کوزل اما سقر نشانلری وار !

دیه قوص قوجه بریلان سویلدی .

— مرادم بکنمک دکل ، کیمک اولدیغی شویله جه صور-

یویردم .

— بوباییکیر کنج بریسنکدر . بوندن اون اوچ کون اول

خانه کلدی . حالندن وقیافتندن زنکین برشی اولدیغی آکلا-

شیلایوردی برکدری اولدیغیده یوزندن بللی اولیوردی .

قنبر صبرسنزلقله دیدی که :

— نهایت ؟

— او کیجه خنده یاتدی . کندیسنه الکایی براوطهیی آچدم  
سزك اوطه نك یاننده در . حصصینی کلزدن برکون اول المشدم .  
خانه کلور کلز بنی چاغرتدی اوطهیی سپورتدی .

— جانم بونلر بوش لقر دیلر ، هم برمنا ا کلاشیامیور .

— قارنی آچ اولمایدركه هان يمك ایستدی چابوق چیقدم  
قارشیده کی آشجی یه کیتدم ایسه ده دکانده یوقدی . قومشولرندن  
سببنی صوردم . چوجنی بوغازندن حسسته ایمش ! شم دیکی آدملر  
هپ هکیمه دوشدکلرندن ایشته حسسته لقهده بویله چوق  
اولیور . . . . . هی کیدی اسکی دورلر هی ! . . .

— ( حدتله ) بونلرک بکا لزومی یوق چابوق سویله به !

— نهایت بشقه بر آشجی یه کیتدم . تصادفه باقکه فصولیه  
پیازی بتمشیدی . . . . .

قنبر خانجینک زوز کلکلرینه پک زیاده قزیوردی . فؤادک  
اوخانه اینمش اولدیغنی او کرندیکنندن خانک قارشوسنده کی قهوه .  
ده اوتورلر ایسه البته فؤادک خانه کلدیکنی کوره جکلر و آرقه .  
سنه دوشه بیله جکلر ایدی . بومطالعه یه مبنی حدتله آرقداشلارینی  
آلدرق طیشاری چیقماق ایستدی . زوزدهک حریف بویله یاغلی  
برمشتیری نی قاچیرمق قورقوسیه هان اوکلرینه کچهرک — کندی  
زعمنجه — پک زیاده اختصارله سویلمکه باشلادی :

— الحاصل اقدم یمکی یدی ، قالدی ، اللریخی ییقادی ،  
چیقدی کیتدی .

— اوف ! انسانی باطله ته جقسک یا هو !

— کیتدی اقدم تمام یدی کون کلدی ...

قبر کندی کندیسنه : — مطلقا محو اولمشدر . دیه  
سویلنیوردی .

— بنده آرتق بیقمش ایدم . لیکن بیکیرلرینه ، پاره

آلمیه جغمی بیلدیکم حالده ینه آریه ایله برابر اوتده ویرردم .

— صکره ؟

— امان آغا جغم ، بوندن چابوق اولور می ؟ برده نه باقهیم

کلیویر مسونمی ؟

— ای ! !

— یا !! ایشته بنده سزک قدر شاشمشیدم . اوطه نی بشقه .

سنه ویرمدیکم ایچون نقدر سوزندم .

— بیتدی می ؟

— اوت ، اما شی ....

— نه اولدی ؟ .

— چوق غلبه لقدیده شمدی اوطه سنی بشقه سنه ویردم .

— کیمه ویررسه ک ویر ! ممنون اولدم . یارین انشاالله

بزم بك ایله کلمده آتی بکنیرسه آلورز .

— بکنه جکنه هیچ شههم یوق . بردانه سی دها دنیاده  
بولمز !

— دعالر [ \* ]

— سلامتله !

قنبر قوردینی بوتدیر ایله خانلری طولاشمش وایشته بوراده ده  
نائل موفقیت اولمشر .

قارلرینی کوزلجه طیوروب خانك قارشیسینده کی قهوه به  
کیردکاری وقت ساعت اون ایکی بی آزاجق کچمشیدی . قهوه لرینی  
ایچر ایچمز فوآدك یوقاریدن طوغری کککده اولدینگی کوردیلر :  
کوزلری سرشك سعادته طولمشیدی . خاندن مسعود اولدینگی  
آپ آشکار کورینیوردی . قنبر بونی پك کوزل اکلادی .

فوآد خانه کیردی . بونلرده قارشیسینده کی قهوه ده بکلیر-  
لردی . کیجه ساعت برده فوآد چیقدی . بونلرده آرقه سندن !  
فوآد متعدد قهوه لره کیردی بونلرده قهوه ده بکلدیلر . بویله  
برخیلی طولاشدیلر . ساعت آتی به ککشیدی که قنبرورفتاسنك  
صبرلری آرتق توکنمك راده سنده ایدی . فوآد نادیده نك اوینه  
طوغری یوریمکه باشلادی ، اوفق قپودن ایچری کیردی .  
بونلرده تالاشسندن قپامسنی اونتدینگی قپودن کیرهك یوقاریده

[ \* ] الله اعمارلق مقامنده استعمال ایدرلر .



کوردیکمز وجهله فوادی قورتاردیلر ، کمال سرعتله خانه طوغری کتوردیلر . آرقه سندن کلان آدملر نه طرفه کتد . کارینی کوره مدکارندن کمال امنیتله خانه واصل اولدیلر .

فوادی بوبله مجروح کورن خانجی یاغرمیه باشلادیسه ده قنبرک اومهیپ چهره سنک دهشتنی برقا تدها تزیید ایدن برطور تندی بی کورر کورمز سـکـوته مجبور اولمشیدی . مجروحی اعتنا ایله یوقاری چیقاردیلر و خانجینک علی العجله تدارک ایتدیکی یتاغه یاتیردیلر .

قنبر محاربهلرده وسائر یرلرده برپارچه جراحلق اوکرنمش اولدیغندن — سرک فاش اولماسی ایچون — فواده کندیسنک باقسینی درعهده ایلدی . ذاتایاره اهمیتلی اولیوب یالکیزقان زیاده جه آقش اولدیغندن فوادی کندی غائب ایتمشیدی ، یتاغه یاتردقدن صکره اثوابلرینی چیقاردیلر . اوموزنده کی یاردنی ایاییق صو ایله قنبر کوزلجه ییقادی بعده آرقداشک بریسنی یوللایه رق چرچی [\*\*] دن آلدیردیغی برطاقم اجزالرله مرهم یاپوب کوزلجه باغلدی ؛ خانجی یاده یارین صباح ایچون قوتلی برات صوییه چوربا و کولبا صدی پیشیرمسنی تنیه ایلدی . بونلرده اجرا ایدلد کد صکره اوچ آرقداش مکمل براویقو چکدیلر . . . . .

---

[\*\*] آفطار ( عطار )

صباحین قالقد قدن و کیفلریخی دوزدکن صکره خسته نک اطرافه  
 دیزلدیلر . بوسره ده خانجی ده اونده پیشرتدیکی چوربا ایله کند-  
 یسنگ یاپدیغی کولباصدیلری، کتیرمش وفوآدده کوزلریخی آچش  
 اولدیغندن قنبرك معاونتیه یتاغی ایچنده طوغریله رق برپارچه  
 کولباصدیله برقاق قاشیق چوربا یدی . برقاق کره لقردی سو-  
 یامکه طاوران دیسه ده قنبرك مخالفتی اوزرینه سکوته مجبور اولمش  
 وبرچاریک صکره ده اویقویه طالمشیدی .

قنبر کمال دقتله خسته سنه باقتمده ایدی . فؤادک آلنده حاصل  
 اولان ترلری الیه سیله رک آرقداشلرینه دیدیکه :

— مژده آرقداشلر ! ایکی کونه وارمن خسته من اینی  
 اولور .

— الحمد لله ، که ایرکن یتشدک !. آزاجق کچ قالمش اولسه  
 ایدک آرقداشمزک اولوسندن بشقه برشی بوله میه جقدق .  
 — پک طوغری !

— خیر ، بن : فؤادی اولدرمز لردی ظن ایدرم . اولد-  
 ره جک اولسه ایدیلر باغله مغه لزوم کورمز دیلر .  
 — اوحالده نیچون قورشونله اوردیلر .

— بن هیچ برشی اکلایه میورم .

— بنده اویله ! عیبا فؤاد اورایه نیچون کیتدی ؟

— بونده اكلاشمیه جق نه وار ؟ كیتدیكى قوناغك كیمك

اولدیغنی بیلورمیسك ؟

— های های !

— پك اعلا ، قوناغك كیمك اولدیغنی بیئدیكك حالد

فؤادك اورایه كیتدیكنی البت اكلارسك !

— طوغریسنی ایسترسك ، اكلادمسه عرب اولهیم !

— اوله ایسه دكله ده اكل ! او قوناقد

نادیده خانم اسمنده  
غایت کوزل برقیز وار .

— دیمك اولیوركه فؤاد ...

— اوت ایشته او قیزه عاشق دها طوغریسی هوسكار

اولمشدر . كندیسنی تعیب ایدم طوغریسی یا نادیده خانم کی  
شهر مزده یوقدر .

— پك اعلا بونلر بر برینه عاشق اولمشلر ! اوتکی حر -

یفلرك اوراده نه ایشی واردی ؟ فؤاددن نه ایستورلردی ؟

طیشاریدن کیردیله دیسهك او قوجه دیواری آشمه لری لازمکلیر، که  
بوده پك کوچدر .

— نیچون کوچ اولسون ؟ قپو دینده او قوجه اغاجی کور -

مدکی ؟ برکله طیشارودن دیواره چیققدن صکره ایچری

کیرمك هیچ برشی دکلدر .

— بوبراز عقله اوزاق ! قوناغك خدمتكارلری دیسهك  
اوراده بولناملری ، ایشدن خبردار اولاملری لازمكاردی . . .

— خیر ، خیر خدمتكارلر دكل ایدیلر چونكه بز فوادی  
قاجیررکن اوزاقدن کورلتیلرینی ایشتم . . .

— طیشاریدن گله دكل ، اوشاقلردن دكل ، یا کیمدیله !  
— اگلاشامز انتریغه !

— کوردیکز می آرقداش-لر ؟ ایشته سزه دون کیجهکی  
سویلدیکم سوزلرک بردلیل علنیسی . . .

— ای بوقیز اناسندن کوردیده می یاپور ؟

— ینه باشایجه سبیده اناسیدر . اولك ایچنده بویله حاللر  
وقوعبولورده بروالدنك خبردار اولماسی قابامیدر ؟ برچوجنك  
ایتدیکی حشریانی والدهسی بهممه حال طویار . یاقیزینی اوناند-  
رمامق (!) ایچون سسنی چیقارمز ، یاخود نه اولورمش آزاجق  
اکلنیویرسون اونی بزده یاپدق ! . . . دیهرک کوزینی یومار !  
آرتق یومامامق درجهسنه کلورسده کچمش اوله !

بربو دورلوسی واردر . برده غایت اختیار اولوبده ، ایشته  
بومحبوبه ، عشقیله پریشان خاطر اولدیغکز بوقیز ، بنمدر !  
مقامنده کوزلرینی قپار . قپار اما نهایتنده محجوبیتدن بشقه  
رشنی حاصل اولمز .

— چوق طوغری ! دیمك كه اك زیاده والدهلرده قباح  
وار ؟

— نه شبهه ! شمندی نادیدهنی مثال طوتهلم . بوندن طوغه .  
جق چوجق طبیعی کندیمی کی اوله جقدر . والده سنك  
ایتدیکی حو پالنی مطابقا اوكرنه جك واوزینه شاید چوجقه  
دوشرسه ، « سنك یاپدیغه نسبتله بن هیچ برشی یایمورم »  
دیویره جقدر .

— اما یاندك ها ؟

— اوت ، سویلدیكم سوزلر پك طوغریدر . هپسینی پك  
آجی تجربه لرم بكا برر برر اوكرتمشدر ! آه یارب ! . . .  
اكر دها زیاده ترسلرسه : آغلامغه ، خسته ( ! ) اولمغه  
باشایه جقدر . بونك اوزرینه والده سیده « قیزم اوزلمسون ! . »  
دیه سس چیمار مامغه باشلر . ایش آزدقجه آزار نهایت ! . .  
— بوكا هیچ چاره یوقیدر ؟

— دنیاده چاره سز شی اولورمی ؟ بوخصوصده والدهلر  
هیچ مسامحه ایتمه مایدرلر . بونی ظلم درجه سنهده وار دیرما .  
مایدرلر . برقادینك سوسلنمسی نه دینا وندهده قانوناً ممنوعدر .  
اه ! شمدیکی زمانی کوردکی ؟ ایشته هرشیئی بر باد ایدن  
بودریا ! هانی اووزون اتکلی انتاریلر ؟ طپوقلره قدر صا .  
چلر ؟ حقیقی سیالار نردهده ؟ جناب حقمک یراتمش اولدینی

برسیای بکنمیه رک تبدیله قیام ایدیورلر . نه بیوک خطا ! ...  
 بویله لرینک یوزینه باق نقدر صغوق بر حال کسب ایتدیکنی  
 کوررسک ! سبی ؟ قانون طبیعت ، قانون الهیه مخالفندن !  
 قنبرک حالی بتون بتون دکشمش ایدی . طورنده اسکی  
 حال هیچ قالمش ایدی ، مالک اولدینی — وطن محبتله ملو  
 قای — غایانه کش واون ایکی سنه دنبریدر محافظه ایده بیلدیکی  
 اسرار درونیه سنی فاش ایتسنه رمق قالمشیدی .  
 ایشته بویولدهکی محاوردلرینی اقشامه قدر اوزاتدیلمده  
 فرقنده بیلله اولدیلمده .

فؤاد اقشامه قدر بایغین بر حالد ایتدی . بویاتیشنه یاردمندن  
 زیاده مادی و معنوی یورغلانک سبب اوله جنی بدیهیدر .  
 اوکیجه هیچ بر حادته وقوع بولمقسزین مرور ایتدی . یرته سی  
 کون فؤاد بیاغی ایلمشمش وقنبرده کندیسنه لقردی ایچون اذن  
 ویرمشیدی :

فؤاد — آه بنم صادق ارقداشلم ! اکر ازاجق دها  
 امدادمه یتشمیه ایدیکنر عجبا حالم نه اولوردی ؟ سزه حیاتی  
 بورجلی اولدیغمدن نقدر تشکر ایتسه مینه آذرر .  
 — تشکره فلان هیچ حاجت یوقدر . مادامکه سن بزم  
 ارقداشمزسک سنی ارایوب قورتارمق وظیفه مندی . اویله دکلکی  
 قنبر ؟

— البتہ ! فؤاد ! سن اون بش کون اولیسنه کلنجہ یہ  
 قدر غلبہ لقندن متنفر اوله رق قوجه بر مردمکریز ایدک نصل  
 اولدیده بومدت ظرفندہ کویہ ، چفتلکہ هیچ اوغرامدک ؟  
 علی بک پک زیادہ مراق ایتدی بزیدہ سنی آرامق ایچون  
 کوندردی . آرامدیغمزیر ، کیرمدیکمز محل قالمدی نرہدہ ایدک ؟  
 — نصل سـویلیہیم آرقداشـلر ؟ چفتلک ایشی ایچون  
 شہرہ کلدی کمی بیایر سـکـز . ایشمی بیتردکدن صکرہ سوقاقدہ  
 طولاشرکن براوک پنجرہ سـنـدہ بر قیز کوردم . غایت کوزل  
 اولدیغندن کندیسنی سودم ...

— اوت ، صکرہ !

— قارشیسندہ کی سـوتجی دکانہ کیردم . سـودلرینک  
 ایوانکندن بحث ایدرک حریفی سویلتم ...  
 سندہ بیایر سـک کہ شہردن خوشلانم لیکن پدرم اذن ویر -  
 دکدن صکرہ اشیامی بورایہ براقہ رق طوغریجہ سوتجی دکانہ  
 کیتدم واورادہ اقامتہ باشلدم ...

— قیزی بزدها کورمک ایچون دکی ؟

— اولہ یا ! هرکون دیوار دیندہ طورارق مداومتدہ  
 قصور ایتدم . نہایت برکون آرقہ سوقاقدہ طوررکن اورادہ کی  
 اوفق قبو آچلدی بکا بر مکتوب آتدیلر . بندہ ایرتہ سی کیجہ  
 قالقدم کیتدم ...



— سکا هجوم ایدن جریفلر کیمدی ؟

— اولجه کندیلرینی اصلا کورمه مشیدم . . .

— هیچ دوشمانک وارمی ؟

— تحف سویایورسک به قنبر ! نه بیله ییم بن ؟ . او مردانه

دوشمانلق اولدن ایتمش ! . . . شمدی برطاش ارقه سنده کیزلنوب  
انسانه قورشون آترلرده خبری بیله اولمز .

— بو حالد س-ن کندینی محافظه ایتمایسک . مادامکه

دشمنلرک مرددکلر لر بو حالد س-نکده هر وقت کندینی صاقمه قلاغک  
لازمدر ! یارین یتاقدن قالمغه اذن ویررم . طوغریجه  
چفتلکه کیدرزینه ایشکله مشغول اولورسک بردهاده یالکیزجه  
برییره کیتمزسک !

— خیر ، بونی هیچ بروقت قبول ایدم . دشمنلرم

ایستدکاری قدر الحقیجه س-نه معامله ایتسونلر بنینه آنلردن  
قورقم وقورقغیده ناموسمه یدیرم .

قنبر ، فؤادی عزمنندن دوندرمکک قولای اولمیدینی

بیلدیکندن کندیس-نی هر زمان تعقیب اتمکه قرار ویروب

فؤاده هیچ برشی سزدرم-دی . ایرته سی **کون** فؤاد

یتاغندن قالقوب کینه رک همان کیتمک طورینی کوس-ترنجه

قنبر دیدیکه :

— نردیه کید یورسک ؟

-- هیچ !!!

— فصل هیچ ؟ دنیاده سببسز برشی اولورمی ؟

— جانم آزاجق طیشاری یه حقیقه جغم ، شمدی کلیرم .

— فؤاد ؟ سنک کوستردیکک بو حال آرقداشلاغمه مغایر در .

بز سنی محافظه ایتمکه چالیش یورز حالبوکه - ن سرنی بزدن  
کیزلیورسک . یوقسه بزه امنیت ایت یورمیسک ؟

— قنبرک حق وار ! کیده جکک یری بزدن یچون کیز -

لیورسک ؟

— جانم ، کیده جکم یر نادیده جکک بولندیغی قوناقدیر .

— عجایب ! نه ایچون کیده جکسک ؟

— ایاقلرینه یوزمی کوزمی سورمک ایچون ! ...

— ( کوله رک ) سن عادنا دیوانه اولمغه باشدک ، کیدوبده ؛

« نادیده ! باق بن سنک ایچون قورشونله اورلدم . آرتق بنم

منتهم آلتنده قاله جقسک » می دبه جکسک ؟ بونک مردلکه هیچ

یا قشمدیغنی بندن انی بیلورسک .

— یا نه یابهیم ؟ هیچ کیتیمه جک اولور ایسه قورقاقلغمه

حمل ایتزمی ؟

— خیر ، خیر بن سنی کوندریم . بو حالنک تقدیر مذموم

اولدیغی میدانددر . هم دینمزه مغایر همده مردلکه مخالفدر .

— المده دکل ! سویورم !

— آدم سنده!.. او شیدظن ایتدیکک سودا، اورمانلرده،  
بایرلرده کزدکجه، زمان مرور ایتدیکجه محو اولور! هایدی  
آرقداشلر خانجی یه سویلیک کزده بیکیک لرمزی حاضرلسون!

— ۴ —

نادر بک مملکتک معتبرانندن اوتوز یدی — اوتوز  
سکز یاشنده برذاتدر • بوده نادیدنک حسننه اسیر اولمش  
عشقزدکاندن بری وبلکه برنجیسی در • نادیدنی دفعاتله ایسته-  
مش ایسهده کزک قیز وکرک والدهسی طرفندن کمال نفرتله  
رد اولمشیدی — که بوکاده بوایکی فامیلیا آرسنده اسکیدنبری  
حکم سورن برعداوت سبب اولمشیدی — واقعا مومی الیهمانک  
نادر بکک نفسی حقنده هیج برعداوتلری یوق ایدیهده بریسنک  
پدری ودیگرینک زوجی اولان ذات طرفندن بو فامیلیانک  
کندیارینه پک بیوک فنالق ایتمش اولدیغنی بیک کوره  
ایشتمشاردی • نادر بک برقاچ کوره رد اولنجه انتقام آلمی  
تصمیم ایدرک — فؤادک نادیده ملازمتی خبر آلمش اولد-  
یغندن — ایبوشی فؤادک حرکاتی کوزتله مکه مأمور ایتمشیدی •  
ایبوش ایله قوردقلری پلان : فؤادله نادیده یی قنوشورکن

باسحق : اوشاقلرك كى وفؤادك مدافعه ايدمه مەسى ايجون ده  
 سلاح آتمق : بو وجهله اوشاقلر كلكدن صكره بو ايشك ميدانه  
 چيقماسى ايجون انا ، قىز طرفندن نادره رجا اولمق و بو  
 سببله نادىدى و والدهنى الى آلتىده طوتىرق انلرى ايستى .  
 يكي زمان ترزىل ايتىمىكن عبارتدى .

نادر بكك پدرى ثروتى سؤاستعمال ايدرك حين وفاتىده  
 اوغلنه پاره ! نامنه هيچ برشى براقامشىدى . يالكىز رهين  
 آلتىده بيوك برچفتلك وار ايدىسه ده پاره بولوب آنى قورتارمق  
 حقيقتاً مشكل ايدى .

نادر بك بو حاللرى دوشنوركن برىسى كلهرك كىندىسنه  
 برتكايفده بولمىسه جغنى سويلش و نادر بككه : نادر ؟ دىنجى  
 بر طاقلىق دىلر اكلاتمىشدر پدرىنك وفاتى متعاقب هيچ برىسى  
 اولمىدىنى حالده بر آى مرورنده مذكور چفتلك رهيندن  
 قورتارلدىنى كى ايجده نقداً پارهسى موجود ايدى . بوكاده  
 سبب اولمق اوزره پدرندن قالمىسه محزنده پاره بولدىنى (!)  
 كوسترلمىشدر . ليكن حقيقت حال بوندىن عبارت دكل ايدى .  
 ايشك طوغرىسى : نادر بك الى التىده بر حيدود چتهسى  
 بولمىرمغه باشلامشىدى .

حال ياسىنده كىندىسى تسايه (۱) ايدن او آدمه عقد شركت  
 ايتىش يعنى — چته ، حكومت طرفندن طوتلدىنى حالده آللرى

مدافعه ایدم جگنی تعهد ایتمش و بویله جه قازانیلان پارملرک  
نصفی آلمغه باشلمشدر .

نادر بکک سنی دها هنوز یکرمی ایکی ایکن طبیعتده  
مرکوز اولان دنات کندیسنی اک مدهش جایلر درکسهنه  
تزیل ایتمشدر .

بر ایکی سینه بو حالدو دوام ایتمشده شریکنک طور  
آمرانه سندن مغبر اولدیغندن آندن قورتلمق ایچون بر چاره  
آرمغه باشلمشیدی زمان ، بوفرستی عقد شرکترلرندن اوچ  
سینه صکره میدانه کتیردی . چته نک رئیس ایبوشله بالاتفاق  
شریکنی اولدرتدی .

لکن جانی ، طوتیلدیغندن میدان سیاسته ارسال اولنجه  
نادر بک خیلی تلاش ایتدی . چونکه ایبوشدن ، کندیسنی  
قورتارمادیغنی حالدو تکمیل اسراری فاش ایدم جکنه دأرتهدات  
کلیوردی . نادر بکده جواب اولمق اوزره هیچ تلاش ایتمه رک  
صوک دقیقه یه قدر امیدنی قطع ایتمه سنی و کندیسنی جلادک  
الندن قورتارم جغنی سویلمشده هیج بر تشبده بولنامش  
و شریک جنایتک وجودی میداندن قالدیه جغنی جهتله منون  
اولمشیدی . لکن بوسفر طالع کندیسنه مساعده ایتدی ایبوش  
هربرامیدک خلافته اوله رق قورتلدی :

ایبوش ، نادر بکدن کلان خبرلره اینامش ایدیسه ده شاید

قورتالمقده دوچار تاخر اولورم . مطالعه سیله بوغازینه ماصوره  
کچیرمش وصاب اولندقدن صکرده جزئیجه تنفس ایتمکی دائره  
امکانه سوقشیدی .

ایبوش ساعت اونده صلب اولندی . آقشام اذانی مرور  
ایتدیکی حالا قورتارمغه کیمسه نك کلیشی ایبوشك شبهه سی  
موجب اولیوردی .

کندیسیده آرتق تنفس ایدمه مه مکّه باشلمش ایدی بوغازینی  
صیقّمقده اولان ایپده نرده ایسه حیاته خاتمه چکه جکدی .  
ایبوش ساعت بره قدر کندیسنی غائب ایتمه مش ایدی .  
لکن آندن صکره آرتق اولومك یاقلش-دیغنی حس ایتمش  
وکنبدنی غیب ایتمش ایدی .

قدائف محبتی [\*] ایچون طویلانمش اولان بر جمعیت-ده  
برادعا میدان چیقدی . بوده : او کونکی آسیلان مجرمی —  
شمدی یه قدر اولمش اوله جغندن — کیم کیدوبده قورتاره جق  
یعنی — ایی کسدرک اولونی جمعیت کتیره جکدی .  
بو ادعایه هرکس تعجب-ده قالدی . چونکه افکارلرنجه

---

[\*] استانبولک حلوا محبتی کبیر . قیش کیمه لری دلیقانلیلر  
طویلاندرق قدائف پیشیرلر . ساعت کیمه آنتیبه یدی یه قدر دورلو  
دورلو اوبونلرله مشغول اولندقدن صکره طاغیله حقلری وقت قدائفی  
یرلر .

اولونك كولو كسي [°] چي قمش اولوب آسيلمى يردە  
باغيره جقدى .

ليكن ايجارنده بولان بر حويپا بك المى ليرا وعد ايدنجە  
ايجارندن بريسي پارميه طيانه ميه رق اولوي ايپدن اينديرمكى  
تعهد ايتدى .

ايبوش هر نقدر بايغين بر حالدە ايديسده ايبك كسلى  
و كنديسنك يره سقو طى ائناسنده عقتى باشنه طوپا زيرق همان  
فراره باشلى .

بچاره ادعاجى ايسه اولونك جانلنديغى كورمك محو  
اوليوردي . يعنى اولديغى يره ييروح اوله رق دوشيوردي .  
ايبوش بوتخايصى نادر بك طرفندن بيليوردي . ليكن  
نادر بك كنديسنى كوردىكى وقت كوستردىكى طور حيرت .  
اظهار ايتدىكى صداى تعجب ايپوشك فكرينى تنوير ايتدى .  
وبوندن ضولاييده بر فكري استقام بسلمكه باشلى .

ايبوش خاققا پك ذكيدر . ليكن ذكاوتى حسن استعمال  
ايتيوردي . . نادر بك عهده سنه توديع ايتدىكى وظيفه نى كل  
صداقتله . . . . . ايضا ايتمش وبرقاج دانه زنكيزلارك چوجقاريني  
قهرق واديندن بيگر ليرا آلدقن صكره صاليويرمش  
وبو وجهله هم كندى قزانيه لان پارملردن يوزده يكرميسنى

[°] برآدمت اوند برنديكى محمله كيجدلىرى و آدمت خيلى كوريند .  
جكى حقنده بر فكري باطلدر .



الهرق — استفاده سنی کوزتمش و همده ولی نعمتی ! . .  
 مستفید ایتمشدر . آرده صروده بر کره کاربان صویدقلری  
 اولورسده تهلکهلی اولدیفی جهته اون ایکی سینه ظرفنده ،  
 یعنی حکایه مزک یوم جریانه قدر اوج — درت دفعه بو فعل  
 مکروهه جرأت ایتشلردی .

ایبوش ، حیدودلر رئیس محسن ایله قرارلشدردقلری  
 ایشی نادر بکه اکلایوب : پک اعلا ! جوانی آلدقن صکره  
 ینه رفقای ماعتک یانلرینه کتدی . ایرته سی آقشامی بیک  
 صبرسزقله بکلدی . نهایت کیجه درت بچق راده لرنده یانه  
 درت کشی آلهرق کمال احترازاله مغارهدن چیقدی . « الخائن  
 خائف » امرنجه شهرک آرقه و تنها سوقاقلرندن طولاشهرق  
 نادیده نک اوینه واصل اولدیلر .

کوندوزدن بریسنی کشفه کوندردکلری جهتهله قیونک  
 یاننده کی آغاجدن اشاغی اینمکی قرارلشدرمشلردی .  
 برلکده کتیرمش اولدقلری بیوک چیویلری دیوارک  
 قوشاقلرینه صوقهرق برر برر یوقاری چیقدیلر . . . آغاجدن  
 آشاغی قورقه قورقه ایندیلر . . . قردها طلوع ایتمه مش اولدیغندن  
 بونلرک بوحرکت خائنه لرینی کیمسه کورمیوردی . هپسی  
 آغاجک دینده طوبلانقلری وقت ابتدا اطرافی دکدیلر . . .  
 کیمسه کندیلرینی کورمه مشیدی . . .

ایچلرندن قیصیق سسلی بریسی یواشجه دیدیکه :

— نه طرفه کیده جکز ؟

— شو طرفه طوغری ، هایدی باقیم کورائی ایتیک ،

یواش یواش یورمیلی !

آغاچلر آرقه سنه ، لیون صاقسیلرینک آرقه سنه صاقلنه رق  
کورلیسزجه مختلف یولاردن یوریمکه باشلایلر . . . حوض  
یاننده تکرار برلشایلر . .

ایبوش قیصیق سسلویه خطاباً :

— سن شوراده کول دینده طور ! دیکرینه خطاباً :

— سنده شو طرفه طوره جقسک . بن اوکسوردیکم  
وقت فؤاده سلاحکی بوشالته جقسک اما اولدیرمه مکه غیرت  
ایتمیسنک اکلادمکی ؟

ایبوش بونلری تنیه ایتدکن صکره دیکرلرینه دیدیکه :

— سزده وظیفه کزی بیلورسکز !

— اوت بیایورز .

— سن اوکسوردیکک وقت بنده آتش ایده جکم .

معاون ایبوش هپسینی بریره کیزلدی . نهایت کندیسیده  
برطوپ آغاچک آرقه سنه کیزلندی .

نادیده نك او طه سنده کی ساعت بش بچنی چالیوردی . . .

یازم ساعت مرور ایتدی . بوسرده حاصل اولان آیاق  
پاظریتی نادیده نك ورودینی اعلان ایتدکه ایدی . نادیده

ابتدا حوض باشنه کلدیکنندن ، « عجبا بشقه یرمه می کیده جک ! »  
 دیه ایبوش خیلی تلاش ایتدیسده نادیدهنک کنیدی طرفلرینه  
 طوغری کلدیکنی کورنجه تلاشنی تسکین ایده بیادی . جمله سی  
 طیولما مق ایچون همان نفس بیله آلامغه باشلدیلر .

نادیده ، بر جانینک مختفی اولدینی کول اغاجندن بر کول  
 قوباردینی وقت آتنده کی حریفک ، کوریه جکم ! قورقوسیه  
 اودی قویق راده سنه ککشیدی . ساده اونکمی یا ؟!

فؤاد کلدی . پلان ، ماهرانه بر صورتده موقع اجراییه  
 قونیلدیسده یوقاریده کوردیکمز وجهله قنبر ورفقاسنک ایشه  
 مداخله لری مناسبیله موفقیت پذیر اوله مدی . . .

فؤادی اللرنندن قایدردقلرندن صکره بو بش جانی قراری  
 فراره تبدیل ایتدیلر . اگر قنبر قپویی قپامش اولسه ایدی  
 اغاجدن چیقماق مجبوریتده بولنه جقلاری جهتله مطلقا بری  
 یاخود ایکسی اوشاقلر طرفندن طوتیه جقدی .

طیشاری چیققدن صکره ایبوش رفقای خباتنی مغاره یه  
 کوندردی کندیسیده نادر بکه خبر ویرمه کیتدی .

قوناغه کیدر کیتمز ، خبر بکله یوب حالا او یوماش اولان  
 نادر بکک یاننه در حال کوتورلدی .

نادر بک ، ایبوشک حاله دقت ایتیمه رک و موفق اولدقلرینه  
 حکم ایدرک دیدیکه :

— بیلیرم ، که مژده آلمق ایچون کلدک . نه خبر ؟

ایبوشک جواب ویرمیوب یرم باقدیغنی کورنجه :

— نه او ؟ مغموم طور ییورسک ؟

— نصل طور میم آ بکم ! بو قدر اذیت چکدیکمز حالد

موفق اوله مدق .

نادر بک هرامیدینک خارجنده اوله رق بویله بر خبر  
ایشیدنجه استغرابله دیدیکه :

— نچون موفق اوله مدیکز ؟ یوقسه هر شیئی مکمل

اجرا ایتدیکزمی ؟

— ایتمز اولور میز آ بکم ! شمدی یه قدر بکا اجرا ایتد

یرمش اولدیغکز ایشلرده . . . . . هیچ بر تدیر سنزلیکم  
کورلدیمی ؟ ..

— اورالزینی قیا ! ای ، صکره ؟

— ایشه شیطان قارشدی .

— آدم سنده ! او یله شیرله بن اینانمدیغ کبی سنده

اینانمزسک . شونک نه اولدیغنی اکلانده دکلیه لم .

— قوردیغمز تدیر موجبنجه حرکت ایتدک یعنی —

دیواردن آشدق یواشجه ایچری یه کیردک . . . . .

— تمام ! کورلدیککزه امینسک یا ؟

— اوت اقدم ، حوض باشنده کی طوپ طوپ کولار ،  
 اوفق اغاچلر آرقه سنده هیمز کیزلندك ....

— بوده ای ، صکره ؟

— اوتوره اوتوره جانمز صیقماغه باشدی . صکره بر  
 آباق پاطر دیسی ظهور ایتدی . بوندند نادیده نك کلدیکی  
 اکلادم ابتدا بزم یانمز کلدیکندن ایچه قور قدم ایسه ده صکره  
 نیچون کلدیکی اکلایه رق مستریج اولدم .

— دیمك كه مکتوبده تعیین اولنان یرم کلدکاری ایچون  
 موفق اوله مدیکز ؟

— خیر بکم ، نادیده ابتدا فؤاده قیوی آچمه کیتمش .  
 بونیبده بز دیواردن آشارکن قپونك قپانق اولدیغندن  
 اکلادم ....

— وای قبه وای !

ایبوش لقر دیسنی کسمیه رك :

— قیوی آچدقندن صکره یانمز کلدی . ها ! باقك  
 تحف برشیده اولدی .

— نصل ؟

— نادیده یانمز کلوركن آرقداشلردن بر یسنك  
 صاقلنمش اولدیغی کولدن بر کول قویارمسونمی ؟ کوریلورز  
 دیه خیلی قور قدم ....

— ایچم صیقیلیور ، چابوق سویله !

— نهایت فؤادده کلدی . بورایه قدر ایش-مز یولنده  
کیدوردی ... آتش ایتدک فؤادک اوموزندن خفیفجه  
اورلدیغنی کوردیکم کبی نادیده نکده بر « آی ! » صداسی  
چیقارارق بایلدیغنی طویدم .

— بورایه قدر هپسی یولنده !

— تمام فؤادی باغلاکن طوپ آغزندن چیقان کولله  
کبی اوچمی ایدی درت می ایدی حاصلی ایجه فرق ایده مدیکم  
برقاج آدم ظهور ایتدی فؤادی قابدقلری کبی قاجیردیله .  
— توه الله بلاسنی ویرسون !

. — همد یوز بیک کره ! اوزاقدنده اوشا فلرک سسی  
ایشیدلدیکندن بزده مجبوری قاجدق ....  
— اوتانمدهن سویلیورسک ها ! بش کشی ایکن حیوان  
کبی طور دیکیز دکلی ؟

— نه یاهلم بکم ، هپمزه بر شاشغیناق کلدی . هیچ اوילה  
کیسه نك کله جکنی مأمول ایتدیکمزدن طونه قالدق  
نادر بک ، حدتی بر پارچه تسکین اولدقدن صکره دیدیکه :  
— ایبوش ، اکر شمدی یه قدر بکا صادقانه خدمت  
ایتمهش اولسه اندک سنی شمدی تپه لردم . شمدی سنی ، بر

بیوک ایش کورر سهك عفو ایدم جكم . بونكه برابر  
پایده ویرمیه جكم ها !

— نصل امر ایدر سهكز او یله اولسون بكم !

— پك اعلا . كلنلرك كیم اولدیغنی طانیه بیلدكمی ؟

— طانیه مدم ایسه ده فؤادك دوستلرندن بشقه کیم اوله

بیلور ؟

— اینانم چونكه فؤاد بویله بر سرینی طبیعی کیمسه یه

سویلیه مز . بونكه چون کندیسنی قورتارانلر دوستلری اوله مز .

— دشمنلریده هیچ دکلر . هیچ کاوبده فؤادی بزم

المزدن قورتارمق کبی بر لطفده بولورلرمی ؟

— خیر ، بشقه بر اینتریقهلری ایچون بزم المزدن

قامشلردر . احتمالکه نادیدهك دیگر عاشقلیدرده ایشی خبر

آلهرق انتقام ایچون آرقه سنه دوشمشلردر .

— بوده اوله مز . بن : کیجه بووقت نیچون سواققه

چیقدیغنی اکلامق اوزره آرقه سنه دوشمش دوستلریدر

دیرم .

— هر نه ایسه ؛ بونی کوزلجه تحقیق ایتلی ، همده انتقامنی

آملی ! هایدی کیتده بنده براز او یویهیم !



نادیده بی قابوب ایچری کتورمش اولان خایقلر کندیسنی  
 طوغریجه یتاغنه یاتردقد نصکره خانم افندی به خبر ویردیله، که  
 — اویقوسی پک آغر اولدیغندن — اوده کی کورلتیلری حالا  
 طویماشیدی! ..

ایشی اکلار آکلامز علی العجله سوکیلی قزینک او طه سنه  
 قوشدی . نادیده حالا باغین اوله رق یانیوردی . یون توتسیسی  
 ویردیله، لیون قوقلاتدیله، صو سیریدیله . کوچ حال ایله  
 کندیسه کله بیلدی . والدسی قزینک النی الله آله رق یوزینه  
 باقیوردی . نادیده نک، اوشاهانه کوزلرینی اچدیغنی کورنجه  
 دیدیکه :

— نادیده ، نه اولدک قزم ؟ بریرک می آغریور ؟ ! قالق  
 بقایم !

نادیده : آمان والد جکم ، رجا ایدرم بنی براقکز دیهرک  
 اوته طرفه دونیوردی . بونک اوزرینه والدسی ایله خلا -  
 یقلر اوطه نی مجبوراً ترک ایدرک طیشاری چیقیدیله . بونلر  
 چیقار چیقماز نادیده همان یرندن قالقه رق قپوی سورمه لیدی .  
 والدسی ایسه ایشی تمامیه اکلاماش اولدیغندن خلا -  
 یقلردن استیضاح ایدیوردی :

— قیز کلتر ، کچوک خانم نه دن بیلدی ؟

— بیلمیورز اقدم . هپمز اویویوردق . برده ، بردنبره

قورقنیج برسالاح سسنى ایشیدوب اویاندق . دیکرلرینه خطاباً :

— اویله دکلئ ؟

جمله سی — اوت !

خانم — چابق سویله ! طورمغه وقتم یوق .

— پلاس پاندراس یتاقلرمزدن قالدقرق نه اولیورز دیه

نجره لره قوشدق . امان یاربی ! ... برده نه کورده لم خانم ؟

برسوری انسانلر غوغا ایتیمورلرمی ؟ همدنه نه غوغا ! هپسی

برکشی بی اورتلرینه آملشردی اونى اولدیرمك ایستیمورلردی .

آی مهتابی ! ... اولدیغندن بزده ایجه کوریوردق ...

قورقورمزدن هیمز یتاقلرمز قاجدق ... یورغانلر ...

— قیز سن عمر بالله ! ... برلقردی بی طوغری سویلیه -

مزمیناک ؟

دیگری — خانمجنم . او . اولدم اوله سی ! ... اویله در .

— سزه چابق اولاک دیورم ! نقدر مراقلی اولدیغمی

بیامیورمیسکنز ؟ حوینومساکه ! ... بویله برشیئه !

— آرتق طیشاریده کورلتی کسیامش اولدیغندن یواش

یواش نجره لره یاقلشددق . . بغچه بوم بوش ایدی . سالامقاندنه

آغالر کلش اولدیغندن بزده . . . . .

— قیز بن سکا بغچه دیه نچون حیقیدیگز دیه صورمیورم .

کچولک خانمه نه اولدی دیورم ؟ بغچه ده کی کورلتیدن قورقیدیم

بایلدی ؟

— آغلارك هېسى طوپلانمشلردى ... بزده نه اولدى ديه  
مراق ايتدكده ...

— قىز ، شمدى طياق ييه جكسك !

— آه خانمىجىم ! ابي اولمش كه چيقمىشز . برده نه باقم ؟  
امان ياربى ! ... كچوك خانم اوراده بايىلوب قالمامشى ؟  
— نادیده مى ؟ ! ...

— اوت افندم شى ...

— سـن مطلقا دلى اولمشسك ! قىز عقلكىمى بوزدك ؟  
كچوك خانمك اوراده نه ايشى وار ؟

— بيلمىز خانمىجىم ، بز بيله حالا شاشيورز . كنديسنى  
اوحالده كورر كورمن ايجرى كتىردك نقدرد آ ...

خانم افندى كلترك سوزينه اينانمىهرق دىكرلرينه ديدىكه :  
— صحىحمى قىزلر ؟

— اوت افندم ،

خلاقلارك بوسوزلرندن صكره خانمك آغزندن بر «ايواه!»  
ايله برابر كوزلرندنده سرشكك تاثر دوكيلويردكدن صكره  
اوطه سنه كىتدى . ياس كنديسنى تماميله استيلا ايتمش ايدى .  
كوزلرى هېچ برشى كورميور . موجودات اطرافنده صانكه  
دور ايدىوردى . برصنداليه اوزرينه دوشهرك اغلامغه باشلدى .  
آرتق دنيادن نفرت ايتمشىدى ... قىزى اولمقدن صكره

یشایوبده نه اوله جق ! ... حالبوکه قزیده ایشته بوصورتله  
محو اولمشیدی . زواللی والده ! هربر حقیقتی ادراک ایتمش  
ایدی ! قزینک حالنی بیلدیکندن بوکیجه کی وقوعاتنده سببی نه  
اولدیغنی اکلاپور ، مملکته یاییله جقده رزیل اوله جغز ! دیه  
برقاندھا تربید الم ایلوردی .

نادیده نك بغچه ده نه ایشی واردی ؟ نیچون کیتمشیدی ؟  
نه سیدن سلاح آتدی ؟ نیچون هپ آدملر برکشینک اوزرینه  
هجوم ایدیورلردی ؟ .. بونک کبی سؤاللر مایوس والده بی  
چیلدرتمق راده سنه کتیردیکی کبی نادیده نك برقاچ کوندنبری  
دوام ایدن حان مایوسیتنی کوزی اوکنه کتیرنجه بو حالک سبینک  
« عشق ! » « کله موهومه سی » اولدیغنی کوزلجه اکلادی .

عجبا نادیده کی می سوپور ؟ بوفکر بردنبره کندیسنی اغضاب  
ایتدی . ایرته سی کون کوزلجه برتکدیر ایتکی قرارلشدیر -  
دی ... بوایشک اوکنی بر آن اول آلمق ، نادیده بی دوچار  
اولدیغی کرداب مهلیکدن یعنی — « عشق » دن خلاص ایتک  
لازم کلیوردی . نادیده کبی عنود بر قزی بو کبی تشبثلردن  
— اولجه یوز ویرلیدیکی ایچون — منع ایتمکله کک پک قولای  
اوله میه جغی ده میدانده ایدی . باخصوص بوده شتلی سودا ،  
عاشقنی بر « کیجه ملاقاتنه » دعوت ایتدیره جک درجه ده  
شدید اولورسه ! ...

زوالی عشق! سنی بویله یرلرده ده استعمال ایتدیکیمزدن  
 — حقسنزیره — نقدر نفرته هدف اولیورسک !!!  
 شفق سوکمه که باشلمشیدیکه بوبدنخت والده حالا اویاق  
 ایدی . بوندن صکرده اویومق دیمه دن زیاده بایلمه تعبیر  
 اولنه حق برحاله یتاغنه دوشدی . .

بری طرفده ده نادیده قیوی سورمه لدکن صکره یازی  
 یازمق ایستیور دیسه ده کوز یاشلاری همان مانع اوله بیلیمک  
 درجه سنه کلیوردی . یازدینی شی ، ایکی مکتوب ایدی . بری  
 والده سنه ، دیکری : ده یالکیز اسمی یکی او کرنیکی عاشقنه  
 مخصوص ایدی . نادیده اتخار ایتک ایستیوردی . . . فقط  
 نه صورتله ؟

پخردنی آچوب اشاغی به طوغری صارقدیسه ده بوکاتشبث  
 ایدهمدی . . . رینه اوتوردی کمال تأثرله اغلامغه باشدی . . .  
 فصل اولمشیدیده باشنه بوفلاکت کلشیدی ؟ . . .  
 بوندن صکره والده سنک یوزینه فصل باقه بیله جک ایدی ؟  
 والده سی کندیسندن صوردینی حالد نه جواب ویره جکدی ؟  
 بو آدم لر کیمدی ؟ . . .

سوکیایسندن نه ایستیورلردی ؟ عجبا زوالی عاشقی نه او .  
 لمشیدی ؟ یا اولمشه ؟ . . .

نادیده نی که زیاده مضطرب ایدن برشی وارسه اوده بو

فکر کردن عبارتند. نادیده‌نک الزیاده دوشون‌دیکی شی والدەسنه  
ویره جکی جواب ایدی .

بردنبه وحشیانه بر فکر ذهنینی استیلا ایدی . . . نادیده  
بوفکرک ثقاته تحمل ایدەمیور ایش کی یکی قات اوله رق :  
— خیر ! . . . اوله مز . . . ممکنمی ؟ . . . دیدی . —

حاصلی نادیده‌ده — والدەسی کی — اضطراب ایچندە  
صباحی بوله رق بایغین بر حالدە بر مندرک اوستینه دوشیور دی .

— ۵ —

ایرتەسی کون ساعت آلتی بی کچمشیدیکه اوج خالایق اوست  
قاندەکی صوفەده طوپالانمشلر ، هنوز قالمیسان خانملرینک  
اوطه قبولرینه باقه قالمشلر ایدی . جمله سنک پک زیاده مراقده  
اولدقلری حاللرندن نمایان ایدی . ایچلرندن بردانه سنک یوزنده  
آثار اندیشه‌ده رونمون اولیوردی . آره لرندە یواش یواش  
بر مکالمه جریان ایدیورسەده بوکا بر مکالمه دیمکدن زیاده جمل  
استفهامیه‌نک بریره طوپالانمەسی دیمک دها مناسب اولور :  
— عجبا نیچون قالمدیله ؟

— کیم بیلور ؟ دون کیجه زواللی بیوک خانمک حاله دقت  
ایتمدکی ؟ مطلقا یورکینه اینمشدر ! . . .

— امان اولیہ ایسہ قاچہ لم ! شمدی بہ قدر وامپیر ! . . . .

اولشدر ! ! آی بنم اودم قویور ! . . .

— قز صوص دلی سئندہ ! هیچ آغزگی خیرہ یورمه  
صقین ! الله امانت خانمہ نہ اولہ جق ؟ دون کیجہ کچوک خانمی  
بغچہ دہ بایلمش بولدق دیہ سویلدیککز دن مراق ایتشدردہ  
آنک ایچون یاتیور .

بولقر دیلری سویلیہن ، نادیدہ نک فؤادہ یازدیغی مکتوبی  
قوجقندن فؤادہ ویرہن صادق خلایفی ایدی .  
— یانہ یاملی ایدی قوزم ؟

— نہ می یاپہ جقسک ؟ های شاشغین های ! کچوک خانمک  
بغچہ دہ بایلدیغنی سویلمکدہ نہ مناسبت واردی ؟ قورقو سندن  
اوطہ سئندہ بایلمش دیرایدیکز بیتر کیدردی .  
— نہ بیایم بن ؟ خاطر مه گلدی . هیچ ایشم یوقدیده  
طوروب یلان سویلیہ جکم .

— یا آزاجق دہا بغچہ یہ قوشمیہ ایدک اوشاقلر خانمی  
اورتہ لرینہ آلوب سیرایدہ جکلردی . .  
— ہاہ ، صانکہ سیرایتدیلر !

— بونلرک لزومی یوق اکلا دکزمی ؟

— یا اوکافر ابراہیم اغا ! کچوک خانمک کوزل ایمش کی !

اک اوکدہ طوروبدہ سیرایدیوردی . . .



— نه او ، نچون قیزدك؟ چكوك خانمه كوزل دین کیم وار؟  
آنی اوراده کوردیکیچون شاشمش قالمشدر . محمد اغاده اوراده  
ایندی او هیج باقدی ! . .

بونلرك شوسوزلرینه دلربا ( نادیدهك خالایق ) ساده  
کولایور و هیج سسینی چیقارمیور ایدی . بوقیز خانمینی سور  
و حقنده هیج بر فدا کارلقدن چکنمز ایدی . بویله سسسزجه  
طوریشی اوته کیلرك نظردقنی جاب ایتمش اولمایدركه کلتر :  
— سن نه صوصیورسك میمنتی ! هله شومسکین مسکین  
کولیشننده باق ! .

دیدى .

— صوصیه یمده نه یاپیم ؟ هپکنز دلی کی سویلیورسکنز .  
— سنده آدم عقلایسینی سویله !  
— سن اوکا باقمه ! طبیعتینی بیامزمیسك ؟ او ، اویله  
اوشاق پارچهلرینه تنزل ایتمز . بك ایستر ، افندی ایستر ! .  
— اوکا قالمشیدی !

— آرتق یتیشیر ! بکلرده سنك اولسون افندیلرده !  
بن هیج برشی ایستم . . .  
— آی آی ! شو آغزلره باق ! . . .

— اوف ! سكا بیک کره سویامدمی ، که انقردیمی کسمه  
بك دیه ! لاف اکلایورمیسکنز ؟

— ہایدی بردھا کسمہیز . چابوق سویلہ باقمہلم .

— چابوق اولہ جق برشی یوق . خانملری اویاندرہلم .

— طباق یمکہ وقتم یوق !

— بنمدہ ہیچ !!

— آفرین ! بوقدر اتمکلرینی ییورسکزدہ ہیچ بویلہ

برفئالق و قتلرندہ یاردیملرینہ قوشمیورسکز .

— نہ یابہلم افندم ؟

— شو آاختار دلیکندن باق باقمیم . بیوک خانم اویانتمشی ؟

— ( باقہرق ) های کورشیطان ! قیونک اماختاری اوستندہ

طوریور .

— کچوک خانمک اوطہسنہ باق !

— ( باقہرق ) او ! حالا اویویور ،

— دیمک ، کہ کیجہ کی یورغینلخی چیقاریور .

— صبیح ! کیجہ اورادہ کچوک خانمک ایشی نہ ایدی ؟

— منجم دکلم آ !

— مطلقا بریسی ایچون کیتمشدر .

— ہیچ شبہہ یوق . بن برقاج کوندرد حالیندن شبہہ لئیورددم .

صورتندن دوشہن بیگ پارچہ اولیوردی .

— بن اوتہ کی کون اوست قاتدہ کی کچوک خانمک اوطہ سنک

یابنده کی مسافر او طه سنی سپوررکن دیوار دینده بردایقانی  
کورددم . . .

— بن اویله قاچ دانه سنی ! . . .

— صکره شبه لندم بغچه ایندم بریره صاقلندم . باقدم، که

چکوک خانمده اوکا اشارت ایدیور .

— وای وای ! آرتق خانم قیزلریده باشله دی ! بن بردفعه

ابراهیم اغا ایله آزاجق شقالشیورددم . خانم کوردیده آزالدی

بنی طیاقدن اولدیره جکدی ! . . . .

— اویله اما کندی قزینه برشی یایمز ! اونکی جان . . .

بو آنه قدر جبر نفس ایله سکوت ایتمش اولان دلربا آرتق

طیانه میهرق دیدیکه :

— های ادبسزلر های ! قز او تانمیور میسکیز ؟ هیچ انسان

خانمه بویله افترا لرده بولنور می ؟

— نیچون افترا اولسون ؟ بن کوردیکمی — ویلیورم .

— سن جانکدن بیقدکمی ؟ او کبار قزیدر سنی آوو جنک

ایچنده ازه بیلور .

— بنده ممالکتمده کبار قزی ایدم . نه یاپه یم قدرم بویله

ایمش !

— بونک خیرلیسی صوصمقدر . سنک نه که . . . .

دلربانک لقر دیسی ، کندیلرینی خانم افتدی چاغرمش

اولدیغندن آغزنده قالدی . قپویی آچیق بولهرق اچری  
کیردیله .

— ( دلربایه خطاباً ) کیت بکا نادیده یی چاغری . هایدی  
سزده اشاغی یه کیدکزی . بر ساعتدن بری طیشاریده نه  
میرلدانیوردیکزی .

— هیچ اقدام ...

خانمک یانندن چیقمش اولان دلربا نادیدنهک قپوسنه  
کیتدی . سسلندی ... جواب ویردن اولمدی .. یواشجه  
قپویی اوردی ... ینه سس یوق !

بردنبه تویلری اورپردی ، قان باشنه صچرادی ...  
عجبا سوکیلی خانمجنی کندیسنی اولدیرمش می ایدی ؟ ! ..  
بو قورقوله تکرار خانمک یانه کلدیکی وقت صداسی تتریه  
تتریه دیدیکه :

— سسلندم اما هیچ سس یوق . قپوسورمه لی اولدیغندن  
قپویی یواشجه اوردم ینه سس یوق .. زوالی خانمجنمزه  
برشی اولدیه ...

— ( حدت ایدرک ) کیت قپویی حیزلی اوردی خانم  
چاغریور دیه سویله !

— یکی اقدام ...

ایک دیکھ صکرہ دلربا کلدی ، کچوک خانمک هنوز قالقدیغنی  
وشمدی کلہ جکفی سویلدی .

بش دیکھ دھامرور ایدوبده حالا نادیدہنک کلدیکنی  
کورنجه قالقوب قزینک اوطہسنہ کیتدی . نادیدہ دہ قبودن  
چیقوردی . والدہسنی کورنجه بردنبرہ اورکدی ، طانیہمدی .  
چونکہ : زواللی قادینجغز برکیجه ایچندہ اینانلمز درجه دہ  
اختیارلمش ، یناقلری چوکمش ، یوزی بروشمش ایدی ! . .  
والدہسی اوطہیہ کیردک برمندره اوتوردی . ہر صباحی  
عادتی خلافتہ اولہرق قزینی اوپمکسزین حدتی کوچلہ ضبط  
ایدک :

— شویلہ اوتور ! . — دیدی .

— نہ اولیورسک سوکیلی والدہ جکم ؟ بوصباحی ! . . .  
حالہ کزدن پک زیادہ حدتی اولدیغکز اکلاشیلیور .  
برشیئمکزمی وار ؟ . .

— بیلم سکا صورملی . بردہ قالقمشک بکا نہ اولدک  
دیہ صوریورسک .

— برشی یاپمدم . شاید برقصورم وارنہ . . . .

— دون کیجه بغچہدہ نہ آریوردک ؟

بوسٹوال بردنبرہ نادیدہنی شاشرتدی . ہر نقدر بویلہ  
رشیئہ مخاطب اولہجغنی بیلہرک پلانینی حاضرلمش ایدیسہدہ

ینه صرارمقدن وتتره مکدن کنه دینی آله مدی . ککه لهرک  
دیدیکه :

— ..... ن ..... بن ..... می ..... هیچ ..... بر .....  
شی ..... .

قزینک بوشاشغینانی زواللی والدنک تکمیل امیدلرینی  
محو ایدیوردی . ایشته بوندن صکره حقیقتاً مایوس اوله-  
جقدی . قزینک بو حاللاری انکار ایتمه سنی و کنه دینک اینانمه سنی  
ایستیوردی . ایواہ ! که نادیده نک جالی کندی ظننک — یعنی  
نادیده نک برعاشقله ملاقات ایچون بغچه یه ایندیکنک سختی  
میدانه چیقاریوردی ! .....

برده بو والدہ ناموس خصوصندہ غایت متعصب ایدی .  
قزنده ایسه بوفکرک تمامیلہ عکسی موجود اولدینی کی انا و بابا  
محبتی قلبنک برکوشه جکندہ بیلہ یرطو تمامشیدی . نادیده نک  
قابی بر سودا محفظه سی ایدی . لیکن سودای پاک دکل ! اومردار  
سودالر آره سنده سودای ابوین محو اولمشیدی .  
والده سی — کیجه وقتی بغچه ده کزدیکندن برشی  
آکلایه میورم .

نادیده بووقته قدر کنه دینسی طویلامش اولدیغندن جمعی  
بر محبتله دیدیکه :

— سوکیلی والدہ جکم ! طبیعتی بیلورسک . لطیف برمهبانی

کوردیکم وقت بی زنجیر لرله باغلاسه لر مطلقا بغچه یه اینک ،  
 صنعی تپه لر دن صولرک حزین حزین آقدقلرینی کورمک ، لطیف  
 شیرلرینی ایشتیمک ایسترم . ایشته بوکیجه ده اویقوم قاجمش  
 اولدیغندن بنجر ممک اوکنده اوتورورق بغچه یی تماشا ایلوردم .  
 قر ، اولانجه شمعنه لطافتله اطرافی تنویر ایتمهک چالیشوردی .  
 آنک بو حالینه قارشى حوضده کی براق صولرله شو قارشیده کی  
 قوجه کول صانکه تبسم ایدیورلردی . خفیف بر روزکارده  
 بغچه ده کی اذهارک کوزل قوقولرینی اوطمه قدر کتیر یوردی .  
 آرتق طیانهمدم بغچه یه ایندم . کزینه کزینه اک سودیکم یر  
 اولان چیم گوشکه کیتمش اوتورمش ایدم . المده کی غنچه کول  
 ایله پک زیاده طالمش اولمایمهکه نهره دن کلدکلرینی کوره مدیکم اوچ  
 آدم بردنبره قارشیمه چیقویردیلر . . باغرمق ایستدم ، بچاقله  
 تهدید ایتدیلر . . یینه باغرمق ایستدم . بوسفر بوغازمی  
 صیقدیلر . شدتله صیقمش اولمایدلر که بایلیویر مشم . آیلدیغم وقت  
 کیجه ، اوطهم قراکلق ایدی . رؤیا کوردیکمه ذاهب اوله رق  
 اویومشم . . . قپونک شدتله اورلمسندن حاصل اولان بر صدا  
 ایله اویاندم سزک کله جککیزی خبر ویردیلر . بنده علی العجله  
 قالقوب یانکزه کلیوردم . . حالبوکه سزی پک حدتلی  
 کوریورم .

نه کوزل سوزلر ! مایوس والده بوسوزلری ایشیدنجه



یوزندہ نور امید لمعان اولمغہ باشلیدی . دیمک، کہ قزینک عاشقی  
یوقدی . . . عقتلی ایدی . . . بیکنناہ ایدی . . . بونلرہ اینانمق  
ایستر ایدی سہدہ قلبی بوسوزلرک یالان اولدیغنی تآمین ایدیوردی .  
ابتدا اینانز کی اولدی سہدہ بر مدت دوشوندکن صکرہ  
جملہ سنک یالان اولدیغنی پک آشکار بر صورتدہ کوردی .  
بونک اوزرینہ کمال تأثرلہ دیدیکہ :

— یازق ، یازق ! نادیدہ ، بن سکا آغوش شفقتمدہ فضیات  
درسلری ویردم نادیدہ ، فضیات !

سکا بو یالانلری سویلمکی کیم اوکرتدی ؟ شمدی یہ قدر  
بن سکا ابی نصیحتن بشقہ برسوز سویلدمی ؟ عندمدہ برملک  
قدر معصوم ایدک آہ شمدی ایسہ . . . . .

— غریب ! مرا مکزی ! کلا یہ میورم کہ . . . . . سزہ  
اولدیغنی کی سویلدم . ہم بن شمدی یہ قدر بر یالان سویلدمی ؟  
— آہ ! نہ فلاکتلی محاورہ ، سن بونلری بر قاچ کون  
اول بکا سویلمش اولسہ ایدک تمامیلہ اینانزدم . دونه قدر  
یالان سویلمدک لکن ایشته شمدی سویلیورسک . ہم اویلہ  
بریسنہ سویلیورسک ، کہ سنک سبب حیاتکدر .

— سزہ یالان سویلدم دیورم سزہ حالا ادعا ایدیورسکنز .  
طوغریسی پک تحف . بوکیجہ سزہ بر شی اولمش ! کیدوب  
کندیکنزی اوقوتکنز .

— هم یلان ، همدە استهزاها ! غدار اولاد ! سوزلرنده  
 یلان یوقها ! آجیسندن بایلمق درجه سنده بوغازك صیقلدیده  
 بویننده حاصل اولسی طبیعی اولان اوخوف مورلق نه چابق  
 زائل اولدی !... حوینومسا که !... اوپله بر حویرات ال !  
 نه بی دوشنیوردك ، که اوچ کشینك پیدا اولدیغنی کوردمدك ؟  
 بونلر کو کدغنی ایندیله ؟... کیجه این اوپاندك اوطهك قراناق  
 ایدیها ! هیمز یاننده ایکن اوپاندکه امان راحتسزم دیمدکی ؟  
 غازی کیم سوندردی ؟ قیوی شیطانلرمی سورمله دی ؟  
 بولقردیله ایشدکجه نادیدهك آلندن صفوق صفوق  
 ترلر آقغه باشلادی . فی الحقیقه بورالری دوشنمه مش ایدی .  
 شمدی والدسینه نه جواب ویرملی ؟ مقدما والدسینی سومز  
 ایدیسده بیله کندیسینی رعایته مجبور بیلردی . شمدی ایسه  
 قابنده والدسینی عایینه بر نفرت ، بر کین حصوله کلمکه باشلامشیدیکه  
 کندیسینه چارچابوق استیلا ایتدی . دیدیکه :

— نه یاپیم سزی حدتلی کوردم ، سویلیه جکمی  
 شاشیردم . اوطه مدن بغچه ده بر قاج کشینك غوغا ایتدکلرینی  
 کوردمك مراق ایتدمده بغچه یه ایند ....

— صوص ! بهوده لافلر کله بی . قزدرمه ! مردار  
 یلانلرله آغزکی تلویث اتمه ! قباحتمکی اعتراف ایتسه ایدك بلکه  
 قبول ایدردم .. آمان یاربی !... شمدی چیلدیره جغم .

ناموسیله ، صلابت عقیله شهرت بولان بوفامیلیانك اك كوزل  
براعضاسی ناموسسز اولسون ! ممکنمی ؟ هیچ خاطر مه کلیهن  
برشی وارسه اوده بوایدی !

والده سنك بو آجی سوزلرینه قارشى نادیده اوموزلرینی  
قالدیریوردی . آرتق احترازی برطرف ایتمشیدی ! . .  
بیچاره والدهسی کوزلری طولی طولی اولدینی حاله :

— نادیده ، خان قز ! فامیلیا سنك ناموسنی برباد ایدن  
آلچق ! بوسر هیچ بروقت میدانه چیقمیله جقدر . بن آرتق  
یقین وقتده دنیایه وداع ایده جکم . سنده هریرده حاضر  
وناظر اولان جناب حقك قهار اسمیله قهر اول !  
دیهرك چیقدی کیتدی .

نادیده ، والده سنك : یقین وقتده دنیایه وداع ایده جکم  
سوزینی ایشتمدیکی وقت دوداقلرینی اوپله بر طرزده اوینا -  
تمشدركه براهل دقت کورسه ، انشاالله ! دیدیکنی بك قولای  
اکلاردی . والدهسی کمال تأثرندن بونی ایشیده مەمش ایدی .  
یوقسه نادیده بك یواشده سویله مەمشیدی .

— ۶ —

آرەدن یدی آی مرور ایتدی . نادیده نك قارنی کرکی کبی

بیومش اولدیغندن ایکی اوچ آیدنبری کیمسه یه کوزوکیور -  
دی .

والده سی ، کندیسنه طارلدیغی کوندنبری هیچ برلقردی  
سویله مه مشیدی . نادیده ده استدعای عفو و اصلا شتابان  
اولامشیدی . .

هر برشیئی کوزینه آلدرمش اولدیغندن والده سندن هیچ  
قورقور دیسه ده بر سبب مدھش کندیسنی اطاعته سرفرو  
ایتکه مجبور ایدوردی .  
بوده : مکه لك ! در .

اصلا خاطر و خیالنه کلیهن بوفلاکت اوزرینه نادیده ازیله  
بوزیله والده سنك ياننه کیتدی ، که یدی آیدن بری کورلمش برشی  
دکدی .

والده سی قزینك هر بر حرکاتی تفتیش ایدوب که لکنه ده  
واقف اولمش دیسه ده برشی سویله میهرک نتیجه حاله کمال صبرایله  
منتظر ایدی .

نادیده والده سنك اوطه سنه کیروب اوطوردی . بلکه  
برشی سویلر ديه بکل دیسه ده بس چیقارم دیغنی کوردیکندن  
برطور ترجمکارانه ایله دیدیکه :

— والده جکم !

آه بو والده لك قابیری آه ! نذرده یومشا قدر ! قیزی

کمال شدتله یانندن قوغمنی تصمیم ایتمش اولان والدسی ،  
 قزینک بوینی بوکمش اولدینی حالدله سویلدیکی برکله اوزرینه  
 قابنک یومشادیغنی حس ایتدی ، بر نظر شفقتله نادیدهنک  
 یوزینه باقدی ! ..

واه نادیده واه ! نقدرده دکشمش ! یوزینی بر صاریلق ،  
 بر حزن استیلا ایتمش ، اولکی شطارتندن ، مقدمکی لطافتندن  
 اثر قالماش ! بونک اوزرینه همان قالقوب قزینی قوجاقلامق  
 ایستدیسده ینه کندینی ضبطه موفق اوله رق سرد بر چهره ایلله  
 دیدیکه :

— نه ایستیورسک ؟

نادیده ظاهر حالدله محجوبیتندن اولدینی ظن اولنه بیله جک  
 بر صورتده باشنی اکرک :

— شی . . . بیلیم که . . . آه والده جکم !

قزینک سویلیه جکنی والدهسی پک اعلا بیلوردی . بونی  
 کندیسنه سویلته رک بر قاتدها معذب ایتمه مک ایچون :

— سویلیه جکک شیئی بیلورم . قزم بنی دکله : نیچون  
 بوناموسسزلغنی ارتکاب ایتدک ؟ صوکنی دوشوندمکی ؟

— والده جکم ، بیلمیوردم . . . ارادتم المدن کیدیویردی .  
 والده جکم نه یاپیم ؟ سوییوردم و سوییورم .

— هر نه حال ایسه بونلر اولمش ؛ لیکن شونی ایی بیل ، که

بوندن صکره سنی بر ناموسلی قوجهیه ویرم . ناموسسزینه ایسه  
هیچ بر وقت ویرم بو صورتله ایتدیك قباحتك جزاسنی  
چكه جكسك .

نادیدنك هیچ فتور کتیرمدیکنی کوردرک دیدیکه :  
— قابکدن ، سن اولدیك وقت اولنیرم . فکری چوبده  
متأثر اولمدرکسه خطا ایدیورسك . بنده اوله جکم ! اوله جکم اما  
حالت نزعده بر امین آدمی چاغره رق هم چوجفکی تسایم  
ایده جکم . همد ایتدیك ناموسسزلی سویلیه جکم . اوده  
اولنك ایتدیك وقت ابتداسنی ، دکه مدیک و قنده زوجك  
اوله جق آدمی خبردار ایده جکدرکه اوده طبیعی سنی تزوجدن  
واز کچه جکدر .

زده بوندن صکره بکا والده ! دیه خطاب ایتمه . بنده قزم  
لفطینی لایق کوردم . یالکز سنك ناموسك فاملیامزك ناموسی  
دیمك اولدینی ایچون حالنی طبیعی خارجدن کیزلیه جکم . بوندن  
صکره او طه کدن طیشاری چیقمییه جقسك ! یاننه یالکز دلربا  
کیره جکدر . اکلا دمی ؟

نادیدنك هیچ لقردی سویلمیوب تصدیق مقامنده باشنی  
اوکنه اکدیکنی کورنجه :

— هایدی شمدی او طه که کیت !

دیدی .

والده سی قیزندن بووجهله انتقامینی آلمی قرارلشدیرمش  
اولدیغندن حدتی بتون بتون براقه رقاسکی طور لاقیدانه سنی  
طاقنمشدی .

لکن نادیده نك حالی بسبتون بشقه لشمشیدی . بوسوزلری  
کشکه ایشتمسه ایدی ! اوطه دن چیقارکن فکرینی ، وجودینی  
برانتقام وحشیانه استیلا ایتمش ایدی . ایکی ای قدر برمدت  
کوره میه جکی صوفیه صوک بر نظر عطف ایتدکن صکره  
اوطه سنه کیردی .

ایشته بوکوندن اعتباراً نادیده نك مراق خسته لغینه ! . . .  
طوتلدیغی شایع اولمغه باشلادی . همد یاننه دلربادن بشقه  
کیمسه نی قبول ایتمورمش ! . . .

نادیده ، اوطه سیننه کلهرک کندینی برمندر اوستنه آتدی ،  
دوشونمکه باشلادی : کندی زعمنجه اصل فلاکت حالی بوندن  
صکره بدأ ایتمشیدی . والده سنك قرارندن ، عزمندن دونمز  
برقادین اولدیغنی یعنی — تهدیداتی فی الحقیقه اجرا ایده جکنی  
بیلیوردی . . .

قورتلماق ایچون کندیسینه فؤادله تزوجدن بشقه هیچ  
برچاره قالمامشیدی . اونکده بیوفانك بری اولدیغنی میدانده  
طوربور .

اوله یا ! یدی ایدن بری سوکیایسنك یاننه اوغرامیاز



بر آدمده وفا تصور ایدیه بیلرمی ؟ . . . نادیده دهـا فؤادک  
کیمک نه سی اولدیغنی اوکر نمکسزین کنديسنی محو ایتمشیدی :  
عاشقنک یالکیز اسمینی بیلوردی .

والده سنک قرار یچون کنديسندن فصل استمداد ایده ـ  
بیله جکدی ؟ هم نه اوله جقسه والده سنک سویلادیکی امنیتی  
بر آدمه سرنی فاش ایتمکسزین اولمایدی .

باقلم سوکیلیسی صاغ قالمشی ایدی ؟ او آدملرک دست  
قهرندن کنديسنی قورتاره بيلمشمی ایدی ؟ . .

کنديسنک ناموسسزلانی حقنده اک بیوک بر دلیل قارنده کی  
چو جفی ایدی . . . بو اولمیه ایدی انکار ایده بیلوردی . . .

بناءً علیه ابتدا بونک محو اولسی لازمکیلوردی . زواللی  
معصوم مجفز ، دنیا سندن بی خبر اولان بد بخت یاور و جق ، والده سی  
ایچون بر یوز قارده سی . بر تازیانه تادیب اولمشیدی ، بغير اختیار  
سبب حیاتی کندي علیه اغضاب ایتمشیدی . ایشه بو کوندن  
اعتباراً والده سی ، معصوم چوجفک مجرم والده سی ، دهـا  
دنیا سنی کورمه مش اولان یچاره نک وجودنی قالد رmq ایچون  
طاللق آتمغه ، صچرامغه ، او طه سی ایچنده قوشمغه ، باشلمشید ـ  
یده دلربادن بشقه دیگر ایکی خالایقده — ایشه دکلری  
کورلتیلردن — خانلرینک مراق خسته لغنک صحیح برشی اولدیغه

اینانمشلردی . بوکاده سبب اولق اوزره معهود کیجه نی بیاموز-  
 دیسه لرده کیمسه یه برشی سویلمکه جسارت ایده میورلردی .  
 نادیده برکون پنجرده آچیق صاحیق اوطوریور ، سوقاق  
 و بانچه یه باقیوردی ، اوزاقدن یاقیشقایچه بریسنی کوردیکندن  
 کوکلنک صیقنتیسنی دفع ایتک و برپارچه ده اکلنمک نیقیله اشارت  
 ایتدی . . . . . مقابله کوردی . . . . . قرق — قرق بش یاشلرنده  
 اولان بوذات نادیوارک دینه قدر کلدی . بتون بتون اشارته  
 قویلدیلر .

محترم قارئین بوذاتی طائرلر . نه او طانیه مدکزمی ؟ جانم  
 فؤادک پدری علی بک یوقی ؟ ایشه او ! همدۀ تاکندیسی !  
 علی بک چوقدنبریدر تیزهسنی کورمدیکندن هم آنی  
 زیارت ایتک و همدۀ بعض ایشلرینی تسویه ایتک ایچون شهره  
 کلشیدی .

سوقاقدن کچرکن کوزینه نادیده ایلشدی . اوزمانه قدر  
 هیچ انبساطه کلمه مش اولان ازدواج طمارلری تپرشدی ،  
 نادیده یه مقابله بالمشده بولندی . . . . . علی بکده بوصورتله نادیده نک  
 دام تزویرینه طوتلدی . . . . .

آقشام اولسه ایدی دیوارک دیندن چکلمز ایدی .  
 نادیده ، بوکونی اکلنهرک کچیرمش اولمسندن ممنون اولهرق  
 یتاغنه یاتدی . . . . . یاتدی اما برقاچ کره صچرامغی ده اونتمدی .

صباحین قالقدن صکره بر قاج ساعت مرور ایتشدیکه  
 دونکی آدمک ینه کلدیکنی کوردی . کندیسنی کوسـترمه دن  
 پرده آرقه سندن علی بکی تدقیقه قویلدی . تدقیقاتده دوام  
 ایتدجه علی بکی کوزل بولمغه باشدی ... فی الحقیقه علی  
 بک چهره زو کورتی بر آدم اولمدقـدن بشقه تام بابا بیکیـت  
 چاغنده بوانیوردی . نادیده تدقیقنی بیتردکن صکره میدانه  
 چیقدی . بوکون علی بکک طورنده — ایجه دقت اولنورسه —  
 براحتراز کورینیوردی . نادیده ده بونی اکلا یوردی .

سوقاقدن نادراً کجه نلر — یدی آی اولکی فؤادک یرینه  
 علی بکی ، یعنی — اولادک یرینه پدری — کورنجه سبب توقفی  
 بیلدکلرندن بر تبسمله یوری نی ویرمکده ایدیلر .

سوقاق بتون بتون تنهالشنجه علی بک ایجه مترددانه بر حال  
 ایله قیویه یاقلشـدی . قویـنندن چیقارمش اولدینی مکتوبی  
 تحتـه نک آره لغندن ایچری صوقدی ...

نادیده علی بکک هربر حرکتی کوریور ، یورکی کوپ  
 کوپ آتیور ایدی .

علی بک مکتوبی قیونک آره لغندن ایچری آتـش اولمایدکه  
 بوندن صکره بروضه متحسرانه ایله پنجره نک قارشیسنه چکیله رک  
 نادیده به باقمه باشدی .

نادیده شمیدی نه یاپسون ؟ مکتوبی آلمسونمی ؟ ممکن دکل !  
 هیچ نادیده بویله برفرستی قاجیرمی ؟  
 اکر بو آدم کندیسنه عاشق ایسه آنی نکاح ایدر و بلسکه  
 بورادنده قاجیره بیلور . حال و قیافتندنده اویله عادی بر آدم  
 اولمدينی بللی ! . نادیده مکتوبك دیگر بریسنك الله کچه سندن  
 قورقوردی . چونکه بوسبيله صوڪ امیدیه ده محو اولیوردی .  
 واقعا چوق کیمسه کندیسنه عاشق ایدیه لرده هیچ بریسی  
 نادیده نك طبعنه موافق کلیوردی . . یواش یواش علی بکی  
 سومکده باشلامشدی . . . !

نادیده ، نه اولورسه اولسون ! دهرک :  
 — دلربا ! دلربا ! ديه سسلندی . دلربانك :  
 — افسدم ! ديه ویردیکی جوابدن بر قاج ثانیه صکره  
 کندیسیده او طهیه کیردی .  
 نادیده — آم بنم صادق دلرباجغم ! بیلسهك سنی نقدر  
 سورم ؟ !

صاق قزجغزك کوزلری یاشله طوله رق :  
 — نه یاپه لم خانم جغم ؟ صبر ایتلی ! او وقت نصیحتمی دکلسه  
 ایدیکز بویله اولمزدی . . . . قدر بویله ایمش !  
 — سکا برشی سویلیه جکم یپارمیسك ؟  
 — باش اوستنه !

— اویله ایسه کیت شوبانچه قیوسینک آرالغنده بر مکتوب وار . آلدە کل ! هایدی قوش ! والدەمە کوسترمە ها !

— مکتوبمی ؟

— اوت .

— نه مکتوبی ؟

— ( کوله رک ) سن بیلەزسک . هایدی قوش دیدم سکا ! دهاده طور یورسک ...

— آه قورقیورم ... قورقیو ... رم ... که ...

— نەدن ؟

— هیچ !

بوجوابدن صکرە دلربا قوشەرق مکتوبی آلدی . کیمسە کندینی کورمەدیکندن مکتوبی طوضریجه نادیدەیه کتوردی . نادیدە خاجانلە مکتوبی اوقودی . مندرجاتی بر طاقم عاشقانه سوزلر اولوب جدی شیلر : کندیسینی ازدواجه طلب ایدیور و یارین والدەسندن ایستەمک ایچون خصملرندن بر قاق قادین کوندردە جکفی بیان ایله بو آرزوسەنک قبولی رجا ایدیوردی . اکر بونی قبول ایتمە جک اولورسە اتحارایدە جکفی ، شویله اولە جغنی ، بویله اولە جغنی دە برلسان متأترانە ایله علاوہ ایلوردی .

نادیدە همان موافقتی مشعر بر جواب یازارق دلربا واسطە سیلە کوندردی .

سوکیایی علی بک (اسمینی، شهرتینی امضاسندن اکلای -  
 مشدی) مکتوبی آلدقندن صکره کیتدیکنی کوردرک مکتوبی  
 بردها او قودی .

نادیده بونی برقاچ دقعہ او قودی . اک صوک دفعہ سنده  
 شویله جه دوشنیوردی :

— یازین کلوب بنی ایستلر والدم طبعی اولمز جوابی  
 ویرر... صکره بن نه یاپیم ؟ اگر علی بک احواله واقف  
 اولورسه بنی آلق ایچون ایتدیکی رجایی طبعی کری آیر...  
 بونکچون بوسرک شیونعی منع ایتلیم !.. قاچسهم بوقارنمدکی  
 حنزیر !... مانع اوله جق — دیهرک قارنسه یومروق ایله  
 اوردی . دوام ایله :

— بوسری بیلهن بر والدم برده دلربادر خالایقلرله  
 اوشاقلرده بیلورلرسده اونلرک اهمیت یوقدر .

دلربایی زهرلر ، قورتلرم ! یا والدمی نه یاپیم ؟  
 بر مدت دوشوندکدن صکره کوزلری خاٹانه بر صورتده  
 بارلادی دوداقلری آرمسندن :

— آئیده !..

سوزی دوکیلیوردی . متعاقباً :

— خیر ، خیر بویر جنایتدر . بوکا جرأت ایدهم !

سوزلریده تسلسل ایلدی .

برخیلی دھا دوشوندی . . . صکرہ دہ :

— نه اولورمش ؟ کیم طویار ؟ بختنه کوسسون ! او بنم

جانمه — طولایسیله — قصد ایتمک ایستیور آ . . . !

بن آغلامقدن اولمزدن اول او ، بنم زهرم ایله اولیور -

سون !!! دیوردی .

« پک اعلا اما نصل اجرا ایدیم » سوزلریده نادیدمک

فکریخی اشغال ایدیوردی .

بو آلیق وحشیہ بویله جه قرار ویردکن صکرہ :

— تقالم یارین نصل اوله حق ! دیه ایرتہ سی کونی کوچ

حال ایله کتوره بیلدی . صباحلین قالقر قالقمز قیونک آرہ لغندن

کلوب کیدمک اولوب اولمدیغنی اکلامق ایچون صوفیہ باقمه

باشلہ دنی .

وقت دھا پک ایرکن اولدیغندن بر ایکی ساعت قدر

انتظار ی بوشه چیقدی . جانی صیتیلہرق یرینه کلدی وقرار -

لشدیغنی جنایتک صورت اجراسنی برخیلی دوشوندی . آرہ دن

یاریم ساعت قدر دھا مرورندن صکرہ صوفہ دہ کی کورائی

نظر دقتی جلب ایتدیکندن قیویہ قوشدی . طانمیدیغنی

قادینلری کورنجه یورکی حویلادی .

قارنده کی اولمسه ایدی والدہ سنہ یالوارر ، یاقارو ، بلکہ

راضی ایدہ بیلوردی .



آه او مانع آه ! عادتی موجب بجه صجرامغه باشلیه جنی  
وقت ایجری او طهده کی مسافر لر خاطرینه کلدیکندن یالکز  
قارننه یومروق ایله اورمقله کفایت ایتمهکه مجبور اولدی .

جانی والده ! قاتل قاری !

یارم ساعت صکره مسافر لر کیتدیکندن همان دلربایی  
چاغردی . آله جنی جوابی بیلور سهده ینه صور مقدن کندیسینی  
منع ایده مدی .

فی الواقع حسانی طوغری چیقمشدی والده سی کله نلره  
جواب رد ویرمشیدی .

بونک اوزرینه نادیده ، ذهننده تصور ایتدیکی فاجعه نك  
میدانه کلسی ایچون لازم کله ن تداییر خائنه نی اولدن حاضر لمش  
اولدیغندن سوزی ایتدیکی ره کتیرمک ایچون اوتهدن بریدن  
طولاشدیر . رق نهایت دیدیکه :

— دلربا ، او طهده نقدر چوق فاره لر وار . صیچان  
اوتی آلدیرده شونلره برضیافت یاپوب کتر او طهده قوی !  
دلربا . خانمک حالتدن کندیسینی اولدیره جکی ظننه  
دوشه رک :

— اولمز خانم بجه اولمز ! قوقوسيله بلکه فنا اولور سکز .  
بن یاپر طوان آره سنه قورم .

— بن ای بر اصول بیلرم . سن صیچان اوتینی کتر بن  
تعریف ایدیمده سن یپ وایستدیکک یره قوی !  
نادیده نك بو سوزلری اوزرینه قلبی مطمئن اوله رق :  
— بویله اولور . اما صاقین کندیکزه بر فئالق ایدیم  
دیمه یکز . صکره جمله مزی کدردن اولدررسکز .  
— قز هیچ انسان کندی کندیسنه قیابیلورمی ؟ کندیمه  
آجیمز سه م بیله قارنمده کی چوجغمک نه قباحتی وار ؟  
— پکی خانمجم ، ابراهیم اغایه سویلیوب آلدیررم .  
— ممنون اولدم !

وای جانیه وای ! بو ممنون اولدم ! کله لرینی اویله بر شطارتله  
سویلمشدی که بر آاز صکره ایکی جنایت ایشایه جکنی کیمسه  
ممکن دکل کشف ایدمه زدی . دلربانک قای تمامیه امین دکلدی  
سده مجرد خانمک امرینی یرینه کتورمک ایچون تنیه اولنان  
شیء یعنی — کندی آلت قتلی چارشیدن آلدیره رق نادیده یه  
تسلیم ایتدی .

زوواللی دلربا ! کندی آلت قتلی ینه کندیمی تدارک  
ایتمشدی !! ...

نادیده صیچان اوتنی دلربانک الندن آله رق باقدینی وقت  
دلربانی صوکتیرمک بهانه سیله اوطه دن صاومش وبر مقداری  
آییردقدن صکره اعاده ایتمشیدی . ایشته بو کوندن اعتباراً

نادیده فرصت کوزتیوردی . لیکن قدر ، بو تشبشك اون کون  
 قدر تأخره دوچار اولمسه سبب اولدی . دلربا یانندن کیتدکن  
 آز بر مدت صکرم شدتلی بروجعه دوچار اولدیغندن آجی یه  
 طیانه مدیغی جهتله دلربایی تکرار چاغردی . قز جغزك یورکی  
 بردنبره اوینادی ، کندی کندیسنی اتهام ایدیوردی . . . نادیده نك  
 کندیسنی زهرلدیکنی ظن ایتدی . . .

هیپات ! . . . کشکه زهراسه ایدیده دنیا دن بر خبیثه نك  
 وجودی قالقسه ایدی !

بویله بر حالك وقوعه بولماش اولدیغنی نادیده نك تأمین  
 اوزربنه اکلادیغندن خانمك حائی صورتی . لغوسه آغریلری  
 کبی بر شی اولدیغندن بیوک خانمك او طمسه کیتدی .

### — V —

— نه ایستیورسك دلربا ؟

— چكوك خانمه برشی اولدیده اقدم .

— نه کبی ؟

— بیلمم اقدم . . .

— ( تالاشله ) قز ، خسته می اولمش ؟ نه اولمش ؟ چاق

سویله ! شمدی یورکمه اینه جك !

— خیر اقدم ، صاغ اما آغریینی وارمش ! . .

خانم ، قزینک اوطه سینه هیچ کیمه مکه قرار ویرمش  
ایدیسه ده احوال مهم اولدیغندن قالدوب کتدی .

آلچق نادیده ! اوطه نك اورته سنده قیوریم قیوریم  
فیوزانیوردی . . . اکر یومروقلرینک ، آتلامه لرینک عاقبتک  
نوقدر شدید اوله جغنی بیلسه ایدی شهبه سز که فعل قتله برار  
زورجه جسارت ایدردی !

والده سی ، نادیده نك حالنی اکلادی . لکن سسکنز آیده  
چوجق طوغمه سینه تعجبدہ قالمش ایدی .  
مایسک اون ایکنجی کیجه سندنبری تمام سکنز آی مرور  
یتمشیدی ! . . .

هان براوشاق کوندریله رک فامیلیانک اختیار ابه سی کتیر -  
لیدی . خانم ، ابه خانمی قارشیلیه رق کندی اوطه سینه کتوردی  
صمه قالب برطاقم سوزلرک تعاطیسنندن صکره بیوک خانم کمال  
همیتله شو سوزلری سویلمکه باشلدی :

— ابه خانم ، سزی چاغرتماغمه بیوک برسبب واردر .  
— خیر اوله قزم !

— کیمسه یه سویله میه جککنزه یمین ایدرمیسکنز ؟

— آ ! اوستومه ایلیک صاغلق ! قزم اونصل لقردی ؟

— هیچ بندن لقردی چیقارمی ؟ بن سزک فامیلیا کزک انمکیله  
شمشم .

— اویله ایسه هایدی نادیده نك اوطه سینه کیدم .

— چكوك خانمه برشیمی اولدی ؟ ...

— اوت ، کوریورس سکز آ ! ایش اهییتلیدر بونکچوز  
دیلمکزی طوتمکزی رجا ایدرم هم شاید بویله یامزسه کز کند .  
یکزه یازق ایدرسکز .

— سویله مکه حاجت یوق قزم . بن سر ویریرم اما سر  
ویرم ! ؟ حوینومسا که سزك سرکزی ...

ابه خانمله بیوك خانم نادیده نك اوطه سینه کدکاری وقت  
نادیده بی حالا قیورانمقده بولدیلر .

ابه خانم معاینه ایتدی . چوجق دوشیره جکنی و بوکاد  
سبب پك حویرات طوتلدیغنی سویلدی .

وقت اقشامك ساعت اونبر بچنی ایدی . هواده پك قبانق  
اولدیغی کبی صولوسپکن قاریاغمقده ، شدتلی برروز کار ، قاپلمه  
لره ، آغاچلره چارپدقجه : فیو ! فیوووو ! ... صدالریغ  
حاصل ایتمکده ایدی . نادیده ده صانکه روز کاره رقابت  
ایدیوردی ! .

غازلر یاندی ... زواللی والده سنك باشی طوتهرق کلا  
شدتله آغریوردی .

کیجه ساعت اوچ ایله درت آره سنده بایفین برحاله نادید  
چوجق دوشیردی ...

ثمرهٔ محبتی بوضو رتله فدا ایدمن جانیه قزک حیاتیده تهلکه ده  
یدی. اوک ایچنده کی خلا یقار بو حالدن خبردار بیلله اوله مدیلر.  
نادیده نی یته اغنه یاتیردیلر . . . ابه خانم ، بیوک خانی بر  
کناره چکه رک نادیده نك حیاتنك تهلکه ده اولدیغنی سویلدی .  
زواللی والدہ درحال آغلمغه باشلدی . همدہ کل شفقتله  
زینک باشی اوجنه کلیدہ آغلادی .

دلربادہ خلا یقارک بیک درلو سؤالنه قارشى ساده جه :  
— چوک خانم خسته درده آنکچون یانندن ایریلہ میورم .  
دیر ایدی .  
اوج کون اوج کیجه نادیده اولومله پنجه لشدی . بودنیاده  
یشلیه جکی برقاج جنایت دها وارايمش که دردنجی کونی والدہ .  
نه ، ابه طرفندن قزینک قورتلدیغنی تبشیر قلندی .  
علی بکی اونتدکزمی ؟ علی بکی ! نادیده نك خسته لغنی مدتجه  
یوار دینده طور ییوردی . یالکیز قالدقلى وقت دلربا علی  
کک قارشیده طور دیغنی سویلدی . نادیده اوحالده بیلله  
خسته لغنی مبین برایکی سطر یازی یازهرق دلربا بیلله کوندرمشدی .  
دلربا کلیدیکی وقت نادیده مراقله صورددی که :  
— نه یاپدک ؟

— قپو آرم لغندن ویردم اوده آلدی .

علی بك ایلک کونی نادیده دن حسن مقابله کوردیکیچون  
 ممنون اوله رق تیزه سنک اوینه کیتدی . . . ذهنی بك پریشان  
 ایدی . . . نه دن ؟ کیم بیلور ؟ شمدی به قدر هیج بر کیمسه نک  
 مفتونی دکل ایکن بود فعه بر صیادک طوزاغینه طوتیلدیغنی کندیسیده  
 حس ایدیوردی . عالیجناب آدمک قلبنده ایلک حاصل اولان  
 آرزو « تزوج ! » ایدی .

بونکیچون سوکیلیسنک کیم اولدیغنی اکلایم لازمدی .  
 ابتدا بر مکتوب یازدی .

صباحین ایرکندن قاله رق قوناغک قارشیسنده کی معهود  
 سوتجی دکانندن ایشی - فواد کی - تحقیق ایدرک سوکیلیسنک  
 کندی محبته لایق ( ؟ ) اولدیغنی اکلادی .

شمدی صره مکتوبه کلشیدی . قیودن مناسب یر اولمدیغندن  
 نادیده به باقه رق آره لقدن مکتوبی صقشیدردی . جوابی آلهجه  
 سوقاقی دونه رک مکتوبی اوقودی . . . موافقت ایتدیکنی کورنجه  
 کیم بیلور نقدر ممنون اولمش ، کیم بیلور کاغدی قاچ دفعه  
 اوقومشدر ! . . . هر اوقویشده نادیده حقنده کی تقدیراتی  
 آرتیوردی . اول امرده نادیده نک اوقیوب یازمه سنی استبعاد  
 ایتدیکی حالده یازیسنک و افاده سنک اولور اولمز ارککلره فائق  
 اولدیغنی کورمش وهله کتابتنک مکمل اولسی استحسنای ايله برابر  
 حیرتنی موجب اولمشدی .

جقیقتاً نادیده‌نك رحمتی پدری قزینی مكممل بر صورتده  
یازدرمشدی .

علی بك صولوغی طوغری تیزه‌سنك اوینده آلدی . یاننه  
چیقیدیده کوله‌رك دیدیکه :

— تته [\*] سكا تحف برشی سویایه جكم .

— نه سویلیه جكسك ؟

— ابتدا کولیه جكنی وعدایت !

— جانم نیچون کوله‌یم ؟ سویله باقه‌یم .

— بن اولنه جكم

— اولنه جكمیسك ؟ ..

— اوت .

— ای یا ! بنده ممنون اولورم . ذاتاً جانم بردو کون

یستوردی . الله مبارک ایتسون ! ای ، کیمی ایستورسك باقه‌یم ؟

— . . . فامیلیاسندن بر قزی ایستورم .

— آدی نه ؟

— نادیده !

— ها ! شو دنیا کوزلیمی ؟

علی بك سودیکنك بونام ایله تلقیب ایدلمسندن طولانی

ك زیاده ممنون اوله‌رق :

---

[\*] تیزه دمکدر



— اوت تیزه جگم ، ایسته اودنیا کوزانی آله جغم . چونکه  
 کندیسنی پک زیاده سویورم .  
 — سوکیلی اوغلم ، کندینه یازق ایتمشک  
 — نه دن ؟

— چونکه او قزک عفتی حقنده بعض لقیردیله وارده ...  
 — خیر خیر عزیز تیزه جگم ، بویله برشی اوملکده ! ...  
 اوله من . اولسه اولسه ، جزئی برخفت مزاجلق بولنه بیلور .  
 بو حال بعض بد خواهان طرفندن استکثار ایدلمشدرده ...  
 — هم برده او قیز کوزل اولدینی درجه ده متکبر ، مستهزی  
 بر شیمش . هیچ کیمسه نی بکنمیورمش . شمدی یه قدر آز  
 کیمسه لر می ایسته دی ؟ هیچ بریسنه ویرمدیلر اناسی راضی  
 اولمشه ده قز ، یابونک قولانغی بیوک ، یابورنی چوک کبی برطاقم  
 اغتراضلر سرد ایدرک هپسنی رد ایتمش ... !  
 — دیدکلرینک هپسی طوغری اولسه بیله ، بنی رد  
 ایتیه جکندن امینم .

— نیچون امین اولیورسک ؟ یوقسه کندیکی یکر می ایکی  
 سنه اولکی حالنده می قیاس ایدیورسک ؟  
 علی بک خاطرات الیمه نك تحت تأثیرنده اوله رق برکمه :  
 آه ! ایلدکن صکره دیدیکه :  
 — بن امینم دیدم یا !

— بوی امنیتلرک هیچ اساسی یوقدر اوغلم . حتی بیلمم  
کیمه مکتوبلر یازمش ، فلان ایتمشده صکره آناسندن ایستدکلری  
وقت ، چیرکین ! دیهرک رد ایتمش .

— خیر خیر ، بنی مطلقا قبول ایدر . سن یارین کیتده  
ایسته !

— وازکچ ، سن اولمک ایستیورسهک بن سکا بشقه برقر  
بولهیم .

— خیر ، بن بوندن بشقه سنی ایسته م .

— اکلادم . سنکده طمارکه شیطان کیرمش ! یارین کیدر  
نده جواب آلیرم . هم بونده هیچ شهبهک اولمسون !

— نیچون ؟ قز ایسته دکدن صکره اناسی ویرمزمی ؟ بزدن  
بوسنیمی بوله جق ؟

— قز ایسته سه اناسی ناموسلی آدمک بریسنه ویرر اما  
دیده خانم افندی ایسته میور .

— سویلدم یا ! بنی ایستر . سن یارین کیت ویرمز لسه  
یاپلم !

— خاطرک ایچون کیدرم .

تیزه سیله بوقراری ویردکدن صکره علی بک مستریحاً یتاغنه  
دی . صباحین ایرکندن تیزه سنی قالدیردی . تیزه سنک :

— نه او؟ — وائله جواباً :

— هایدی کیتسه کز آ ! دینجه تیزه سی قهقهه یی

صالیورم رک :

— آبول دلیمی اولدک بووقت کیدیلور می ؟

— کیدیلور آ !

— سبحان الله ! بووقت آدمی قوغویریر لر . ساعته باق باقمیم .

— ایکی یچق !

— کوردکی ؟ دها وقتی وار .

— اوف ، صحیح !

— مادامکه بو قدر عجله ایدیورسک بزه ایرکنجه کیدرز .

تیزه خانم سوساننجه به قدر بر ساعت مرور ایتدی . یانه

قومشودن بر قادین و برده خدمتچی آلهرق کوروجی کیتدیلر .

نادیده نك والده سی بویله ایکی یبانه چی خاتک ورودینه

تعجب ایدرک مسافرلری قارشولدی .

کیف فلان صورلدقدن صکره تیزه خانم سوزی نادیده به

انتقال ایتدیرم رک .

— خسته در ! جوانی آلمش و صکره ده سبب ورودلرینی

بیان و علی بکک مدایحنی تعداد ایدرک والده خانمده :

— آندن ایسنی بوله جق دکاز افندم . لکن شمدی

نادیده نك دوچار اولدینی مراق خسته لغی بوکا مانعدر .

جوابی کبی نازکانه بررد کورنجه :

— انشالله ای اولدینی وقت کلورز افندم . دیمشدی .

— انشالله افندم .

دها برقاچ هوایی سوزلدن صکره مسافرلر چیتوب  
کیتدیله اما خاتمک قلبنه درین بریاره آچدیله .

اگر قیزی اوقباحتی ایشله مه مش اولسه ایدی شبهه یوق که  
مع المنونیه علی بکه ویره جکدی . ملاقاتدهده سویلدیکی وجهله  
علی بکدن ایسنی بولوق حقیقتاً مشکدر .

« ای اولدقن صکره کلورز » دیدکلی وقت ( انشالله ! )  
دیدیکنه تعجب ایتیکیز . خانم . قیزی طغوردقن صکره علی  
بکه ویرمک فکرنده دکدی . بونی نزا کته رعایتاً سویلمشدی .  
تیزه خانم اوه کلدیکی وقت علی بکی همان سوقاق قپوسنده  
بولدی . علی بک تیزه سنک حالندن جواب رد آندیغنی فهم  
ایتدیسهده ایشی کوزلجه اکلامق ایستیوردی . لیکن صوک  
امیدینی دخی محو ایتمکی آرزو ایتیه رک صورمغه جسارت  
ایدهمدی .

نهایت تیزه سی دیدیکه :

— کوردکی ؟ بن سکا دیمدمی ؟

— نه اولدی ؟

— نه اوله جق ؟ اولمز دیدیله .

— ممکن دکل : والدہ سی قیزی طور شو قورہ جق دکل  
آ! البتہ برینہ ویرہ جک . قزہ صور دینی وقت اودہ بی  
ایستہ دیکندن اولوب بیتہ جک . طوغریسی سویلہ قوزم تیزہ  
بی اوزمہ !

— حقیقت جدی سویلیورم . نادیده خانم خستہ ایمش .

— خیر ، هیچ خستہ دکلدر جانم اوتہ کی کون ...

— ای اوتہ کی کون ...

— هیچ جانم هیچ .

— سن بندن برشی صاقلیورسک .

— خستہ دکلدر والسلام .

— نه یاپیم ؟ بکا اولیلہ سویلدیلر . حتی یانمہ بیلہ چیقمدی .

— سز نه یاپدیکز . شونی مفصلجه اکلات .

— کیدوب اوتوردق . دها هیچ برشی سویلمه دن

نادیده بی صورتق ، خستہ در دیدیلر .

— سزی الدائمشار .

— اوله مز . چونکه بزدها نیچون کلدی کمزی سویلمه مه .

مش ایدک . همدہ یولده کلورکن قوم شو خانمده :

— بر آیدنبری نادیده خانم مراق خستہ لغنه طوتلمشدر .

طویمد کمزی ؟ دیدی دیمک اولیورکه خستہ انی فی الواقع صحیح

ایمش .

علی بك ، « چیلدیرمق ایشدن بیله دکل ! آل شو  
مکتوبیده اوقو ! » دیه تیزه سنک اوکنه قوینندن چیقارمش  
اولدیغی نادیده نك مکتوبی ویردی . تیزه خانم اوقومق بیلمزکه  
اوقوسون ! هیچ برشی اکلایه مامش اولان قادینجیز فؤادك  
یوزینه باقه قالدی . که حالی ، زوالی علی ! چیلدیریور ! دیمك  
مقامنه قائم اولمشدی .

علی بك بونی اکلایه رق ایشی ایضاح ایچون دیدیکه :  
— ایشی ایی بیامدیكك ایچون سکا اکلایه قانم لازمدر .  
ایلك کلدیکم کون سوقاقده کز رکن نادیده می پنجره ده کوروب  
کندیسنی سودم . ایرته سی کون برمکتوب یازارق ، کیم  
اولدیغی اوکرندکن صکره کتوروب ویردم . . .  
— فصل ویردک ؟

— بقیچه قبوسنک آرم لغندن ایچری آتیویردم . برآز  
صکرده برمکتوب آلدیم که موافقتی بیلدیریوردی .  
— اویله ایسه نیچون خسته دیدیلر ؟  
— بیانم ؛ لکن خسته اولمادیغی بك ایی بیایرم . ده  
بشقه برشی سویلدیلرمی ؟

— انشالله کچوک خانم ایی اولسونده کلیرز دیدک . . .  
— نه جواب ویردیلر ؟  
— پکی ! دیدیلر .

— اویله ایسه ایش ، اولمش بتمش دیمکدر .

بونک اوزرینه علی بک طوغریجه نادیده نك اوینه کیتد -  
 یسه ده کندیسنی پنجرده کورمه دی . اقشامه قدر انتظارده  
 قالبده هیچ بر معلومات آله مدیغدن مایوس بر صورتده  
 تیزه سنك اوینه عودت ایتدی .

عجبا نادیده کندیسنی آلداتدیمی ؟ علی بک ، کندیسنی پک  
 زیاده معذب ایدن بو فکری دفع ایتمه سعی ایدیورسه ده  
 موفق اوله میوردی .

تیزه سنك دیدیکی کبی نایده کندیسيله اکلنمشده شمیدیه  
 یوزینه کولیورمشمیدی ؟ نادیده تکلیفنه موافقت ایتزسه  
 نه یاپه جقدی ؟ پونی بر دورلو کسدره میوردی .

اوکیجه بی بیک دورلو مراقایله اویقوسز کچردکن صکره  
 صباح اولدقده صولوغی ینه نادیده نك اوینده آلدیسه ده بر ایکی  
 ساعت قدر انتطاری بوشه چیقدیغی کبی ده اایکی اوج کون  
 بکادی . دردنجی کونی ، تیزه سنه حق ویررکن قپو یواشجه  
 اوریلوب بر مکتوب یره دوشدی .

نادیده بو مکتوبنده خسته لغندن بحثله والده سنك راضی  
 اولدیغنه پک زیاده تأسف ایدیوردی .

علی بکک خاطرینه نادیده بی قاچیرمق فکری کلدی . لکن

برپارچه دوشنور دوشنمز وجدانی ، بو آلقچه سنه حرکتدن  
کندیسنی منع ایتدی .

لک ، بوندن بشقه برچارده تصوراید میوردی . چونکه  
نادیده ، والدہ سنک کندیسنی برایی سنه قدر دها کیمسه  
ویرمیه جکئی علاوتاً درمیان ایدوردی . نه یاملی ؟ میدانده  
ایکی شق وار ایدیکه : بری ، نادیده نی قاجیرمق ؛ دیکری ،  
حیاتی فدا ایتمکدر .

اولمکدن ایسه نادیده نی قاجیرمق البته اولی در ! علی بک  
دها برپارچه دوشندکدن صکره کندی کندیسنی حقلی بولغه  
بیله باشلمشدی . اوپله یا ! بربرلرینی سویورلر ؟ ! .. والدہ سی  
لزومسنز یرہ ! .. بونلری نیچون منع ایدور ؟ ! ..

قزینک سعادتخالنی ایسته میهن بر والدیه ، قزینک قاجیرلدیغنی  
کورمک کبی بر فلاکت آذر بیله !

زووالی علی بک ! فصل بر قزی سودیکنی بیله میوردی .  
اوپله برخان قزکه کندیسی بوراده آنی دوشنورکن او ، آغری  
چکیور . والدہ سی زهرلمکی قرارلشدیر یوردی .

علی بک ، قاجیرمق ! قرارینی ویردکدن صکره بر مکتوب  
یازارق ایرتہ سی کون قیونک آزمه لغندن ایجری آتدی .  
نجرمدن علی بکک حالتی سیر ایدن دلربا ، مکتوبی آله رق



نادیده به کتوردی . نادیده . آرتق ایولکه یوز طوتمش اولوب  
یالکز یتاغندن چیقامیوردی .

قزینک تهاکی آتاندیغنی کورهن والدہ سی ، ینہ او طہ سنہ  
او غرامامغه باشامشدی .

دلربا مکتوبی کتورنجہ نادیده درعقب آچوب او قومغه  
باشلدی . یوزنده کوریلہن علایم مسرتدن دلربا مراق ایدرک  
صوردیکه :

— نه یازمش خانمجنم ؟

— ( کولہ رک ) بنی قاجیرمق ایستیور .

— قاجیرمقمی ؟

— اوت .

— امان یاربی ! بونہ فنا آدم !

— نیچون فنا اولیور ؟

— سزی قاجیردقدن صکرہ والدہ کنزلہ بنیدہ کدردن

اولدیرہ جکده انکیچون !

نادیده قابندن « انشا الله ! » دیدیسه ده ظاہراً رنک

ویرمیرک :

— نه یاپیم ؟ والدہم بنی کیمسہ یه ویرمیہ جکنی سویلدی

بندہ طبعی قاجہ جنم .

— ممکن دکل بن سزدن آیرلما .

— آفرین دلرباجغم . بن سنی تجربه ایچون سویلمشدم .  
هیچ برسیله فرار ایدرك قامیلیامزك ناموسنه خال  
کتیرمییم؟! ...

بوسوز اوزرینه دلربا ایچنی چکهرك :

— بیلرم خامجغم بیلرم! ...

— شورادن حقه قامی کتیرده جواب یازم .

— راضی اولمدیفکزی یازمق شرطیله کتیررم .

— دلی اولمه! . مکتوبده او یله شیلر هیچ یوق! ..

نادیدهك یازدینی جوابده بر قاج کون دهـا صبر ایتمی  
توصیه ایدلمشیدی .

درت کون صکره نادیده یتاقدن قالقه بیلدی . حاضرالنده علی  
بك وارکن تصور ایتدیکی فعل جنایتی میدانه کتیرمك ایستدی .  
بو وجهله ایشی قرار اشدردقدن صکره دلربایی چاغیردی  
دلربا کلهرك دیدیکه :

— بر شیمی ایستیورسکز خانجغم ؟

— بك زیاده حرارتم وار ، بر لیوناظه یاپده کتیر!

دلربا — پکی خانجغم دیهرك چیقدی . بر ایکی دقیقه صکره

نادیدهك ایستدیکی لیوناظهیی کتورمش ایدی .

زوالمی قیز! لوازمات قلیله سنی هپ کندی الیه تدارك

ایدیوردی! .

نادیده . لیوناطه نك ایکی پارمق قدرینی ایچدکدن صکره :  
 — والدہم چاغریور غالباً ؟ دیہرک دلربایی کوندرمش  
 و جیبندن چیقاردیغی صیجان اوتی علی العجلہ لیوناطہیہ قالہ  
 ریشہ درمش ایدی . جانیہ نك حال و طورندہ ہیچ بر تغیر  
 کورلمیور ، یالکز خاجانندن اللری تترہ یوردی .  
 بر آز صکرہ دلربا کلوب خامک چاغرمیدیغی سویلیہرک  
 بلکہ خستہلق ائناسندہ صایقلمشدرده سز اویلہ ظن ایتدیکنز .  
 دیدی .

— دلربا ! بنم صادق رفیقہ جغم ، لیوناطہیہ ایچہ مدم .  
 قالانییہ سن ایچیور .  
 دلربا ، خامنک خاطرینی قیرمامق ایچون بارداغی النہ آلہرق  
 ایچیوردی . . . . .

بر قاج یوظم ایچدکدن صکرہ :  
 — نقدر آجی ! دیہ باغری .  
 نادیده ، سسی بیلہ تترہ مکسزین :  
 — بندہ حس ایتدم . لیونی چوق صیقلمشدرده . . . .  
 واه زواللی دلربا واه ! واه زواللی معصوم قز جغز واه !  
 ہیچ شبہدہ بیلہ بولتمقسزین بارداغی نہایتہ قدر ایچوب بتردی .  
 فصل شبہدہ بولہ بیلوردی کہ ، کندیسنک جانی اولسنہ اینانہ  
 بیلورده خامنک بو حالنہ اصلاً احتمال ویرہ مزدی .

بارداغی چالقایوب یرینه براققدن صکره نادیده بی یالکنز  
براقدی .

نادیده ، ایشلیدیکی بو ایکنجی جنایتدن اصلا متأثر اولما-  
مش ، بلکه ده ممنون اولمشدی .

ایشک اصل اک اهمیتلیسی کزیده قالیور ایدی : والده-  
سنگده ایشنی بوکیجه بتیرمک لازمدی !

برکیجه ده ایکی وفات نظر دقتی جلب ایتمز می ایدی ؟ البته  
ایدر !

نادیده والده سنی اولدردکن صکره دلربانی اولدرمک  
لازمکله جکفی اکلادی اما ایش ایشدن کچمشدی . اووقت  
دلربا ایچون شدت تأثرندن وفات ایتدی دیه بیلیردی . لکن  
شمدی نه دیملی ؟

نادیده نک دوشنه مدیکی ویاخود صکره دن عقلنه کلدیکی  
برشی وارسه اوده بوایدی .

والده سنیده صیچان اوتی ایله زهرلمکی ترتیب ایتمشدی .  
حالبوکه شمدیکی ترتیب موجبنجه دلربا ، خانم دن اول اوله -  
جکدی . دلربایه ایچر دیکی صیچان اوتی لیموناظه ایله مخلوط  
اولدیغندن احتمالکه تأثیرینی براز کیچ اجرا ایدر .

والده سی خسته اولدیغندن صیچان اوتی یالکنز صوابله  
قاریش دیرمق زورله آغزندن آقتیویرردی . لکن بو حال

تهلاکدن آزاده دکلدی . نهایت دوشندی ، دوشندیده ،  
تدابیر خائنانه اعمال مفسدتن اصلا شایر میان فکر خبیثی  
والدهنی هوا سزلقدن بو غمق ایله آندنده قورتلمق ایچون  
برچاره بولدیغندن همان والده سنک او طه سنه قوشدی .

قادیجغز ، بوقدر اضطرابه طیانه مبهرق خسته لشمش ایدی .  
نادیده نك ایچرو کیرمه سندن متحصل صدا ، کندیسنی طالعیناقدن  
قورتاره رق ضعیف برسسله دیدی که :

— نه ایستیورسک ؟

— سختکزی ایستیورم والده جکم . مراق ایتدی کمندن  
او طه مده اوتوره مدم . هر نقدر طیشاری به چیقماقنی منع  
ایتمش ایسه کزده طیانه مدم . نصاسکز ؟

— باشم چوق آغرییور ، قلبمه بر صقندی کلیور . آد  
اولسه مده قورتلسه !

نادیده قلبندن : مرادینه نائل اوله جقسک ! دیدکن صکره :  
— الله امانت والده جکم ، الحمد لله هیچ بر شیکز یوق !  
والده سی ، اوبرقاج سوزی بیله صایقلمه نوعندن اوله رق  
سویامش اولدیغندن نادیده نك بوسکره کی لقر دیلرینی طویمیه -  
رق حما نوبتلری آرمه سنده طالب کیتمشدی !

ساعت اون ایکی اولمش ، طیشاریده قار یاغمقده وخیلی  
وقتدنبری دوام ایتمکده اولدیغندن برقاج پرمق یوکسلاش ،

اوطه نك پرده نری كاملاً ایندیرلمش اولدیغندن ایچریسی ایجه قراکلق اولمش ایدی .

خورشید جهانتاب ، اوکون نادیده نك ایشابه جکی جنا - یتاری کورمه مک ایچون بلوطلر آرقه سنده کیزلمش وکائناته قسوتلی بر حال بخش ایتشدی .

ایشته بویله برکونده غایت کوزل بر اوطه ده بر قیزایله بر آنا بولنیور و آناسی شدت مرضدن بایغین بر حالده یاتیورکن بویله مالکسیجا بر قزک مجرد بریسنه وارمق ایچون سبب حیاتی اولان والدمسنی اولدیره جکینه کیم احتمال ویره بیلور ؟ بوجانی قز . حس شقاوتی کوزلکینه معادل و بلکه فائق اولان بو خائن قز . والدمسنگ یورغانی باشنه چکهرک اوستنه اوتورمق و ییچاردنی تلف ایتک ایچون یرندن قالقدی . . یوزی صولمش . کوزلری فرلامش ، چهره سی منفور بر شکل اخذ ایتمش ایدی . خائنلکی درجه سنده متانت قلبه مالک اولان بو آلیق اولاد بر آدیم آندقدن صکره طوروب اطرافی دکلدی . کیمسه کمدیکی جهته آزاچقدها یاقلدشدی . . . آرتق والده - سنک خیر خیر ، جنایتنه قربان ایده جکی مغدورمک تایانه کمشدی ! . . والدمسنگ ، باشنه کلان بوفلا کتدن هییچ خبری اولمدیغی دوداقلرنده حاصل اولمش اولان تبسمدن بللی ایدی . یواش یواش اکیلدی . . . والدمسنگ یتاغی یانه دیز

چو کدی . . . یورغانی باشنه چکدی . . . اوستینه اوتوره جفی  
وقت بر ایاق پاتردیمی اولدیسده اذنسز کیمسه نك اوطهیه  
کیرمهیه جگنی بیلدیکندن کنندینی طوپلادی .

بو آراقی ساعت حزین بر ضربه ایله ( یارم ) ی اشعار  
ایتدی . طیشاروده سروی آغاچنده بر بایقوش مشئوم سسیله  
اوتکده وییقامده اولان بر بناء اللهدن طولایی صانکه حصوله کلان  
ممنونیتی اعلان ایتکده ایدی (!) . . . والده سنده اویانمق طوری  
کوریلیوردی . . . بناء علیه جسارت لازمدی . . . بو، نادیده ده  
مع زیاده موجود اولدیغندن ابتدا والده سـنـك کوکی اوزرینه  
اوتوردی . . . بچاره قادینجیز ، قالمق طورینی کوسـترنجه  
تدبیرینك بوزلمسندن قورقه رق والده سـنـك باشنی کوزلجه  
باصدردی . الك جسور حیدودلرده بیله کوریه میهن بر استراحت  
قاب ایله باشنه یورغانی چکدی و صکرده اوستینه اوتوردی .

ملعون جانیه !

اوج درت دقیقه ، والده سنك ، ولی نعمتک ، سبب حیا -  
تنك باشی اوستنده اوتوردی . دیوارده کی اصیلی ساعتک  
تیق طاق صدا سندن بشقه برشی ایدلیوردی . . . کندیسیده  
ایچنه بر فنالق کلدیکنی حس ایدرک یرندن قالدی . . . ایاقده  
طوردی . آرتق نادیده نك والده سی یوقدی ! کندی قزینك  
ایله باشنه یورغان چکیلش وهواسزلقدن بوغلمش ایدی . . .

کندی قزینک مردار برهوسی یولنه قربان کیتمشدی . . .  
 بایقوش بربری آردی صره اوچ دفعه دها اوتدی . . .  
 بودفعه نادیده ایله صانکه استهزا ایدیوردی ! . . .  
 نادیده نك طمارلرنده قانی قورومق ، طومق درجه لینه  
 گلش ایدی . کاشکه بویله بر حال وقوع بولسه ده ایدیده بوندن  
 صکره اجرا ایده چکی جنایتلر میدان کسه ایدی . . . .  
 ماعونه نك کوزلری قراردی . . . شدتلی بر هیجانه  
 قاپیلر ق بایلمش اولدینی حالد یزه دوشیوردی . . .

## — ۸ —

اولادلرینی حسن تربیه ایتیهن والدهلره جمعیت بشریه  
 طرفندن لغت ایدلسه سزادر ! . . .  
 چونکه بالاخره مضرتی ینه جمعیت بشریه عاند اوله جقدر !  
 طبق نادیده ده اولدینی کبی !  
 واقعا نادیده ده والدسی فضیلتدن بشقه برشی اوکرتمه -  
 مشدر . لکن اخلاق خصوصنده — متعصبلیکی ایله برابر —  
 ینه مسامحه کوستر مشدر .  
 ایشته بومسامحه سیده نهایت کندیسنک وبریچاره خلائق  
 اولومنه سبب اولمشدر .  
 نیچون ؟ می دیدیکز ؟ اوت ، حیاتینک محوینه سبیت ویره



کندی مساحه سیدر . چونکه قزینک بو حالنه البته واقف ایدی . بو حالنه دیشیمزدن علی بکه ، فؤاده مکتوب یازدیغنی اکلامیکز ، یالکیز قزینک خفیف مشربانه حرکتمده بولندیغنی بیلیمک لازمدی ، که بونیده مطلقاً بیلیمشدر .

شمدی بو حالده کورمه مزلاک ایتلمیدی؟ غایت اوفق بروقوعات اوزرینه کمال شدتله معامله ایتمی لازمدی . سسنی چیقارمادیغنی قیزینی سودیکندیمدر ؟

حاشا ! والدلرک — هان — کافه سی قیزم ، یانمده محجوب اولمسون ، دها عقلی ایرمز ، البته اوصلا نور زعمیلله — کوندن کونه آزمقده اولان — ایشه اهمیت ویرمیوب کوزلرینی یومارلر ، سسلرینی چیقارمزلر . اما اون بیکده بردانه سی مستثنا ایمش ! اندر دکلی ؟ نه حکمی اوله بیلور ! ایشه او یله والدلر ناموسلرینک بر باد اولمسنه سبب اولدقلری جهتله قیزلرینک خیر خواهی دکل بلکه دوشمانیدرلر !

باخصوص بوصوک سنه لرده : مدیتدر ! (?) دهرک آچیق صاحب قزبورلرده والدلری افتخار ایدیورلر ! یازق! . . . بویله بروالدن یتیمه ن اولادده حسیات ملیه ، حسیات وطنیه بولنه بیلورمی ؟

هیها ! . . . او یله لری ، والد و پدرلرینک سالک اولد . قلری طریق کمال رزالتله تعقیب ایدرلر . . . .

بویله بروالده دن یتیشهن چوجقلرده بویله در ! بویله بر  
والده دن تربیه کورده بر قیزده بویله بروالده اوله جقدر ! ...  
هله بعض اورویا شهینده قول قوله کز مکده اولان  
اسلام ارکک وقادینلرینک حالی قابنده ذره قدر حسیات  
اسلامیه سی بولنانلری هونکور هونکور اغلاته جق درجه ده در .  
عجبا مدنیت کله سی اخلاق بوزو قلغیله مترادفیدر ؟  
انسان بو حاللری کور یورده بلا اختیار کوزلرندن یاش  
بوشانه رق :

— « نرده سهک ای بزم اسکی وحشتمز ! » دیمکدن  
کندیسنی آله میور .

هیات ! .....

اورویا لیلر مدنیت کسه وده سی التنه صاقلنه رق بزم اخلاق  
مایه مزى محو ایدیورلر . بزده لایق دانه طاورانیورز !  
یازیق ! ....

اصل برنجی درجه ده اصلاح اولنسی لازمکله شی  
والده لرك حالیدر . بروالده اولادینک — مطلقا — جزئی ،  
کلی بر حرکتیه سیت ویره جکفی بیلملیدرده اکا کوره تقیداتده  
بولنمیدر . برانسان فصل که هر کسک نظر طمعی معطوف  
غایت قیمتدار بر مجوه رینی ، الماسنی کمال دقتله حفظ ایدرسه  
بروالده ده قزینه بوندن دها پک چوق زیاده دقت و آنی  
محافظه ایلملیدر .

غایت لطیف ، نازک ، نادیده چیچک‌کاری حاوی اولان بر  
 بغچه نصل، که فنا هو الردن محافظه اولمغه برابر، اقسام‌لری صولانمق  
 وکوندوزلری اوتلری آیقلاقمق ایچون بر بغچوانه محتاج ایسه  
 بر قیزده والده‌سنک نصایح مرشدانه‌سنه اویله جه محتاج‌در .  
 بر چیچک‌ک قنا هو الردن محافظه اولمسی بر والده‌ک ، قیزی ،  
 « دشمن عفت » شیق بکلر مزک یازد قلمی تذکره‌لردن محافظه  
 ایتمه‌سینه مشابه اولدیغی کبی بر بغچوانک چیچک‌کاری صولامه‌سی،  
 بر والده‌ک قزینه نصایح مرشدانه ویرمه‌سینه بکزر . کذلک  
 بر بغچوانک چیچک‌کارک یاننده چیق-ان اوتلری آیقلمه‌سیده بر  
 والده‌ک قزینک حرکاتنده کوریلن قصورک تصحیح‌جه  
 چالشمه‌سنک عینیدر .

یکی قادین اولمغه باش‌لایان بر قیز والده‌سندن حسن مثال  
 کورمزسه حالی نه اولور ؟ !

نیلرم اویله والده‌لری، که قزینه نصایح حقیقه ویره‌جکی  
 یرده قومشولرک بر طاقم عیلمندن بحث ایدر ! .

نیلرم اویله والده‌لری، که قزینه خانه اموری اوکره‌جک  
 ایکن ده‌ا کندیسسی بر پلاویشیرمه‌سنی بیله بیلمز !

بوسوز‌مزدن ، بعضیلری بو عاجز محرره طاریلوبده :  
 — الله الله آرتق هیچ ایشمز قالمیده آشجیلقمی اوکره -

جکیز ! .

صورتنده تویخده بولمسونلر . های های ! بر خانم نقدر  
 کبار اولورسه اولسون مطلقا اوینک هر ایشنه واقف اولمایدنر .  
 اولمزه خدمتجیلرک اینی یاخود فنا یایدقلرینی نرمدن بیله جک ؟  
 جناب رزاق کیمسه دن احسان بیورمش اولدقلری نعمت  
 الهیهلرینی استرداد بیورمسون ! دوشمنز قالمز بر اللهدر .  
 دیرلر . .

قادینلرک و باخصوص قزلرک عفتلری کرانهها بر جوهر  
 اولدیفی کبی محافظلری ده والدهلریدر . آرتق والدهلرک ده  
 چکه جکلری صعوبت ملاحظه اولنسون !

چونکه : اوجوهرک صاحبی اولان خانملرک دیرس-کلره  
 قدر آچیق قوللرندن ، یالکیز اینجه برتول ایله مستور ( ! )  
 چبلاق کوکسلرندن ، آچیق یوزلرندن قطع نظر ، ذهنلرینه  
 حک اولمش اولان « مدنیت ! » لفظنی سؤ استعمال ایتمه لری  
 اوجوهر عصمت علیهنه مترالیوزلر ! قدر مدهشدر ! لکن  
 قسم اعظملریده والدهلرندن کوریورلر ! .

او ! ! ای اصحاب جدیت سزده حدتانمکه باشلدیکز می ؟  
 نه یاپه لم ، اشاغی توکورسه م صاقالم ، یوقاری توکورسه م  
 بیغم ! . .

غلیان تأثرله یازدیغم شو بابه ختام ویرمزدن اول ، حسن

نیتک غمونه مدار اوله جفی امیدنده بولندیغمی عرض ایتک  
ایسترم . . .

— ۹ —

کیم بیلور نادیده احوال بیهوشیده تقدیر قلمشدرکه کوزینی  
آچدینی وقت اوطه یی زفیری ! تعبیرینه ماصدق اوله جق  
درجه ده قاپ قراناق بولدی . ابتدا نروده اولدینی کسدره .  
میه رک آلیق آلیق باقدیسه ده برار صکره هرشی ذهنه کلد .  
یکندن وجودینی اورپر مکن منع ایده مدی دهشتلی برقورقو  
کندینی استیلا ایدوردی . یایشلدیکی جنایت طویولورسه ؟ .  
یاشمدی والدیه سی قالقوب بوغازینه سازیلورسه ؟ . برمدت  
صکره جسارت خائنانه سی طوپالایه رق یرندن قالدی . . .  
ال یوردامیه کبریتی بولوب درت موملی برکوش شمعدانی  
یاقدی . . .

کوزینه ایلک ایلشهن شی ، والدیه سنک کندیسنه طوغری  
آچیق اولدینی حالده معطوف قالان فرسز کوزلری ایدی . .  
ساعت ایکی یی اوردی . . . عجبا دلربا اولمشمی ایدی ؟  
شمی نادیده یی بوخوف استیلا ایدی . اگر اولمشه قور .  
دی خائنانه تدبیری محو اوله جق ، ایکی وفادن شهله نه جکلردی .  
ارتق نه اولمشه اولمشدی . بناءً علیه تدبیرینی اجرا ایتکه

یعنی باغروب چاغرمغه باشیدی . بو اوست پرده دن ایتدیکی  
کوراتی بر چاریک قدر دوام ایتدیده خلائقار او یله کله یلدیلر .  
سببی ده زواللی دلربانی اشاغیده مجهول بر آغری ، بر صیزی  
طوتمسیدر .

کله دن خلائقار ، کچوک خانملرینی فوق العاده بر حالد  
آغلامقده پنمکده اولدیغی حالد کوردیلر .

ابتدا خانملرینک — مراق خسته انی سبندن ! — عاتی  
طوتمش ظن ایدرک کولمکه باشلایلر سده نادیده نک ، خسته نک  
اوطه سنده بولندیغی کورنجه نظر دقتلری آچیلدی . عقللرینه  
کله دن بر حالک صحیح اولوب اولمادیغی ا کلامق ایچون یتـاـغـه  
طوغری قوشدیلر سده زواللی قادینجغزک وجودینی بوز کی  
کورملریله نادیده دن زیاده کوراتی یه ، فریاده باشلایلر . اما بـاـکـه  
آزاد اولورز فکریله قلملرنندن ده سونیورلردی ،

بونکله برابر بوزواللی اسیرلرک اغلاشی نادیده یه نسبتله  
پک صمیمی ایدی !!!

مغدور دلربا اشاغیده جانیه اوغرا شیرکن قیو بولداش لرینک  
و کچوک خانمک یوقاریده کی فریادلرین ، ایشیدنجه بیوک خانمه  
بر حال اولدیغی ا کلایه رق سورینه سورینه مردیوهن باشنه قدر  
کلدیسه ده قوتی کسپله رک دوشیویردی . . . . خیر ، دها طوغر .  
یسی : اولدیغی یرده طور یویردی . مطبخ دنده کوراتی یه قوشان

آشچی قادینک معاونتیه اوطیه قدر کله بیلدی ... ینه آشچی  
قادینک یاردیمیه ایاغه قالدق هرق «آه خانم جغم!» دیه متوفیه نک  
اوزینه آتیه رق یرم دوش-ویوردی. دلرباده نادیده نک نیت  
خائنه سنه قربان کیتمشیدی! آرتق اوطه ده بر میت دها بولنیور.  
دی... بایقوش بردقمه دها اوتدی!...

دلربایه ابتدا کیمسه اهمیت ویرمدی... آغلامه فصلی  
بیتدکن صکره جمله سنک کوزلری موص مور اوله رق کچوک  
خانلرینک — که بوندن بویه بی-وک خانلری اوله جقدی —  
یانه طویلانه رق تسللی یه باشلایلر...

نادیده تسللی!... قبول ایدیورمی یا؟!... هیچ طور -  
مامه جه سنه آغلامقده و دلربانک ده حاله دقت ایتدیکندن قبا  
کولمکده ایدی. خالایقلر دلربانک حالا یاتدیغنه برمعنا ویره -  
میه رک قالمه سی ایچون اللرندن طوتدیارسه ده بردنبره کیرو  
چکلایلر. چونکه زواللی دلربانکده الی بوز کسيلمشدی.  
جمله سی باشنه اوشدایلر. کھیا قادین مراقله سسلنه رک:

— دلربا! قالقسه ک آ آیول!

— قرداشم شمدی یاتمه نک صره سیمی؟

— اویقوسه نک نقدر آغر اولدیغنی بی-لورز. اویویه

قالمشدر. دلربا، قالقسه ک آ!

سس ویرم دیکنی کوردکارندن جمله سی تعجبدہ قالدیلر .  
نادیدہ دم اوزاقدن دیدیکہ :

— دلربایہ نہ اولمش ؟

— کیم بیلور خانمجم ؟ یاتمش قالقمیور .

نادیدہ ، دلربانک یعنی — سم غدرینه قربان ایتدیکی  
بیکنناھک یاننہ یاقلاشہرق الیلہ دورتوب دیدیکہ :  
— دلربا ، دلربا ! نہ اولدک ؟

کھیا قادین ، سائرلرندن زیادہ تجربہ کورمش اختیارجه  
برشی اولدیغندن خلایغک بریسنه خطاباً دیدیکہ :  
— هایدی قوش ! براوفاق آینه کتیر .

نادیدہ قوردینی پالانی کمال انتظام ومہارتلہ اداره ایتدہ  
یکندن طولانی کندی کندینی تبریک ایدیوردی . فی الواقع  
کیمسہیہ ذرہ قدر شہہ کلہمیہ جکدی .

کھیا قادینک سوزندن برشی اکلاہمامش اولان کلتر ،  
نادیدہ نک اوطہسندن اوفق برال آینه سی کتیردی .

کھیا قادین ، آینه یی الہ آلہرق دلربانک بورسنہ یاقلاشدردی .  
کمال دقتلہ آینه یہ باقدی ایسہدہ بر اثر حیات کورہمیہ رک  
کوزلری یاشلی اولدیغی حالہ :

— اللہ رحمت ایتسون ! دیدی .

آغلامق تکرار باشلادی ! ..



اما بودفعه هیچ بریسنکی جدی دکل ایدی . خایقار  
 دلربایی — کندیلرینه اویمدیچون — سومزلر ایدی .  
 نادیده ده ذاتاً دلربایی کندییی زهرلمش اولدیغندن هیچ  
 متأثر اولمادی .

یالکیز آشیجی قادین ایله کهیاقدین براز آجیمقده ایدیلر .  
 بوفصلده بیتدکن صوکره کهیا قادین دیدیکه :  
 — بو اولادجغم ! .. آغلامه نك لزومی یوق . امر حق  
 بویله ایمش ، نه یاپلم ؟ هایدی برپارچه یمک ییکزده عقالکیز  
 باشکزه کلسون .

— آه ! انسانك بوغازندن کیدرمی ، که ییهیم ...  
 — یمزسه کز دها فنا اولور . هایدی اشیجی قادین ، یمکی  
 ایصیتده بزه خبر کوندز .

نادیده ، یالکیز والدہسی ایله دلربایی اولدرمکی دوشو -  
 نمش اولدیغندن شمیدن صوکره نه یاپه جغنی بیلمیوردی ..  
 برچاریک صکره کویا شدت تأثرندن کندییینی طوتامیور -  
 مش کی صاللانہ صاللانہ یمک اوطه سنه کیردی .

آدمک بوغازندن یمک کیدرمی دیمشدی اما کندییی  
 مکمل براوبور کی یدی . چونکه ساعت درده یاقلشیوردی .  
 یمکک صوکره طوغری نادیده ینه آغلامغه باشلادی .  
 بودفعه کی آغلامه سی پک جدی ایدی . وای تعجبمی ایتدیکز ؟

اوت ، نادیده پك جدی آغایوردی . سپییده سودیکی علی بکه  
 وارمق ایچون ایکی آی قدردها صبرایتمه سی لازمکلمه سی ایدی .  
 کندیسسی صبر ایتسون اما علی بکه فصل خبر ویرسون ؟ ایشته  
 شمدی زواللی دلربانی آرامغه باشلدی . تدیرنده قصور ایتد-  
 یکنی ، هرایش اولوب بئدکدن صکره دلربانی اولدرمك لازم  
 کلدیکنی درك ایتدی . شمدی خالایقك بریسیله قپو آرداغندن  
 مکتوب کوندرسه کندیسنه نه دیرلر ؟ آناسی دون اولدی ،  
 اوبوکون عاشققرینه مکتوب یازیور ! دیه بتون مملکته اعلان  
 ایتمز لرمیدی ؟

کهایا قادین و خالایقلر — که عددی ایکی به تنزل ایتشدی —  
 خانملرینك اغلامه سنی والده سی حقنده ظن و شدت محبتنه حمل  
 ایدرك کویا تسلی ایچون بحره بیلدکری سوزی س—ویلمکه  
 باشلادیلر .

— باق خانم قزم ، بویله هر زمان آغلامیه جقسك .

— آه ! آه ! آغلامیه مده نه یاپیم ؟

— جانم هیمز اوله جکزر . دنیا ده کیم قالمشکه !

— صحیح خانم جغم پك طوغری سویلیور ،

— هیمز آجیورز اما ! اللهك امری . کیم نه دیه بیلور ؟

نادیده بوسوزلره قارشى یالکز ایچنی اچکمکه کتفا ایلدی .

— کوزلر کزد باقسه کز آ ! آغلامقدن قان چاناغنه دونمش .

بوکوزل یوزیکزه هیچ یاقشمیور . شیطان قولاغنه قورشون !  
صکره برخسته لق کتیررده نه یابه رز ؟

ایشته بوسوزلر نادیده نك آغله سنی کسدی . همد بچاق  
کبی !..

کندی سنك حسن و آنه اك بیوک بردخلی اولان او ایکی  
شاهانه کوزلرینك قیمتی نادیده هر کسدن زیاده تقدیر ایتشدی .  
ایرته سی کون جنازه قالقدی . تفصیلاتندن قارئلر من  
خوشلانیمه جقلری جهته مختصر کچه جکزر .

کوندریله ن خبر اوزرینه ده کجه لین نادیده نك تیزه لری  
کلش و صباحلینده وقوعاتی خبر آلان قومشولر اللرنده مندیله  
اولدینی حالده اوه طولدیلر — دوکون اوی کبی — سلاملقده  
ارکک ایله !

نادیده او طه سینه قیانش طیشاری چیقمیوردی . کیم  
بیلور ، بلکه ایچریده سونجندن اوینایوردی .  
آغلایه آغلایه او طه سندن چیقدینی وقت هر کس حالندن  
اورکدی . چونکه خنزیر قیز حقیقتاً پك چوق آغلایقندن  
حالی تبدل ایتشیدی . یاوالده سی قپودن چیقارکن باصـدیـنی  
چیغلق !..

جنازه ده حاضر بولـنـلـرک کافه سی مغموم ایدی که —  
بوده بردرجهیه قدر جدیدر — چونکه اکثریمی بوفامیلیانک

لطف‌دیده لرندن مرکب ایدی . بوندن بشقه مملکتک تکمیل  
معتبرانی دخی موجود ایدی .

نادر یکی اون‌تدیکز می ؟ اوده بوراده ایدی . همدۀ ایبوش  
ایله برابر !

جنازه‌نک آرقه‌سی صره یوریورلر . همدۀ لقردی اید .  
یورلرایدی :

نادر — دیسه‌ک آنادیده پک بیوفا ایمش .

— شه‌می وار ؟

— وای قه‌به وای . دها فؤادله کوریشه‌لی سکز آی

یکی اولیور . بویله ایکن بردوست دها پیدا ایتسون !

— ایتدی اما بنده جانمی چیقاردی . یدی آی جاسو -

سالمق ! خوشه کیدر شی دکلدر . آرقداش‌لر طورمیوب

قزاندیلر بن کوشه باشنده کلوب کیده‌نی کوزتله‌دم .

— ایشته بنده سنی عفو ایتدم . حقیقتاً بیوک برصداقت

کوستردک . بن نیه شاشیورم بیلورمیسک ؟

— خیر !

— شو بزم علی بک‌کده بودالا کبی عاشق اولیشی !

— عفو ایدرسکز اما ، سزده بروقت ...

— او ! او کچدی ، اوش‌دتلی سودا شه‌مدی شدتلی بر

انتقامه مبدل اولدی .

— بن علی بکی عیلام . او کوزلر بنم بیله صبرمی توکه .  
تیور . یا اومعهود کیجه ! اومايسك اون ایکنجی کیجه سی !  
آه فؤاد آه ! نه بختیار ایش ! بر قورشون یدی اما نائل اولدینی  
شیئه نسبتله هیچدر .

— بوناری براق ، انتقامی دوشونه لم .

— بوده دوشونیله جاك شیعی ؟ محسنه سویلدیکم کبی  
بریسنی کوندر . نادیده نك قابنه برقا صوقدینی کبی ایش  
اولور بیتر . بن کیدرم اما . . . اون ایکی سنه اولیکی کبی . . .  
— یو ! ! صاقین ها ! بویله ایسته مم . بویله اولور سه  
چکه جکی اذیت بش دقیقه لق برشیدر . اولنجیه قدر عذاب  
ایچنده قالمه سنی ایسترم .

— برشی دها وار اما بیلام بکنور میسکنز ؟

— نه ایش سویله باقه لم ؟

— قابوپ طاغه قاجیر رز . ایستدیککنزی یاپار سکنز .  
صکرده بزه ترك ایدر سکنز . . . .

— اصلا ! اسکی عشقمه حرمتاً بویله بر حاله کرتار  
اولمه سنی ایسته مم .

— اوراسی سزك بیله جککنز ایش !

— برشی ذهیمی قاریشدر یور .

— صوره بیایرمی یم ؟

— عجباً فؤاددن چو جق اولیه جقمی ؟

— بیله میورم .

— آم اولسه ایدی !

— نه یاپه جقدیکز ؟ .

— نه می یاپه جقدم ؟ تحف صوریورسک به ! بوکون

عقلک نرمده ؟ انتقامه آلت یاپه جقدم .

— حقیقتاً پک ایی اولوردی .

— البته اولوریا ! لیکن چه فائده که اولمدی . چونکه

نادیده که اولسه بوکون بو قدر کشینک ایچنه چیقامزدی . او یله  
دکلی ؟

— نه دن مایوس او یورسکز ؟ بلکه نادیده یدی آیده

طوغور مشدر ؟ هانی نادیده نک مراق خسته لغنه طوتیلدیغی  
واوطله سندن چیقامدیغی اعلان اولمیدی ایدی ؟

— اوت ، نه دیمک ایستورسک ؟

— ( کوله رک ) شمدیده سز بنم سویلدکلامی

اکلامیورسکز .

— زوزکلیک صره سی دکل . چابوق سویله ، مزارلغه

یاقاشیورز .

— بن نادیده نک بو خسته لغنه اصلاً اینانه مدیغمدن تحقیق

ایتمشدم . اما تحقیقاتم نادیده نک فی الحقیقه خسته اولدیغنی بکا

او کرمشیدی شمدی خاطر مه کلیورکه نادیده او کیجه بایلدی .

والدهسی طبیعی طوید یغندن قزینه ایشی صور مشدر . اوده  
یا طوغریسنی سویلدی یا خود سویلمدی ؛ سویلمدیه قارنده کی  
چو جفی والده سندن کیزلیه میه جکندن نهایت ایش میدانه  
چیمه مشدر . بوفامیا نك ندر متعصب اولدیغنی بیلور سکنز .

— نادیده مستثنا اوله رق !

— والدهسی ده کیسه نك کورمه سی ایچون احتماله  
بر او طیه حبس ایش و هر کسه او یله اعلان ایشدر .

— بوده اوله بیلور . بر چو جق اولوب اولدیغنی کوز لجه  
تحقیق ایتایسك . شاید اولمش ایسه او چو جفی چالارز . . .

— وانتقام کزی الورز دکلی ؟

— بو ، بویله ؛ بو کیجه کی ایش نصل ؟

— یولنده .

— ای ترتیب اولندی ؟

— مکمل صورتده .

— یا اوته کیسی ؟

— هانکیسی ؟

— \* \* \* \* بکک چو جفی .

— ها ! او دها اوله مدی . چفتا که کله جک هفته کیده .

جکلمش ، یولده قاپارز اولزمی ؟

— اکر یالکز کیدرسه !

— زیان یوق ، کیتسه کیتسه ایکی کشی ایله کیدر بونکده  
چاره سنی محسن بولور .

— بونی صکرده دوش-نیرز بوکیجه کی کاربانه اینی دقت  
ایتملی . بشقه چته لرله برلشدکزمی ؟

— خیر بکم ، یالکیز برچته ایله برلشدک . پوصولری  
قوردیلر . اوطاراجق بوغازدن کچمک ایچون مطلقا تسلیم  
اولمغه مجبور اوله جقلردر .

— هایدی کورهیم سنی !

شهرک طیشاریسندنه نادیده نیک فامیلیاسنه مخصوص مزاراغه  
کلش اولدقلرندن بوایکی جانی سوزلرینه ختام ویردیلر .  
تصور ایتدکلری ماده اوکیجه برکاربان صویمق ، بر بکک  
جوجغنی قایمق ایدی .

جنازه مراسمی اجرا اولندقدن صکره جماعت طاغیلدی  
یچاره دلرباده نادیده نیک اصراری اوزرینه بوفامیلیانک مزاراغنه  
دفن اولنمشدی .

— ۱۰ —

علی بک خاطر کزده دریا ؟ جنازه ده اوده حاضر ایدی .  
بوعالیجناب آدم بر قاق جهت-دن معذب اولیوردی . اولاً :  
متوفیه آجیوردی . ثانیاً : والده سنک وفاتندن طولانی



دوچار كدر ( ! ) اوله جق اولان نادیده به آجیوردی .  
ثالثاً : دوكونلرينك سريعا اجرا اولنه ميه جغه تاسف  
ایدیوردی .

صاقين ! نادیده نك والده سی وفات ایتدی ، آرتق اورتده  
مانع قالمدی دیه علی بکی سونیور ظن ایتیک !  
علی بك كندی سعادتیی ، دیکرینك فلاکتنده آریان  
طامدن دکلر .

نادیده دن برقاچ کون دها صبر ایتسنی مبین مکتوبی آنجه  
چار ناچار تیزه سنك اوینه عودت ایتمکه مجبور اولمشدی .  
شونیده خبر ویرمکی اونتمه لم که علی بك ایله نادر بك بربرینه  
اوزاقدن اوزاغه خصم درلر . علی بكك حال منزویانه سی  
کیسه ایله کورشمه سنه مساعده ایتدیکی جهنله نادر بك ایله  
کورشمز لردی . کورشمز لردی دیشمزدن اصلا کورشمز لردی  
اکلامیکز ! بیرامدن بیرامه ، نماز کیجه سی [ ° ] تبریکی ایچون  
کوریشور لردی .

علی بك ، پدرندن انتقال ایدن او ثروت عظیمه دن بشقه  
اوچ درت وقف چفتلک لری نه ده متولیلک ایدیوردیکه اگر علی  
بکک اولادی اولنر سه نادر بکه انتقال ایده جکدی .

---

[ ° ] قنذیل کیجه سی دیمکلر .

اولکی متولایلر زیاده سیله آچیق براقش اولدیغندن علی بک  
بونلری تعمیر ایچون او پاره دن هیج استفاده ایتمز و شاید  
پاره آرتسه بر قاج دکان دها آلهرق وارداتی تزیید ایتمکده  
قصور ایتمزدی ...

..

نادیده نك تیزملری کندیسینی بر خیلی مدت دها یالکیز  
براقیدیلر . اوک ایچی قارمه قاریشق برحاله کلمشدی .  
ایکی وفاتک وقوغنه کیمسه تعجب ایتمه مش و هرکس  
دلربایه و خانمه آجیمقدمه بولتمشلر ایدی .

نادیده ، اوطه سنده سوقاغه باقهرق علی بکک کلمدیکنی  
کورنجه جانی صیقاییوردی . کندینک هریرده دوشندیکی ،  
هروقت معذب اولدینی شی : والدسنک تهدیدینی اجرا ایدوب  
ایتمدیکی کیفیتی ایدی . یعنی - والدسی نادیده نك سرینی بشقه  
بر آدمه تودیع ایتمشیدی ؟ . دها صکر دلری دوشنه دوشنه  
بونک او قدر قورقویه سبب اوله میه جغنی حکم ایتمکده تردد  
ایتمدی . چونکه : مادامکه چوجنی یوقدر . کندینی نه ایله انهام  
ایده جکک ! ؟ . والدسی سویله مش اولسه بیله انکار ایتمه نه  
ایله اثبات اولنه جقدی ؟

علیهنه الک مدهش بربرهان چوجنی ایکن انیده ، اوزواللی  
بیکناهیده دها دنیانی کورمه دن قتل ایتمه مشمیدی ؟ ..

بر آزردها تعمیق نظر ایدنبجه والدہ سنک افشای راز  
ایتمدیکنه حکم ایتدی . والدہ سی بوسری اواسه اواسه حالت  
نزعنده سوییایه بیاردی حالبوکه اودقیقهده بیچاره نك یاننده  
کندی اولادی ینه کندی قاتلی اولق اوزره بولنیوردی .  
ناموس خصوصنده بو قدر متعصب اولان بر والدہ قزینک  
و بناء علیه کندی فاملیاسنک سرینی ، ناموسسزلغنی افشا  
ایتمدیکی بر آدمک یوزینه باقه مزدی ! ایشته بو فکر نادیدهنی  
بتون بتون مطمئن ایتدی ، بویله اولدیغنه سویییدی . هر تقدیر  
حرکانی اثبات اولنه مزدیسه ده ینه بر سوء تأثیری موجب  
اولمقدن کیر و طور مزدی .

نادیده نی مضطرب ایدن فکرک بریسیده : مایسک اون  
ایکنجی کیجه سی سوکیلیسی فؤادی جرح واحتمالکه قتل ایدن  
آدملر ایدی . عجبا بونلر نادیده نك سرینی محافظه ایتدیلمی؟  
و ایده جکلمی؟ یوقسه بتون مملکت خلقنه اعلان ایتدیلمی؟  
عجبا بو آدملر کیمدی؟

آرهدن اون بش کون مرور ایتدیکی حالده علی بکدن  
هیچ بر خبر ظهور ایتدیکنه نادیده پک زیاده شاشیوردی .  
عجبا بوبیوفالغنی ، فؤاد وقوعاتی ایچون برشی طویدیده آندمنی  
نشئت ایدیوردی؟

کور بیورسکنز که بوجانیه نك فکری هر نقدر راحت اولسه  
بینه ینه هر حالده موسوسدر .

ایشله دیکی جنایتلره اصلا ندامت کتیرمه مشدی . لیکن  
بر راحت اویقو اویودیغی ده یوقدی . هر کیجه والده سی ،  
گاه کفنیله کوزینك اوکنه کلور . بوغازینی صیقمق ایستر ؛  
گاه یورغانی باشنه چکرك قزینی بوغمق ایستر . حاصلی :  
نادیده ده برخاجان قاب ، برصقنی ایله اویانور . گاه دلربانك حالی  
کوزینك اوکنه کلیر ، کنیدیسنه راحت اویقو اویوتمزدی .  
بوکا چاره اولمق اوزره پك زیاده اویقوسی کلنجهیه قدر اوتورر  
واولدیغی یرده اویویه قالیر دیسه ده کوزینی قیادقجه یوالده سنك  
یاخود دلربانك خیالی کنیدیسنی تعقیب ایدر لردی . ایشته بویله جه  
والده سنك وفاتی کونندنبیری اوچ درت کیجه یتاغنه آنجق  
یاته بیلمشدی .

بو صورتلده ایشله دیکی جنایتلرک جزای مغنویسنی چکمه  
باشلادی .

نادیده ینه پنجره ده اوتوررکن علی بکی کورر کورمن  
یورکی حویلادی . علی بك قپویه یاقلشهرق بر مکتوب صقشد .  
ریویردی .

ایشته بو وقت ده نادیده دلربانی آرادی ! ... نه یاپسون  
بالمجوریه قالقوب یواش یواش بغچهیه ایندی . کزه کزه طبیعی  
برطور ایله قپویه یاقلشدی . ... همان مکتوبی آلدی .

سودیکی چیم گوشکه کیده رک حوض باشنده اوتوروب  
 علی بکک مکتوبی اوقودی . علی بک تعزیتدن صکره بوکنج  
 یاشنده بویه یالکیز قالمغک ندر مؤر اولدیغنی بیان ایدرک  
 آرتق بر مانع قالمدیغنی جهتمله لطمأ کندیسنک قبوانی استرحام  
 ایدوردی .

نادیده — قلم و کاغذیده برانکده کتیرمش اولدیغندن —  
 جواب موافقتی یازمغه باشدی . خاطرینه کیهن برکله یی دوشنورکن  
 کوزلری بالا اختیار بر نقطه یه معطوف قالدی . بوده : چاقیل  
 طاشلری آرمسند قالمش ، قوریمش قان ایدی . شهسز فؤادک  
 اوله جق ! مکتوبی ویردکن صکره ینه حوض باشنه کلدی  
 واقعا اوتوریه جق موسم دکلدیسه ده شباطک اون دردینه تصا -  
 دف ایدن بو کون ، عادتاً یازدن قالمشدی .

آه بو حوض باشی آه ! آه بو چم گوشک آه ! کندیسنه  
 نه لر اخطار ایتور ! او کیجه ! مایسک اون ایکنجی او لطافتلی  
 کیجه سی !

بو قامیلیانک مبدأ فلاکتی اولان او مشئوم کیجه ! ندر  
 وقوعات هیجان انکیز ایله مرور ایتشدی ! ...

او مسرت دقیقه لرینک ختامنی اعلان ایدن او قورقنج  
 سلاح سسی حالا قولاغنده طنین انداز اولیوردی ! ..

اسکی سوکیلیس-نک آغوشنده بولندیغی دقیقه یی تحطاره  
غشی اولیوردی . . . فؤادک خیالیده کوزی اوکنه کادی .  
علی بک ایله مقایسه ایتدی : فؤادده حال نوجوانیلک ؛  
علی بکده ، ییکیتلک نمایان اولیوردی .

والدهسنک ، دلربانک ، فؤادک ، علی بکک خیاللری صره  
ایله کوزینک اوکندن کچدی .

وجدان دنیلهن اوحس عالیدن کندینه اصلا اثر بولنمیان  
بوسفیل مخلوق ، ایشلیدیکی جنایاتدن هیچ متأثر اولیور  
وکندی سعادتحالی ایچون اجرا ایتدیکندن کندینی معذور  
کورییوردی .

مع هذا بوقدر جنایاتره سبب اولان اوشدتلی عشقی  
محو اولدیغندن طولانی کندی کندیسنی تویجیه سزا  
کورئیوردی .

بو « دنیه نک قلبنده آرتق عشق ، محبت ، فضیلت ، قورقو  
قالماش ، یرینه یالکیز » استیحصال مرام » قائم اولمشدی .  
اقشام وقت غروبده قدر اوتوردقون و برایجه اوشودکدن  
صکره ایجری کیردی . براز صکره خسته لقمه کندیسنی استقبال  
ایلدی .

اوکیجه یی صایقلمه ایله کچیردی .  
زوالی تیزه سی ایسه « والده سنک حانه تأسف ایتدیکندن »

اولمش در فکر نده بولندیغندن شدت کدرله نادیده به برشی  
 اولسون ديه قورقوردی . نادیده دخی — کندی بیلمیه رک —  
 ترله سی ایچون اوزرینه اورتیلن شیلر التمه یاتوردی .  
 ایرته سی کون مسافر کلدیکنی خبر ویردکلرندن تیزه خانم  
 مسافری استقباله کتیدی .

بر چاریک ، یکر می دقیقه قدر کچدکن صکره تکرار  
 نادیده نک یانه کلدی .

یواشجه سسلنه رک :

— نادیده ، نادیده ! قیزم . .

— ( یواشجه کوزلرینی آچهرق ) نه ایستیورسکیز ؟

— بنی ایجه دکله . سنیکله آزاجق قنوشه جغم .

-- سزی دکلیورم .

— قزم ، پدرک ووالدهک جناب حتمک امریله وفات

ایتدیله . سکاده پک چوق میراث قالدی .

— آه ! آه !

— کوزللهکده مملکتتمزده بولمئزسک بونکچون . . .

— آمان تیزه جکم ، شمدی صره سیمی ؟

— طور ، سوزمی کسمه ! یالکزلقده سکا پک کوچ

کله جکندن . . .

نادیده ، تیزه سنك مرامنى اكلا دىغندن سوينيور دى .  
تيزه سى سوزنده دوامله :

— سنى مناسب بريسنه وىرسهك اولمزمى ؟

ناديدهنك يوركى هوپ هوپ اوينا يوردى . واقعا اولنه جككه  
سوينيور ديسه ده كيم اولديغنى بيلمىدىكى جهتله مرقا ايدىوردى .  
تيزه سنك سؤالنه — بو وقت اقراننده هپ كوريله ن —  
كويا برطور محجوبانه ايله :

— سز بيلورسكز . ديدى .

— بىم بيله جكم راضى اولمقاغكدر . باق ايشته گلشاي  
على بك ايچون سنى ايستيورلر . نه ديهيم ؟

— . . . . .

— سويلسهك آ !

— ( كويا محجوبانه ) سز بيلورسكز . .

— كيدوب راضى اولديغنى سويليه جكم .

ناديده تيزه سنك بوسوزلرينه قارشى راضى اولديغنى ايما  
ايدن برطور ايله باشنى اكدى .

ياهو ! ! بونلر نه مؤثر سوز ايمش ! نادیده خسته انى  
فلانى اونتىدى . ذاتاً دوچار اولديغى خسته لقه آزاجق  
صغوق آلمقدن عبارتدى .

تيزه خانم ايجرويه كيدرك اولور ! جوابنى باصردى .



علی بك يكرمى كوفى كوچ حال ايله صبر ايدرك كچيرمش  
وبو خصوصده — تيزه-س-نك قولنججه — باش-نك اتى  
يمش ! . . . . ايدى .

علی بك همان جنازه‌دن برهفته صكره تيزه‌نى يوللايه -  
جقدى . بركت ویرس-ونكه تيزه‌سى عقللى وصايغىلى برقادین  
اولديغ-دن علی بكك س-وزینی قبول ایتیموب عیب اولديغنى  
بیان ایتشدی .

نهایت برکون علی بكك اصرارینه قیزوب :

— آبول ، عیدر ، سويليه سويليه ديامده توى ! . . .  
یتدی ! . . . هیچ اکلامیورمیسك . دیهرك حقلی برتکیدرده  
بولنمشدی .

اكا قاله ایدی ، سنه‌سى كچمه‌دن نادیده‌نى کیدوب ایسته‌مکی  
موافق انسانیت کورمزدی .

علی بكك ابرامی نهایت بولیورمى یا ؟

علی بك چفتا-كه كیتسه — همان هرکون — مخصوص  
آدمله مکتوب کوندروب حوادث بکلدیکنی یازار ایدی .  
آرتق تیزه‌س-یده اولادی کبی سودیکی علی بكك حالنه  
آجیه‌رق نادیده‌نى ایسته‌مش و هیچ اومدیغنى جواب موافقتی  
آلنججه علی بکه خبر ویرمه‌كه قوشمشدر .  
آرتق علی بکده‌کی مسرتی سز تصور ایدیگز ! . .

بر قاج دفعه ده ایاکی تیزه خانلر بیننده وقوعبولان . ملاقات  
ایشی بتون بتون یولنه قویهرق رسماً اعلان ایدلدی .  
علی بك ممنوناً چفتا که کیده رک صادق کهیاسی قنبر ایله  
اولاد مغنویه سی فؤاده — شمیدی به قدر وقوعا تندن اصلا خبر  
ویرم دیکچون — ایشی اکلاته حق وکله جک هفته وقوعبوله .  
جق نکا خنده حاضر بولنق اوزره بونلری شهره کتیره .  
جکدی .

علی بك همان چفتا که کیدوب ایکی سودیکنی — که مؤخرأ  
اوج اولمشیدی — یاننه چاغردی .  
پدزینک حاله ده برفوق العاده لك حس ایدن فؤادک —  
برحس قبل الوقوعدن — طولای یورکی چاریمغه باشلدی .  
جین فکرلی قورناز قنبرده بونی پک کوزل درک ایتمشدی .  
علی بك قنبره خطاباً :

— ای قوجه زورلی قهرمان ! آرتق سنک نصیحتلر که  
حاجت قالمدی . اولیورم . .

فؤادک یورکی صیقیلیوردی .

قنبر ، علی بکک سوزلرندن ممنون اوله رق :

— بویله اولمی ! یابوقدر ثروت نه اوله جق . برمینمی

علی بك دها دنیا به کلیلدر . . .

— یا کلیورسک قهرمان آرقداشم . ثروت عینیه خارجی

کوزلاکه بکزر. بر عارضه، بر حادثه آنی محو ایده بیلور. بناء  
 علیه اکا اعتماد اولنه مر. هم آله جغم قیزمماکتهمزده نادر بولنور.  
 — زنکینجه بر شیمی؟

— اوت، هم پک زیاده زنکین، همده زنکینلکنندن قات  
 قات زیاده کوزل! دیدم یا شهر مزده مثلی یوقدر.  
 فؤادک شبهه لری کیتدکجه تزايد ایتدیکنندن پک زیاده  
 مضطرب اولیوردی.

قنبر، علی بکک مدخنه قارشى دیدی که:  
 — اوه! والله ممنون اولدم، بویله اولمى یا! کیمک قزی؟  
 — ... فامیلیاسندن نادیده اسمنده...

علی بک فامیلیا-انک اسمنى سویلرکن فؤادک هیبج شبهه-ی  
 قلاماش اولدیغندن کوزلری بردنبره قراردی. اوطه ده کی مو-  
 جودات صانکه دور ایدیوردی. صانکه بو عالی اوطه ییقلامشده  
 فؤاد آلتنده قالمشدی. قولاقلری چینلامغه، چکه لری کلیدلنمکه  
 باشلادی. نفسی کس-یلیور، بوغازی قورییوردی. زواللی  
 چوجق، درونی بر آهی متعاقب بایلیویوردی.

قنبرک حالی ده شایان دقت ایدی. علی بکک لقر دیلری  
 آتشین حروفادن متشکل ایمش کی ذهننه حک اولمش ایدی.  
 علی بکک بو حاللره دقت ایدمک وقتی می وار؟.. مع مافیه  
 فؤادک بای-لمدیغنی کوردی. قنبرایله برابر مداوات لازمه

بالابتدار زواللی دلیقانلی بی آیلمدیله . قنبر ، علی بکده حاصل اولمسی طبیعی بولان شبهه بی ازاله ایچون دیدیکه :

— بچاره فؤاد ، قاج آیدن بریدرکه بو حاله دوچار اولدی آزاجق کوزلری بریره طاله جق ، آزاجق مسرور اوله جق اولورسه بویله بایلیور .

بونسکه برابر ، قنبر علی بکی فکرندن جایدرمق ایچون دیدی که :

— بك كوزل اولديغني بنده ايشتمشدم . . يالکيز . . .

— ای ! يالکيز ؟

— برپارچه آچيقجه . . .

— ( شدتله ) يالان ! افترا همده بك آجی افترا ! ندیده برملک ؟ ! . . ، بر آلهة عصمت ! ؟ . . در . حتمنده افترايه جرات ايدمن کستاخک اغزنی شوالارمله پارچه پارچه ایدرم . قوجه قهرمان ! بوسوزلری سـ و یلدکه غضبی ده تزايد ایتمش اولدیغندن حالی بك مهیب اولمشدی . حتی قنبر بیله بر آرمق حالندن اورکدی . بچاره فؤاد ! بواندیغی حاله ، ایشتمدیکی سـ و زلره اینانمن و بتون بونلره رؤیا نظریله باقار ایدی .

زوالینک کشتی امیدى ، نه مهلك بر کرداب غمه طو تلمشیدی ! علی بك ، كندی سـ و کیلیسی الندن آلمش ، غصب ایتمش

اولدیغندن قانی ایچسه حرصنی تسکین ایده مزدی . لکن  
 علی بک کیمدر ؟ سؤالنه بر جواب بولسه ایدی !

سوکیلسنی غضب ایدن آدم ، پدر مغنویه سی ، ولی نعمتی -  
 در . اکا قارشی بر حرکتده بولمقدن ایسه اولومنی ترجیح  
 ایتک فؤاد ایچون البته ده اولی در !

علی بکک حدقی بر پارچه تسکین اولدوق :

— سن نه دیرسک فؤاد ؟

بوسؤال ، فؤادی دوچار اولدیغی حال نیم مردکیدن قور -  
 تاردی . نه جواب ویرسون ؟ .. سننک اهترازندن حالی بللی  
 اولیه جقمی ؟ .. سکوت ایتکده هیچ اوله میه جفی جهته مطلقا  
 بر جواب ویرمک لازمکلیکندن جبر نفسله :

— سز فصل یاپار ایسه کز بنده بکنه جکم طبعیدر .

دیه بیلدی .

— سکاویردیکم بر سنه مهلتده کلیور . آرتق ایکی دوکونی  
 بر لیکده یاپارز .

یچاره فؤاد بوسوزلره قارشی اوילה بر صورتده بویینی  
 بوکدی ، که هر حالنه دقت ایدن قنبرک کوزلری یشاردیغندن  
 بونلری کوسترمه مک ایچون باشنی اوته طرفه چویرمکه مجبور  
 اولدی !

قنبر آغاسون ! ممکنمی ؟ ..

نشوؤ سرورله عادتاً دلی اولمش اولان علی بك بریده  
طورا بیلورمی که ! .

دوستلرینه بو خبر مسرتی ! ؟ . . تبلیغ ایتدکن صکره  
وقت کچیرمکه مدار اولور فکر یله چفته سنی آله رق قیره چیتدی .  
علی بك یانلرندن آیرلدقن صکره قنبر ایله فؤاد بربرلرینک  
یوزلرینه باقه قالدیلر .

بو باقشمه بر چاریک قدر دوام ایتدی . نهایت فؤاد صبر  
ایده میوب کندیسنی قنبرک قوجاغنه آتہ رق آغلغنه باشدی .  
او مخوف چهره سینه هیج یاقشمیه جق بر صورتده قنبرک  
دخی آغلایشنه نه دیرسکز ؟

فی الواقع آغلنه جق شیدر . ولی نعمتلری او یله بریسنی  
سویورکه اوقیز دیگر بر سودا اوغرندہ کندیسنی فدا ایتشدز .  
بو آدم کیم ؟ شمدی به قدر کمال عز و ناز ایله بیوتدیکی اوغلی !  
مکر زواللی علی بك ، فؤادی اغاج قوووغندن کندی سعادتنه  
مانع اولسون ! دیه قورتارمش !

علی بکه سویله سہلر ، یا صدق افاده لرینه قائل اولیه جق ،  
یا خود بیننه بر قورشون صیقه رق کندی کندینی اولدره جکدی .  
دلی کبی اولمش اولان فؤاد آزا جق عقتانی باشنه آله رق  
منصفانه بر صورتده دوشوندی :

نصل اولمشده سو کیایسی ، بر دیگرینی سومشدی . بو قدر

بیوفاق اولورمی ؟ آه خائن آه ! بو جهانی تلفظ ایدن فؤادک  
کوزلرنده آتشی حرص وانتقام یارلدادی .

ابتدا پک خائن کوردیکی سوکیلیسنی — اجه دوشوندکن  
صکره — معذور کورمیه باشلمسونمی ؟

اوله یا ! او بر عاجز قادیندر ؟ .. فؤاد ، طموز آیدن  
زیاده جه بر مدته کندیسنی هیچ آره یوب صورمدینی حالمه  
اونه یاپسون ؟ ندامتک بیک برپارهیه ! آرق قنبره ایتدیک شتم  
سویلمدیک سوز قالادی . بو حاله سبیده باشیجه قنبری  
کور یوردی .

نچون کندیسنک بردقیقه بیله آرقه سنی براقه مشیدی ؟ ..  
کندیسنک نه نه لازمدی ؟ ..

دها زیاده دوشوندکجه قنبره ده قباحه بولماغه باشادی .  
چونکه پک زیاده اصرار ایتش اولسه ایدی قنبره یاپه بیلوردی ؟  
هیچ ! ! ! . انظما پذیر اولق درجه سنه کلن اوشدتلی عشق  
شمیدی اولکندن دها مدهش بر صورتده انشعال ایتشدی .  
ابتدا علی بکی و صکره ده نادیده یی دها صکره کندینی اولدرمک  
ایستدیسسه ده برکت ویرسونکه بویله بر فعله جرأت ایدمه مک  
درجه سنده صاحب قلب ایدی .

علی بکک نه قباحه وار ؟ نادیده سویلمیه جک کوزلردن

مفتون اولنیه جق دلبرلردنمیدر؟ بونی انکار ایتک کونش  
یوقدر دیمکدن — کندی عندنده — دها فاحش ایدی .

بو حالد نادیده ده عاشقندن برخبر آله مینجه علی بکه طبیعی  
مماشات ایتمشدر . کیم بیلیر نادیده کندیسنه نقدر تو یخده  
بولندی ! . حقیده یوقی یا ؟ ! . دها این دوشوندکجه هپ  
قباحتک کندی اوزرندده قالدیغنی کورنجه بردنبره کوزلرینی قان  
برودی . . . . . الری بلنده کی بچاغه کیتدی . . . . .

امان یارب ! . . . . . بردنی قیزک عشقی ، خیر ، بر جانیه نک  
جنتی انسانی نه درجه لره سوق ایدیور ! فؤاد شمدی کندی  
قاتیمی اوله جق ؟ . . . . . سبب ؟ عشق ! دها طوغربیسی — یتمش  
دورلو دنیله ن — دلیلیکک بر نوعی ! . . . . .

فؤاد سلاخلغنده بچاغنی آرایوردی . . . . .  
هههات ! . . . . . تجر به کار قنبر فؤادک بلنده بچاق ، طبانجه  
براقورمی ؟ ! . . . . .

فؤادک بو حالنی سیر ایدن قنبر دیدیکه :  
— نه آره بورسک فؤاد ؟

— ( سرت برسلاه ) نه یاپه جقسک ؟  
— هی کیدی هی ! نه می یاپه جغم ؟ سنی اولومدن قورتاره جغم !  
— سنک نه وظیفهک ؟ حیات بنم دکلی ؟ نه ایستر سه م پیارم  
سن نه قاریشیورسک ؟



— اصلا ! بنی کندی چو جنی کبی چوکدن بری تریه  
ایدهن ولی نعمتمی کندی دیلمله زهرایه م . بو حقیقتی خبر  
ویرمه مک ایچون کندی دیلمیده قویاریم سنک کینیده !  
فؤادک بو سوزلرینه قارشى قنبر مایوسه نه بر صورتده  
کوله رک باشنى صاللامقه اکتفا ایتدی .

— ۱۱ —

بو وقوعات بوراده جریان ایتمکده ایکن نادر بکک قونا -  
غنده ده نادر بک ایله ایبوش باش باشه ویروب قنوشیورلردی .  
نادر بک دیوردیکه :  
— ایشته شمدی بالیه اوغراق .  
— کدرمز بو اولسون ! نه یاپه لم بر برلرینی آله جقلم .  
— یا چو جقلم اولورسه ؟  
— اولورسه اولور ! بزه نه ؟  
— سن بنی خدمدن پاتالتمق ایستیورسک غالبا ؟  
— استغفراه !  
— او یله یا ! چو جق اولورسه بزم متوالیک اوچمش اوله !  
— صحیح به ! بونکده قولانی وار . چو جقک بوغازینی  
صیق دیغم کبی . . .

— بوده نافله، اگر چو جق اولوبده شاید وفات ایده جک  
اولورسه علی بک ایسته دیکنه حواله ایده بیلیر .

— نه ایجه دوشونلمش تدبیر !

— دوشنه من اوله ییدیلر ! اکر بونی الدن غائب ایدرسه ک  
برکاربان اورسه ق دکل آ اون دانه سنی صویسه قینه زیان  
ایتمش اولورز . هم هپسی قورقاق اولوب بردنبره تسلیم او-  
لیویرمز لر . . .

— حقیقت . بو سفر کیلر نه بدلا حریفلر ایمش . ده-  
تسلیم اول ! دیر دیمز طور یویردیلر .

— بو حاللری هم عقلایلقلرینه همده قورقاقلقلرینه دلالت  
ایدر .

— اوت ، بوغازی کچمک ایچون مطلقا تسلیم اولمه لری  
لازمدر . نافله یره جانلرینی تهلیکه یه قویمدیلر .

— هم بو سفر کی حریفلرده چوق پاره وارمش . . .

— بو سفر آنلره بن ریاست ایتدیمده بویله اولدی .  
یوقسه او آحق محسنه قالسه ایدی ، وای حالزه !

— اویله اما حریف جسوردر .

— نه مه لازم ؟ آبدلدر یاسز اوکا باقمکز ! یالکیز یو جیلرک  
جیلرینی ، باندده کی کمرلرینی آرامغی اوکرمش . اما بن المه  
کچن آدمده برپاره بر اقام . کمرلرنده المی ایرا بیله چیممادی

محسن اولسه ایدی براقوب دوندی . هم یامدی یاه ؟ . بویه  
آزپاره کورنجه خبر ویره ناره سوکوب صایغه باشدی . برکت  
ویرسونکه (!) بن اوراده ایدمه قیل طوربالری ، گویا بیکیرلر  
ایچون اولان اوت دمتلرینک ایچنی ، اسکی پوسکی شیلری  
آره دمده بوپاره یه نائل اولدق .

— آفرین ایبوش ! بن ذاتا سنک قیمتی بیلدیکمدن  
وبوسغیرکی کارباندہ چوق پاره اولدیغنی ده اوکرندیکمدن سنی  
کوندردم . .

— ها ! باقک ! شو تحف شیئی ده سویلهیم : آزقالدی  
اوج ، درتیوز لیرانی غائب ایدیور ایدک .  
— نهدن ؟

— یولجیلرک ایچنده اسکی پوسکی اثواب کیمش دیلنجی  
قیافتلی برحریف واردی . . .  
— اوت . . .

— صره کندیسنه کلنجه آغلیه رق صیزلیه رق کندیسنده  
پاره اولدیغنی و آنلرک اوشاغی اولدیغنی جهتله کندیسنه  
طوقوننامه مزنی یالواره رق سویله دی . بزده کندیسندن هیچ  
شبهه لمیه رک چکلرک . برطاش آرقه سمندن نه یاپه جملر دیه کوز .  
تیوردق . برده بوبدلا حریف بلندن برکمر چیقارمسونمی ؟  
— ای ! ! .

— چیقاردیغی کمری همان — اولجه آراد یغمز — برقیل طور-  
 بانک اینجه طیقدی . بزده میدانه چیقوب اوپاره نی ده آلدق .  
 — های شاشغین حریف های ! . اوتنه کی فصل طور یور ؟  
 — اولومله قورقتدیغمز دن راحتجه اوطوریور .  
 — محافظه سنه اینی دقت ایدکز . دون باباسی اون کشی  
 دها چیقاردی .

— اون دکل آیوز اون کشی نی آرامغه کوندرسه بزنی  
 ینه بوله مزله ! انلر طاغ تپهلر نده طولاشسونلر بزبوراده شهرک  
 یاننده راحت ایدم .

— بویله بر راحت موقعه سزنی نائل ایتدیکندن طولانی  
 اواسکی توبه کار ارقداشکیزه نقدر تشکر ایتسه کیز آزد در !  
 — ها ! شو بدلا قیر سردارینه می ؟ مسکین حریف !  
 بزنی ترک ایتدیده صانکه ایش یاپدی . او بزم طاغ باشلرنده کی ،  
 تپهلر ده کی موقعلر مزی آراسون ! بز شهر یاننده بر مغاره بولدق ، که  
 حالا اوتوریوز .

— بواون کشی ایله برابر اللی کشی اولیور . شاید  
 یریکیز کشف اولسه بیله هیچ طور کیزی بوزمیکیز . یالکیز  
 چوجغاک یانکیزده بولنامه سنه دقت ایدکز ! ییه جکنه ، ایچجکینه  
 باقیورسکیز آ ؟

— اوت افندم .

برده چو جفی آرامقدن واز چکمه سی ایچون باباسنه بر  
مکتوب یازده اکر واز چکمه جک اولورسه چو جغینک باشنی  
کوندره جکمزى سویله !

— پک اعلا ، قاج ایرا ایسته یه لم ؟

— برقاج بیک ایرا کندیسنه ویز کلورسده ده حریف پک  
حسیس اولدیغدن سکزیوز ایرا یتیشور . اکر ایکی کوندن  
اول گلزسه اوسکره کی کونلرک هربری ایچونده یوزر ایرا ضم  
ایدرسکز . فصل ایی دکلئ ؟

— دکل یا ! او آنتون کوپنی بوشالتم ، دها زیاده ایسته یه لم .

— دیدم یا ! صکره یاسه کلور هیچ ویرمز . . . . .

— پکی امرکزی اجرا ایدرم . بشقه بر سویلیه جکککز

وارمی ؟

— اوت ، امرلرم : سنک ممکن مرتبه هرکسه آز کور نمکلکک

برده ایی صاقلنمه کز . چو جغه دقت ایله باقه کزدن عبارتدر .

— امین اولککزکه بونلر مامیله اجرا اولنه جقدر . بن

شمدی بر پارجه یمک کتوره جکم .

— کیجه اولدقدن صکره ها !

نادر بکک بوسوزندن صکره ابوش :

— دعالر ! دهرک طیشاری چیقدی . لیکن ایکی دقیقه

مرور ایدر ایتمز تکرار ایجری کیردی .

نادر بك متعجب اوله رق دیدی كه :

— خیر اوله ، بر شیمی اونتدك ؟

— خیر بكم ، عقلمه بر تدبیر كلدی .

— نه حقنده ؟

— علی بك ومتوليك حقنده !

— آمان چابوق سویله .

— شاید علی بكك نادیده دن بر چوجنی اولور سه آنی

قایمق ایچون بنم چنته كه یرلشمكلكم اویمازمی ؟

— اولور می یا ؟

— بك اعلا اولور بكم . بن شمیدین اورایه یرلشیر

ایسه م کیسه نك شبه سنی دعوت ایتمش اولمام . لیکن چوجق

دنیا به كلكدن صوكره آنی قایمق ایستر ایسه ك موفق اوله جغمز

شبه لیدر . برده : چوجق طوغار ، طوغمز بر قولانی بولوب

آنی اولدرر ایسه م علی بك چوجفك طوغدیغنی اثبات ایده

میه جکی جهته متوليك نزه قالور .

— صحیح بك اینی بر تدبیر دوشونمشك ! بن بونی دها

ایجه اصلاح ایدرم . سن ارقداشلرینك ییه جگنی کیجه اولدقدن

صوكره کوتور .

— دلیمی به ؟ کوندزین کوتور ویده کندیمزی الهویرر .

می به ؟ .

## — ۱۲ —

آودن عودت ایدمن علی بک ایکی دانه طاوشان آنجق  
کتیره بیلیمشدی .

کال شطارتله — طبیعیدرکه فؤاد مستثنا اوله جق ! —  
قبر بزمناست کتیره رک دیدی که :

— کلین خانمیزی سز پک زیاده سودیککنز کی عجب اوده  
سزی سویورمی ؟

— سویورمی ؟ ده سوزمی یا ؟

— سزی سودیکندن امینسکنز دیمک ؟

— شبهه سز !

— نه ایله کسب قناعت ایتدیکنز ؟

فؤاد ، کال اضطراب ایله علی بکک آغزینه باقیوردی .  
علی بک قنبرک سؤالنه قارشى :

— مکتوبلریله کسب قناعت ایدیورم ! دیهرک نادیده نک  
مکتوبلرینی قویندن چیقاردی .

بشقه کیمسه لره بوخزینه سعادتى کوسترمکه قصقانونر سده  
اوغلی فؤاددن ، همان برادرى مقامنده عد ایتدیکی قنبردن  
بونلری کیزله مه مکده بر بآس کورمیوردی . قنبرده علی بکک

کندی حقنده بومعامله سنی بیلور سسه ده ینه کندیسنه افندی  
معامله سی ایتمکده ویالکیز براز تکلیفسزلک کو ستر مکده ایدی .  
علی بکک میدانده قوید یغنی مکتوبلره فؤاد بلا اختیار باقدی .  
بردانه سنی الله آله رقی سوکیایسینک یازی سنی طانیقده صعوبت  
چکمدی . ایشته شمدی دنیا کندیسنه حقیقه زندان  
کسیامشدی . نه یاپدیغنی بیلمکسزین مکتوبی آغز ینه کوتوردی  
کوزلرندن نبعان ایدهن ایکی کوز یاشی اقدیسسی اکثر یازیلری  
سیلدی . . .

علی بک اللریخی ییقامقده اولدیغدن بوکا دقت ایده مدی .  
قنبری صور میکز ! حقیقه مأیوس اولمشدی .  
قنبر ، فؤادله یالکیز قالدقلری وقت فؤاد برطور استهزا  
کارانه ایله دیدی که :

— کوردیکز می قنبراغا ؟ بو حاله سنک سبب اولدیغنی  
شمدی ده سویله بیلور میسک ؟

— آه فؤاد جکم ، بویله اوله جغنی کیم بیلوردی . بن سنی  
قنالغک ایچونمی منع ایتدم ؟ برطرفدنده ممنون اولیورم . باق !  
عشق یله دلی دیوانه اولدیغک قیزه باق ! برسنه اولمه دن سنی  
اونیتیو یردی .

— صوص قنبر ! صوص ! .. بن او زوالینک ناموسنی  
پایمال ایده یمه هیچ کیدوب آرامه میم ! بونه بیوک بردنأ سدر !



بو آخلفانی ستر ایچون بر طاقم دلائل کو ستر مکده ینه او قدر  
دنیلکدر !

— هر نه اولمشه اولمش ! شمدی سکا قردشجه سنه ،  
باباجه سنه ، دوستجه سنه ، ارقداشجه سنه بر نصیحت ویرهیم :  
اسکی وقعه بی کلیاً خاطرنندن چیقارملیسک واقعا کندیسنی  
کوردجه صبر ایدمه جکک بدیهی در . بناء علیه دیگر بر چفتلکده  
اوطور رسک .

— مقتدر اوله بیلسم — شمدیکی حانه نظراً — حقیقتاً  
مسعود اولور ایدم .

— مطلقاً مقتدر اولملیسک . پدرینه خیالتمی ایده جکسک ؟  
والده لکنی اغفالمی ایده جکسک ؟ علی بکک سنده بو قدر حق  
وار . او حقه قارشی سنده ایقای دین ایتلمسک .  
— آه طالع آه !

— شمدی سن علی بکه ایشدن هیچ بررنک ویرمزسک  
بن سنی دو کوندن برقاج کون اول بر چفتلکده کوندرتیرم .  
— اصلاً ! بن مطلقاً دو کونده بولنه جغم .  
فؤاد بولقر دیلری اولقدر قطعی سویلمشدی ، که قنبر تصدیق  
مقامنده باشنی اکمه که مجبور اولدی .

صوک سوزنی متعاقب کیده ن فؤادک آرقه سندن باقه رق :  
— یارنی ! بکا آرتق آجی ! اون ایکی سنده نبریدر راحت

راحت یشابورکن شو چو جفی بدبخت ایدرک بنی ده جزالند -  
 زمه ! آم ! ناموس اوغرنده ارتکاب ایتدیکم برجنایتک  
 جزاسی بوقدر بیوکی اوله جقدر ؟ یدی سینه جلادلق ایدرک  
 خلقتدن آری ، جمعیت بشریه دن — وحشی حیوانلر کی —  
 اوزاق یشادمده حالا جزامی بیترمدمی ؟ بوزواللی اولادجعمک  
 نه قباحتی وار ؟ «تپه دللی» نک سبب اولدیفی برجنایتک جزاسنی  
 آخر عمرمده دخی چکه جکمی یم ؟  
 زواللی قنبر ! هونکور هونکور اغلایوردی ! .

اورته یردن اوافق تفک کاملا قالدیرلمش اولوب شمعدانلر ،  
 یصدیقلر ، دیوارلره — کورنیمه ن طرفلریدن — کوزجه مر -  
 بوط اولوب اوطه لک قسم اعظمی کلیدلی ایدی . متعدد خد -  
 متکارلر ، شربت باردقلرینک ، قهوه فیاجانلرینک آرقه سی  
 صخره قوشیورلر ایدی [۹] . جمعیت آرسنده برقچ کشی بریره  
 طوپلانهرق لقردی ایدبور لردی — که هپسیده مملکتک معتبره -  
 نندن ایدیلر — کوزجه کینمش بربک دیوردیکه :

— طوغریسی بن بوایشه تعجب ایدبورم .

[۹] مملکتک عادی مقننہ سانجه بویه نکاح جمعیتنه کیده ن خنق قیز  
 اوندنه نه بولورسه مطلقا جالار . مؤخراینه اعاده ایدیلر . اصل هنر ،  
 کیمسه به برنی چاندر مامقدر . کبار اولسون ، فقرا اولسون بو عاده  
 رعایت ایدرلر .

— نیچون تعجب ایدیورسکیز ؟

— اویله قرق — قرق بشلک بر آدمک بویله کورپه جک  
برقزی آلمسنه تعجب ایدلمزمی ؟

— واقعا علی بک سزک دیدیککز یاشده در اما حالا کوز-  
لدر همده پک زنکیندر .

— حسن اخلاقیده یرنده در .

— الله مبارک ایتسون !

هپسی — آمین !

دیگر بر جمعیتده بریمی یاننده کی احبابنک قولاغنه اکیلهرک  
دیوردی ، که :

— قز پک آچیقدر !

— اوت بویله ایشتم . آرتق بوقدرده قصوری اولمز  
ایسه حقیقتاً ملک دینمکه لایقدر .

— حتی علی بک ایله ده آره لرنده برماجرا اولمش . . .

— نه کی اقدام ؟

— علی بکک ازدواجدن نفرت ایتدیکی معلومکزددر .

— اوت اقدام .

— صکره لری بوقوناغک اوکنده طورمغه باشلمش . . .

— غریب شی !

— خیر اقدام ، غرابت یوق ! چونکه خانم افندیکنک کوزلرنده

اویله بر تأثیر واردرکه طاشدن قاتی اولان یورکلری بیله . . .

— قورقارم سزده . . .

ایچنی چکه رک :

— یکمیش شیلر افندم ، نصلسه بردفعه بزم وکیاخرج

چکرکن . . . کوچک قپو معلومکزددر آ؟

— خیر افندم ، طولاشمدم ، که بیلهیم !

— هر نه ایسه ، ایسته او قپودن طیشازی به طوغری بر

مکتوب اوزاددیغنی کورمش . علی بکده اوراده طور یومش .

برپارچه یوریه رک آرقه سنه باقار ، که علی بک مکتوبی آلیورمش .

— بوده تحف . طوغریسی یا بکا علی بک اولنیور دیدکلری

وقت بن اینامدم .

— بنده کذا !

هر بر قاچ کنی آره بنده بویولده محاوره لر جریان ایتمکده

ایدی .

دیگر بر او طه دهده شو یولده بر محاوره جریان ایدیوردی :

— میدانده کیسه یوق . شو شمعدانی آلهک آ !

— وای ! باغلامشیر !

— بن جیمه ایکی قهوه فیاجانی قویدم اما قیرم دیسه

ای شی !

— بنده ده برسیغاره طباغی وار !

— بنده بر شربت بارداغی یقالادم .

— موص ، خدمتچی کلیور .

برطرفده قنبر محزونانه اوطورمش اولوب یانندهده فؤاد  
طور یوردی . فؤادك حالنده بك زیاده برمنونیت وار ایدی .  
عالیجناب چوجق ! افندیسنك سعادتى اوغرنده كندی  
حسیاتی محو ایتمش ایدی ! آرتق نكاحدن صکره اسکی  
خاطره لری تجدید ایتك ؛ هم ولی نعمتی . همده اسکی معشو -  
قه سنی معذب ایتك اوله جنی جهتله آنلری اونتمغه باشلامش  
ایدی .

ایشته فؤاد بونکچون مسرور طور یوردی .  
دیگر بریرده نادر بك ایله برابر برط - اقم بکله اوتور -  
مشدی . چوجنی قاپیلان بکده بودو کونده همده تانادر بکك  
یاننده اوله رق چوجغه دائر مکالمه ایتکده ایدیلر :  
نادر — واه ، واه ! افندم ، عجباً هیچ برسر رشته بوله  
بیلدیکزمی ؟

— خیر افندم اوقدر تحریاتك هپسی بوشه کیتدی . حتی  
بوصباح بورایه کلیرکن برمکتوب آلدیم .  
نادر بك ، ایبوشك قرار اقتضاسنجه مکتوبی دها اول  
کوندزه جکینی حساب ایتکده ایکن بویله ایکی کون کچیکدیکنی  
کورنجه مراقله دیدیکه :  
— کیمدن افندم ؟

— کیمن اوله جق ؟ اوخائئرلرک رئیسندن !

— وای مامونلر وای ! عجیبا نه یازیورلر ؟

— خبیئلر . تشبئاتمدن واز کجهرک سکنز یوز ایرا کوندور .

مکلاکمی یازمشلر !

— جواب ویردیکنزمی ؟

— خیر افندم ، وقت اولمدیکه !

— نه یابه جقسکنز ؟

— نه یاییم ؟ ایکی کون مهلت ویرمشلر . بوکوند ده تکرار

یکرمی کشی دها کوندردم اکر برشیئه موفق اوله منزلر سه

طبیعی موافقت ایده جکم . آم خائئرلر اله کچسهر !

بوصووک انقردیلر نادر بکی اچجه قورقتدی . برده بلا

فتور سکنز یوز ایرای ویرمه سنی مامول ایتدیکنندن دها زیاده

یازدرمدیغنه پشیمان اولیوردی . اوته طرفده بر جمعیتده ده .

والده سی وفات ایده لی دها ایکی آی اولمه دن دوکونه موافقت

ایتدیکنندن طولانی نادیده نی تقبیح ایدیورلردی . دها اوته

طرفده ده مملکتک علما سی اوتوره رق براسکنندر ذوالقرنین

بحی آچمشلردی !..

نکاح قییلدی ! قارئین کرام بوائشاده حرم طرفنه عطف

نظر ایتسهرلر شو منظره یه تصادف ایدرلر :

نادیده — مملکتک عادی مقتضاسنجه — براسکمه

اوزرینه اوتورتلمش ، مینی مینی چبلاق آیاقلری — ایچنه  
 صو طولدرلمش — برکوموش لکینک ایچنه صوقامش ، آیاغک  
 باش پارمقلری آره سنه ایکی دانه موم قونمش ایدی . اسکمله  
 ولکینک اطرافیده دازه شککنده برصره پاموق ایله محاط  
 ایدی . نکاح قیلدیغنه دأر مژده جیلر کلنجه او ، یانان موملر  
 ایله پاموقلر یاقلمش بعده صوده سوندرلمش ایدی .  
 ایشته بوموملری کوکی کیجه سی یاقرلر و صوییده حفظ  
 ایدرلر .

کافه مدعوین :

— « الله یلدیز باریشقلنی ویرسون ! » دعاسیله آیرلایلر !  
 علی بکک مسروریتندن ایاقلری یره باصمیور ایدی .  
 فؤادده دخی وحشیانه برمسرت اثری کورینیوردی . یالکیز  
 قنبر مأیوس ایدی . بوکاده سبب : فؤادک مسروریتی جعلی  
 ظن ایتدیکندن کندیسنک اتخار ایده جکی زعمنده بولندیغی  
 ایدی .

نادیده یی اونتدکزمی ؟ او هپسندن زیاده مسعود ایدی .  
 علی بکه قالسه دوکونی همان اجرا ایتلی ایدی . بوکا کنندی  
 تیزه سیده راضی اولمدیغی کبی قیز طرفیده راضی دکلدی . نادیده ده  
 — شبهه سز اسکی عاشقنک خاطره سنه حرمت اوله جق —  
 دوکونک مایسک اون ایکنجی کیجه سی اولسنه اصرار اید .  
 یوردی .

علی بکده چار و ناچار ایکی آی قدر بکلمکه راضی اولدی .  
چفتلکده فؤاد ایله برابر هر کون اووه لرده ، طاوشان ؛  
اورمانلرده قورمجه ؛ قیالرده ککک آرقه سندنه طو لاشیرلردی .  
بعض کرمده بلغار کریمی قیزلرینی اوینانه رق ، چوبانلره قوال  
چالدرم رق اکلنورلردی .

علی بك هر قدر بوکبی اکلنجیلره قویلمش ایسه ده ینه  
بردورلو جاننك صقنتیسنی دفع ایدمه زردی . بو ائنده علی بك  
آزقالدی محو اولیوردی :

فؤادله برلکده ککک آوندی بربرلندن فاصله لی اوتور .  
مشلردی . فؤادك اوردیغی برککک علی بکک یاننه دوشمش ،  
اوده آلمق ایسته مش ایسه ده کککک تامیله اورلمدیغندن طاشدن  
طاشه آتلا یوردی . علی بك آرقه سندن قوشارکن برطاشدن  
برطاشه آتله جنی وقت آیاغی قایوب شدتله دوشمش و تفنکی  
باطلا یویرمشیدی . چفته دن چیقان قورشونلر فؤادك یاننه قدر  
کلدیلسه ده بر مضرت انتاج ایتمدیلر .

حالبوکه زواللی علی بکک حالی پک فنا ایدی . یوزی قیون  
دوشدیکی قیانك اوستنده — کندیسینی طوپالایه میوب طوتنه  
مدیغندن — اشاغی یه طوغری قایمقده ایدی ، که بر دقیقه دها  
بو حال دوام ایتسه معاذالله اوچورومدن اشاغی دوشه جکینه  
وپارچه پارچه اوله جفته شبهه یوقدی .



علی بکده بوراسنی پک کوزل اکلادی اما چکش اوله ! .  
 طوتنق ایستدی .... طوتدینی بوصونلر پک چاق قویویور -  
 دی ... آرتق کندیسی ایچون هیچ برامید قلمدیغنی حس  
 ایتدی ... نادیده نك ، تصور ایتدیکی سمادتخالک خیاللری  
 کوزی اوکندن مرور ایتدی ... شدتلی برکوکس کچیردکن  
 صکره کوزلرندن یاش بوشاندی ... جناب حقه متوکل اوله رق  
 کوزلرینی قبادی ...

قوجه قهرمان صانکه یتاغنده ایمش !  
 باشنك اشاغی طوغری صارقدیغنی حس ایتدی ...  
 کوزلرینی آچوب هر دانه سنك اوستنده برر پارچه سی قاله جق اولان  
 قبالره بر نظر استرحام ایله باقدی ... آشاغیده آقان صویك  
 شیرلیسی نقدر لطیفدریا !؟ .. بونی علی بکه صورملیدر !  
 یا او قارتال قوشلرینه نه دیملی ؟ صانکه علی بکی چیک چیک  
 بیه جکلرمش کبی اطرافنده طولاشیورلر !

علی بک بردنبره طوردیغنی حس ایتدی باشنی قالدیره رق  
 فؤادك صرارمش یوزینی کورنجه شدت هیجانندن باییلیویردی ..  
 کوزلرینی آچدیغنی وقت کندیسنی یتاغنده وفؤادله قبری ده  
 یاننده بولدی .

علی بکک اوستی پارچه پارچه اولدیغنی کبی دیز قپاغی  
 اینچلمش ، آوجنك دریلری ده صیرلمشدی .

صادق قنبر ! اقدیسنه چیققیجیلقده ایتدی .  
باقکیز نصل اولمشدیده علی بک موت محققدن تحلیص  
کریبان ایده بیلمشدی :

علی بک دوشدیککی وقت فؤاد اوزاقده اولمیوب اوده  
ککلمک آرقه-ی صره قوشیوردی . قیانک باشنه کلدیکی وقت  
علی بکی قورتارمق بک قولای ایدی . بو آنده شیطان فؤادک  
ذهنی چامسونمی ؟ بودوشه آدم کیم ؟ . کندی سوکیایسنی  
الندن قاپان غاصب ! وارسون اولسون ! هم کندیسکی اولدیر-  
مدی یا ؟ ای طوره ایدیده دوشمیه ایدی ! .

آز قالدی فؤاد بوفکره تبعیتا زواللی علی بکک وفاتی  
سیرایده جکدی . لیکن ، « پدر ! » « ولی نعمت ! » کملری عقلنه  
کلیر . کیز تردد ایتدیکی فعلک نقدر آچقجه سنه اولدیغنی  
اکلامقده یارم ثانیه بیاه تردد ایتدیکندن همان پدر معنویه سنک  
امدادینه شتابان اولمشدر . لیکن ایش ایشدن چکمشدی .

علی بکی یوقاری یه طوغری چکمه فؤادک قوتی یتزسه  
نه دیرسکیز ؟

زواللی دلیقانلینک سکیملری کوشه مش اولدیغندن نرده  
ایسه علی بک ایله برلکده یوارلنوب کیده جکلردی . باخصوص  
علی بکک باشی ده صارقمش اولدیغندن یوقاری یه چکیلیمه سنی

بر قات دها تصعيب ایدیوردی . فؤاد پدرینی یوقاری چکمکه  
موفق اوله مدینگی کبی اشاغی به دخی برامقادی . قوتنک  
نهایتیه قدر صبر ایتمه سنی و آندن صکرده ده - دمنجککی تردینک  
جزاسی اولمق اوزره - برلکده یوارلنه لرینی تفکر ایدیوردی  
تمام بش دقیقه بویله جه مرور ایتدی . فؤاده صورار سه کز  
بش ساعت ، بلکه بش کون ، بلکه بش آی و بلکه بش سنه  
مرور ایتشدی . چفتلکک دراعاتلری [۰] تا یوقاریده اوتور -  
مشلر ، چبوق ایچیورلردی .

اطرافنه باقمده اولان بریسی اشاغیده فؤادله علی بکی  
کور دیسه ده ضعف بصری حسیله برشی آکلایه میهرق  
دیدیکه :

-- باقسه کز آ ! شو آشاغیده برقرالتی وار . ای کوره -  
میورم . عجبا ندر ؟  
-- نرده ؟

-- ایشته شوچام اغاجنک صاغ طرفندن باق ! کوردکی ؟  
-- هاه ! هاه ! آ ! بونلر آدم به !

-- صایقلیورمیسک به ؟ قارتالردرینه برلش بولمشلر .  
-- دکل به سنده ! ناه بریسی علی بک او بریده فؤاد !

---

(فوربچی) دیمکدر .

— ها ! ها ! ها ! شونلر دکلرمی ؟ آی علی بک اشاغی  
طوغری قایبور .

— فیا تجربه ! اورانک اشاغیسی اوچورومدز . !

— بزده طورمش — ویلنورز . اتمکنی طوزینی یدیکمز  
بکمز اولیورده امدادینه یتشمیورز !

بونلری سویلیدن در آعات اشاغییه طوغری قوشمغه باشلدینی  
کبی دیکرلریده اکاپیرو اولدیلر .

یتشدکلری وقت فؤادکده قوتی کسيلمش ایدی . ایچلرندن  
برایسی — بر خیرسنز طوتدقلری وقت باغلمق ایچون —  
یانندن هیچ اکسیک ایتدیکی ایی چیتقارده رق ایلمکدی .  
ایلمکی کال مهارتله علی بکک ایاغنه کچیره رک یوقازییه چکدیلر .  
بر آرزوکره فؤادده علی بکده قورتلمشدی . فؤاده برشی  
اولامش ایدیسده علی بک بایلمش اولدیغندن بریسی آیاقلرندن  
دیگری باشندن طوته رق چفتلکه طوغری بوللانیدیلر . کتایمزک  
ابتداینده کوردیکمز کوشکک اوکندن کچرلرکن — نآدیدهیه  
اقامتگاه اولق اوزره علی بک طرفندن مجدداً تعمیر ایتدیرلمکده  
اولدیغندن دولکرلره نظارت ایتمکده اولان — قنبر بونلری  
کورنجه بردنبره اورکدی .

فؤادک صرارمش سیاسی فکرینه کلهفی تقویه ایدوردی .  
فؤادک بشوش حالی بر انتقام ترتیب ایتدیکیچونمی ایدی ؟

عجبا فؤاد کندی پدرینی اولدرمش می ایدی ؟ ...  
 یا کارینه قوشه رق ایشی اکلا نیجه تعدیل خوف ایتدی .  
 علی بکی یتاغنه یازدی لر . چابوجاق کسیدیر یلن بر بابا  
 هندینک صوینه بر چور با پشیرلمسنی قنبر تنبیه ایتدی .  
 بر هفته صکره علی بک کسب عافیت ایتمش سهده یالکیز  
 بر پارچه جق ایاغی اغریوردی .  
 گذران ایدن بو بر هفته مدت ایچنده « جهان ! » اسمنده  
 بریسی کلهرک عرض خدمت ایتدی . علی بکده صایقله اثنا -  
 سنده « قبول ایدیکنز » دیوردی !

### — ۱۳ —

طاوالت ، زورنالر بر هفته دنبری هرکی مسرته تشویق  
 ایدیورلردی . دها طوغریسی آرانیلورسه هرکی راحتسز  
 ایدیوردی .  
 علی بکله نادیده مک دوکونلرینک پک یارلاق اوله جفته  
 کیمسه شبهه ایتیوردی .  
 اطراف ممالکترلره کوندریلن خبرلر اوزرینه پهلوانلر  
 کلش ، سریع السیر آتلر طوپلامش ایدی .  
 قارئلمک جانی صیقه جق اولان بوکی لزومسز تفصیلاندن

صرف نظاره تشرین اولك طقوزنجی صالی کیجہ سی  
وقوعبولان «قینہ کیجہ سی» نہ دائر بریارچہ تفصیلات ویرہ لم:  
شہردہ دعوت ازلنامش همان ہیچ برکیمسہ یوق ایدی .  
خوش اوسامعہ خراش طاول سسلری دعوتجیدریا !

علی بلك تیزہ سـنك قوجہ مان قوناغندہ ترتیب اولنان  
بودعوتہ درت بش طاقم ایچہ جالغی دخی کتیردلشدی .

چرخ فایکالر واسع باغچہ نك مناسب موقعلرنده ركز  
اولمش . چناق مہتابلری ، بیاغی مہتابلر ہریرہ دیزلشدی .  
آغاچلردن اغاچارہ تلغراف فشـنكلری ربط اولمش ،  
یوسکورمہ لر ، ہوائی فشـنكلری بلکہ لزومندن فضلہ برمقدارده  
حاضرلانش ایدی . حاصلی باغچہ پك كوزل طونادلینی کبی  
ایچریسی دها مکمل ایدی . اوقوجہ قوناقدہ یکر می قدر  
آویزہ نك موملرندن چیقان ضیا ، آنلرہ ماوی ، یشیل کبی  
بر طاقم الوان مختلفہ اخذ ایتدیرمرك نظر ربا برحال کسب  
ایتدیریورلردی .

دعوتیلر . دعوتسزلر ورودایتش ؛ باغچہ دہ ، ایچریدہ بوش  
یر ہیچ قالمش ایدی . برکت ویرسونکے صوم صرمہ لی  
البسہ لابس خدمتکارلر پك چوق ایدیدہ ہرشیئہ یتیشـیور  
ایدیلر . بونلرك ریاستنی قنبر درعہدہ ایتشدی .

اقشام ساعت اون بر ! «یکہ بیورك» ندالری آحیتمش اولانلرك

معدده سینه بر بشارت عظاما ! . یمک سوزی اوزرینه وقوعبولان  
هرج و مرجده اوستی باشی یرتیلامی آزارسکنز ؟ غوغاییده نمی ؟  
ازیله نمی ؟ بر برینه سوکوب صایامی ایسترسکنز ؟ هپسی  
واردی ! علی بک ، ذاتاً آچیق اولان ککسه سخاوتنک  
آغزینی بر قاندها آچش ایدی . صفره لره تخصیص ایدلمش  
اوقوجه دیوانخانه لره ایچنده آغز شاپیرتیسندن بشقه برشی  
ایشیدلیور . یالکیز ات لکیرلرینک یرلرینه قونان بورک ، پلاو ،  
بقلوا تپسیلریده بر درجه یه قدر سکوتی اخلال ایدیوردی ! . .  
موجود خاتمک کافه سی قرنلرینی طایقه باصه طویوردیلر .  
اوله یاه ، صباحه قدر صچرایه جقملر ، اوینایه جقملر ، طبیعی  
قارنلری آجیق هجق ! یمکدن صکره هوایی فشنکلی بر بر  
آتمغه باشلیدی . چالغیچلرک ؛ طاول وزورناچیلرک چالقلری  
هوالر بر برینه قاریشه رق عریب آهنگ وجرده کتیریور ،  
دلیقانلیردن ، اختیارلردن مرکب عمومی بر جمعیتی حورا تمکه  
تشویق ایدیوردی .

جمله سی صوفه نک بیقیلوبده اولمکلرینه بیک کره شکر  
ایتملیدرلر . اکر بر چوروک او اولمش اولسه ایدی شمیدی به  
قدر یوز کره بیقیلور ایدی بو حال ، یوقاریده یعنی آغز باشلی  
آدملرک اولدینی محله جریان ایتمکده ایدی !  
یا اشاغیسی ؟ یا بانچه ؟ بر کورلتی ، که معاذ الله !

بش آلتی کشی بر ر حلقه تشکیل اید یورلر ایچلرندن بریمی  
النه مندیله آلهرق باشه کچور، هپ برلکده هم سویایورلر،  
هم اوینایورلردی .

تام جیوجیولی !... زماننده :

— باغچه به ! باغچه به !

ندالری بردنبره کوراتی بی کسیدی، یوقاریده کی خاق  
نجره لره بیغیلدیله، بربرلرینک اوموزلرینه چیقدیله .  
آشاغیسی، دهامضحک ایدی . کثرت ازدحامدن براینکه  
آتیا سه یره بیله دوشمیدیکی حالدده چرخ فلک لره یاننه کیسه  
یناشه میوردی . یقینده طوره جغم دیه، اوستنی، باشنی، کوزنی  
کیم یاقار ؟

مهتابلره، فشکلره، چرخ فلکلره هپ آتش ویرلدی .  
برایکی دقیقه صکره فشکلرک کافه سی یانمغه باشلامش اولدیغندن  
قوجه قوناق آتش ایچنده قالدی !..

بعض معذب لره آتیا یه رک یوقاریدن آندقلری کستانه  
فشکلر یله بوسکورمه لردن، هوایی فشکلر دن دوشه ن آلی،  
یشیللی، ماویلی، صاریلی قندیللر، غلبه لق آره سنده بیوک  
برکورتلی یه سبب اولیوردی .

کیمیسی: اوف اکسه م! ! کیمیسی: و آیی آغانم!! بعضیسی:  
آه صاچلرم!! ! بعضیسیده: ایواه بیقلم !! دیه باغیروردی .



بیقلری یانان کیمسه نك تاثیر زیاده اولمایدركه باصدیغی کفرلر  
 بوغازندن چتال چوتال چیقئوردی .  
 دهااوتنه طرفده کیمینك فسی یاندیغندن ؛ کیمینك پوسکولی  
 قوپدیغندن ؛ کیمینك قوندوره سی غائب اولدیغندن کلدکلرینه ده  
 کله جکلرینه ده پشیمان اولیوزلردی .  
 نه کوزل منظره ! :

دورلو دورلو مهتابلرك ضیالری طاقم طاقم خلقل بوزلری  
 بر بشقه رنكه تبدیل ایدیورلردی .  
 کیمینك یوزی صاپ صاری کسيلمش ، کیمینك یوزی  
 آنلره حدت ایدیور مشجه سنه قپ قرمزى ، کیمینك  
 ماص ماوی ، بعضیسی یم یشیل اولمش اولدیغندن بر برلرینه  
 باقهرق اکلئورلردی .

بوضیا جاملره عکس ایدرك مدهش بر یانغین حالنی اخذ  
 ایتدیریوردی .

ضیا ، تدریجاً آزالیور ، چرخ فلکلر ، تلغراف فشنکلری  
 برر « کوممم ! » صدالریله نهایت بولیورلردی .  
 اک صکره یه قالانی ده یوزدرهم باروتك تاثیریه اولیه برپاتلد-  
 ی . که — مبالغه یه حمل اولنسون اما — او قوجه قوناق بیله  
 صارصلدی .

اصل کورلتینك بیوکی شیمدنصکره کورلدی : چوجقلر  
 کافه آغلامغه باشلایلر ! . . .

قومشوده بر قوجه قاری بیله بایلدی . حتی ایرتهسی صباحه وارمه دن اولدی بیله !

بو کورلتی صباحه قدر دلجه سنه دوام ایتدی . اسنه مکدن چکه لری آغرییان دعوتلیرک جمله سی اولرینه قوشه رق بیتا . قلرینه یاتدیله . الله بیلور اما ایرتهسی صباحه قدر او یومشردر ! علی بکک حافی صور میکز ! زواللی ، بیتاب قاله رق بر مندر اوزرینه سربیلویردی ، فؤاد ، قنبر ، سائر لریده کندیسندن اشاغی قالمدیله . کوزلرینی آجد قلری وقت ساعت تمام اون ایدی .

مختصرجه اولق شرطیله قیز اوینده ده وقوعبولان شوقینه کیجه سنی اکلاته لمی ؟ :

تکلیف واقع قبول اولندقدن صکره مرور ایدن زمانی نادیده بیوک برصقنتی ایچنده کچورمشیدی .

اکثریا امدادینه قوه خیالیه سی یتیشه رک شو یله یپاجغنی بویله ایده جکنی تفکرله مایس آنی کتیره بیلدی .

بو قینه کیجه سی کیدیکی اوج اتکلی ایشلمه لی انتاری ، طاقدینی الماسلر ، حالی ، طوری ، اداسی کندیسنه اودرجه یاقشم دیکه اوشاهانه کوزلرینک انظاری آلتنده اریمه جک بر قلب ، ایاقلری آلتنده تسلیم جانی نعمت عد ایتیه جک بر وجود تصور اوانه من !

بویله بربری پیکردن کیم جنایت مأمول ایدر ؟ .

یا تسودن صکره کلین چیقارل دینی [°] وقت یوزلرجه یری  
 رولرک اللرنده کی موملردن پارل پارل پارلمده اولان « الماسدن  
 بول » آرمسده نادیده نك مروردی کورلمکه شایان ایدی !  
 کلین چیقارل دینی وقت بربری آرقه سی صره آتیلان اوچ  
 هوایی فشنکی اشارت اوله رق کوکی اوینده ده فشنکار آتلمسده  
 سبب اولمشدر . نصف الیلدن صکره نادیده نك الله قیا قونامشدر .  
 نادیده نك وقورانه او طوریشی حسانی بر قاندها تزید  
 ایدیوردی . اورالرک عاداتسندن اولمق اوزره هر خانم کلینک  
 الله پاره قویدی . پک چوق دعوتلی بولمق وهپسیده کبار  
 خاتملر اولمق مناسبتله نادیده نك نازک و اوفق الی اوسومسز  
 صاری شیطانلرله طولدی . . . نادیده نك آوجنده کی پارلری  
 تاجی [\*\*] آلمده وجینه بوشالتمده ایدی .

[°] اوملکنتک عادتق موجبجه بوبله بر کیجه ترتیب اولنه رق کلینک  
 اللرینه صباحه قارشق قینه قونور . و یا تسودن صکره ده حاضر بولنان  
 کینج قزلرک هبسی اللرینه ایکی موم آله رق ایکی صره تشکیل ایدرلر و  
 اوقته قدر کوزکیان کلینی دعوتیلرک یانه آره یرلرنده حاصل اولان نورانی  
 بولدن یکیره رک کتوررلر .

[°°] اوملکنتده دو کونلرده کینج « تلجی » تعبیر اولنان قادیلر  
 طرفدن تلنیرلر یعنی اینجه اینجه قریله رق ضمع اینجه آتیلان آنتون ورفلری  
 قلم کی بر شبله یوزلرینه سوردیرتیلر . بونیده کوزل اوله یم فکرندن زیاده  
 عادت اولدینی ایچون اجرا ایدرلر .

کلینک آوجنه طوبلایان پاره لری تلجی آلیر . بوتلجیلر دو کونلرک دعوتچیمیدر .  
 هر دعوت ایندیکی دو کونینه کوره پاره آلیر . بشقه لرینک دعوتنه چیقمسی عیدر .

نادیده کندی حسنک قیمتی پک کوزل تقدیر ایتمش  
 اولدیغندن یوزینی تللتدیرمه مش ایدی .  
 پاره لر طوپلاندقدن صکره ناجی نادیده ک قولاتوغنه کیره رک  
 — عادت اولدیغی ایچون — هرکسه طولاشدیره رق الماری  
 اویوردی .

اوزون ایتدک دکلې ؟ هایدی صباح اولسون !  
 صباحلین ساعت برده دوکون اولرنده کیمسه قلمه مش  
 ایدی .

ایرتسی چهارشنبه کونی فؤادله قنبر علی بک طرفند  
 چفتاکه کوندربیلرک کوی خانی دوکونه دعوت ایدلمشدی .  
 فؤادی . تبعید ایتکه موفق اوله بیلدیکی المینه استیلا  
 ایدیوردی .

مایسک اون برنجی پنجشنبه کونی کلدی .  
 بوملایکتکینه عادتددرکه برکویدن کلین آلدیغی وقت  
 « کلین آلیجی » اسمیه مملکت دایقانلیلرندن برچوق آتلی  
 کوکی ايله برابر کویه کیدرلر وکلینی کتوررلر .  
 اگر شهردن قیز آله حق اولورسه کوی دایقانلیلری  
 کلور و شاید کبار دوکونی ایسه شهر دایقانلیلریده تشیع ایدرلر .  
 پنجشنبه کونی ساعت درده طوغری فؤاد یوز قدر دایقانلی ايله  
 کلدی .

نادیده نك اوی خنجاختیج طولدینی کی برر ایکشور ورود  
ایتمکه باشلا یان « تشیع » جیلردن دخی علی بکک تیزه سمنک  
قونانی طولمغه باشلمشدی .

کلین خانمه قوشاق قوشادلدی . نادیده چفتلکه کلین کیده جکندن  
قولتیق دخی کورملک ایچون کلین آلیجی ایله برابر علی بکک  
قبویه کله سی و نادیده بی بغچه دن آله رق عربیه بندر مه سی تنسیب  
اولندی .

ساعت آتیده کلین آلیجی و « تشیع » جیلر قبویه گلش  
اولدقلرندن نادیده بی بغچه یه ایندر دیلر . .

علی بک متانتی حفظ ایله نادیده نك باشندن برخیلی یاره  
سرپدکن صکره قولتوغنه آله رق اطرافنه چارشف کریلوب  
کیمسه نك کورمیه جکی صورتده قبویه گلش اولان عربیه  
بندیردی .

زوالی علی بک ! یاخود مسعود ! . . علی بک ! زانغیر  
زانغیر تتره یوردی . کوزلرینی قالدیروب نادیده یه باقمغه جسارت  
ایده مدی . او خزینه سعادت ! . . کنسیدی کوزلرندن بیله  
قصقانیوردی . . .

بايقوش مخوف سسیله اوتدی ! . . . . .

آلای یوله دوزلدی : اک اوکده یان اوله رق طاوولجیلر

وزور ناجیلر ، آرقه لریده بر آلا ی خذله لك اورتە سنده بریسی  
بیکیر اوستنده بریراق طاشیوردی .

دها آرقه لرنده بیکیر . مرکب اوزرنده مملکتک اصناف  
طاقی ، اورنه حاللری آدملری ، چوجفلر بولنیوردی .  
بودن صکره کلین آرابه سی اطرافنده کلین آلیچی ،  
آز آرقه لرنده ده کوکی و مملکتک معتبرانی آتار اوستنده اوله رق  
کلیمده ایدیلر .

یازم ساعت غایت یواش یوریدکن صکره کلکاری چایرده  
طوروب بیکیرلرینی ، آتارینی دکلندر دیلر .  
تعجیمی ایتدیکز ؟ غایت یواش یوریدیلر دیدکسه هیچ  
بیکیرلرینی قوشدرمدیلر دیمدک آ ؟

آینه کوومنه بش اون دلیقانی دن بریسی کلین عربه سندن  
برچوره آله رق آتی قوشدرمغه باشلیدی . هرکس النده کی  
چوریهی قامغه غیرت ایدهرک الدن اله طولاشدی . اک صکره  
قالان کیمسه ده مع الافتخار قوینه صوقدی .

طاولار چالمغه باشلیدی کی هرکسده کندیسنک ( حیواننک )  
دنکنی بوله رق قوشدر دیلر . اوج ، درتیوز کشیدن مرکب  
اولان قوجه آلا ی چیل یاوروسی کی طاغدی .

بویله جه طوبلانه آریله اوج — اوج بچق ساعتده  
چفتلکه واصل اولدیلر .

هائیدی بر آزده نادیده به باقملم :

نادیده مك فكرى پك پریشان ایدی . بومايسك اون  
ایکنجی کیجه سی کندیسنه نه لر اخطار ایتیموردی ؟ اوکون چیر-  
دیکی خایجان قلبی زمانلر شمدی ده مرور ایدیوردی . کندى  
ناموس سز لغندن خبردار اولان یالکیز برابه خانم قالمشدى  
دکلی ؟

باقکیز نادیده نك طالعنه که اوده برهفته اوایسی نزول  
اصابتدن وفات ایتمشدى .

بوندن بشقه وقعه دن خبردار اولانلر خلايقلر و او شاقلر  
ایدی که آنلریده برایکی هفته صکره بربرلریله اولندیردک اللر-  
ینه ده پاره ویردکن صکره بشقه مملکته کوندره جکدى .  
دیمک اولیور که آرتق کندیس- یچون اندیشه به هیچ محل  
قالماشدر .

یافؤاد ؟ ایشته بواسم نادیده بی انک زیاده اشغال ایله برابر  
یورکنده ده اکا قارشى حالا بر محبت حس ایدیوردی .  
شمدی به قدر یچون کورنمدی ؟ کیمک نه سی ایدی ؟  
عجبا کلوبده دوکونه ممانعت ایده جکمی ؟ اکر کندیسنده بویله  
بر فکر وارسه شمدی به قدر ایشى بوزملیدی ، دیمک اولیور که  
اوده کندیسنى راحت براقشدر . هم اولدیکنی کیم بیلور ؟  
بویله محزون طور مغه برسبب بوله مديغندن پرده آره لغندن

طیشاری یہ باقدی : بردہ عربہ نک تایانندہ فؤادی کورمسو ۔  
 نمی ؟ امان یارب ! نادیدہ ، حقیقتاً نادیدہ اولدی . برکت  
 ویرسونک یوزی اورتیلی اولدیغندن یانندہ کیلرہ برشی سز  
 دیرمدی . بش دقیقه قدر حسدن بتون بتون محروم قالوب  
 کندیسنی طوپلادقدن صکرہ تکرار فؤادہ حصر نظر ایتدی .  
 یافؤاد نقدر کوزلاشمش ایدی ! کیمش اولدیغی صرمهلی  
 اثواب نقدر یاقشمشدی ! ...

یا آتک اوستندہ کی احوال دلیرانہ سی نقدرده جاذبهلی  
 ایدی .

فؤادده عربہ یہ باقق ایستہ دیسہ ده سوء نظری جلب  
 ایتکدن قورقدیغی جہتله یالکز آره صره کیزلی برنگاہ  
 متحسرانہ فرلامقده ایدی ! نادیدہ ، فؤادک بو حالہ دقت ایتدی .  
 یکنندن حالا سویلمکده اولدیغنه ممنون اولدی . هانکی برقادین  
 تصور اولنه بیلورکه سویلمکدن خوشلانمسون ! ؟ آل نادیدہ یہ  
 برمشغولیت دها ! بو آدم ، یعنی — کندیسنه اولنجہ یہ قدر  
 محبت وعد ایدہن سوکیلیسی فصل اولیورده بویله بشوشانہ  
 بر حالہ کلین آلیجی طاقندہ بولنیور ؟ دیمک ، که ارککلرک اکثر .  
 یسندہ کوریلدیکی کبی بودہ یالانجی ایمش !



نادیده . غفنی فدا ایتدیکی بو آدمک بودرجه لاقید طوراً .  
 نیشنه قیزه جنی یزده آنی تقدیر ایدرسه نه دیرسکیز ؟

یا بچاره فؤاد ! سوکیلیسنک بو فکرده اولدیغنی اکلایجه  
 تقدیر — بدایت امرده — مسرور اولدجق ! لیکن صکرده لری  
 ولی نعمتک وجود ویردیکی سعادتك محو اولدیغنی کورنجه  
 کسب ایدمچکی حال فلاکت اشتمالی دوشمنه رک شه سز تقدیر  
 مغموم اولدجقدی !

هم بوندن صکره مسرور اولسون مغموم اولسون ،  
 نه فائده سی وار ؟ برکزه ایشک ایچنه نکاح کیردکن صکره  
 نه یاپیلور ... ؟

چوق اوزادی ، همده جانکیز صیقلدی دگلی ؟ هایدی  
 اویله ایسه قیصه کسه لم :

تشییعچی صفتیله تاجفتلک یانه قدر کله رک اواسمه یاقیشیق  
 آلیان طاقم عودت ایتدکن صکره اورنه لق ایجه تنهالشدی .  
 کوشکه قدر کلدیله ... علی بک نادیده یی ینه قولتوغنه آله رق  
 ایچری کوتوردی .

امین اولکنزکه بودقیقه ده بیله یوزینه باقدی ! .. نه عجله سی  
 وار ؟ ...

بواقشام چفتا کده کوزلجه برضیافت ویرلیدی . مدعولرک  
هان هپسی کویلی ایدی . . کوی خلقتدن کلین کیمسه یوق  
اولوب چفتاک یناشمه لری ، اورتا قجیلر حاصلی نقدر آدم  
وار ایسه کندی افندیلرینک دوکونده ایدیار .

کویلی باغار قیزلری ، قوال چالان چوبانارده اکسیک دکلدی !  
فؤاد شمیدی یه قدر کندی ضبط ایتمشکن آرتق متانی  
محافظه ایله میهرک کندیسنی قنبرک قوجاغنه آتمش و :

— آه قنبرجکم ، پک بد بختم ! دیمشدی .  
قنبرک آغلامقدن بشقه لندن خیر ، کوزلرندن نه کلور ؟ ..


## §

علی بک نمازینی قیلیور ، نکاحده یانان موملر یانیور ،  
نادیده ده پنجره ده اوتورمش دوشینیور !

مایسک اون ایکنجی کیجه سی ! نقدر خاطراتی حاوی  
برکیجه ! نادیده نک حیاتنک مبدأ تبدیلی تشکیل ایدن قورقنچ  
کیجه ! نقدر وقوعاته زمان جریان اولمشدی ! ..

بوکیجه یه نقدرده بکزیور ! اووقت برعاشقنک آغوشنده  
ایدی ! شمیدی ده بو حال اوله جقدی ! یالکیز شو قدر وارکه

آندہ باصلحق ، بايلمق ، سوکيليسنک اورلديغنى کورمک کي  
 جريان ايدن برطيقہ المفزا حلالر بويکجهده يوقدی .....  
 يکرمی دقیقه صکره بايقوشک مخوف صداسی اورمانده  
 طنين انداز اوليوردی !! ..... .



## ایکینجی قسم

بعد الازدواج

— ۱ —

- علی بکدن اذن آلدیم فصل منون اولدیم؟
- زیاده سیله متشکرم سوکیلی آرقداشم، سنک اطفالرکه  
عمرم اولدقجه تشکر ایده جکم.
- تشکر ایده جک هیچ برشی یوقدر. بن وظیفه می ایفا  
ایتدم.
- علی بک نیچون فؤاد کیدیور دیدیمی؟
- اوت، ابتدا آنی صورتی.
- نه دیدک؟
- سنک، علی بکک یوزینه باقه مدیغنی سویلرمیم یا؟
- بریلان اویدیروب سویلیویردم. شمدی سن بکا برسوز ویر  
باقیم.
- نه کی؟
- کندیکه هیچ برقصده بولمیه جغکه دائر!

— بولا امین اوله بیلورسک . او یله برفکرده بولنه ایدم  
چوقدن تشبث ایدردم .

— هاه ! شمیدیده بن سکا تشکر ایدیم .

— هانکی چفتلکه کیده جکم ؟

— اک سودیکک یره ! بیل باقیم !

— ها ! اکلادم اورمانلری بول ، قیالقلری ، اوچورو -

ملری چوق اولان چفتلک . بکدن نه دیه اذن آلدک ؟

— یورکنه برصقنتی کلش اولدیغندن وبوراسیده کندیسنه

یارامدیغندن دیکر چفتلکلرک بریسنه تبدیل هوایه کیده جک

دیدم .

— پک ابی ایتمشک !

محاوره لرینی ایشتدیکمز آدملرک فؤادله قنبر اولدیغنی البت

اکلامشسکزدرد . باری زمانیده بز تعین ایدلم :

مایسک اون ایکنجی جمعه کونی یغنی دوکونک ایرته سی

کون جریان ایدیوردی .

فؤاد دهـا اوکون یوله دوزولدی . قلبنده نادیده ایچون

شدتلی برعشق حکمران ایدیسه ده بونی ولی نعمتک سعادت

اوغرنده فدا ایتمش اولوب یالکیز چفتلکدن مفارقت ایتهدن

اول نادیده هیهچ اولمزه برقاچ لقردی سویامکی زیاده سیله

آرزو ایدیوردی .

لیکن بونک شمدی امکانی اولدیغنی کورنجه واز چکدی .  
 الک زیاده شو فکر واز چکمنه سبب اولیوردی :  
 هایدی نادیدهنی یالکیز کورسونده لقردی سویلهسون ، نه  
 دیه جک ؟ کندیسنی توخیمی ایده جک ؟ بوکا نه حق وار ؟  
 هایدی حق اولسون دیلم ! صکره نه اوله جق ؟ نادیده  
 علی بکی سومه مشه مناسبت نامشروعده می بوله جق ؟ اصلا !  
 مادامکه بویله در ، کوروبده نه یاپه جق ؟ بناء عایه فؤادده  
 اونتمق ایسته دی ! .

اونه کی چفتاکه مواصلتک اوتوز بشنجی کونی - چکمش  
 کونلر کبی - تفکیک انده اوله رق قیرلرده کز یوردی واقعا کز -  
 یله جک وقیلردر . هوا نه سرین ، نه صیجاق ! تمام او موسمی !  
 فؤاد کندیسیده فرقنده اولدیغنی حالده دائما طالغین طور -  
 یوردی .

ایرته سی کون ینه قیره چیقمنه حاضرانور کن یاغموور  
 سبیلله اوطه سنده قیامش قالمش ایدی . . پنجره سی او کمنده  
 اوتورمش واسع صحرايه باقیوردی : مسرتلرندن قاپلرینه صیغه -  
 مامقده اولان چفتجیلرک او کوزلرینه ایتدکلری : دی ! دی  
 ها ! صدالری قولاغنه کلیوردی . — فؤاد شو منظرده  
 قارشى حیران اوله رق فیکرینی اشغال ایدن خاطرات الیمه نی  
 اونندی . . . اونتمز می یا ؟ : افقه قدر واسع بردریای زمر -

دين ، طوپ طوپ اغاچلارك سايه جانقزالرى التئەدە يانوب  
دكانەكدە اولان سياهلى ، بياضلى قويون سوريلرى ، آز اوزاقده  
جريان ايدەن درەجكك تشكىل ايتديكى برشالالەنك زمزمە  
فرحناسى ، كمال خواھشلە تارلالرى چالمقده اولان كويلى  
قىزلرينك معصومانە شرقيلرى ، خفيف خفيف ياغمقده اولان  
ياغموردن بىزار اولان قوش ياوريلرينك جيولتيسى . فؤادك  
كنديسنى برعالم علويده بولنديغە زاهب اولسەنە سبب اولدى .

نە عالى منظرە ! آفتاب دە بلوط آردە سەندن قورتيلەرق  
عرض ديدار ايتدى . چفتيجيلارك مسرتلرينە صانكە كنديسيدە  
منون اولمش كى تبسم ايديور واولانجە شەشەسەيلە پرتو نثار  
اولەرق ياغمورلە غريب بر تضاد تشكىل ايديور !

يا هيچ بر رسام فرجه سەيلە — حقيقلە قابل تصوير اولميان  
شو كەكشانە نە ديملى ؟

خفيف بر روزكارده اذهارك كوزل قوقولرينى آچيق اولان  
يخردەن فؤادك تا او طەسەنە تولديريوردى .

ياغمورده يواش يواش آزالغە باشلدى ... اقشام اولدى .  
اورتەلىق اوچ درت ساعەدنېربدر ياغمش اولان نازلى ياغموردن  
هنوز نمناك ايكن آفتاب جهان افروزده كائنا تە عرض وداع  
ايديور وديكر مشتاقينە عرض ديدار ايتمەكە شتابان اوليوردى .

بوکوزل منظرده صانکه مفتون ایش کبی حیران حیران  
نکران اوله رق صوک رسم وداغی ایفا ایدیور و پرده احتفایه  
چکیلیمکده کی ترددینی کوسـترمک ایچون ایکی طرفه صاللا -  
نیوردی . نهایت مقاومت ایدهمیه جکئی اکلادیغندن صوک  
دفعه دها بر نظر ایدهرک چکلدی ... وقت کچور .. اورتالقمده  
قرار یوردی .

فؤاد بیهوش بر حالده حالا پنجره سنک اوکنده اوتور مقده  
ایدی . کندیسنی اشاغیدن کلن :  
— اقشاملر خیر اولسون آغا !

صداسی بیدار ایتدن . بوسس یورکی اسمنده اختیار  
برچوبانک ایدی . فؤاد کندیسنی طوپلادیفی واشاغی به  
باقدیفی وقت اینکارک صاغلمش قیون سوریلرینک دخی —  
سسلزی کلن کرپکلردن — پک اوزاقده اولمدق لرینی ونرده  
ایسه کله جکمرینی اکلادی .

به پوبان کندیسنک سودیکی مطیع ، حلیم براختیار ایدی .  
جرابسز بر اقامق ایچون :

— الله راضی اولسون چور باجی ! — دیدی .  
— اشاغی به کلسه ک آ آغا ! شمدی قویونلر کله جک تازمه  
سود ایچرسک .. بوکون یاغموردن کج قالدق .  
فؤاد — اولور ! سوزینی متعاقب اشاغی ایندی صبانلری



او کوزلره و مرکبلره یوکاتمیش : او کوزلری ده اوکلرینه  
قاتمیش اوله رق کلن چفتجیلرک هپسی فؤاده احترام ایله سلام  
ویره رک کچورلردی . . . کلن قیونلر ماندیره لره کیردی . .  
فؤاد ، صاغیلان سـودلرک اوستندن کپوکلرینی آله رق  
ایچيورلردی . . هر شیئی یرلی یرینه قویمش اولان چفتجیلر  
فؤادک اطرافنه دیزلشاردی .

فؤاد دیدیکه :

— نصل بوکون چوقجه سوردیکزمی ؟

— نه دیمک ! اکر یاغمور بوکیجه یاغرسه پک اصلاح  
[۵] اولور .

— یرلر ایصلاق ایکن تخم آتملم .

— اولور .

— نه او ؟ سز بوکون هر نقدر سوینیورسـکـزده هپکیزک  
یوزنده برکدر وار نیچون بویله طور یورسکیز . ها ؟

— عثمان اولدیده . . .

— شو خسته اولان زوالیمی ؟

— اوت .

---

[۵] ابی ، اعلا دیمکدر .

— الله رحمت ایتسون ! نه یاپه لم هیمز اوله جکیز اوزواللینک  
قاریسی یوقدی دکللی ؟

اختیار برچفتیچی آغلیه رق دیدیکه :

— اوت ، زواللی قیزم خدیجه طوغور رکن اولمشدی ...  
شمیدیه اون اوچ یاشنده برقیزی وار ..

فؤاد بوسوزلری آرتق دکه میوردی . اختیارک تلفظ  
ایتدیکی اسم ( نادیده نك براسمیده خدیجه در ) کندیسنی ینه  
کرداب غمه فرلاتمش آتمش ایدی . خدیجه ! نه لطیف اسم !  
فؤاد آرتق اطرافنده کی سوزلره اهمیت ویرمیه رک اوطه سنه  
چیقدی .

چفتیجیلر ایلک دفعه اوله رق کوردکلری بو حال وحشیا .  
نه سندن تعجیده قالدیلر . بریسی دیدیکه :

— بوکون بزم افندی یه برشی اولمش .

— غالباً عثمانک کدری کندیسنه ایشلیدی .

— یاغموور دیندیده آنک ایچون اولملی !!!

— بزم نمزه لازم ! باق یمک وقتی کمش هایدی باقملم !

فؤاد اوطه سنه چیقوب پنجره یی آچدی . ماه تابان  
کونشک غیبوتنی آکلادیرماق حس رقابتکارانه سنه طوتیله -  
رق بوکیجه هر زماندن زیاده پارلاق کورینوردی .

نه چاره که فلان هیچ بر شایک مکملنه مساعده ایتدیکی  
جهتله اوده مظلم بلوطلر آردسندده مستور قالدی .

انسان بویله یرده شاعرلری نصل آرامسون ؟ باقیکنز نه  
شاعرانه حال ! آیک پارچه پارچه بلوطلر آردسندن کورینیشنی  
زلفنی یوزینه طاغتمش بر محبوبه نك صاحبلی آردسندن عرض  
دیدار ایدیشنه تشبیه ایتک آزه نرمیدر ؟ .

قؤاد برقاج لقمه یدکدن صکره هیچ بروقت یانندن  
اکس-یک ایتدیکی تفنکنی آلهرق قیره چیتدی . . . اورتاق  
حالا یاشدی ! چنلرک اوستنده قالش ومهتادن طولای  
پارلامقده بولنش اولان یاغمور دانه لرینی نیه بکزنه لم ؟

یورلمش بردا-برک یوزنده کی ترلر می ؟ یو ! ! بوتش-بیه  
کول اوزرندده کی چیک دانه لرینه مخصوصدر دگی ؟ هایدی  
اویله اولسون ! .

قؤادک تعقیب ایتدیکی یول ایکی طرفی سکود آغاجلریله  
محاط ایدی . قؤادده راست کله بورایه کمش وزویه کیتدیکنی  
بیله اوتتمشدی . یول دیکلشیوردی . . . قؤاد بونکده فرقنه  
واردمدی . . . حتی بو هواده ترله دیکی حالد بونی بیله آکلا-  
مدی ! ؟ .

نه او ؟ استغرابمی ایتدیکنز ؟ هی قوزم هی ! - انشالله

اولمز سگیز یا ! - فؤاد کبی اولمکده باقم لم فرق ایده بیلور -  
 مینکیز ؟ نه ظن ایتدیکیز ؟ فؤاد عاشق ! ... عشق ، آدمی  
 نه یامیز ؟ ! ! !

بر آه چکدیکي وقت یاقر ( ! ! ) کول ( ! ! ) ایدیوریر  
 دکلکی ؟ ایشته بزم عاشق فؤادده بردکل بر قاج « آه » چکدیکي  
 حالده یانمدی ! ترلی ایدی ده انکچون رطوبتدن پارلامدیمی  
 دیدیکیز ؟ کوردیکزمی ترمکده کی کرامتی ! ! !

معاذ الله ! بریری طوتشه جق اولسه ایدی اسهن شدتلی  
 روزکاردن اوپله برکسب انشعال ابدہ چکدی ، که دکه یاغمور  
 سوندیرمکدن عاجز قاله جق ایدی : . برکت ویرسونکه بو  
 حال اولمدی . . . . یوری یه یوری یه آغاچدن عاری برتپه یه  
 چیقدینی وقت کوردیکی منظره ، ایشته دیکي صدا کندیسناک  
 حال اصایسنه عودتنه سبب اولدی .

کوردیکی منظره دینی باقکیز سزه تعریف ایدیم :

بوتپه ، ایجه یوکسک ایسه ده اوستی یالکیز واسع بر مزار -  
 لقدن عبارت ایدی . شمال ، جنوب ، غرب طرفلری کاملاً  
 یالچین قیالر و دیک اوچوروملرله لطیف صحرائه قدر ممتد  
 اولور .

بوراده طور و بده اطرافنه باقمه جق اولان انسان بر برینه

تمامیله ضد منظره لره تصادف ایدر . شرق طرفی ، که فؤادک  
کلدیکی طرفدر . واسع بر سحرای منبت ، غرب طرفنه کوشدن  
برشرد چکیامش کبی کورینه چای ؛ جنوب طرفنده افق  
اوستنده پارلامقده اولان قوجه کول ، شمال طرفنده یاز  
قیش اوزرندن قار اکیسک اولمیان یوکسک تپه لرله عارضه یی  
اراضی و طاغیرک اتکاردن اوفق اوفق کویلر ، وبعض بیوکلرنده  
بیاض بر مناره انظاره نقدرده خوش کورینور .

فؤادی صاقین کیجه لینده کورر ظن ایتیک ! منظره یی  
کوریشی بلوطلردن کوچ حال ایله یقاسنی قورتاره بیلن آیک  
سایه سنده ... اولمشدر .

بویله کوزل بربرده وباخصوص کویه بر ساعت قدر مسا-  
فده مزارلغک انشاسی کیم بیلور نصل بر فکر دور بینانه یه !...  
مبیدر . بو واسع مزارلغک اطرافنک بعض یرلرینی قریق  
دوکوک تحته پارمقلق ، بض یرلرینده بر آلق دیوار تشکیل  
ایدیوردی . عظیم سرویلر ایکی طرفه اکیلرک قریق مزار  
طاشلرینه یاقلاشیورلردی . اوزرلرنده قلمش اولان یاغمور  
طامه لرینک اکیلدجه دوکلدیکنی کورن بر شاعر - شبهه سز -  
بونلر طبیعت طرفندن بویچاره لره نوحه کر وظیفه سنی ایفا  
ایتمک ایچون بیودلمشدر !! دیر ! شو حال سکوتی مزارستا -

نك برکوشه سندن گمکنده اولان برندای متأثرانه اخلاص اید-  
بیوردی . فؤاد ابتداء بونی ، سرویلرک کورلیتینه حمل  
ایتدیه ده فکرینک یا کلش اولدیغنی آزاچق اطرافی دکلرکن  
صکره آکلادی .

فؤادک یرنده بشقه بریمی اولسه ایدی شهه سز بو وقت  
شوراده قورقار ایدی .

بریحارنک امداد طلب ایتدیکنی ظن ایدهرک مزارلرک  
قریق قیوسندن ایجری کیردی . . . . چوکلش مزارلره آیانی  
باتهرق یوریور ، بعضاده برطاشه طولاشه رق دوشیوردی .  
چوکلش بر مزاردن براسه کلت کوزینه کورنمسونمی ! فؤاد  
خواب ایدی یه طالانلرک نکلهنه تحمل ایدهرک قدرمتانت قلب  
اصحابندن اولمادیغندن سرعتله صدانک کلدیکی طرفه طوغری  
قوشندی . . . . سس کسایامشدی . . . . دیری دیری کوملمش بریحاره  
ایدیده آرتق وفاتمی ایتمشیدی ؟ خیر ، بومکن دکلر ، مزاردن  
بودرجه سس کله مز . . . . اطرافی دکلهدی . . . . سس یوق ! . . .  
فؤاد قلبنک ضرباتی صاییوردی . . . . بش دقیقه کجی . . .  
باباجغم ! . . . صداسی بردها همده یقیندن ظهور ایتدی .

صدانک کلدیکی طرفه طوغری قوشارکن آیانی برشیئه  
ایلیشوب شدتله دوشدی . . . . قالمدیغنی وقت دوشدیکنک سینی  
آ کلامق ایچون اطرافه باقدی . . . . فؤاد بش آلتی آدیم اوتوده

بیاض بر جسمک بر مزاره قیامش اولدیغنی کوردی . . . یاننه  
یاقلشنجه یوزینه دقتله باقدیغندن کندیسیده : رؤیا کوریورم  
غالبا ! دیه باغردی . . . آلتنه چارپان سرین روزکار وجودینه  
یاپشمش اولان چاشیری دیم دیک اولمش تویاری رؤیا کورمده  
یکنه پک چاق قانع ایتدی . . . دنیاده هرشی اولور اما بو -  
درجه مشابہت ممکنمی یا ؟ . . .

نادیده ! . . . نادیده نک عینی ! طبقیسی ! کندیسی ! . . .  
فؤاد شو پریشان قیزه باقه قالدی :

آرقه سنده پارچه پارچه اولمش برائواب ، باشنده یرتیق  
یرباش اورتیسی ، یالین ایاق ، باشی چبلاق اولدیغنی خالدہ مزارک  
اوستنه قیامشدی . یوزی رنک سودا ( ؟ ! ) کبی صواق ( ! )  
اولان بوزوالینک شو حالنی کورهن نقدر طاش یورکلی اولسه  
شبهه سز آغلامقدن کندیسنی منع ایده مز .

نرمه دده قالدیکه سوکیلیسینه بکزه دیکندن طولایی عاداتا پرستش  
ایتمک شاین بولدیغنی شوقیزه فؤاد آجیمسون ! حال پریشا -  
نيسنه آغلامسون ! . . .

بیچاره نک کمراه قاره صاحچلری اوموزلرنده پریشان بر حالده  
طالغہ لیوردی . « نادیده » دیدک یانادیده ! یالکنز آرہ لرندہ  
درد بش سنہ لک فرق وار !

قیزجغز وفاتی سویلدکلری عثمانک قیزیدر . پدرینک جنا -

زده سیله برابر گیش و هر کس طاغیانجه به قدر برطاش آرقه سنده  
کیزاند کدن صکره میدانه چیقمش و کیمسه سی اولمدیفندن کویا  
آچلغندن اوله جکینه پدرینک مزاری یاننده باشی طاشه اوره  
اوره اولمکی تصمیم ایتشدی .

قرا کلک باصنجه قالقوب بیوک پدرینک اوینه یاخود علی  
بکک تحت حمایه سینه اتجا ایلمکی دوشونمشده قور قاقلق  
اسناد ایده جکلردر ظنیه واز کچمشیدی . صبا حدن بری  
آچاقندن خیلی مضطرب اولمش ، کرک مادی کرک معنوی  
یورغیناقلر کندیسینی بیتاب براقه رق بر مزاره قانیویرمشدی .  
بودفعه کوزینی آچدینی وقت یاننده بر آدم کورمه سی اوزرینه  
اولولر هجوم ایدبورلر ظنیه فریاده باشلمش ایدی .

فؤاد بیچاره نی تسکین ایچون :

— صوص قیزم صوص ! بنده سنک کبی اناسم .

— اناسنمیسک ؟

— اوت یا ! کورم یورمیسک ؟

— خیر ! سن دکلسک شمدی بوراده یوق ایدک مطلقا

وامپیرسک !!! . .

ضروری کولدرک دیدی که :

— جانم اووقت سن بایلمش ایدک .

— ای ، بندن نه ایست یورسک ؟



— هیچ برشی ایسته میورم . بورادنه آرایورسک سویله  
باقهیم ؟

— سنک نه که لازم ؟ بابام اولدی . بنده اوله جکم .

— نیچون اوله جکسک . باقسهک آدها هنوز چوجقسک !

— بابام اولدکن صکره دنیاده نه یاهیم ؟ بوندن صکره بی

کیم بسایه جک ؟ کیم کیدیره جک ؟

— سنی کیدی خیلاز ! اللهی اونیتیورمیسک ؟

— بابامی اولدیرمزدی . . .

— سن دهااوققسک بویله شیلره قاریشمه . هم کنازه کیر .

یورسک صکره آخرتده نه یارسک ؟

— دنیاده قاله یمده نه یاهیم ؟ بوندن صکره نصل یشایهیم ؟

نه ییهیم ؟

— چوجغم ، سن جناب حقک لطفنی اوتتمشسک . هیچ

الله آدمک ییه جکنی ویرمزمی ؟ هایدی کوزلرینی سیلده اوکه

دوش باقهیم !

— سن کیمسک ؟

— سزک کویدنم هایدی باقهیم چابوق اول !

— خیر خیر ، بن بیلمدیکم آدمله بریره کیتعم سن بکا

نه قاریشیورسک ؟

— اوف بنی قزدیره جقسک ! سکا یوری دیدم . بزده یمک

یرسک !

— بن اویله دیلنجیلا کی قبول ایتم ! اوله جکم . سن بکا  
 قارشمه ! بن دیلنجیلاک ایده جک اولسه ایدم بکمزک ( علی  
 بکک ) چفتاکنه کیدردم . هم اوندن اول بیوک بابامک اوی وار !  
 — ای اورایه نیچون کیتمدک ؟

— صکره بکا قورقاق دیر لر .  
 فؤاد نقدر چالشسه اصرارک فائده سی اولیه جغنی آکلا -  
 دیغندن دیدی که :

— سن بنم کیم اولدینغی طانیدکی ؟  
 — خیر .

— علی بکک اولادانی فؤاد بک دکی یم ؟  
 بوسوز اوزرینه وقور قیز برطور عظمتکارانه ایله فؤادک  
 یوزینه دقتلیجه باقدی ، فؤه مفکره سنی طویلامق اینچون بر  
 خیلی دوشوندی . نهایت :  
 — اوت اوت ، سز سکز .

دیدي .  
 — کوردکی ؟ هایدی شمدي قالق کیدم !  
 — نره یه ؟  
 — نره یه کیده جکز ؟ چفتلکه !  
 — بن کیتتم .  
 — نیچون ؟

— چونکه ، دینجیلک ایتم .

— نه دن دینجیلک اولسون ؟ برکشیدن بکک پازملری

بیترمی ؟

— خیر بتمز اما بن ضعیفم ، قوتلنرم هیچ برایش کوره .

مم بونکیچون کیتمک ایسته مم .

فؤاد نقدر چالشسه موفق اوله میه جغنی اکلا دیغندن صوک

بر تدبیر اولمق اوزره دیدی که :

— باق بنده قتمیر ایکن علی بک بنی اولادلغه قبول ایتمش ،

فؤاد بک اولشم . سزیده قیزلغه قبول ایدر سنده خانم اولورسک .

سنک آدک نه ؟

— الماس !

— نه کوزل اسم ! ایسته سنده الماس خانم اولورسک !

قیز جغزک بولقر دیلره عقلی یاندیسه ده بر صوک اعتراض

اولمق اوزره دیدیکه :

— یا بک قبول ایتمزه ؟

— بن تعهد ایدرم ، مطلقا قبول ایدر .

— ایتمز ، سزی ایتمش اما سزده بر بکزاده ایتمشه کنز

دیورلر .

— اکر قبول ایتمیه جک اولورسه اووقت سنده کندیخی

اولدریرسک .

الماس ، نوسوزه قارشى يالکىز بويىنى بوکدى . فؤاد يردن  
قالديروب اوستى باشنى سيلکدکدن صکره :

— هايدى يورى باقىم . — ديدى .

مزارلرک آره سنده دوشمه مسى ايچون الندن طوته رق  
بوسکوتخانه ابيدن سالما چيقاردى . يوقوش اشاغى يواش  
يواش يوريورلردى . فؤادک ذهنى بيک دورلو حسياته معروض  
اولمشدى . شو بدبخت قيز کنديسينه بيوک برتائير اجر ايتمشدى .  
نچون ؟ ناذیده مى بکزيور ؟ . .

چفتلىکه ياقلمش دقلرى وقت اوزاقدن برکوراتى ايشتمد .  
کلرندن فؤاد همان سلاخلرىنى يوقلادى ، الماسده فؤادک ياننه  
کلرک اتکنى طوتدى . فؤاد ، بو حالنه قارشى تبسمده بولمقدن  
کندىنى منع ايدهمدى .

نيوک برطولا مباچلى يرينى کچدکدن صکره کلرک کوييلير  
اولديغنى کورديلر ، اک اوکده الماسک بيوک باباسى اختيار  
چفتيجى بولنيوردى . زواللى اختيار ، قلبه سنده ظن ايتديکى  
حفيدەسنى کورە مينجه پک زياده تلاش ايدەرک اورته اغه ولوله  
ويرمش اولديغندن کوييلرک برچوغى ياننه طوبلانديلر .  
هيسيدە حالندن برشى اکلايه مامشلىر و آغلاديغنه شاشه قالمشلىر  
ايدى . ايچلرندن بريسى ديدیکه :

— نه آغلایورسک یاھو ؟ نه اولدک حسين بابا ؟

دیگر بری — جانم نه اولدك ؟

— آه ! الماس . . .

— ای ، الماسه نه اولمش ؟

اختیار آغلیه رق یالکز باشنی صاللامقله اکتفا ایلدی .

— سویلسهك آبه !

— اوه کلام ، قیونی آچدم ، ایجری به کیردیکم وقت نه

کوردهیم ؟ آه ! . .

— الماس اولشمی ؟

— خیر .

— اویله ایسه نیه آغلیورسك !

— اوده کیمسه لر یوق !

— یوقی ؟ !

— یا ! بریکزك اوینده اولسون ؟

— بزم هیچ بریمزده یوق . . . اویله دکلی ؟

— اوت . . . اوت . . . اوت . . . اوت . . .

— اویله ایسه نه اولدی ؟

بوسؤال اوزرینه جمله سی شاشیردیار . انچلرندن اك عقللی

برکنج دیدیکه :

— باباسنی نقدر سودیکنی هپمز بیلورز . هیچ شنبه

ایتم ، که حالا مزارلقددر .

بوسوز لوزرینه اختیار باغردرق :

— نه !! حالا مزارلقده می ؟

— اویله یا !!! ..

— امان یاربی !!! سن صاقله ! . وامپیر ... سوزلرینی

بچاره اختیار هیچقره هیچقره سویلدی .

— بوراده طور وید، وقت کچیرمکدن ایسه آرامغه کیده م

بلکه مزارلقده دکدر باشنی آلمش ، بشقه برطرفه کیتمشدر .

وجود کوییلر اوچ قسسه آیرلایلر ... مزارلغه کیده نلردن

ماعداسی الماس آریوب بوله مدقلرندن اوته کیلرک کله — نی

بکلیارک هپسی بچاره الماسه آجیورلردی .

مزارلغه کیده نلر ایسه کوردیکمز وجهله فؤادله الماسه

راست کیشلردز . فؤاد کوییللری کورنجه دیدیکه :

— نه او ؟ نه آریورسکیز ؟

— الماسی آریوردق شکرکه صاغ سام کوردک . سز

بووقت بوراده نه کنزورسکیز ؟

— بنم جام صیقلدیغندن کنزینه کنزینه مزارلغه قدر

کیتشم . اوراده بونی بولدیغمدن کتیردم .

— الله سزی اکیک ایتسون !

هپسی بردن — آمین !

— بیلسه کنز کتیرنجهیه قدر نه زحمت چکدم .

— آه عنادجی آه ! طبقی آامی کی .

بونلر لقردی ایده ایده کویه کلشاردی ، محزون محزون  
بکلیهن کویلیلرک یوزی کولدی . اختیار چفتجی الماسی آلوب  
اوینه کتورمک ایستدیده فؤاد مساعده ایتیه رک دیدیکه :

— یو !! الماسی آلوب کوتورمیه جکسک ، چونکه علی  
بک کندیسنی اولادق ایده جکندن بزده قاله جق . مع مافیه  
فؤاد اختیاری بتون بتون مایوس ایتک ایسته میه رک :

— شمدی بن یالکزم الماسی نه یاپیم بونکچون بر قاج  
کون سنده قالسون . — دیدی .

وقت کجیکمش اولدیغندن فؤاد یتاغنه اویله بریاتمشدرکه  
صبحه قدر دلیکمز بر اویقو اویومشدر ظنده بولنورسکنز  
دکلی ؟ نه کنز ؟ ! . . « نادیده ، الماس » اسماری ذهنی تخریش  
ایدوردی ! .

صباحلین قالقدیغنی زمان وقت کچمش ، قیونلر طاغلمش ،  
هرکس ایشنک باشنه کیتمشیدی . فؤاد سودینی ایچدکن  
وچفتک حسابلرینه باقدقن صکره علی بکه بر مکتوب یازدی .  
مراق ایتدیه کز یازوب بیتزدکن صکره یواش یواش  
اوقودینی وقت بزده دکلیه لم :

## « صورت مکتوب »

« سو کیلی پدرم !

« چفتلکه مواصلمدن بری بر خیلی مدت مرور ایتدیکی  
 « حالدہ بر مکتوب کوندرمیشمدن پک زیاده محجوب اولمقدیم .  
 « بورانک هوا سی وجودمه ایی کلدیکندن ورودمدنبری  
 « الحمد لله خیلی اییاشمشدر . مسلط اولان یوزک صقتیسنک  
 « کاملاً من دفع اولسیچون بر قاج آی دها بوراسنی ترک  
 « ایدهمیه رک بالذات کلوب عرض عبودیت ایدهمیه جکمدن پک  
 « زیاده متأسف اولمقدیم . دون کیجه بروقعہ ظهور ایتدیکندن  
 « عرضنی مناسب کوریورم :

« کیجه لین بر سائقه حس ایله یواش یواش اووده  
 « کزینیورم . یولم ، فرقتده اولدیغیم حالدہ معلومکز اولان  
 « مزاراغه منتهی اولدیغندن برازجق اوتوروب دکلنیوردم .  
 « بر بچاره نک صدای استمدادی اوزرینه مزارلنی تحری  
 « ایدرکن اوکون وفات ایدمن پدرینک قبرینه قیامش تخمیناً  
 « اون اوچ باشنده برکنج قیز کوردم . وقوعبولان اخطارانمی  
 « اصلاً قبول ایتیه رک آغلمقده و پدرینک قبری باشنده مطلقاً  
 « اوله جکنی بیان ایتمکده اصرار ایدیوردی هر تقدیر یابیوک  
 « پدری حسین بابانک یانسه و یاخود بزم چفتلکه کله سینی



« سويلدمسه ده ديانچي کي اوتورمهيه جغندن وضعيتي حسييله  
 « چالیشه ميه جغندن بحث ايله سوزلرمي حسن تاقی ایتدیکنندن  
 « علی بك ، بنم کي سئیده اولادلغه قبول ایدر قوليله بالارضا  
 « چفتلکه کتیزمکه موقی اوله بیلدم ،  
 « رایکزی استحصال ایتهدن بویه بر ایشه تشبم ایشه  
 « مرحمتکزک بویه بیچاره لر حقنده نقدر چوق اولدیغنی تفکردن  
 « ایلری کیشدر .

« چفتاکچه هرشی یولنده در . دونله الحمد درت — بش  
 « ساعت قدر یاغور یاغدی . بوکون بر قاچ چیفت دها زیاده  
 « چیقارلمسی ایچون کیجه لین تنیه ایتمشیدم . برهفته یه قدر  
 « اراضینک کاملاً سوريله چکی مأمولدر .  
 « بشقه شایان عرض برشی یوقدر .  
 « والدم خانم افندیـنک اتکلرندن اوپه رک قنبر آغایه  
 « مخصوص سلام ايله ختم کلام ایلرم افندم . »

۱۹ حزیران ۱۲۰۰

« فؤاد »

فؤاد مکتوبنی قبادقدن صکره بریسنی چاغره جنی وقت  
 ایچری یه بر آدم کیردی . اوستنک باشنک توزندن طوبراغندن  
 اوزاق بر یردن کلدیکی یک نظرده بللی اولیوردی . فؤاد  
 بوشخصی طانیه رق :

— او !! کل بقالم بابا جهان ! نه خبر ؟

— ایملک صاغلاق افندم .

— خير اوله ؟ نيه كلك ؟

— ايكي مکتوب کتيردم .

— کي مدن ؟

— بريسي بکدن ، ديکري نیده سز بيلکيز .

— قنبر دئمي ؟

— خير .

— بيله ميورم ، کي مدن 'ايسه سويليور !

جهان آغر آغر سويليه رك :

— ديكر بريسيده نادیده خانم افنديدن !!! .

بوسوزلر اوزرينه فؤاد حيرتله يرندن صچرايه رق :

— سنمي ياكلش سويليورسك ؟ بنمي ترس اكلايورم ؟

— خير افندم ، نه سز ياكلش اكلايورسكيز ، نه بن ترس

سويليورم . اثباتيده ايشته ! ديهرك فؤادك انه بر مکتوب

ويردي ، كه نادیده نك يازيسي اولديغني کورر کورمز طانيدي .

كل نفرتله [ تعجب ايتميکيز !! ] الندن مکتوبي آلهرق

وابتدا على بلك مکتوبني آچهرق يواش يواش اوقومغه

باشلدي :

## « صورت مکتوب »

« عزیز اولادم !

« چغتایکدن مدت مفارقتکدنبری هیچ بر مکتوب  
 « کوندرمیشنه طوغریسی بر معنا ویره میورم . باخصوص  
 « مفارقتک بر فرار کبی اولورسه ! یوقسه قولمز موجبنجه  
 « برسه اولیده آنکچونمی بندن قاجیورسک ؟

« اگر چغتایکلر ارمه سنده کلوب کیدن یناشمه لر اولسه  
 « عادتاً دنیاده اولوب اولدیغندن خبرمز بیله اولیه جق ! بویله  
 « اولدایق اولورمی ؟ سنی نقدر سودیکمی بیارسک . دنیاده  
 « قنبردن ماعدا ایکی کشی بی سویورم که بری سن ، دیکریده  
 « زوجه مدر .

« بریکز جانم ، دیکرکز جسمدمسکز ! بونلر بر برینک لازم  
 « غیر مفارقی اولدقلری حالده سنک بزدن سکز اون ساعت  
 « اوزاقده قالدیغنی هیچ ایسته میورم . قنبر تبدیل هوا ایچون  
 « کیده جکنی سویلمشیدی . خسته میسک ؟ یوقسه ایوا ولدکی ؟  
 « سنک بو مساحمه که ده طوغریسی تبدلکنه قنبر :

« — فؤاد اوراده آوه دوشمشدر . مکتوب یازمغه  
 « دکل آچاشیر دکشدرمکه بیله وقتی یوقدر . دیور .  
 « حقی ده یوقی یا ؟ صره سی کلدی باری سویلیهیم : قنبر

« سنك مفارقتك نبری دائماً محزون طور یور سهیبنی قاچ دفعه  
 « ضرورده سهده :

« — هیچ ! جوابندن بشقه بر سوز سویلمدی . سنی  
 « کتیر تمکک ایچون آجدیغم لقر دیلره ، بورایه کلک کلکی اصلا  
 « آرزو ایتمه رک :

« — براق کزده بر پارچه سمیزلسون ! دیه جواب ویریور .  
 شواختیار دوسته بر مکتوب یازوبده کوکلنی یاپسهك فنا اولمز .  
 « سکا بر پارچه ده خصوصیت حاملزی تصویر ایردییم :  
 « سعادتمزی تصویر ایدمه یله جك بر لغت بوله مز سهم حیرتده  
 « قالیر سك آ ؟ سهوکیلی زوجهم بنی هر خصوصده بختیار  
 « ومسمود ایدیور . . . »

فؤاد بورایه کلد کره بر « آه » چکه رک حالا آیاقده  
 طوران جهان خطاباً :

— یورلمشکدر ، هایدی کیتده قارنی طویور .  
 — آغز دنده بعض شیلر سویلیه جکم .  
 — باق آغزك بيله قوقیور . آج قارنه لقردی اولور می ؟  
 جهانك جاننه منت ! طوغریجه چفتك یناشمه لرینك  
 ینانه قوشوب هم لقردی ایتمه كه همده قارنی طیورمغه  
 باشلا دی .

فؤاد ایسه مکتوبی او قومقده دوام ایلدی :

« مفارقتکدن شمدی یه قدر چهن بر آیدن زیاده بر زمان  
 « عمرمک اک پارلاق بر قسمی تشکیل ایده جکدر . آه فؤاد !  
 « زوجهم او یله بر ملکدر ، که سکا یوز مکتوب یازسه م حالی  
 « تصویر ایدم . ناموس مجسم ، شوق مجسم اطلاقنه سزا  
 « اولان سوکیلی نادیده جکمک ورودندبری چفتلک شنلندی ،  
 « هر کون اکلنجهلر بر برینی تعقیب ایدیور . . بر هفته اول  
 « بولندیغک چفتلکدن بر آدم کلشیدی . صحتده اولدیغکی  
 « طویدیغمزدن سنک عافیتک نامنه بر شنلک ترتیب ایتدک . . . »  
 فؤاد : عالیجناب آدم ! دیدکدن صکره اوقومقده  
 دوام ایله :

« نصل شنلک بیلورمیسک ؟ شهرزکه بیله میه جکساک !  
 « سنی اولادغه قبول ایتدیکم کیجه کی شنلک نصلسه عینله  
 « اونک کبی !

« شوقدر وارکه او وقت بن پک کنج اولدیغم کبی قنبر  
 « دوستمز دخی یوقدی . . . »

« پک کوزل بر صورتده اکلندک قنبر بیله حاله باقمسزین  
 « اوینادی . . چالغیمز چوبانلرک قواللری ایدی . . نه مسعود  
 « دقیقه لر ! . .

« او کیجه شهردن کلهن مسافرلر مزده اولدیغدن پک  
 « کوزل اکلندک . آه نه اولوردی ، که فلک سنکده بوراده

« بولمەكە مساعده ايدە ايدیده بختیاراغمز قات قات زیاده اوله  
ایندی ! .. »

« فؤاد ، بنم ازدواجدن نقدر متغیر اولدیغمی بیایردن  
« دگلی ؟ حالبوکه دنیاده سعادت بوایمش ! بونکچون سنک دخی  
« مسرتکی کورمک ایستدیکمن مناسب بر قیز آراشدره قدیم .  
« ثمانت ایتمز سک دگلی ؟ قولمز موجبنجه بر سنه مرورایتدیکی  
« حالد سن هیچ برشی سویلمدک ، صاوشدک کیمک ! »  
« سنک ایچونده بر دوکون یاپارز ، سنکده چوجقلرک  
« اولور ! »

« سکا چفتلککندنه بر پارچه جق خبر ویردیم : یاغمورلر  
« هیچ یاغمدیغندن سورهمیورز ، اگر بواون بش کون  
« ایچنده ده یاغمور یاغمز سه بوسنه حاصلات پک آز اولدجقدر .  
« عجب اورالری نصلدر ؟  
« کوریورسک که مکتوب نقدر اوزون اولدی ، بونکچون  
« بنسده بوراده لقردمی کس-یورم جمله کوزلرندن اوپهرک  
« مکتوبکی بکلرز ... »

۱۸ حزیران ۱۲۰۰

« علی »

فؤاد بومکتوبی بتردکن صکره نادیده دن کله فی الله آلدی .  
یوزی صاپ صاری کس-یلمش ایدی . آچوب آچامقده بر

خیلی تردد ایتدکدن صکره کوچ حال ایله مکتوبی بیرتوب  
اوقومغه باشلادی :

« صورت مکتوب »

« ظالم بی وفا !

« فؤاد بو القابی اوقور اوقومز اینچندن کلن « زوالی  
« پدرم ! » لقر دیلیرنی تالفظدن کندیسنی منع ایدمدی .

« همان بر بحق آیدن بری وحشی جیلان کبی سمتمزه  
« اوغرامدیغندن طولای سنی تقدیر تو شیخ ایتسمینه آذر !

« ظالم ! کویا . بنی سویورمش کبی طاورانهرق ناموسمی  
« پایمال ایتدکده بر سنه دنبری هیچ سمتمه بیله اوغرامدک . . . »

« اوف ! کلمه سی فؤادک آغزندن دوکیایوردی . . دوامله :

« سن بنی اونتدک ایسه بنده سنی اونوتماغمی  
« لازمکلور ؟ . . نیچون چفتلیکدن تباعد ایتدک ؟ . سنده  
« ذره قدر انصاف اولسه ایدی بنی بو وحشی آدمک الله  
« بر اقبوده قاجیز ایدک . . . . . »

فؤادک کوزلرندن یاشلر دوکلادی . دیمک اولیورکه  
ولی نعمتک یازدیغی مسعودیت هب ساخته ایمش ! زوالی  
علی بک ! دوامله :

« اكا كوسترمكه مجبور اولديغ شطارت نى نه درجه لرده  
 « معذب ايدور ! انسان سومديكى بر آدمه جملى بر محبت كوستر -  
 « مكه مجبور اولديغى زمان ندر مضطرب اولور ! كيم بيلور  
 « سنده بكا بويولده ابراز محبت ايدر كن ندر زحمت چكك !  
 « فؤاد هيچانندن بو غلمه درجه - نه ككش اولديغندن برار  
 « نفس آلهرق پنجره دن اشاغى به باقورى كه مكتوبى كتيرهن آدم  
 « اشاغيده يناشمه لرله ملاطفه ايلور . ايسته مسعود آدم !  
 دوامله :

« قادين قسمى ارككك يديتحكمنده قانليدر دككى فؤاد ؟  
 « باق . على بك بكا ندر روى محبت كوستريور . پرستش  
 « ايدور . اك اوفق بر آرزومى اك بيوك بر امر مقامنده تاقى  
 « ايديورده آنى سويورمى يم ؟ اصلا ! سن ! آه سن ايسه  
 « استبقنا كوسترديكك ايچون سنى - سويورم ! فؤاد ! آرتق  
 صبرم قلمدى ، كل ! بهمه حال كل !... »

اصلا ! سوزيني فؤاد يواشجه مرلداندى .

« باق ! بن قادين ايكن كنديمى بو قدر تهلكه لره الق  
 « ايتدمده سن اركك اولديغك حالده سوديكك ايچون جزئى  
 « برفدا كاراني كوزينه آلديره ميورسك ! بوراده بكا بر طاق  
 « حقوقشنا ساقدن بحت ايمه ، چونكه آنلرى دكليه م ! ..  
 « كل ! بورايه كلده برلكده قاچهم ..... »



فؤاد :

— امان یارب ! نه لر کوریورم ، نه لر ایشیدیورم ؟  
اوملک . هیچ احتراز ایتمه دن قاچمقدن ، زوجنه خیانت  
ایتمکدن بحث اییدیور ، آه ! دیمک اولیورکه انسانلرک قای بوزی  
کبی دکمش ! نادیده بودرجه کوزل ایکن قای ، وجدانی اولسون !  
شایان تعجیبدر ! دوام ایله :

« اکر بوکا جسارت ایده میورسه ک دنیا ده بن آدم ! ديه  
« کز مه ، چونکه سودیکی ایله فرار ایده میه جک اولان ارکلت  
« آدم دکلدرد . . . »

سن اوله بیلیرسک ای خائن ! لقر دیلربی فؤاد حدتله  
تلفظ ایتدی . دوامله :

« سنی سودیکمی تره دن بیلیورسک ؟ اکر سنی سومش  
اولسه ایدم هیچ اولمزسه سکا بر مکتوب یازاردم ، هیدی  
« بوده اولسون ، چنتا که کلین کلک یا ؟ اووقت یانندن آیر ..  
« لمزدم ديه جکسک ! سویایه جکلرک بومیدر ؟ بن تحقیق ایتد .  
« مکه سن بنی سورسک ، همده شدتله ! احتمالکه مکتوبمی  
« او قورکن نعت شناسلغندن ناشی بندن نفرت بیله ایده جکسک .  
« ایده جکسک اما بو حالد بیله ینه سوم جکسک ؟

« قنبرک سنی ، بنی زیارتدن منع ایتدیکنی بیلیورم . . . »  
فؤاد — عجایب ! دیدکدن صکره او قومقده دوام ایلدی :

« استبعادمی ایتدك ؟ یوقسه استغرابمی ؟ ایشته بن بونلری  
 « تحقیق ایتدیكم کبی چفتلکدن مفارقتك دخی محضا حقو -  
 « قشناساقدن ایلری کلدیکنی بیلورم . سن علی بکه یعنی زوجه  
 « نه دن منتدارسك ؟ سنی بیوتمش دگی ؟ سنده اكا خدمت  
 « ایتدك وظیفه کی ایفا ایتدك ! آرتق بو واهی فیکرلره  
 « سعادتینی فدا ایتمکده هیچ برمعنا یوقدر . سکا مکتوب  
 « کوندردیکم ( جهان ) صادقدن اكا هر خصوصده اعتماد ایده  
 « بیلورسك مکتوبك قارشوانی ایله برابر برهفته یه قدر مطلقا  
 « بورایه کلاکلیکی عشقمز نامنه رجا وامر ایدرم . . . »

فؤاد بورایه کلدکده قارشیسنده صانکه بر مخاطب وارمش  
 کبی ؛ هانکی عشق ؟ ای ملعون ! دیه باغردی .

« مکتوبمه حتم ویرمه دن اول بوخانی نصی تحقیق  
 « ایتدیكمی سکا اکلادمیم .

« کلین کلیر کن آرابه نك یاننده سنی کورد . . . . حانکه  
 « دقت ایتدیكمده پك زیاده معذب اولدیغنی کوردرک نی  
 « اونتمدیغنی اکلادم . . . . »

اوتوردیغی اوطیه بریسنك کیرمه سی اوزرینه فؤاد طو -  
 ردرق کله نك یوزینه باقدیکه بوده « جهان » ایدی . فؤاد دیدیکه :

— نصی قرنی طویوردکی ؟

— طیه باصه !

— آغز دېده برشی سویایه جکم دېمشدک اونه ؟

— ( کولهړک ) سویامه دن اولدی .

— لقر دیلرندن برشی ا کلايه میورم .

— ( کولهړک ) بک دېمشیدیکه سن اورایه کیتدی بک

وقت فؤاد مکتوب او قومغه طاله جقدر . سنکده قارنک

آچیمش اوله جفندن آچ قاله جقمسک . بونکچون کیتدی بک

وقت ابتدا بنم بولقر دیلرمی سویله که آچ قالیه بک !

— کوردکمی ایشته آچ قالمدک شمدی سویله او توردده

نه وار نه یوق ا کلات باقیم . بک نه یاییور ؟

— چوق اییدر ، مخصوص کوزلر کزدن او پیور .

مکتوب کوندرسون ديه نئیه ایتدی .

— یانئیر ؟

— قبری می ؟ سز کیمه دن اول نقدر شن ، شقاجی ایه

شمدی آنک عکس نه اولدی صانکه او آجیلری چیقارتیور . .

— نیچون ؟

— کیم بیلور یا ؟ یوزینه باقان قورقیور ، بو آدم اولدن

مطلقا جلاد ایمش . . !

— سنی غالباً زیاده جه طارلتمش !

— خیر ، اک زیاده بنی سویور . شمدی دونشمنده سزک

صاغلام اولدی فکزی ا کلايجه کیم بیلور نقدر ممنون اوله جقدر

اک ای کونلری بورادن خبر کلدیکی وقت اولور .

— ای ، باری ابو اکلنیور میسکز ؟

— جوق ! هر کون اکلنجه لر . اولر ترتیب ایدیورز ؛ مسافر لر هیچ اکسیک اولمیور . طوغریسی یا بوقدر شنلکی کویمز هیچ کورمه مشدی .

فؤاد لقردی نی براقه رق مکتوبی اوقومقده دوام ایلدی :

« بعض لقردی آرده لرندہ علی بک سنک اسمکی دخی »

« قاریشدر دیغندن مراق ایدہ رک ، « فؤاد کیمدر ؟ » دیہ صوردم .

« جواباً « اولادمغویہ مدر » دیدی . بندہ شہہ یی دعوت ایتک »

« ایستہ میہ رک اوستنه وارمدم . دیگر برکون دخی اشکالکی »

« صوروب سن اولدیغکی آکلانجه نقدر مسرور اولدیغکی »

« آرتق سن مقایسہ ایت ! ! ! . اولہ یا ! بن زوجک طاتہز »

« محبتندن اودرجه متفر اولمش مدرکہ سنک اسمنی ایشتمہ .

« ایدم مطلقاً آیریایردم . فؤاد ، سنی سویورم ، ہمدہ پرستش »

« ایدرجه سنہ سویورم ! زوجم بنی نقدر سورسہ بندہ آندن »

« یوزقات زیادہ سنی سورم ، شہہ سزکہ سندنہ بنی سورسک »

« علی بکہ آجیرم ، نہ یایہیم ؟ بنی سویور اما سومہ نک یوانی »

« بیامیور ! ایشہ سکا تکرار ہم رجا و ہم امر ایدیورم کہ چفتلکہ »

« کلدہ اکلنہ لم ، اکلنجه مزہ بر محل اولمق اوزرہ کوشکک نایانی »

« باشندہ بر قابہ واردرکہ اودہ ( جہان ) نکدر . جہان اورادن »

« کیدر ، بندہ بقیچہ نک کچوک قپوسندن کلوب اورادہ سکا »

« ملاقی اولورم ! . . . . »

فؤاد کندی کندیته دیدیکه :

— واه بیچاره علی بك ! واه زوالی ولی نعمتم ! پدرم !  
 بویله برخائینی ملک ظن ابدہ رک مسعود اولیور سک ! باق !  
 بومامونه بنی دخی سکا خیاسته تشویق ایدیور ، همدہ نه طاطلی  
 دیل ایله !

بو سوزلری دوشنورکن فؤادک کوزلری یشارمش  
 اولدیغندن قارشیسنده اوتورمقدہ اولان جهان ، فؤادک بو حالته  
 دقت ایدہ رک :

— خان ، سونجندن آغلایور ، باشنه کله جکی بیلسه  
 صحیحاً آغلار دیوردی .  
 فؤاد دوام ایدہ رک :

« جهانہ اعتماد جائز دکدر ! می دیدک ؟ بوسوزک محض  
 » افترادر . چونکه جهان بدن پک بیوک براییلک کورمشدر  
 » بونکچون بکافارشی خیانتده بولنه من .

« علی بك برکون شهره کیتمشیدی . بن یانمه قنبری آلہرق  
 » برده خلائق اولدینی حالدہ طیشاری چیقمشیدم ، بر آناجک  
 » التہ اوتوردق . . قنبری اوکون خلاف معتادی اولہرق پک  
 » نشہ سز کوردمسہ ده هیج سسمی چیقارمدم . کلین کلدیکم  
 » کون سزی اغاچلرک آرقه سنده قنوشورکن آنک سکا نصیحت  
 » ویردیکنی طور لرکزدن اکلامش اولدیغمدن سنک اسرا -  
 » رکک واقفی اولدیغنه حکم ایتمکده ایدم .

« خیالایق چفتلکدن یایلا صونی کتیرمکه کیتمش و بزده  
 « یالکنز قالمش اولدیغمزدن قنبر :

« — بواوتور دیغمزیر فؤادک ان سودیکی بریردر . دیدی  
 « بو سوزه هیچده منتظر اولمادیغمدن متعجب اولدمسده  
 « حاضر سـنـک لقردیکی ایتک ایچون وسـیـله ظهور ایتمش  
 « اولدیغندن قنبرک اوکنده یوارانهرق آغزندن برخیلی لقر -  
 « دیلر آلام . بوندن . بنم سودیکم وعشقیله سوزان اولدیغم  
 « فؤادک سن اولدیغکی اکلادم . . . »

— یاربی ! مرحمت ایت ! بر نعمتیدیمنی ولی نعمتی حقنده  
 خیانته سوق ایتک ایچون نه کوزل سوزلر وارمش ! بکا سن  
 صبر احسان بیور !

سوزلرینی فؤاد حیزلی حیزلی تلفظدن کندیغی منع ایدهمدی .  
 جهان دخی بیق آلتدن کوله رک :

— بویله آغزلره قاپیایرسم پک آبداللق ایتمش اولورم .  
 بونجه ایشلرده بولمش اولان اوسته ایبوش بویله شیلره قاپیایمز !  
 وای ! جهان ایبوشمی اولدی ؟ خیر آجام ، ایبوش ، بنه  
 او ایبوشدر . لیکن جهان نام مستعارینی طاقشدر . بونی  
 حکایه مزک ایلریمی بزه دها اینی ایضاح ایده جکر . فؤاد  
 اوقومسنده دوامله :

« قنبر بکا هر شیئی اعتراف ایتدکدن صکره غالباً پشیان

« اولمش اولمیدرکه ایرته سی کون ، خیر خیر ، بن سزه هپ یلان  
 « سویلدم دیهرک یانمدن قاجیووردی . آرتق بونلره کیم اینانور ؟  
 « فؤاد ، بتون احوالی ایشته سکا حکایه ایتدم ، دنیاده  
 « بن سنسز یشایه مام ! چابوق کلدن بنی ، زوجم اوله جق شیا -  
 « ریغک دست یزارندن خلاص ایت ! ظالم ! ! »

۱۱ حزیران ۱۲۰۰

بتون قلبیله سنی سوهن :

نادیده

نادیده نك مکتوبی بوراده بیتدی . فؤاد ، برشی قالمشده  
 آنی او قویورمش کبی لایتحرک طور یوردی . کوزلری کاغذ  
 اوزرنده بر نقطه یه معطوف قالمش اولدینی حالده بر مدت متحیر  
 قالدی . عجب ایشتیکی یعنی — او قودینی شیلر برر رؤیای  
 ایدیلر ؟ یوقسه حقیقتمی ایدیلر ؟

ایچندن طوغری قباروب کلن برصدا :

— نادیده کبی بر ملک قوجه سنه خیانت و بو دنائتده  
 دیگر لرینی تشویق ایده مز !  
 دیوردی .

حیفا ! . که بو حال عین حقیقت ایدی . جهان یواش یواش  
 کولیور و فؤادک حالی جعلی ظن ایدیوردی . دیدی که :  
 — جوانی یازمیه جقمیسکز ؟

فؤاد آلیق آلیق جهانك یوزینه باقدقن صکره :

— نەنك جوابی ؟ .

دیدى !

— او قودینگن مکتوبك جوابی !

فؤاد بوكا قارشى : ها ! صحیح ! دیهرك نادیده به بر جواب

یازدى . بونی بتیردکن صکره دیدى که :

— علی بکه اولدن یازمشیدم کندیلرینك مخصوص اتکلرندن

اوپرم ، ارقداشلره ، قهره مخصوص سلام سویله ( مکتوبلری

ویرهرك ) بونلرك بریسی بلك ، دیکریده . . .

— اکلادم اقدم ، خانه مخصوص !

ایبوش دعاالر ! . دیوب قیودن او یله برچتدی ، که چتارکن :

شمدى ایکیسینیده محو ایده بیایرم ! دیه مرلدانیوردی . . .

## — ۲ —

جهان دها طوغریسی ایبوش چفتلکه مواصات ایتدیکی

وقت فؤاددن آلدیغی مکتوبلری رلی یرینه ویره چکی یرده

کیسه نك کورمه مسنه دقت ایدهرك قابه سنه قپاندی . قپوسنی

کمال دقتله سورمه لکدن صکره برکوشه یه چکیلهرك مکتوبلری

قویندن چیقاردی .

کندی کندینه دیور ایدیکه :

طوغریسی یا بوراده کی اقامتمدن هیچ صیقلمیورم . بزم



بکده نه عقلی ایمش ! بن علی بکی دها عقلی ظن ایدردم .  
 هیچ انسان یانه آله جفی آدمک نه اولدیفنی تحقیق ایتزمی ؟  
 بچاره نك حقیقه وار یا ! اووقت کوزی دنیایی کوررمیدی !  
 یالکیز شو مدتی نصل کچیره جکم دیه دوشینوردی . بندن  
 کیمسه شبه لمدی . یالکیز اوخنزیر جلاد ، قبردن بشقه !  
 ملعون بکا او قدر کولر یوز کوستردیکی حالده ینه اصلا  
 اینانمور . برکون صره سنی کتیر سه م باشنه بر تفنک بوشالتیرم آ !  
 بن بورایه کلدیکم وقت صقنتیلی بر عمر کچیره جکم ظن ایتشدم ،  
 اما بو ظنم یا کلاش چیقدی . بوراده تحقیق اولنه جق نقدر  
 ماده لر وار ایمش ! ! شو خبیث قنبر هر کسک سرنی ا کلامق  
 ایستر اما کندی سرنی صایقلیور . بودالا ! نه ایسه ؛ شو  
 مکتوبلری او قویه لم باقم ، بوعلی بکه اولان مکتوب ، اهمیتسز !  
 کل باقمیم ای قیمتدار مکتوب ! بکا آلتون قزاندره جق  
 محترم مکتوب ! ای سویملی آلتون معدنی ! کیم بیلور نادیده دن  
 سنک وسیله ک ایله نقدر باره آله جغم !

« صورت مکتوب »

« خانم اقدی !

ایبوش بونی کورنجه :

— او ! ! ایشته بواولمدی ! برعاشق مکتوبی بویله می

باشلار یا ؟ سوکیلی الماسم ، جانم دیه باشلامیدی ! ای ایچنده

نادیده نك مکتوبیده وار ! های آبدال های ! ایشم یوانده  
کیدور ! امان شونی اوقویهیم :

« جهان ایله کوندردیکیز جراتکارانه یازلمش بر مکتوبه  
« بکزی آلدیم . طوغریسنی سویلمکلیکم لازمکیرسه ، نمون  
« اولق یرینه متأسف اولدم ... »

ایبوش : عجایب ! دیدکن صکره اوقومقده دوام ایله :  
« بن سزدن بویولده یازلمش بر مکتوبی اصلا امید ایتمزده  
« چکمشده اولان بروقهه بن اونتدیغم ویاخود اوتقمغه  
« چالشدیغم حالد سزك اصلا خاطرکیزه کتیرمه مکز لازم  
« کلیردی ... سزی سودم وسورمده ! لیکن شمدیکی محبت  
« تمامیه بشقه دورلودر . بر پارچه دوشنکیز که : سز بنم  
« والده لکم کبی برشی اولدیکیز . بو حالد بکا بویله بر مکتوب  
« یازیشکیز نقدر بیوک بر خطادر ! ... »

ایبوش — اکلاشیلیدی ! میمون اشتها لی مسکین ! نه  
چابوقده وازچکمش ! شمدی یالکیز نادیدنی محو ایده بیله حکم  
دیك اولیور . بزم بکک مقصدی ایکسینیده بر لکده رزیل  
ایتمک ایدیهده نه یاپلم یالکیز نادیده اوله حق !

« جهانه نیچون اعتماد ایدیورسکیز ؟ سز ، اوکا ایملک  
« ایتدم دیورسکیز دکلکی ؟ انسان ایملک کوردیکی یره فنالق  
« ایتمزسه سز و بن نیچون بو حرکته بولنه جغز ؟ . آزاجق

« تفكر ايتسه كز على بكك سزه وبكا نقدر ايلك ايتمش اولديغنى  
« كورر وا كلار سكر !... »

جهان — طوغرى سوزلر ! آفرين به فؤاد ! مکتوبى  
ابتدا او قورکن سنى بدلاظن ايتشدم اما مكرسه سن بك  
بيوك قورناز ايتشك ! نادیده بو وجهله ناز كو ستروب كندى  
قيمتكى آرتيره جقسك ها ! باقم دهالر يازمشك .

« سوزلرم هر نقدر آجيسه ده ينه حقليدر . مع هذا سزى  
« تعقيب ايتيورم . بر آز مدت كچركدن صكره بو حال كيزك نقدر  
« تحف ، نقدر عبث اولديغنى كنديكز كده تصديق ايدجك كيزه  
« هيچ شبهه يوقدر !... »

« زواللى پدرمى نچون سوميور سكر ؟ سزه بك زياده  
« ابراز محبت ايتديكي چوننى اوچكارهنى سوميور سكر ؟ آه  
« نادیده ! اوبله برانسان تصور اوله بيلورميكه سكا قارشى  
« مغلوب اولمسون ، اياقلارك دینده اولمكى جاننه منت عد  
« ايتسون ! نادیده ! بنده سكا چياغنجه سنه عرض محبت ايتد-  
« مى ؟ اووقت ، آه او ، وقت بنده على بك كې ايدم ! .

« شمدى سز بنم بوسوزلرمى ينه استغنايه حمل ايدر سكر ،  
« صاقين بوبله بر يا كلشلقده بولميكز ! اكر سز سربست اولمش  
« اولسه ايديكز شبهه سز على بك كې بنده براو فوق هوسكرى  
« بريوك امر مقامنده تاقى ايدجكدم ! واسفا ! كه سز بوكون

« والدہ! کم بولیورسکنز؛ فرار ایدہلم دیمشسکنز. کندی  
 « سعادتہم ایچون پدرمک حقوقی یایمالی ایدہیم؟ اصلاً! بنم  
 « وظیفہم علی بکک سعادتہی اکلدر! دوشونکز، نادیدہ  
 « دوشونکزکہ بن سزک والدہم یعنی — علی بکک زوجہسی  
 « اولدیغکنز ایچون تقدیر معذہم! بو حقوقہ بلکہ تجاوز ایدرم  
 « قورقوسیلہ چفتاکی دخی ترک ایتدم وفائی عین نعمت  
 « عد ایدیورم. بن، بن کہ سزک قیمتکزی بیلدم، دہا  
 « طوغریسی قنبرک لقر دیلرینہ اتباع ایدرک بو حالہ کندم سبب  
 « اولدم! بن بو قدر مایوس اولدیغ حالہ علی بک نہ اولمز؟  
 « علی بک بنی، قورتلرک قوشلرک پنجرلرندن، کندی سعادتہی  
 « محوایدہیم دیہمی قورتاردی؟ خیر، بن اولورم دہ بونی یاپہم!  
 « باخصوص آلدیغ مکتوبندہ، بز آنک جانی وجسدی  
 « حکمندہ اولدیغمز یازیور. ایکسیدہ کندیسنہ خیانت  
 « ایدرسہ آرتق دنیاہ یشایہ بیلورمی؟ خیر بیک **ک**رہ  
 « خیر، کہ بن، بنی اولومدن تخلص ایدن آدمی اولدیردم!  
 « بن الآن سنی سویورم، لیکن سوداکی قابلمک اک  
 « درین، اک مظلوم گوشہ لرندہ صاقلہ رفق آلک یرینہ محبت فرزہ  
 « ندانہ اقامہ ایدہجکم!... »

جهان بورایہ کلدکده :

— صحیحی سویایورسک ای حکمت فروش! صحیحہ  
 بک انک ایمشسک یا! دیہ باغرمقدن کندیسنی منع ایدہمدی.

« ایسته مکتوبکیده لفاً اعاده ایدیورم . امینمکه آنی  
 « یاقه رق بو حاللری کاملاً اونته جقسک ! برده جهانہ اعتماد  
 « اتمہ ! چونکہ حالی بکا اینی کورنمدی ! کندیسندن هیچ  
 « خوشالانمدم ، بیلیم بو خوشالانما قلع بر خیانتہ واسطہ  
 « اولہ جق اولان مکتوبکزی بکا کتیردیکی ایچونمیدر ؟  
 « حاصلی او حریفدن خوشالانمدم والسلام .. !  
 « سزه آجیرم ! مسعود اولہ کز ایچونده هر فدا کارانی  
 « اجرا ایدرم . بونلر عادی برر هوسدر عزیزم ، اضطرار -  
 « بکزی تعدیل ایچون زمان پک کوزل برواسطہدر ! نه پابهیم  
 « وظیفہ مقدسدر ! ... »

۱۹ حزیران ۱۲۰۰

خیر خواهکز

فؤاد

ایبوش ، مکتوبی او قویوب بتردکدن صکره شویله  
 دوشینیوردی :

بونه دیمک اولہ جق ؟ عجیباً فؤاد حقیقتاً نادیده دن واز  
 چکمشمی . بوکا اینانم ، همدہ اصلاً ! نادیده ، بو جوارده  
 کندیزی کبی بردها بولمیان نادیده . بر آدمه مکتوب یازارده  
 او آدم بر طاقه هوائی سوزلرله آنی رد ایدرمی :

فؤادک بو حالی نصل شایان تو یخسه بنم علیهمه سوء ظنی  
 دخی او قدر موجب انتقامدر . ای فؤاد ، بن بونلرک آجیسنی

سندہ بر اقم ! سنك حالكدہ بشقہ بریسنہ عاشق اولق طوری  
یوقدی بونکچون سن اسکی معشوقہ کی اوتہ مزسك ! بویله  
مکتوب یازیشكدہ هیچ شہہ ایتمکه دیکرینك انہ چئمہ سی  
قورقوسندندر .

قابہنك پجرہ سنی تشکیل ایدن بیوجك بردلیكدن باقہرق :  
او : اقشام اولمش شونلری یولی یرینہ ویرم . — دیدكدن  
صکرہ قوادك نادیدہ یازدیغی مکتوبی بر طرفہ قویہرق و قوادك  
مکتوبندہ کی : « ایشته مکتوبکیده لغاً اعادہ ایدیورم . امینمکه  
آنی یا قہرق بو حاللری کاملاً اوتہ جقسك » عبارہ سنك اوزرینہ  
قابہدہ طوپراغہ کومدیکی بر تحتہ قوطودن چیتاردیغی مرکب  
ایله قالین بر چیزکی چیزدی و : بویله آلتون معدنی غیب  
ایدیلورمی ؟ دیہ نادیدہنك قوادہ یازدیغی مکتوبی جینہ آندی .  
پجرہدن باقہرق کیمسہنك میدانده اولمدیغی کورنجہ  
احترازلہ قپوسنی آچہرق یواش یواش طیشاری چیقدی . . .  
لیکن بو قدر قورناز اولان ایبوش . کندی اعتمادی ثمرہ سی  
اولہرق آلدانیوردی . . قابہنك قارشیسندہ کی آغاچاق  
آرہسندہ کی چالیلقدن بریسی کندینہ نظارت ایلوردی ، کہ  
بودہ (قنبر) در !

ایبوش اوتہ کی چفتلکدن کلہن یولہ کیدوب اورادن یکی  
کلیورمش کبی چفتلکہ کلدی و کندیسنہ صبر سزلقلہ منتظر  
اولان علی بکک یانہ کیتدی .

علی بك ایبوشی کورنجه دیدی، که :

— تقدیر کج قالدک جهان .

— بولار چامور ایدی افندم . . .

— باق بونی بجره مدک . بو هواده چامور اولورمی ؟

سنک طبیعتکی بیلورم چفتلکده کیارله شقالشمه دن ایده مزسک !

— افندمن قصورمی عفو ایدرلر . . .

— نه یاپدک آکلات باقیم ؟ مکتوبی ویردکی ؟

— اوت افندم . .

— فؤاد نه یاپیوردی ؟

— یوقاریده آنبارک اوستنده کی کوشکده اوتوریوردی .

مکتوبلری . . . شی . . . مکتوبی ویردم .

— سویلدکلرمی دخی سویلدکی ؟

— انلره حاجت قالمدی افندم . . . مکتوبلری . . . .

— فصل مکتوبلری ؟ .

ایبوش ذهندن — الله بلامی ویرسون ذهنم نرده

ییلیم که ! دیدکدن صکره :

— مکتوبی دیه جکدم افندم .

— مکتوبلری . . . شی . . . مکتوبی آلیز آماز ، بکا ،

اوزاق یردن کلیورسک قارنک آچدر دیدی . بن هر تقدیر ،

بیکیله کلدم ، قارنم طوقدر ! دیدمسه ده . . . دکیوب قارنمی

براعلا طویورتدی . . ارقداشلر قاچه ماق یامشلردی . . .

- بونلری صورمیورم ، سن نه یرسهک یه ! صکره ؟
- فؤاد بکک حالنده برسونج کوردم .
- نصل ، انشالله خسته دکلدرا ؟
- خیر افندم ، سزدن بندن صاغلام .
- اوح ! صکره ؟
- مکتوبلری ... شی ... مکتوبکیزی کمال مسرتله
- او قودی ذاتاً اولجه مکتوب حاضرلمش اولدیغندن آنی ویردی .
- او !! نصل اولمشده مکتوب یازمه بیلمش ! مطلقاً
- برسبب وارد . چفتلکده کیلر اییدرلریا ؟
- هپی ایلردر افندم ... جملة اتکلر کزدن
- اویورلر ...
- مکتوب نره ده ؟
- ایبوش ، ایشته ! دیهرک قویندن برظرف چیقاردی ، که
- اوستنه باقار باقاریم یشیل کسیلدی . چونکه مکتوب فؤادک
- نادیده یه یازدیغی ایدی . برکت ویرسونکه ایبوش ظرفی
- دکشدیردیکی وقت اوستنی یازمه مشیدی . ایبوش بویله رنگدن
- رنکه کیرر کن علی بکده النندن ظرفی آلمش هم یرتیور ،
- همده :
- نه تنبلدر ! مکتوبک اوستنی بیله یازمغه اوتمش !
- دیوردی !!!



ایشته بو وقت ایبوش کندیسنی طوپلایوب علی بکک  
الندن مکتوبی قاپیوردی . .

هیچ برشی اکلایه مامش اولان علی بک حدتله رک ایبوشک  
یوزینه باقیوردی . جدتله دیدی ، که :

— دایمی اولدک ؟ مکتوبی نیه قاپیورسک ؟

— عفو ایدرسکیز افندم . . بنم مکتوبم . . . . یا کلسقله  
مملکتیه . . . .

— های آبدال های ! سنک مکتوبی نیه ویریورسک  
هانی قوادک مکتوبی ؟

ایبوش قوادک مکتوبی ویره رک کیری چکلبکی وقت  
قوجه مان بر (اوخ . . . .) چکدی .

کندی کندینه : شمدی ینه ظرفی دکشدیرمک لازم  
کلدی . . بن نه احق آدم ایتمش . یا معاذالله علی بک مکتوبی  
اوقویه ایدی ؟ ایشلر تکمیل برباد اولیوردی . بنی شبهه سز قوغار  
یاخود اولدیرر ایدی ، صکره بزم نادر بکده بنی قبول ایتمز بنده  
طوغریجه دار اغاجنه ! . . . .

کله لرینی میرلداندی . . . .

بودفعه بلا احتراز قلبه سنه کیردی . . قپویی سورمه لکی  
اونتورمی یا ؟ ! .

قنبرک مدهش کوزلری حالا چاللیق آره سنده پارلیوردی .  
ایبوشک کندی قلبه سنه کیردیکنی کورنجه دقتله یرندن قالقدی

یواش یواش قلبه یه یاقاشدی . ایاغنك سسنى ایشته بزمه مك  
ایچون پك زیاده دقت ایتدیكى حائندن بللی ایدی . . برکیمه سنك  
کورمه سندن قورقیه رق بولدیغی بر  $\equiv$  کوفه نی دیوارك دینه  
قویدی . . . کندی سیده اوستنه چیقارق دلیکدن ایبوشك  
قلبه سنه باقمغه باشلدى . .

ایبوش قابه یه کیرر کیرمز طوپراغك اوستنده کی کره وتی  
قالدیروب افواجق بر قازمه ایله طوپراغی قازدی . ایشته  
قبرلده پنجره دن اشاغی باقمه سی بووقته تصادف ایدیوردی .  
ایبوش ، ایشینه دوامله براز اول کومدیکی قوجه مان تحته  
قوطوی چیقاردیکه بر طرفنده حقه قلم ، دیگر طرفنده کاغذ ،  
دها او بر طرفنده ده مکتوب مسوده لری . مکتوبلر وبوش  
ظرفلر طور یوردی . ایبوش ، بونلرک ایچندن بیوک برکاغذ  
آلوب بردنبره :

— عجایب . هوانك مهتاب اولسی لازم کلیرکن بوراسی  
هیچ آیدیناق اولیور . لامبه سز ایش کوریلیمه جك ! دهرک  
لامباسنی یاقدی که پنجره ده بولنان قنبری برقاندها تحت امنیته  
بولندیردی .

ایبوش حقه نی ، برایاغی قریق بر تحته ماصه نك — که بواسم  
اصلا یاقیشق آله مز — اوزرینه قویدی . حصرلری دوکش  
براسکمله نك اوزرینه اوتوروب مکتوبنی یازمغه باشلدى .

قنبر ایشته بووقت او قومق بیلدیکنک فائده منی جداً تقدیر  
ایتدی . ایبوشک یازدیغی مکتوبه دقتله باقوب یازیلاریده  
اوقیوردیسهده برشی اکلامیور وبو اکلامیشنی دخی انی کوره -  
مدیکنه حمل ایدیوردی . لیکن قنبر پک طوغری اوقیوردی ... !  
کندی کندینه دیوردیکه :

— وای خنزیر جهان وای ! بزه او قومق بیلمیورم  
دیدى ، باق شمدى نه اعلا یازیور !  
ایبوشک یازدیغی مراقبی ایتدیکز ؟ ایشته یازدیغی شیئت  
صورتی :

« اقدام »

« هرشیدن اول مژده ویرهیمکه ایشلرمن پک یولندهدر .  
« نادیدهنی محو ایدهجک اسبابی حاضرلدمسده او آلچق فؤادک  
« قولانی بوله میورم وبو خصوصصدهده رأ یکزه مراجعتدن  
« بشقه بر چاره کوره میورم . مراقده قالدیکز دکللی بکم ؟  
« یاقنر سزه اکلاتیم :

« اون بش ~~کون~~ اولکی یازدیغم مکتوبده نادیدهنک بکا  
« التفات ایتدیکنی یازمشیدم . مؤخرأ کویا بکار ایملک ایتدی .  
« یعنی مملکتده کی زوجه مه ... ! کوندرمک ایچون یکر می ایراویردی  
« بنده بونک اوزرینه کندیسنه پک منتدار قالمشم کی معامله  
« ایتکه باشلدم . . . . »

« بر هفته اول کز مکّه چیقّدینی وقت میندرلری طاشیمق  
 « اوزره — خلاف معتّادی اوله رق — بنی چاغردی .  
 « اوتوردیغمز آغاچلرک التنده کولکه سی کبی یانندن آیرلمیان  
 « برخالاینی صاودی . . بن برپارچه اوزاقده اونور بیوردم .  
 « بردنبره بکا :

« — جهان ، وضعیتک اییدر اوحالده طور ، سنکله  
 « قنوشه جغز ! دیه سسندی .

« بن ذاتاً بوبله بر حالک وقوعبوله جغنی بر قاق کوندنبری  
 « اکلا یوردم . جواب اوله رق هیچ طور می بوزمتمسزین :  
 « — سویلیکیز اقدام . دیدم .

« — سندن بر خدمت ایستیه جکم یاپارمیسک ؟  
 « بن ، قابلاً حصوله کلهن ممنونیت می کتمه چالیش-هرق  
 « دیدمکه :

« — سزک ، وبکک منتدار قولکزم اقدام ، نه امر  
 « بیوررسه کز جانمی فدا ایدرم .

« نادیده ، غالباً علی بک لقر دیسنی قاریش-دیر دیغمندن  
 « ممنون اولمامش اولمایدرکه :

« — اویله خدمت دکل ، سکا سویلییه جکم شیئی کیزلی  
 « یابه جقسک ، کیمسه طوییمه جق ! دیدی .

« بوسوزی اوزرینه بنده در حال :  
 « — هر نه درلو خدمت امر بیوررسه کز اجرا ایدرم .

» — سنکده مملکتده زوجهك ايله چوجقارك وارمش...  
 » بن ، تصدیق مقامنده باشمی صاللام . نادیدہ هیچ  
 » سوزینی کسمکسزین :

» — بوراده اون سنه اوتورسهك بنم بر خدمتمی کور-  
 » دیکك حالدہ ویره جکم مکافانك نصفی بیله قزانہ مزسك .  
 » بنی انی دکه ! سکا سویلیه جکم ایش کوچ برشی دکلر . سن  
 » یقینده البتہ اوتہ کی چفایک کیده جکسك . . . اوراده کی فؤاد  
 » بکه برمکتوب کوندره جکم آنی تسلیم ایدرسك دگی ؟  
 » — باش اوستنه افندم !

» — آفرین ! بن سکا اومکتوبی یازوب کتیررم . بوکیجه  
 » ساعت بشده بنی قلبهك قارشیسنده کی اورمانده بکه اووقت  
 » ویررم . جوانی کتیردیکك وقت کچن دفعه ویردیکم یاردنك  
 » ایکی مثانی آلیرسك !

» — الله عمرلر ویرسون افندم !  
 » بوراده محاوره مزك منقطع اولسنه اومسکین خلائفك  
 » چایردن طویلا دینی چیچکلردن قوجه بردمت یامش اولدینی  
 » حالدہ کلنسی سبب اولدی .

» محاوره مز هر نقدر یوکسك سسله جریان اید یوردی سهده  
 » کیمسهك بزی طویمه دیغنه امینم ( . ! )

» اوکیجه دها ساعت درتده بن کندیسنی بکلیوردم . بویله

« بر ملاقاتده انساك ن قدر خاجانه دوشه جگنی شمدی آکلا -  
 « دمده او معهود کیجه ایچون فؤاده آجیمغه بیله باشلادم . .  
 « هر نه ایسه ، ساعت بشده بغچه نك اوفق قپوسی یواشیجه  
 « آچیلدی . نادیده آرقه سنه بر ( یلدرمه ) کیمش باشنده  
 « بر باش اورتی آلمش ایدی . کیجه نك سرینلکندن نازك وجودی  
 تر تر تنه یوردی .

« نادیده بکا یاقلاشدی . . بر لکده اغاچلرک آرسنه کیروب  
 « بر چالی دیننده طور دق . نادیده دیدیکه :  
 « — آل ! ایسته مکتوبی کتیردم . آرتق بردها تنبیه  
 « حاجت یوق !

« — بیلیورم اقدام . بن برهفته صکره ینه کیده جکم  
 « اووقت کوتورر فؤاد بکه تسایم ایدرم . .  
 « — بك کوزل ، جوابی کتیردیکک وقت بنده قرق  
 « لیرا ویریرم . .

« — آغزدن ده برشی سویلیه یمی ؟  
 « محاوره مز بورایه کلهشدی ، که یاننده طور دیغمز قوجه مان  
 « چالیمقدن برخشیاتی ایشیدلدی . . بك زیاده تلاش ایتدکسه ده  
 « برشی اولمیدیغنی کورنجه لقردمزه دوام ایتدک . نادیده بنم  
 « سؤالمه جواب اوله رق :

« — خیر ، آغزدن برشی سویله مک ایجاب ایتمز . یالکیز

« مکتوبی ویر ، جوانی یازده جقدر . اگر یازمزه مطلقاً  
 « جوانی ایسته دیکمی سویله ! . دیدی .

» — یکی افندم .

« آه بکم ! کورم لیدیکز نادیده کی لطافتی ! بنم طاشدن  
 « قاتی اولان یورکم بیله خاجانه کلدی ...

« ایسته عیناً نقل ایتدیکم محاوره دن برهفته صکره اوتیه کی  
 « چفتلکه کیتدم ، اما نادیده نک فؤاده یازدینی مکتوبک بر عیننی  
 « الله ایتدکدن صکره کیتدم .. ایسته سزه عیناً یازدیم :

( قارئین کرام بومکتوبی فؤاد او قورکن کورمش اولد -  
 قلرندن بوراده بردها تکرار ایدلمیه جکدر . )

ایبوش بومکتوبی بتردکدن صکره الله شو ملاحظاتی  
 علاوه ایتدی :

« نصل عاشقانه دکللی ؟ طوغریسی بوقادینده کی جرأتی  
 « اولور اولمز ارککلرده بیله کوره میورم . نقدر کوزاسه  
 « اودر جده جرأتلی ! بو حاللر جریان ایتمکده ایکن اوقنبردن ،  
 « اومامونندن قورقیورم . . بوراده اکلا دیغم فضله برشی  
 « وارکه اوده : اومعهود کیجه فؤادی بزم المزدن قورتاران  
 « قبر ایمش ! . . . بونکده انتقامنی کندیسندن آله جغم . برده  
 « کندیسنه او یورکن تصادف ایدوب غایت دقتله یوزینه باقد -  
 « یغمده کندیسنی طانیر کی اولدم . صایقلدینی بعض سوز -

« لردن کنیدیسنک جلااد اولدیغنی وتیه دانلی علی پاشا ایله  
 « برمناسبتی اولدیغنی اکلادم . چونکه کسیک کسیک صایقادیغنی  
 « ائنهالرده : تیه دانلی ! .. اوح ! .. بنینه یشایورم ..  
 « بن اولادمک یاننده مسعودم ... جمله لرینی پک چوق تلفظ  
 « ایدیور .

« جلااد سـوزی اوزرینه نظر دقتم آرته رق قنبری اون  
 « اوج سنه اولکی بزم وقعه ده کی جلااده بکیزتدم . . اولادمه  
 « برلکده دیوردی . عجبا بوکیم ؟  
 « فؤادی ؟ کوردیکز می بوراده تحقیق اولنه جق تقدر  
 « اسرار وار ! .. بونلرک بزه تعاقی یوق آ ! نه ایسه !

« چغتمکه کیتدیکم وقت فؤادی او طه ده یالکیز بولدم  
 « نادیده دن ده مکتوب اولدیغنی سویلینجه شایردی . بنم تجربه  
 « کار کوزلرم کنیدیسنده ممنون اولدیغنه دائر علایم کوردی .  
 « جوابی آلوب سرعتله چغتمکه کلدیم همان قابمه قپانوب  
 « مکتوبی اوقودم . . طوغریسنی ایسترسه کز بن فؤادک بویله  
 « بر مکتوب یازم جغنی اصـلا مأمول ایتمزدم . باقکیز نقدر  
 « غریبدر : ( قارئین کرام بومکتوبی ده کورمشلردر . )

ایبوش بومکتوبی دخی یازدقدن صکره النده کی کاغده  
 یرقالمش اولدیغندن دیگر برکاغده آله رق آنی طولدرمه  
 باشلادی . .



نجرده آياق اوستى طورمقده اولان قنبرك حدتى صوك  
درجه يه كلكشدى كندى كنديسنه :

— آما اوزون مکتوب ها ! عجباً كيمه يازيور ؟ يازدينى  
شيلر هيچ شېهم يوقدركه بريسى ناديدەنك ، ديكريده فؤادك  
بوكون كلەن مکتوبيدر . عجباً بونلرك عينى كيمه يازوبده  
كوندره جك ؟ ديوردى . ايبوش ايسه ايشنده دوام ايلوردى :  
« كورديكزىمى نقدر غريب ؟ اكر فؤاد بونى جدى  
« اوله رق يازيورسه پك اشك ايمش ! لېكن بن بوكا اصلاً اينانه م  
« بر درجه يه قدر صحيح اولسه بيله بركره كلوب ناديدەنى تكرار  
« كوره جك اولورسه نه ولى نعمتى طائير ! نەدە بونم پدرمدر  
« دير !

« بن بيله مغلوب اوله جغم ! . . استغراب ايتيكز بكم ، سز  
بيله بروقت . . .

« فؤاد ، فداكارلق اوله رق ناديدەنك مکتوبى ده اعاده  
« ايليور . بن ايسه بيله بر منبع ثروته محتاج اولديغمدين فؤادك  
« مکتوبينده اعاده يي مابين سطرلرى كوزلجه سيلدم ، ناديدەنك  
« مکتوبى قوينمە آندم . ها ! فؤادك يازدينى مکتوبى على بكه  
« ويرركن يا كلكشقه ناديدەيه اولان مکتوبى ويرميه يمى ؟ آزالدى  
« فويا ميدانه چيقه جقدى ، بركت ويرسونكه همان كنديمى  
« طوبلايه رق بريلان اويديردم . »

قنبرك جان صفتیسی کیتدکجه تزايد ایدیور فضله اوله رق  
 آياقلىرى ايفای وظیفه ده قصور ایدیوردی . . کندى کندیسنه :  
 « جهان ، آلدیغى مکتوبى بویکجه کوتوروب ساعت  
 » بشده نادیده تسایم ایده جك ایکن حالا یازی یازمه سی  
 « غریبدر ! عجب ایدوبده او چالی دینده ینه صاقلانه میمی ؟ آده  
 » سنده ، بوراده بکلم . — ديه سویانیوردی .  
 ایبوش ده مکتوبك نهایته :

« ایشه بکم اون بش کوندن بری جریان ایدن احوال  
 » بوندن عبارتدر . شمدی کیدوب جوانی تسایم ایله فرق  
 « ایرانی ده آله جغم . نه دیهیم ؟ الله موفقیت احسان ایتسون ! . »  
 کله لرینی علاوه ایله مکتوبنه نهایت ویردی .  
 ایبوش ، یازدیغى مکتوبى برظرفه قویقدن صکره ساعته  
 باقهرق بشی کچدیکنی کورنجه یوکسك سسله :

— او !! ساعت بشی کچمش ، بن حالا مکتوب یازیورم !  
 دیدکن صکره علی العجله قلبه دن طیشاری فیرلادی .  
 مع مافیه قیوی کلیدله مکى ینه اونتمدی .

قنبر اصلا وقت غائب ایتمه رك کندیسندن مأمول  
 ایدلمه بن برچویککله دلیکدن ایجری کیردی . اللریله طوته ررق  
 اشاغی صارقدن صکره کندیسنى براقیویردی . ذاتاً آياقلىرىك  
 یره دکمه سنه یارم آرشون قدر بر مسافه قالمش اولدیغدن هیچ  
 بر طرفی آجیمدی .

وقتک طارغنی کوز اوکنه الهرق قوطودده کی مکتوبلری  
جینه طولدردی . عجله سندن جینه کیروب کیرمدیکنه دقت بیله  
ایتمیوردی ! . . .

یازیلی شیلرک کافه سنی جینه طولدرقدن صکره صندالیه یی  
بجیره دینه قویهرق و دیوارده کی حجره لره طوته هرق طیشاری  
چیقدی . . .

چیقارکن جیندن بر مکتوب دوشدی ، که - ایبوشجه -  
ای قیمتدار اولمسی لازملکن نادیده نک فؤاده یازدیعی مکتوب  
ایدی ! . . .

قبر بونکه مشغول ایکن اوتو طرفده ایبوشده نادیده دن  
مکافاتینی آلیوردی . ایبوش قلبه سندن چیققدن صکره قوشه .  
رق بردقیقه بیله سورمه دن محل ملاقاته واصل اولمش و نادیده یی  
چالینک دینده اوتوره رق کندیسنه استظارده اولدیغنی  
کورمشدی . . .

لیکن بو استظار ، عاشقانه دکل ! نقدر تبدلات ! نادیده نک  
اسکی حائندن اثر قالماش ! کوزللیکی مع زیاده باقیسه ده  
حائنده کی ، طورنده کی جرأت بیک قات ده زیاده اشمش ، قای  
وحشیاتی محو اولمشدی !

یک طالغین بر حالده اولدیغندن ایبوشک ورودینی فرق  
ایده مدیسه ده صکره کوره رک دیدی که :

— نرمده قالدك ؟ ساعت بشی كچيور . بنمی سندن اول  
كله جكم ؟

— عفو ايدرسكيز . طالشمدهده وقتك كچريكنندن خبرم  
اولمدی . .

— هيچ انسان بويله بر مكافات آله جنی وقتى طالغيناقله  
كچيرمی ؟

— زوجهمی وچو جقلرمی دوشنيورددمده . . .

— نه لرینی دوشنيوردك ؟

— شمدی بوباره يه نقدر سوينه جكلورد . .

— نه ايسه . كتيردمی ؟

— اوت افدم .

ناديدهنك پك منون اولديغی بديهي ایدی . دیدی که :

— جواب يازمامقده اصرار ايتديمی ؟

— خير افدم ، اوقور اوقوماز همان جواب يازدی .

نادیده فکرندن :

— اوح ! اوده بنی سويور ، بوندن صكره مسعودانه بر

صورتده يشايه جغم ! كله لرینی كچيريوردی . كال استعجال

ايله دیدی که :

— هانیا مکتوب ؟

ایبوش ، نادیدهنك قارشيسنده اودرجه غشی اولمشديکه

بوسوزی ايشتمدی !

نادیده سؤالی تکرار ایله دیدیکه :

— طویمورمیسک ، هانیا مکتوب ؟

ایبوش اویقوزن اویانورجه سنه برطورله :

— نه ؟ مکتوبمی ؟ ها ، ایشته ! . — دهرک قویندن

مکتوبی چیقاردی . علی بکک یاننده دوجار اولدینی حال

عقلنه کلش اولدیغندن اوله برشیئک تکرر ایتهمسی ایچون

ظرفک اوزرینه باقدی .

نقدردده اصابت ایتشیا ! ! . چیقاردینی ظرف کنديسنک

نادرکه یازدینی مکتوبی حاوی ایدی . هان :

— بوزوجه مه کیده جکدر ! . — دیه جینه آتورق . فؤادک

مکتوبی ویردی .

نادیده کمال استعجال ایله مکتوبی آله رق دیدی که :

— آل ، ایشته بنم وعدم ! تمام قرق دانه در !

ایبوش پاره لری آلورکن نادیده نك بیله کلرینه ، قوللرینه ،

الترینه ، باقیور وپارملره دقت بیله ایتیموردی .

نادیده مکتوبی اوقومق اوزره گوشه کیردی . ایبوشده

قابله سنه کلدی . قپو آچیلیر آچیلماز برندای حیرت ایشیدلدی که

لامبه نك سوندیکی ایچون ایبوش طرفندن چیقارلمشیدی . .

ایبوش ، عقانه کلن احتمالاتی رد ایتک ایشه یدرک :

— نافله یره وسوسه ایدیورم . روزکار سوندرمشدر .

لکن اوقدر شدید برروزکار اسمدی . !

چیندن چیقاردیغی برکیرتی یاقه رق اورتاغی آزاجق  
 آیدینلق ایتدی . . کوزلری قاشه رق یالکیز لامبه نك نرده  
 اولدیغنی کوره بیلوب آئی ده یاقدیغی وقت جزئی بر مدت برشی  
 کورده مدیسه ده کوزلری آیدیناغه آیشیر آیشمز قوطوده کی  
 مکتوبلرک چالغش اولدقارینی کال حیرتله کوردی ! . .  
 ایواہ ! . . منبع ثروت ظن ایتدیکی اونادیده نك مکتوبی بیله  
 غائب اولمشدی ! . .

نچرہ نك دینده اسکمله طور ییوردی، که سارقک اورادن  
 فرار ایتدیکنه هیچ شبهه یوقدر . یرده برکاغد کوردی ! . .  
 شدتله اوزرینه آتیلوب یردن آله رق غازک ضیا سنده نادیده نك  
 مکتوبی اولدیغنی کورنجه آتق سونجنه نہایتی اولور ؟  
 اسرارینک فاش اولدیغنه اهمیت بیله ویرمکمزین سوینجندن  
 صیچرامغه باشلدی ! . .

بش دقیقه قدر دوام ایدن بو حالدن صکره ایبوش حال  
 طبعیسنی بولش اولدیغندن سرین قانلیقله ایشی تدقیق ایتمه  
 قرار ویرہ رک قابه دن طیشاری چیقوب اطرافنی طولاشدی .  
 چنلر اوزرنده آتق ایزلری بللی دکل ایدی . . نچرہ دینده  
 کوفه یی کورنجه :

— بورادن کیرمش ! دیدی . . بعده ایچری کیرہ رک  
 اوطه نك حاله باقدی . اسکمله نك بریسی نچرہ نك دینده

طوریور کرهوت — کندیسنک براقدیغی کبی — طیمالی  
بولنیور . قازمه کورک ، ایبوشک قره بناسی یرنده !  
کلهن آدم یالکز مکتوبلری آلمش !

ایبوش بونک اوزرینه مرلدانهرق دیدی ، که :  
— کلهن آدم شبهه سز قیصه بویایدیر . چونکه پنجره یه  
یتیشمک ایچون اسکمله قویمشدر ، طیشاریدنده کوفه  
قوللایشی بوکا دلالت ایدر . . . . بردنبره لقردیسنی کسه رک  
تازه طوپراق اوستنده کوردیکی ایاق ایزینه یاقلشوب اون  
دقیقه قدر بونی تدقیق ایتدی . دیدیکه :

— غریب شی ! . . . شبهه سز بو بر تصادف اوله حق ! . . .  
کلهن آدمک برشی چالغه کلدیکی بلایدیر . چونکه شودیوارده کی  
قره بنا فنا دکلدیر . بو حالده کلهنک مرادی یالکز بنم کاغدلرمی  
چالمق اولدیغی اکلاشیلیور . بونی تسلیم ایدیم ، فقط بنده  
مکتوبلر اولدیغی نره دن بیلیور ؟ هم بنم بو دقیقه ده بوراده  
اولمدیغمی بیلیمک ایچون بنی کوزتله مہسی لازمدی . حالبوکه  
بو قورناز ایبوش کندیسنی او یله کوزتلتمز ! . . . برده بنم بوراده  
اولمدیغمی آنجق نادیده بیلیور . عجبا اومی چالدرتدی ؟ . . .  
او یله ایسه ! . . . کندیسنه پک طوزلی اوتورر ! .

پنجره یه بردها یاقلشدی . ایلک تدقیقنده کوزینه ایلیشمیهن  
مهم براماره کشف ایتدی بوده — بعض شی اصمق ایچون —

دیواره میخندمش جیوی به ایشمش اولان چوخه پارچه سی ایدی .  
ایبوش بونی انه آله رق هم معاینه ایدیور همده شویله سویاتیوردی :  
— او !! اکلایمادی ! قنبرها ! خبیث ! ذاتا بونی ده  
آلق ! ناچلی قوندردلری ده طوبراق اوستنده بللی ! آندن  
بشقه چوخه اثواب کیم یوقدر ، که اودکلدر دیهیم ! زیانیوق  
البته آجیسنی چیقاریرم . بکا اوسته ایبوش دیمشله ، اگر  
انتقامی آنده بر اقرسه م آدم دکلم ! ای قنبر ! بن سنی عقللی  
ظن ایدردم اما . احمق ایمشک ، ایلیمه درس شیطن  
ویرر دیر ایدم اما سن دها بنم درسلمه محتاج ایمشک !  
بومهارتسز لکنک جزاسی اوله رق قارنه بر بچاق یاخود قلبه  
بر قورشون ییه رک اوله جکسک ! هیچ انسان بویله بر مکتونی  
دوشوررمی ؟ . — دیه نادیده نك مکتوبنی آغزینه یاقلشدردی  
بعده ملاحظاته دوام ایله :

— عجبا نه مقصده بنم کاغدلرمی چالیدی ؟ شمعی بن  
نه یاهیم ؟ همان پیللی پیترتی طوپلیوبده قاچه یممی ؟  
عجبا قنبرنه یاه جق ؟ مکتوبلری طوغری بکه می کتوره جک  
یوقسه هیچ میدان بیله چیقارمیه جقمی ؟  
نصل اولورسه اولسون ، بو کیجه قاچام . یارین نه  
وقوعبولورسه اکا کوره حرکت ایدرم .  
عجبا بو حاللری بکه یازمیممی ؟ کیم بیلور بنی تقدیر تکدیر



ایده جک ! بنم قباحتم نه ؟ ! . آه او مکتوبلری نچون یاقیوبده  
اشک کبی صاقلادم ! ایشته بر فرصت کتیروبده اغندیسمدن  
بیله استفاده ایتک ایسته یهن آدمک حالی بویله اولور !

شو آدمه [ قنبره ] اویله بر قزبورم که . . . ! اکر مکتوبلرک  
صورت قرائتنی بیلیورسه هر براسراره واقف اولدی دیمکدر !  
شاید بر چو جق طوغارسه هیج بللی ایتیه رک آنی بورادن  
قایمق ایچون طور دیغمی اکلادی ها . . . اوف . . . آرتق  
بن محو اولدم . .

بو قباحتی کنسیم بیله عفو ایتیمورمده بکمی عفو ایده جک :  
عجبا نه یاهیم ؟

بر قاج دقیقه بویله بر اضطراب ایچنده بولندیسه ده متعاقبا  
عقلنه کلن تدیری بکنه رک :

— اولدیریرم آ ! عقلانجه بنی کوزتله مک ایستورودی ،  
بو بر قباحتی ! . ایشلمه مانع اولیور ، بو ایکی ! . . مکتوبلری  
چالیدی ، بو اوچ ! . . بو اوچ قباحت قنبرک قتلنی ایجاب ایتیمزسه  
اولدرمک لقر دیسنی دنیادن قالدیرمق لازم کلیر ! . فعل قتلک  
صورت اجراسنی بر خیلی دوشنه رک نهایت :

— نصل اوله جق . کیدوب او طه قپوسنی آچارم .  
وایانجه یه قدر قارننه شو بچاغی صوقیوریرم . دیه قرار  
ویردی .

ایبوش قابله ده هر شیئی براقه رق قپوسنی سورمه له دکن  
 سکره ضیشاری چیتدی .. اطرافی دکله دی ، کیجه نک سکو تنی  
 هیچ برشی اخلال ایتیوردی .. یواش یواش یولنه دوام  
 ایدرک کوشکی کچدی . نادیده نک اوطه سنده حالا موم  
 یانیوردی .. ایبوش بونی کورنجه :

— فیتی آلمش ! دیهرک مدهش بر تبسمده بولندی ..  
 چفتلکی ده کچدی .. قنبرک یاتدیغی یره کلدی ...

بوراسی مربع الشکل برقات بنادن عبارت اولوب برضاعنی  
 اوطه لر . دیگر ایکی ضلعینی اوتلق ، صمانلق ، آخورلر ،  
 ضاع دیگرینده قپو و حیواناتک د ولانمسی ایچون ایجاب ایدن  
 تکنه لر تشکیل ایدیوردی . بونلرک اورتی لریده واسع  
 بر میداند .

بیوک قپو کلیدنمز . ایبوش بونی بیلدیکی جهتله نومید  
 اولیوردی .. قپو جزئی کورلتیله آچیلدی .. ایچری کیره رک  
 کیسه نک کندیسنی کورمدیکنی ا کلا نیجه اوطه لر یاقاشدی ..  
 بو قدر متاتی ایله برابر یاطوتیلر سه م ؟ دیه قلبی آتیوردی .  
 بو قورقو اوزرینه باندکی سلا حله باقوب کولدی .. بودفعه ده  
 ینه بر احتیاط سزلغنی در خاطر ایتدی .. یاقا چق لازم کلورسه  
 اوطه ده کی یازی طاقی نه اوله جق ؟ مع مافیله نادیده نک مکتوبی  
 کوزجه قویننه یرلشدیرمش اولدیغدن پک تلاش ایتدی .

ساغدن اوچنچي اولان قنبرك اوطه سینه کلدیکی وقت  
ایچریسینی دکلهدی : هیچ سس ، صدا یوق ، یالکیز تحتہ  
آرہ لغندن خفیف بر صدا منتشر اولیور . . بونک اوزرینہ  
یواشجہ :

— عجایب ! کیجہ این یانیرکن غازی سوندیرمدیکی  
بیلیمزدم . عیجا اویانقمی ؟ خیر خیر بو وقتہ قدر اویانق  
طورہ مز ، اوقومق بیلیمز کہ ! . . چالیدی مکتوبلری  
اوقومق ایچون اوغراشسون !

بش دقیقه قدر دها دکلہرک هپ بر آهنگدمکی خورلتیدن  
بشقه برشی ایشتمینجہ هیچ بروقت یانندن اکسیک ایتدیکی  
مایمونجی چیقاروب آناختار دلیکنہ صوقدی . . . کلید  
یواشجہ دوندی . . . ابوشک یوزی کولدی . برکرہ ایچری یه  
کیردکن صکرہ قنبر اویانوب کندیسینی طوپالانجہ یه قدر آنک  
ایشنی چوقدن بیتر ! . . . لکن ایچریدن کلہن بر صدا :

— کیم او ؟ . . شمدی جانہ قیارم !! الفاظ تہدیدکارانہ سینی  
حاوی اولنجه ابوش یالکیز « الله بالاسنی ویرسون » دیہرک  
قوتی بجاقلرینہ ویروب قاجدی . . دها بیوک قبودن چیقمہ زن  
قنبر متبسم چهرہ سیلہ قپونک اشیکندہ طور یور وابوشک  
فرارینی سیر ایدیوردی .

— قاج خائن قاج ! کہ قورشونم بینکی پاطلاتسون ! سن

قبری چو جقمی طن ایدیورسك ؟ او اویله بر قورتدرکه سنك  
کبی عجمی زاغارلر آنك ایزنی بیله بوله من !  
ایبوشك نه درجه سرعتله فرار ایتدیکی تصور اوانسون !  
خائن ، هم قاجیور همده :

— های کافر شیطان های ! قنبرك اویقوسی بو قدر  
خفیف ایش ها ! دیور وایشتدیکی خورولتیلره بر صافدرون  
کبی اینانیوردی . قلبه سنه کلیر گلز همان نادر بکه یازدینی مکتوبی  
یرتدی . و ذیل سرلوحه سیله شونلری علاوه ایتدی :

« عزیز بکم !

« یوقاریکی سطرلری بیتر بیتر من ساعته باقوب وقتك  
« کچمش اولدیغنی ا کلاخجه همان نادیده نك بکلدیکی چالیلغه  
« قوشدم .

« کاشکی قابه دن هیچ ایرلمسه ایدم ! . . .

« نادیده بندن اول کیش اولدیغندن بی بکلیوردی . مکتوبی  
« تسایم ایله قرق لیرانی آلدیم . قلبه یه کلد بکمد برده نه باقه ایم ؟  
« یانار براقدیغم غاز سونمش ! واقعا موجب حیرت دکلدر . لیکن  
« غازی یاقنجه عجاه ایله طویلامه دن کیتدیکم ویا قق ... ایچون  
« حاضرلدیغم سزك مکتوبلر کزله سزه یازدیغم مکتوبلرک مسو -  
« ده لرینی و نادیده نك مکتوبی - محفوظ اولدقلری - قوطو  
« ایچنده بوله من سه م جالب حیرت دکلیدر ؟ آز قالدی  
« چیلدیریوردم ! .

« یره دوشمش بر مکتوب کوروب آلوب باقديغمده نا -  
 « ديدنهك مکتوبی اولديغنی کورنجه نقدر سوينديکمی تعريف  
 « ايدهم !

« بسبلی آبدال حريف مکتوبلری جينه ايجه ير اشدير -  
 « مەمش اولمليدر . چونکه ديگر لرینی آلان آدم بونی براقه مز !  
 « طيشاريدن قابهك اطرافنی طولاشدم . خير سزك پخوردیه  
 « بر کوفه يه باصه رق يتشديکمی و اورادن ايجری کيرديکمی  
 « اکلاديغمدن قيصه بویلی اولديغنه حکم ایتدم .

« بالطبع شاشيرمش اولديغمدن بونی کیم ياپدی ؟ ديه  
 « دوشنيودم . خاطر مه ابتدا نایدده کلديسه ده نایدده کندی  
 « مکتوبنی فؤاد ده بيلديکمی ايچون بندن چالدر نغمه لزوم  
 « کورده مز . بویله طالغین ايکن کوزلرم یره کومديکم  
 « قوطو ايچون قازمش اولديغم تازه طوپراق اوستنده قنبرك  
 « نالچه سنی ! ... شی ! . قوندورده سنك نالچه سنی کورنجه شبه يه  
 « وارديغمدن پخوردی بر قاندها ارادم .

« ديوارده بر چيويده قنبرك اثوبندن ايايشه رك قوپمش  
 « اولان بر چوخه پارچه سنی کوردم که خرسزانی ايدنهك قنبر  
 « اولديغنی بر قاندها تحقق ایتدی . بوکا بر چاره اولق وایته -  
 « یکم تدبير سزلیکی اونته درمق ايچون قنبری اولدرمکه لزوم  
 « کوردم شو اوچ شی بی قزدريوردی :

« (۱) حامی دائماً تجسس ایتک و یوزمه کولوب آغز مدن  
لقردی قایمق ایسته‌یشی. »

« (۲) تصور ایتدیکمز ایشلرمزه ممانعت ایدیشی »

« (۳) مکتوبلرمزی چالیشی. »

« بوکا سلامتمز ایچون قرار ویردکن صکره یواش یواش  
قیودن چیقمدم... کلیدلمکی اونتمدم!!... »

« میمونجی قنبرک قیوسنه... آنختار دایکینه یرلشد -  
یردم... کورلایسزجه کلید آچادی... تمام موفقیت حاصل  
اولدی دیه سوینیرکن :

« — کیم او؟ دیه ایچریدن سسلنمسونمی؟ ده‌ها بعض  
لقردیله سویلدیسه ده همان قاجدیغمدن ایشیده‌مدم...  
« اکر فی الحقیقه مکتوبلری قنبر چالمشه بوراده  
« اوطور مق بنم ایچون ته‌لکه‌ایدرد... بلکه الدانیورم!...  
« ایسته بو فکرخی تطمین ایدیور!... »

« بلکه بشقه‌سی خرسزاق قصدیه کیرمشدرده کاغدلری  
« قیمتلی برشی ظن ایدوب چالمشدر. تعاجات اخیره‌کزی سریعا  
« ارسال ایلیمکزی رجا ایدرم چونکه موقعم کیتدجه ته‌لکه -  
« لشدی... بنم فکر محجه ایشک ایچنده بویه ته‌لکه اولمزه نیه  
« بکزر بیلورمیسکمز؟ جناوارسز اورمانه بکزر!...  
« کولدیکز دکلای بکم؟... کولیکز، شطارتکزی غائب

« ایتیمکز!.. کولکز، تهلکیه قارشى جسور اولکز! بوسادق  
« قولکزك قصورینی عفو ایدکز!..»

صادق بنده کز

ایبوش

ایبوش بونی یازدقدن صکره ایجه یورلمش اولدیغندن قیون  
پوستنك اوزرینه اوزاندی. برچاریك قدر بو حال استراحتده  
قالدی نادیده نك مکتوبی، نادر بکه یازدیغی مکتوبی قوینده کی  
کیزلی جینه یرلشدیردکن صکره قوطونك قباغنی قپایه رق  
یره کومدی... اوستنه کره وتی قویوب طوپراغی چیکنه دی.  
ایبوش بونیده بتردکن صکره بلندن — کنه دیسی کبی  
ایکی حیدودی باغلامغه کفایت ایده بیله جك درجه ده اوزون  
اولان — قوشاغنی چوزدی تا اتنه باغلمش اولدیغی کمری  
چیقاره رق آغزینی آچدی و بایدیغی مندیله اوزرینه دوکدی.  
نه طاتلی شقرتی!...

نادیده دن بو کیجه آلدق لرینی ده قاریشدره رق پك اوفق  
برکومه تشکیل ایدن صاری شیطانلری صایدی... تمام ایکی  
یوز دانه!

تکرار کمره یرلشدردکن صکره ینه کمال دقتله بلنه  
باغلادی، قوشاغنی ده اوستنه صاردی. کیرلنمش مندیله الله  
آله رق ایپکله ایشلنمش (ن) حرفنه باقه قالدی. بو مندیله

نادیده‌نك و بردیكى پاره‌لر صاریلی ایدی . . . مندیلى بلااختیار  
قوقلادی و اوپدی !  
نه لطیف قوقو نشر ایدیور! . . .

— ۳ —

دوگون تلاشی ائناسنده ایبوشك احوالی هیچ تحقیق  
اولمه‌دن چفتلكه قبول اولمش صکره‌لری علی بك آنده کور -  
دیكى آچیق کوزلیدکن طولانی او خراب قلبه‌یی کندیسنه  
احسان ایتمش و ایبوشده اوراسنی تعمیر ایتمشدی .  
علی بك برقاچ ایشده جهانك صداقتی کوره‌رك اصلا  
شبه‌نمدی . قنبر . سببی کندیسیده بیلمدیکی حالده متغیر  
اولیور ، اطوارینك ساخته اولدیغنه حکم ایدیور و بوحریفك  
کندیلرینه بر فلاکت کتیره‌جکنه حکم ایدیور و بعض کروده  
بو آدم بکا یبانجی دکل ! دیوردی سه‌ده نصل طانیدیغنی  
بیله‌میور ایدی . احتیاطاً بر مدت حرکتنه نظارت ایتمه‌که قرار  
و بردی و بو قرارك نتیجه‌سی اوله‌رقده ایبوشه هرکسدن زیاده  
یوز ویرمه‌که باشلادی .

نادیده‌نك و رودندن یکریمی کون آنجق کچمشدیکه برکون  
نادیده کز مه‌که چیق‌دیغندن و کیمسه‌ده بولم‌دیغندن قنبر مندرلری  
طاشیوردی . بر آغاجاق آلتده اوتوردیلر . . . نادیده صو آلمق  
ایچون خلایفی چفتلكه کوندردی .



قبر بوگون يك نشئه سز كورينيوردی . نادیده ایله یالکیز  
قلمش اولدقلرندن کندیسنی ییوب بیترمکده اولان اسرارینی  
سویلماك ایستیوردی .

بونك مقدمه سی اولق اوزره دیدیکه :

— بوراسی فؤادك اك سودیکی بریردر ،

فی الواقع دوگون کونی فؤادله اقردی ایتمش اولدقلری  
یر بوراسی ایدی . قبر یکرمی کون اول فؤادله بوراده اوتو -  
ررکن شمدی فؤادك سوکیلمی نادیده ایله بولینیور ! بو حال  
قبری بتون بتون متأثر ایتدیده ایشته او بوشبو غازجه سینه  
سوزلری سویلدی .

نادیده بویله بر سوزه بالطبع تعجبده بولندیسده قبری  
سویلتماك ایچون دیدیکه :

— فؤادی ؟ هانکی فؤاد ؟

— بلك اولادلنی !

— ديمك اوليوركه بوراسنی چوق سورها ! اویله ایسه  
بند طیشاری چیققدجه هپ بوراده اویوره جغم  
— نه دن ؟

— چونكه فؤاد بك بورادن خوشلانورمش ! . .

— آه ! او ، سزك بویله دینیککزی ایشته ! کیم بیلور

نقدر ممنون اولور !

— نیچون ؟

— چونکه . . . شی . . .

قنبر لقردیسی تکمیل ایدمه میه رک نادیده نك یوزینه باقدی .  
نادیده هرشی اکلالمش اولدیغدن استجوابه هیچ لزوم  
یوقدیسده ینه دیدیکه :

— بنی سودیکیچونمی ؟

قنبر ، دروندن طوغری قباروب کلن آهنی منع ایدمه -  
میه رک :

— آم ! اوت ،

— نهدن بیایورسک ؟

— چونکه . . .

— ای !

— بندن برشی صاقلامز

— نیچون صاقلامسون ؟ انسان هر سرینی بشقه سمنه  
سویلمی ؟

— فؤاد یالکز بکا سویلر . چونکه بن آنی قورتازدم

— نرمدن ؟

— اولومدن !

بو نك سوز تکمیل حقایق نادیده نك نظرنده میدانه  
قویدی . فؤاد ، اوکیجه اومایسک اون ایکنجی کیجه سی برطاقم  
آدملر طرفندن قورتارلماشمی ایدی ؟ دیمک اولیورکه او آدم

قبر ایتمش! دها بعض شیلر سورمق ایسته دیسه ده خلایقک  
ورودی اوزرینه سکوته مجبور اولمشیدی.

قبر، ایچنی بوشالتدیغدن طولانی ابتدا ممنون اولموردی.  
صکره اوطه سنه کلوبده ایشی اطرافایچه محاکمه ایتدیکی وقت  
کندیسنک قباحتنه برجزا تصور ایده میوردی. هم ولی نعمته  
خیانت ایتمه سی ایچون فؤادی دیگر چفتلیکه کوندرمشدی  
همده شمدی آنلری خیانته تشویق ایدیوردی!.. بولقر دیلری  
نادیده سو یله مهنک نه مناسبتی واردی؟ بوشبوغازلغنک تاثیرینی  
تعدیل ایچون ایرتمسی کون نادیده نك یانه صوقیلوب:

— عفو ایدرسکز، دون کندی می بیلمدیکم برحاله سز  
یا کلش بعض شیلر سو یلمشم. — دیهرک بشقه برشی سور.  
مسون فیکریله همان قاجدی. لیکن نادیده نك بولقر دیلره اینا.  
نمدیغنی دخی پک اعلا اکلادی. بو حال اوزرینه نادیده نك  
فؤاده بر مکتوب کوندره جکنه و واسطه اولمق اوزرده جهاندن  
بشقه سنه اعتماد ایده میه جکنه حکم ایدهرک جهانی دها کوزل  
بر صورتده تحت تفتیشده طوتمغه قرار ویردی.

جهان حالا کمال صداقتله ایش کوردیکندن قبر کندی  
ظننک یا کلش اولدیغنه ذاهب اولمغه باشلدی.

بو وقعه دن برخیلی کون صکره نادیده کز مکه چیقدی  
وقت هر زمانکی کی کندیسنی یانه آلیوب ایبوشی کتورد.

یکانی کوردیکنندن شبهه لنه رک — ذاتاً کیده جکلری یری  
بیایدیکنندن — آنلردن اول کیدوب اوراده صاقلندی .

قنبر ، فنا بریر انتخاب ایتمشدی . اکر نادیده ایله جهان  
یواشیجه قونوشه جق اولورلرسه ایشیده میه جکی شبهه سز  
وبولندیفی یرده براز قلدانه جق اولورسه کورلتی ایده جکی  
محقق اولدیغندن صبر ایتکه قرار ویردی . نادیده نك خلائیفی  
باشندن صاومه سی قنبره برامید ویره رک دیدیکه :

— ایشته شمدی یالکیز قالدیلر . بنم آحقچه سینه دها  
طوغریمی اشکجه سینه اعتراف ایتدیکم سوز اوزرینه شبهه سز  
فؤادله مخابره ایده جکنندن وچفتلکلر آرمه سنده ده جهانندن  
بشقه کلن کیدن کیسه ...

قنبر لقردیسنی تکمیل ایده مدی . چونکه نادیده :

— جهان ، وضعیتک اییدر . او حالده طور ، سئکله  
لقردی ایده جکیز دیمش اولدیغندن تپه دن طرناغه قدر قولاق  
کیسلمه که قرار ویرمشدی .

معلومز اولان محاورمی تمامیه ایشیدوب خالیقک کلدیکی  
ایچون کیسلمش اولدیغندن کندی کندینه دیدی ، که :

— شبهه مده حقلی ایشم ! ذاتاً جسم بنی آلداتمز !  
شمدی نه یاپیم ؟ عجبیا علی بکه خبر ویره می ؟

لیکن بومطالعہ سنک تقدیر واهی اولدیغنی کندیسیدہ  
اودقیقہ: کلامش اولمیدرکہ:

— فؤادی ده خبر ویرمک ! اولادمی ها ! اصلا ! سو -  
زلری آغزندن دوکیلیویرمشدی .

نادیده ، جهان . خالایق چفتلکه عودت ایتمش اولدقلرندن  
قنبر یاب یالکز قالدی . ذهندن :

— بوایشه هیچ مداخله ایتمز کی طوریرم ، علی بکده  
خبر ویرم . یالکز کیزلیجه نمانت ایدرم واوله حق شیرلی  
منع ایدرم . هم بواقشام کیدوب اوچالیلقدہ صاقلنه رق لقر -  
دیلرینی دکلیهیم — قرارینی ویرمک — جهانک کوروبده  
شبهه لئمه سی ایچون بشقه بریولدن طولاشدقدن صکره چفتلکه  
عودت ایتدی . یمكنی یدکدن صکره کیمسه نك وباخصوص  
جهانک کورمه مسنه دقت ایدرک اوچالیلغک ایچنه کیزلندی .  
ساعت هنوز ایکی اولدیغندن اوچ ساعت دها بکلمسی لازم کلیور -  
دی . قنبر وقتنی بوش کچیرمک ایسته میه رک اعلا براویقو  
کسیدردی .

ایاق سسلرندن — اویقوسی غایت حقیف اولدیغنی جهته  
— اویانه رق نادیده وجهانک کلش اولدقلرینی کورنجه قوللا -  
قلرینی قبارتدی . وبیایدیکمز محاوره نی تمامیه ایشتمک اوزره  
ایکن اسنه دیکندن چالیلقدہ برخشیاتی حاصل اولدی... لیکن

النه چکن برطاشی شدتلیجه یواریویر دیکندن شهینی دعوت  
ایتدیرمدی . بونک اوزرینه کندی کندیسنه کوله ک :  
— بوحرکتسک جزاسی اوله رق کنسیمی حیوان ظن  
ایتدیردم ! ! . دیدی .

قوجه قنبر ! صباحه قدر جالیغک انجریسنده قالدی . قور -  
قوسندن دکل ، محضا اویقوسندن !  
صباحلین کوزینی آچهرق کونشک برخیلی یوکسلمش  
اولدیغنی کورنجه :

— چوقشی ! اویویه قالمشم ها ! دهرک و جهانک کورمه  
مسنه دقت ایدرک اختفا کاهندن چیقدی .

بیچاره قنبری جدی بر یأس استیلا ایتدی . مسعود  
اولدقلرینه قانع ایکن جهانک ورودی سعادتلرینی اخلاص ایتمشیدی  
جهان اولمسه ایدی نایدده کیمه امنیت ایدوبده فؤاد خبر  
کوندره جک ؟ عجباً مکتوبه فؤاد نه جواب ویره جک ؟ موافقت  
ایده جکمی ؟ یوقسه ولی نعمتک حقوقنی محافظه ایده جکمی ؟ .  
زواللی علی بک ! کندیسنی اوقدر بختیار ظن ایتدیکی حالده  
زوجهمی بر دیکرینه مکتوب کوندریور ! کیمه ؟ اوغلنه ! .  
جهانک چفتلکه کیدوب کلمسه صبر سزاقله منتظر اولیوردی .  
عجله برایش بوله رق جهانی برکون اول چفتلکه کوندرتدی .  
ایرتسی کونی جهانک کله جکی وقت اولدیغندن ساعت

سكزدن صكره معهود چاليلغه چكيلوب ايپوشك قلهه سنى تحت  
نظار تده بولنديردى . آرەدن اوچ ساعت مرور ايتديكى حالده  
جهانك كيشنه تعجب ايدەرك :

— عجايب ! نرەده قالدى عجباً ؟ سوزلرينى برقاچ كره  
تكرار ايتشىدى .

نهايت ايپوشك ورودنده كى احترازى كوردى . . كندى  
كنديسنه :

— هاى ملعون هاى ! آلاىنى مکتوبى تسليم ایتەدن  
اول كندى قلهه سەنە كلدى . عجباً كيدوب پنجرەدن باقسەمى ؟  
آه بوكونشده يوريموركه ! بركره قراكلق اولسە هيىچ قو -  
رقام اما شمدى شايد كيدرسەم بى كورر .

قنبر بر خيلى دها بكلد كدن صكره ايپوشك قلهه دن چيقديغنى  
كورديكى وقت :

— شهبەسز بلك مکتوبى تسليم ایتەكه كيديور ! ملا -  
حظه سنده بولنديكه حقيده واردى . .

براز دها بكليهرك ايپوشك تكرار قلهه كيرديكى وكو -  
نشك ده غروب ايتديكى كورمش اولديغندن يواش يواش  
پنجرە ياقلاشدى .

بوندن صكرەسى يعنى — مکتوبلرك صورت سرقى  
پنجره معلومدر .

قنبر مکتوبلری چالدقدن صکره او طه سینه کلوب قیوی  
 قپایه رق غازی یا قدقدن صکره مکتوبلری او قومغه باشلدی .  
 — او ! نه چوق مکتوبلر ! بونلری او قومق ایچون  
 ایجه وقت لازم . ! آی ! نومره لریده وار ! نومره ( ۱ ) ،  
 نومره بره جواب : نومره ( ۲ ) نومره ایکی به جواب : نومره  
 ( ۳ ) ، نومره اوچه جواب الخ . . جمعا اون مکتوب ! عجبا  
 بومکتوبلر کیمدن ککش ؟ فؤادک دکل ! نادیده نک دکل ،  
 بو حالدده کیمک اوله بیلور ؟ . . . نه ایسه بونلری او قویه لمده  
 او وقت ایشی اکلارز . کل باقیم ای نومره ( ۱ ) ! ابتدا ، سنی  
 او قویه یم :

### « صورت مکتوب »

« سوکیلی سیدی سفندیجکم ایدی .

قنبر — نه ! ! بونلر چینجه می ! ! ( سوکیلی سیدی )  
 نه دیمک ؟ سوکیلی بیلدیکمز کله ! یا ( سیدی ) نه اوله جق ؟  
 عربجه می عجبا ؟ . ( سفندیجکم ) نه دیمک ؟ ( ایدی ) معلوم ! ایشک  
 ایچنده غریب بر سر وار اما طور باقلم اکلايه بیلور می یم ؟ .

« سورایه بویدی سواصلت مویدی سیتدم ایدی . سار -  
 « نودلقدن آیدی سلیکمه کیدی س ویدی سربیدی سوجه م  
 « زیدی سیله ایدی سوچ اویدی سوجه م چویدی سولدیغنه



« اویدی سلی عیدی سکی بیدی سقناع ایدی سیلایدی سدمتنه  
 « خیدی سبول قیدی سواندم اویدی . سربیدی سفته هیدی  
 « سمال کیدی سیرتله غیدی سبش ایدی سوردرک کویدی سن  
 « حیدی سن ظیدی سیدا پیدی سیتمکر ایدی سصور قویدی  
 « سیتمدم ایدی . سوچ ایدی سون سکویدی سرور مویدی  
 « سیتمه دن ایدی . سلی عیدی سک بیدی سربیدی سیوک بویدی  
 « سضا قیدی ساوشدیردی صیدی . سزه سیدی سختصرأ  
 « مویدی سعریف تیدی سیدیم ایدی :

« ساریده نایدی سانک خایدی شقی عیدی سندی سنی  
 « کیدی سادنا عیدی سربیدی سبدال ایدی سینه بیدی  
 « سولمشدر قویدی . سولدیکنی سویدی . سایدیغنی یایدی  
 « سیچ هیدی سیامیور بیدی — سه کیدی سوبویدی سرجه  
 « دیدی سولای قویدی سبول قویدی سولتماغمه اویدی  
 « سوبویدی سبب سیدی سولمشدر اویدی — سیشته ایدی  
 « سوچار دویدی سولدیغنی اویدی سالد هایدی سوبویدی  
 « سجنونلقلرک میدی سموره سیدر ثیدی . ساشایجه  
 « یایدی سشغولتی میدی ساو آیدی سولدیغنی اویدی سهتله  
 « جیدی سربیدی سون کیدی سؤالد ه فویدی سرامکده  
 « بیدی سکلک کیدی ساونده ایکن آیدی سؤادک فویدی  
 « سور دینی اویدی سربیدی سوشی قویدی سالملق آیدی

« سبچون ایدی سارقه سندن آیدی سوشار کن قویدی  
 « سیاغی آیدی سایوب قایدی سشاغی آیدی سوارانه جفی بویدی  
 « سقت ویدی سؤاد قویدی ستیشرییدی ، سیاقلرندن آیدی  
 « سونار طویدی . سرهیدی سقدر نیدی سوشمکن دویدی  
 « سنع میدی سیدرسده ایدی سندیسنگده کیدی سوتی قویدی  
 « سوکنه رک تویدی سرائکده بیدی سشاغی آیدی سوار -  
 « لئغه یویدی ساشلر لر بایدی . ساه آیدی ! سهنیدی سیهیم دیدی  
 « سواویدی سنزیر خیدی سراعاتلره دیدی سه کیدی سیتشوب ییدی  
 « سانلری آیدی سورنار لر قویدی . سوبویدی سبر خیدی  
 « سفتلیکده چیدی ساصل وایدی سولور اویدی سولماز اویدی  
 « سمان هیدی سبجل میدی سقعهیه ویدی سوشدم قویدی .  
 « سهویدی سئپیدی سیاده زیدی سظهار ایدی سأسفله تیدی  
 « سسن حیدی سنی ظیدی سابه چیدی سوفق مویدی سولدم  
 « اویدی .

« سفتلیکک چیدی سقینده ییدی سربیدی سلبده قویدی  
 « ساکن سیدی سولیورم اویدی .

« سورده بویدی سیشلر ایدی سو بویدی سرکزده  
 « میدی سریان چیدی سیدیور ایدی . سجباعیدی سوراده  
 « اویدی سهنیدی سسپورسکنز ییدی ؟ سسار قداشلر آیدی  
 « سیش ایدی سوربورلرمی کویدی ؟ سسکر ایدی سیوک

« بویدی سکا فات میدی سعد ویدی سیتمش ایدی سولماسه  
 « اویدی سیدیکز ایدی سبه سز شیدی سصه می حیدی  
 « سیستردم ایدی . ساقی بایدی سوفقیت مویدی ! . »

سابق سیدی سنده کز بیدی  
 سیبوش ایدی .

قبر بو عجیب مکتوبی بترد کدن صکره شویله بر ملا حظه ده  
 بولندی :

بو مکتوب شبهه سز کندی لر نجه معلوم اولان بر اصول ایله  
 یازلمش ، کیمدن کلیور ؟ کیمه کیدیور ؟ جهان عجباً قاریسنه می  
 یازیور ؟ بشقه سینه می یازیور ؟ هم کندی می یازمش ؟ یوقسه  
 بر یردنی کلش ؟ والله چوق شاشیله جق شی ! . هم هر کله نك  
 آرقه سنده : ایدی ، بیدی ، مویدی ، کیدی ، دیدی ، زیدی ،  
 چیدی . . . الخ . . . بر طاقم کلاندن مطلقا بریسی وار !

نده غریب ؟ هر کله ( س ) حرفیله باشایور . کیم بیلور  
 نصل شیردرده کوزمک اوکنده طور دینی و او قودینغ حالده  
 معناسنی اکلایه میورم ! بو ائشاده خفیف بر طقردی نظر دقتنی جالب  
 ایتدیکندن غازی قیصه رق پنجره دن باقدی . بر آدمک بیوک  
 قپودن ایچری کیرمش اولدیغنی و بونکده اطرافنی دکلکده  
 اولان جهان ایدوکنی فرق ایتدی . کوله رک :

— خان ! کیم بیلور نصل برده شتلی سرینی کشف ایتمش

اولملى یم که کلوبده بنی اولدیرمك ایستیور ! هی کیدی هی !  
اسکی بر تلکی سنك کی یکی آوجیلره اولانمز دوستم ! باق بن  
سنی شممدی نصل الداته جغم ! دیدکن صکره طبانجه لرینه  
باقوب آغزلقدده باروت اولدیغنی کوردی . . بچاغنی قینندن  
چیقاروب اننه آلدی . . . بر آز کچمه دن قنبر کوشه به طیانش  
اویوقلیور و بناء علیه خور لایور ایدی . .

قیوسی عجیردار عجیردامز : کیم او ؟ نداسنی باصدیره رق  
قیویه قوشدی . یرندن قالقارکن بر آدمك کمال سرعتله فراری  
— آیاق سسلرینك شدتندن — ایشتمدیکه ایبوش ، تازی  
اوکنده کی طاوشان کی ، قاچیور ایدی .

قنبر ، آیاقدده طور دینی قدر ایبوشك فرارینی سیر ایتد -  
کدن صکره کوله رك دیدیکه :

— خائناکک نسبتنده قور قاقسك ای جانی ! . . قور -  
قافلنك نسبتنده ده عقلسزسك ای آحق ! . . هیچ انسان  
قاچوبده کندیسنه شهه نی دعوت ایدرمی ؟ بومو فقیسزلیکک  
ایله اولدیرمك ایستدیکک آدمه براخطار ایدیورسکده فرقنده  
بیله اولمیورسك ! . احتیاطلی طور انمنی تنیه ایدیورسکده  
هیچ خبرك اولمیور ! شاشیردك ها ! سسانه جکمی امید ایتمیوردك ،  
بنی (کوزلری صولانه رق) یعنی براسکی جلادی غافل اولامق ،

راحتجه تلف ایتک ایستیوردک دگلی ؟ اویانه بیله جگمی اولدن  
حساب ایتلی و برتدیر قورملی ایدک !

عجبا مکتوبلری بنم چالیدیغمی نهدن اگلادک ؟ بنم براماره  
براقدیغم شهه سزدر . دیمک اولیورکه سنده بنم حرکاتمدن شهه-  
لیورممشک ! قنبر بوس-وزلری کندی کندینه سویلرکن  
نادیده نك او طه سنده حالا ایشیق کوردیکنه . متعجب اوله رق :  
— نادیده حالا اوتوریورها ! آه شو فؤادک نه جواب  
ویردیکنی اکلایه بیلسهم ! ظن ایتم که موافقت ایتسون ، چونکه  
او چوق صافدر ولی نعمته خیانت ایدمز . زواللی فؤاد !  
زواللی او غلم !

صوک سوزلرینی متعاقب کوزلرندن یاش بوشاندی . قنبرک  
بویله چوق کی آغلادیغنی کورهن کوزلرینک یا کلش کوردیکنه  
حکم ایتمکه تردد ایتمز ، قنبر آغلاسون ؟ . . . اصلا ! . . .  
زواللی قنبر ! برخیلی مدت آغلادی . بو حالی آره سنده آغز-  
ندن اولادم ! اولادم ! . کله لرندن بشقه برشی چیقمیور ایدی .  
بردنبه برشدید آیدیناق قیونک اوکنده حالا آباق اوزری  
طور مقده اولان قنبرک کوزلری قماشیدردی . . . آیدیناق  
نادیده نك او طه سندن کایوردی . . . دقتله باقدی . . . پرده لک  
طوتشمقده اولدیغنی کورنجه :

— ایواه ! یانیورز . — فریادیله طیشاری فرلادی .

نادیده نك اوطه سی آتش ایچنـده قالمش اولوب علو ،  
آچیق پنجره دن طیشاری حیق یوردی .

قنبرك كورلیسی اوزرینه یاننده کی اوطه لرده کی آدم لرده  
اویاندى هپسی بردن کوشکه قوشدیلر .

علی بك ده اویانوب اول امرده برشی اکلایه مدیسه ده ،  
خلائق لرك ، چغتای لرك ، دراعات لرك ، یازجیلر ك ، کویایلر ك :  
یانغین وار! فریادی اوزرینه همان اوطه سندن طیشاری فرلادی .  
هرکس نادیده نك اوطه سنه قوشیوردی . برچاریک قدر  
مسافه ده بولنان کوی خلقی وقعه دن تمامیه خبردار اولمش  
اولدقلرندن هپسی امداده گلشلردی . چه فائده ! .

علی بك جانی کوزینه آلوب نادیده نك یانمقده اولان  
اوطه سنك قیوسنی قیرم رق ایچرو کیردی .

نادیده برمندرك اوستنه دوشوب بایلمش و شدت حرار -  
تدن بك زیاده مضطرب اولمش ایدی .

آتش پرده لری یاقمش ، مندرلرده صارمش اولدیغندن  
اوطه ده مقاومه تسوز بر حرارت حکم سورمکده ایدی .

علی بك نادیده نك بایلمش اولدینی مندره طوغری قوشدی .  
لکن ایاغی قایمش اولدیغندن یوزی قویون دوشیوردی .

غیرتینی طوپلیه رق آیاغه قالمقده . نادیده نی قوللری  
آره سینه آلدی . . . بردها دوشدی . جانندن عزیز

طوتدیغنی بالفعل اثبات ایتدکده اولدیغنی زوجه سیغنی قوللاری  
اوستنده یوقاری قالدیردی علی بک دوماندن بو غامه درجه سینه  
کلدیکی کبی وجودی ده پک چوق یرندن یانمش ایدی .  
بو انساده قنبر اوطیه کیره رک علی بکه نادیده یی تخلیص  
ایتدی .

بر ساعت صکره چاقی چوکدی . او مزین کوشکدن  
حبه واحده قور تلمق سزین محو اولدی کیتدی .  
بو یانغین انناسنده عجا ایبوش نه یاپدی ؟ نه یاپه جق ؟ .  
استفاده ایتدی :

کورلتی یی ایشیدنجه اودخی طیشاری فرلامش اولدیغندن  
یانغینی وقنبرک دخی طیشاریده اولدیغنی کورر کورمن کوشکه  
قوشه جنی یرده طوغری قنبرک اوطه سنه کیتمش و اوطه لر  
کاملأً خالی قالمش اولدیغندن کال استعجال ایله اورای آراشد .  
یرمشدی .

میدانده طوران کاغدلی کورنجه برندای مسرت اظهار  
ایدمرک همان اوزرلرینه ایتدی وکل تهالک ایله قویننه طیققدن  
صکره طیشاری چیقدی . اکر پک متهالکانه طورانماش اولسه  
ایدی جینندن بردانه مکتوب دوشورمزدی ! .....

#### — ۴ —

علی بک کوزلرینی آجدیغنی وقت کندیسنی بر اوطه ده

کوردی . باش اوچنـده نادیده اوتوریور ایدی . بو لطیف  
چهره‌نی کورنجه دیدیکه :

— سنمیسک ملکم ؟

— اوت اقدم .

— جانم نیچون بویه معامله ایدیورسک ؟ ایکی کوزم ؟ سن

بنم اقدمسک ! بن نره‌دهیم ؟

— چقنلکده‌یز .

— صحیح .. کوشک یانمشیدی ... سنده ...

— اوت بکم ، سایه‌کزده قورتلدم . اگر سز اولسه

ایدیکز شمیدی بن کول اولمش اوله‌جقدم ...

— آه نادیده جکم ، جانم ، سـوکیام ! بنی اولدرمکی

ایستیورسک ؟ جانم سنک دکلیدر ؟ بن دنیاده نیچون یشایورم ؟

عمرم ایکی کشیدن عبارتدر . بریسی سنسک دیکریده فؤاددر .

علی بکک فؤاد سوزینی تلفظ اتمه‌سی اوزرینه نادیده‌نک

کوزلری مدهش برصورتده پارلدادی .

علی بک صورتیکه :

— بوکون قاچ کون اولیور ؟

— ایکی کوندر بکم ! بنده ابتدا بایلمش ایدم . کوزمی

آچدیغ وقت اوتکی اوطه‌ده کنیدی یاتیور بولدیم یانده‌خایقار

واردی ..



— اوت اوت در خاطر ایدیورم . یاه جغمز وقت بریسی  
 بنی قورتارم شیدی . قنبر ایدی دکلای الماسم ؟

— اوت اقدم قنبر ایدی . بنم وجودمده سزك سایه كزده  
 او قدر یانیق اولدیغندن ...

— جانم نادیده بوگون نه اولمشسك ؟ سكا سویلمدشی ، كه  
 حیاتم سنكدر نیچون بویله ستم ایدیورسك ؟ مرادك بنی  
 اولدیرمك میدر ؟ نادیده قلمندن :

— هانیا اوگون كه سندن قورتلمش اوله جغم ، دیدیسه ده  
 علی بكه برشی سز دیرمیه رك :

— سز بویله یتا قده یانور كن بنم عقلم باشمده قاورمی ، كه  
 سویلدیكم لقر دیلره دقت ایدیم !

علی بك — مراق اتمه كوزلم ! باق هییج برشیتم قالماش  
 دیه رك یرندن قلدماق ایستدیسه ده وجودینك همان هر طرفی  
 یاتمش اولدیغندن « آی ! » صداسیله بایلیویردی .

نادیده علی بکی آیلتمغه اصلا لزوم كورمیه رك طالمش  
 اولدینی دریای تخیلدن شوسوزلری مرلدا تمقده ایدی :

— فؤاد ! سنی سویوردم اما شمدی اوسودا محو

اولدی . بنی رد ایتك ! نادیده بی رد ایتك ها ! بو قدر كوزل  
 اوله یمده بنی ینه رد ایدمك ها ! سندن انتقام الملیم . سن  
 شبهه سز بریسنی سویورسك كه تكلیف لر می رد ایتك ! بكا  
 نعمت شناسلقدن بحث ایدیورسك . حالبوكه برسنه اول موعد

ملاقاته گم کرده قصور ایتدک . بو برجنایت دگیبدر ؟ سنی ده  
سوکیاکی ده ، هم حقوقنه رعایتنه کنیدی مجبور بیلدیگ  
بویلیشق آدمی ده محو ایده جکم !

بکا والد لکدن بحث ایدیورسک ، نصیحتلر ویریورسک ،  
کیم دکلر ؟ نه یاپیم سنی سویورم ! قورقارلغندن ، اچاقاغندن  
تکلیفی رد ایتدکه :

انسان ابولا کوردیکی یره خیانت ایتمز دیورسک ! آه  
سندن انتقام آلمق ایستدیکم حالده سنی ینه سویورم !

جهانندن خوشلانماشسک ! البته خوشلانمزسک ! سنک  
کبی دنیلر ، قورقارلر ، آچقلر ابو آدملردن متفردر ... !!

ا کر سنک بریسنی سودیکنی بیاسهم ، ایکیگزیده محو  
ایدرم . خیر خیر ، سن بی سورسک ، نصلکه بونی ده اقرار  
ایتمشسک !

بو حالده مانع اوله رق کوستردیکک شیلرک برنجیسی :  
والدهک مقامنده بولمقاهم ، ایکنجیسی : ولی نعمتک حقوقنه  
رعایت !

بوسبیلرک برنجیسی اصل ، ایکنجیسی فرعدر . برنجی حال  
محو اولدینی تقدیرده ایکنجیسنکده اورته دن قالقه جفی بدیمیدر .  
آه سنک والدهک اولمقدن نه ایله قورتیلیم ؟ علی بکدن آیر -  
لسهم ینه برطاقم موانع سرد ایدرسک ! بونکچونده زوجک  
وفات ایتمی لازمدر .

هم اولمیه جکی نه معلوم ؟ بلکه ایو اولمز . .  
 نادیده بوتفکراتنده اودرجه طالمشیدیکه علی بک کندی  
 کندیسنه آییلوب :

— جانم ! الماسم ! دیه ندالر ایتدیکی حالدہ ایشیدمه -  
 مشیدی . علی بک تکرار ایدنجه نادیده دیدی که :  
 — نه ایستیورسکنز بکم ؟

— نه می ایستیورم ؟ آه نادیده جکم ! بن بک خودکام  
 اولدم ، یانمده طوروب بکا دائما خطاب ایتکلکلیکی ایستیورم .  
 نادیده کولسه دی . علی بک سوزنده دوام ایله :  
 — بکا ، آرتق بو یتاقدن قالمیه جقسک دیه الهام  
 اولنیور . . .

نادیده جملی برجان صیقتیسیله علی بکک سوزینی کسه رک :  
 — الهی بکم کندیکزه نیچون بویله شوم شیلر یوریور -  
 سکنز ؟ صکره . . .

— رجا ایدرم سوکیلی ، سوزمی کسمه . دکلیورمیسک ؟  
 — اوت افندم . . .

— فؤاددن ، یازدیغمز مکتوبک جرابی کلشیدی . یانغین  
 سبیلله سکا کوسترمدم . اثوابک تخطر ایده مدیکم برجنده در .  
 آنی اورادن آل اوقو . همده رجا ایدرم ، حقه و قلمی آل  
 کلده بنم سویلدیکمی یاز :  
 — پکی افندم . .

نادیده صوك سوزيني متعاقب او طه دن چيقه رق على بكك  
 اثوابي آرامغه كيتدي ايسه ده مساعيسي بوشه چيقدي ، چونكه  
 على بكك اثوابلري يانغينه يانمش ايدى . نادیده ، مکتوبى  
 بوله ميه جغنى كوره رك حقه قلمى آلوب على بكك ياننه كئدى .  
 نادیده نك وروديني كورهن على بك دبدى كه :

— بوله بيلدكمى ؟

— خير افندم .

— نه اولمش ؟ يوقسه اينى آرامدكمى ؟

— اثواب يوق ، كه آرايم ؟ هپسى يانمش !

— صحيح ، بن اونتمشدم . ذاتاً اهميتلى برشى يوقدى .

ايستر ايسهك آغز دن سوياليهيم .

— مزى دكليورم افندم . . . .

— كوندرديكى مکتوب بنم يازديغمه جواب دكلى .

نصليه تباللىكى براقه رق ذاتاً بر مکتوب يازمش ايمش ، صكره

جهان بنم مکتوبى كتورنجه جواب يازميه رق حاضرلديغنى بزه  
 كوندرمش .

— اوت .

— ايجه در خاطر ايدم ميورم اما برقاج آى ده ها كيه .

جكمش . .

— يالكز بوقدرمى ؟

— خیر، ها! کیجہ لین کتیر رکن یولی بر مزار لغہ  
اوغرامشده آغلار بر قبز چوجنی کورمش اولدیغندن آلوب  
چفتدیکه کتورمش قبول ایدوب ایتیمه جککی سؤال ایدیور.  
قبول ایدرسک دکلکی کوزلم؟

— نمنز بیلورسکز افندیم.

— پک ایی اوحالده بنده جواب قبول کوندیریم. حقه  
قامی کتیردکی؟

— اوت، بوراده طورییور.

اوله ایسه بن سویله یمده یازیور.

— بیورک،

— سوکیلی اولادم... جهان ایله... کوندیرمش اولد.

یغک... مکتوبکده... یازدیغک وجهله... برقاچ آی

دها... کلیه جکنه پک متأسف اولدم... سوکیلی پدرکی...

اولمش کورمک ایسته مزسهک... سریعاً... کلورسک...

چونکه... وقوعبولان... بر حریقده... وجودم...

یاتمیش اولدیغندن... ایی اوله جغمی... اصلاً امیدایتمیورم...

مع هذا... بو حاله دوچار اولیشمده... سوکیلی زوجه می...

یاخود... عزیز والده کی... کنددی یانار اوطه سندن...

قور تارمق ایستدیکم... ایچون اولدیغندن... اصلاً متأسف

دکم... اولادم... بن... سنک هانکی بر آرزو کی...

حصوله کتیرمکه... بختیار اولم... سنک مناسب...

کوردیکک شیئی . . . بنده . . . مع الممنونیه . . . تنسیب  
ایدرم . . . بونکیچون . . . هلا کدن قورتاردیغک . . . الماسی  
. . . کندی قیزم کبی . . . کال منونیتله . . . بغرمه باسه جغم .  
علی بک ، فؤاده اولان بومکتوبی کسیک کسیک جمله لره  
یواش یواش نادیده یه سویلیوردی . لیکن قوتی قالمادیغندن  
نادیده یه :

— آرتق طاقتم قالمدی سوکیلم ، مهرم ضایع اولمش  
اولدیغندن سن امضا ایتده کوندریور .  
— یازدم افندم . او قومز میسکمز ؟  
— خیر ، سن او قوده دکلیم .  
نادیده ، یازدیغنی علی بکه تمامیه او قودقدن صکره کندی  
لندیسنه :

— شمیدیه برقاج سوزی بن علاوه ایدیم . دیهرک  
شونلری یازدی :  
« سوکیلی فؤاد ، سکا اولان محبتم اودرجه عالیدر ، که  
« یازدیغک مکتوبه بیله طارلدم . اورایه کلم دیوردک ، باقی  
« شمدی نصل کله جکسک ! »

بروقت عشقیله دلی اولدیغک :  
نادیده

علی بک نادیده نک بشقه شیلر یازدیغنی کورهرک :  
— بشقه بزشیمی علاوه ایتدک ؟

نادیده ، یالانی اولدن حاضرلمش اولدیغندن دیدیکه :

— مهر اولدیغنی ایچون — مراق ایتسون — دیه  
شرح ویردم ! ؟ .

— پک ایو ایتمشک . قیایوب قنبره کوندرده بریسیله  
یوللاسون !

— پکی افندم .

..

هرایش اولوب بیتدکن ، یعنی : او قدر کشی یانغینی  
سوندیرمه میوبده سیرجی اولدقدن صکره قنبر او طه سنه عودت  
ایتدیکی وقت کاغدلری کوره مینجه بردنبره یورکی حوپلادی .  
بریره صاقلامدیغنی ایجه بیلدیکندن جهانک کلوب چالدیغنه  
حکم ایدهرک دیدیکه :

— یا ! ! آلداتیم دیرکن آلداندم ها ! ! .

کوزلری ، کویا بوسوزینی تکذیب ایتک ایسترمش کبی  
یرده برکاغده ایلشیدی . همان اکیلوب النسه آلدیغنی وقت :  
نومرو بشه جواب ! عباره سنی کورنجه سویندی ده دیدیکه :

— اوه ! بردانه سنی دوشورمش . بنده بوندن حقیقتی  
اکلارم یا ! ولو که بنجه مجهول برلسانله یازلمش اولسون ! هم  
بن بونک آریجه برلسان اولدیغنه بردورلو اینانه م . چونکه :  
دنیا ده هیچ برملت اوله مز ، که هرکله لرینک ایتداسی ( س )

اولسون ! مادامکه بو ، برسر در ، مادامکه بوسر انسانلر  
طرفندن ایجاد اولمشددر ، مادامکه بنده انسانم ، بناء علیه بنده  
مطلقا کلايه جغم !

عجبا کاغدلری صحیحدن جهانمی چالیدی ؟ بوقسه روز کاردن  
برشیمی اولدی ؟ اکلارم یا ! . . .

قنبر ، قوشه قوشه ایبوشك قلبه سنه قدر کیتدی . . .  
دوفیه باصه رق پنجره یه چیقدی . . . چیقدی اما پنجره ده بر-  
سیاه بز صیم صیتی کرلی ایدی ! . قنبر اوفق پچاغنی چیقارهرق  
بزی یواشجه یاربجه ایچریده ایبوشك کبرتیه برطاقم کاغدلری  
یاقمده اولدیغنی کوردی .

آرتق تحقیق ایده جك برشی قالمدیغندن طوغری او طه سنه  
عودت ایتدی . اورتالق کرکی کبی آیدینلانشیدی . قنبر بردانه  
جك مکتوبی دقتله قویننه یرلشدیرد کدنصکره اویقویه یاندی .  
کیم بیلور ، بلکه ایرته سی صباح آنجه اویانمشدر !  
ایبوش قابه سنده مکتوبلری یاقوب بتردکن صکره  
کره و نك اوستینه اوزاندرق :

— اوه ! . . . ایشته دلائلك کافه سی محو اولدی . . .  
انسان کندی افندیسنندن استفاده ایتک ایسترسه بویله اولور .  
لیکن انتقام مخصوصی بن ینه اونوتمم ! بنی جلاددن قورتار .  
مسون ها ! لیکن بن محو اولم ! یشاسون عقم !  
پنجره یه کردیکی بزی آلوده اورته سنده یرتیقی کوردیکی  
وقت حیرتله باغردی :



— چوق شی ! بزیر تلمش ها ! عجبا ینه اوخنزیر قنبر  
 کلوب بنی کوزتله دیمی ؟ آرتق بوقدرده جسارت ایدمهز !  
 بزى ، دقتله معاینه دن صکره :  
 — بوییرتیق دکل ! بوقدر منتظم صورنده برشی بیرتیله مز !  
 بچاقله یاخود چاقیله کسیلمشه بکزیور ! شهبه سز قنبردر ! آدم  
 قنبر نه یارسه یاپسون ! مادامکه بومکتوبلری یاقدم . آرتق  
 هیچ قورقم یوقدر . نه ایله اثبات ایدمچک ؟  
 ابوشک او یقوسی کوزلرندن آق دینی حالد :

— خیر . او یومق وقتى دکل . هر بازار ایرته سی کوئی  
 چشمه باشنده بندن مکتوب بکلورلر . بو هفته برشی یازمسه  
 بك مراق ایدر بازی شووقعینی علاوه ایدیم . دیه قورشون  
 قلمیله آئیده کی یازیلری یازدی :

### هاسمه :

« شو اوزون مکتوبمده سزه برطاق وقایع غریبه عرض  
 ایدیورم . ذیل اوله رق یازدیغم یوقاریکی عبارتله مکتوبلرک  
 » سرقت ایدلیکنی بیان ایله جسارت توصیه ایتشیدم . . .  
 » واقعا مکتوبلرمن اکلایلمیه حق بر صورتده یازیلمش ایدیه  
 » ده حقمزده ینه هر حالدده تهلمکه دن عاری دکل ایدیلر . .  
 » بونلری قنبرک چالیدیغه حکم ایتمکه نقدر اصابت ایتشم . . !  
 » مایوس اوله رق قلبه مده اوطوررکن « یانغین وار » فریادی

« اوزرینه قابه دن فرلایه رق قبری میدانده کورنجه همان آنک  
 « اوطه سنه قوشدم ایجابه کوره قیوی قیروب مکتوبلری آرا  
 « یه جقدم . هرکس یانغین ایله مشغول اوله جفی جهته بنم  
 « حالمه طبیعی دقت ایدم مزملر !

« فی الواقع تخمینده خطا ایتمهشم ! مکتوبلر اورته ده  
 « طویورلردی . همان جمله سنی قوینجه یراشدیرم رک یانغینه  
 « قوشدم .

« یانغین نادیده نك اوطه سندن ظهور ایتمش . علی بک  
 « نادیده بی قورنارمق ایچون اوطه سنه کتمش و حیقاره جفی  
 « وقت دوشیور دیکندن امیدنی کسمش . قنبر بو صره ده  
 « یتیشه رک بونلری قورنارمش . چفتلکه نقل اولندیلر . یالکیز  
 « کوشک یاتمشدر . یانغین بتدکدن صکره بنده اوطه مه کلوب  
 « مکتوبلری یاقدم . . کله جک هفته دهها مکمل معلومات عرض  
 « ایدرم بکم ! . . . »

« ایبوش بوذیلی ده کندیلرنجه معلوم اولان برطرزده  
 « یازمش ایدی . . . بونی بتدکدن صکره برظرفه قویوب  
 « وقپوسنی کلیدایه رک شهره کیددن یولی تعقیب ایله اوچ  
 « چاریک مسافه ده کی چشمه نك یانه کیتدی .

کویلی قیافتنده بر آدم بوراده اویویوردی . یاخود اویویور  
 کبی کورینوردی . .

ایبوشك و رودینی کورنجه یرندن قالقه رق دیدیکه :

— نه خبر ؟

— مکتوب کتیردم .

— ویر !

— آں !

شخص مجهول مکتوبی آلهرق قوینه قویدقدنصکره  
دیدیکه :

— بزینه برایش کوردک .

— نه کی ؟

— برکاربان اوردق .

— صحیحی به ؟

— بوده سوزمی یا ؟

— ای جسارت !

— نه دن ؟

— تهاکه لیده اندن ! هم حیدودلق اولکی قدر قولای

دکل ! شمیدیکی حکومت حیدود براقیور !

— آدم سنده ! انسان تهاکه نی کوزه آلدیرمینجه ذاتاً

برشی یاپه من .

— ای ! باری چو قجه برشی قزان دیکزمی ؟

— یوزر لیرا ! . .

— وای جانسه ! یابنم حصه م ؟

- بن قاریشمم ، بکدن ایشته !  
 — هیچ اوریلان اولدیمی ؟  
 — اولدی یا ! دیمترو ناللری [ نعللری ] آندی . . .  
 — آنک اهمیتتی یوق ! بشقه ؟  
 — دیمترو نک اهمیتتی یوقی دیدک ؟ شاشارم عقلمکه ! سن  
 یوق ایکن قلاغوزلغی کیم ایدم جک ؟  
 — نه ایسه ؛ بشقه حوادث یوقی ؟  
 — پک زیاده ارایورز .  
 — کوردکی یا ؟ دره بکلک بیتدی . بزم صنعت ده ختام  
 بولدی . شمیدیکی حکومت حیدود براقیور دیدم یا . کیم آرایور ؟  
 — تحفستک به ! قیر سرداری آرایور .  
 — بیلیورم آجانم . بزم اسکی توبه کار آرقداشمی آرایور .  
 دیورم . . .

- اوت ، ایشته اوملعون بزی تعقیب ایدیور . بتون  
 کویایلر نفیر عام قالدیرلمش ! آرامدق اورمان ، کزمدکلری  
 بایر ، کیرمدکلری مغاره قالمدی . . .  
 — یالکز بزم برمزدن بشقه !  
 — اوت ! آرقداشلردن بریسی چوبان قیافته صوقه رق  
 یانلرینه ویردک . کویا حیدودلری کوردم دیه آنلری طاغدن  
 طاغه کزدیره جک . بزده راحت ایدم جکز . . .  
 — آرقداشلردن هانکیسی کیتدی .

- یووان ! طانیدك یا ؟  
 — ها ! صحیح اوایی ایش کورر .  
 -- شبه می وار ؟ بزمغازده کمال استراحتله اوتوریورز .  
 آنلر بزی بشقه یرلرده آریورلر . سزدن حوادث وارمی ؟  
 — بوکیچه یانغین وازدی .  
 — نره ده ؟  
 — بزم چفتلکده !  
 — چفتلکمی ؟ ...  
 — اوت اما چفتلکک هپسی یانمدی .  
 — صماناقلرمی ؟  
 — خیر آجانم ! کوشك یاندی .  
 — آرتق بن کیدهیم .  
 — بنده کچیکدم . بلکه شبهه ایدرلر . . بلك اتکلرندن  
 اوپرم . ایشلر یولنده کیدیور .  
 — بشقه برشی سویلیهیمی ؟  
 — خیر ، آرقداشلره سلام ! .

— ۵ —

- هیش ! . قنبر ! قنبر ! قنبر به ! دها اویانمدمی ؟  
 — کیم او ؟ نه ایستیورسك به ؟  
 — یمك یمزمیسك ؟

— یمککنزده سزك اولسون هپسیده ! براقده اویویم !  
بالاده کی محاوره اقشام اوستی ساعت اونبر بچقدده جریان  
ایدیوردی .

قنبر ، اوکون و او کیجه یعنی یگر می درت ساعت اویودی !  
استبعاد ایتیکز ! بر کیجه اویومیکز ، او کیجه ییده غایت زحمتله  
یکیردك فوق العاده یوریلکز . برازده اویقو مراقایسی  
اولکز . باقه لم یگر می درت ساعتدن اول اویانه بیلور میسکز ؟ !  
قنبر اویاندینی وقت یانغین حالا توتیوردی . . . .

اوکوزل نادیده چیچکلر کافه برباد اولمشلر ، کیمیسی  
یانغیندن ، کیمیسی ایاقلر التنده قالمقدن پریشان اولمشلردی .  
اوکاشانه سعادت ، کافه لوازمیله محو اولمش ، بریغین کول  
حالی کسب ایتشیدی .

قنبرک اویاندینی وقت ایلاک ایشی ایبوشك عجله ایله  
دوشورمش اولدینی مکتوبی اوقومق اولمشدر :

### « صورت مکتوب »

« صادق صیدی سیبوشم ایدی .  
« شش صیدی سومره لی نویدی سکتوبکله میدی سکا بیدی  
« سبشیرتیدی سیتدیكك ایدی سیئه شیدی سک پیدی سمنون  
« میدی سولدم اویدی . ساقعا وایدی سادیدهك نایدی سکا

« سیدی سولتیقە پویدی سیتیمی ایدی سربیدی سی شیدی  
 « سیمک دیدی سکدریدی . سکن ایدی سوندن بویدی سو-  
 « مدیغمز اویدی سیلرک شیدی ساصل حایدی سوله جفی اویدی  
 « سبە سزدر شیدی سنده سیدی سوکا اویدی سقابله میدی  
 « سیت ایدی . سرهیدی سربیدی سو امرینی ایدی سانه جیدی  
 « سنت میدی سدعیدی سیده رک ایدی سجرا ایدی سیت ایدی .  
 « سونلردن بویدی سشقە بیدی سندن بیدی سیستەمش  
 « ایدی سولدیغک اویدی سعامانی یتدی سیشتە ایدی  
 « سازبیورم یایدی :

« سولاً ایدی — سلی عیدی سەکک بیدی س ویدی  
 « سائرلرینک سیدی سسن حیدی سنی ظیدی سلب جیدی  
 « ستمک ایدی .

« سانیا ئیدی — سادیده نایدی سولتیقە پویدی ستمک ایدی .  
 « سانئا ئیدی — سادیده دن نایدی سؤاده فویدی ، ساخود  
 « یایدی سؤاددن فویدی سادیده نایدی سربیدی سکتوب  
 « میدی سلمنی کیدی سیچون ایدی سشویقات تیدی سازمەده  
 « لایدی سولمق بویدی .

« سابعاً رایدی — سوبله بویدی سربیدی سکتوب میدی  
 « سالدە ایدی سیدنجه ایدی سکا بایدی سبیزی عیدی سرسال  
 « ایدنی ستمک ایدی .

« سامساً خیدی — سادیده نایدی ایله سؤادی فویدی

« سحومیدی سیده بیلە جک ایدی سکتوبلرینی میدی سله ایدی  
 « سچبرمکه کیدی سیرت غیدی سیتمک ایدی .

« سادسا سیدی — سو بویدی — سالاک حایدی سقوعنده  
 « ویدی سریعاً سیدی سرار فیدی سیتمک ایدی .

« سابعاً سیدی — سمال کیدی سحتیاط ایدی — سوزره  
 « اویدی سرکت حیدی سیتمک ایدی .

« سالاده بایدی سازدیغم یایدی سو شویدی سدی یدی  
 « سادیهی مایدی سابق چایدی سصوله حیدی ستیرمکه کیدی

« سعی سیدی ستیملیسک ایدی . سونکه چیدی سکا سیدی  
 « سزوممز لیدی — سولایور اویدی . سیمترو دیدی سر هیدی

« سقدر نیدی سادق صیدی سبسهده ایدی سنک سیدی سظیفه کی  
 « ویدی سمامیله تیدی سیفا ایدی سیده میور ایدی . . ساقی بایدی

« سسارت حیدی ! . . . »

سانداندن خیدی

سادر نیدی سک بیدی

قبر مکتوبی بتردکن صکره برخیلی مدت دوشوندی .

هیچ برشیئه عقل ایردیره مدی . یالکیز برحس کندیسنه

هرکله نك قویروغنه بکزه یهن ایدی . . . بیدی . . . الخ . . .

کله لرینک لزوم سز اولدیغنی افهام ایدیوردی .

ایشینه کیده چکی جهتله وقتک مساعده سی اولدیغندن کمال



دقتله مکتوبی حفظ ایله وظیفه‌سی ایفایه کیتی . . . او کونده  
بو صورتله مرور ایتدی . . ایرته‌سی کون ذهنی یئنه مذکور  
مکتوب ایله مشغولدی . حل ایدم مدیکندن طولانی کندیسنی  
توبیخ ایدیوردی .

برده یانغین مسئله‌سی ذهنی طرما لبور ایدی . . یانغین  
نادیده‌نک او طه‌سندن ظهور ایتمشدی . . حالبوکه او طه‌ده  
آیدینلق واردی . دیمک اولیورکه نادیده اویاییق ایدی . .  
بو حالده نچون استمداد ایتدی ؟ نچون قاچدی ! اکر اویویور  
ایدیسه همه حال موملری سوندیره‌جک ایدی . چونکه  
قراکقدمه اویومق عادت ایدی . . قوجه قنبر ! باقکیز نیسه  
قرار ویردی :

نادیده جهانک کتیردیکی مکتوب بر جواب رد اولمیدرکه  
نادیده حدندن موملری سوندیره‌میوب اویویه قالمشدر !  
لکن حقیقت حال بوبله دکلدی . . باقکیز یانغین نصل  
ظهور ایتمشدی :

نادیده ، جهاندن فؤادک مکتوبی آلدقن صکره بقیچه  
قپوسینی یواشجه آچهرق ایجری کیردی . . . قلبی برخایجان تام  
ایچنده ایدی . . . عجبا فؤاد نه یازمشدی ؟ . . .

مکتوبک بر آن اول مألنه واقف اولمق ایچون احتیاطی  
فالانی ترک ایله علی‌العجله او طه‌سنه چیقدی . . . اللری تیره‌بور ،  
دیشلری بربرینه چارپیوردی . مکتوبی آچهرق مومه یاقلمشدی .

هیچ منتظر اولدینی : خانم افندی ! القابی کورنجه بتون  
امیدلری محو اولدی !

قان ، یئنه هجوم ایله اولدینی یَره ییغیلیووردی .  
بو حال بیهوشیسی تقدردده لطیف ایدی ! انسالک عمری  
اولوبده قیامته قدر یشاسه وبوو قینیده بویله تمانا ایله کچیرسه  
اصلا اوصامز ! .. نه او ؟ مبالغه عجمانه ییده کچدکی دیدیکز ؟  
.. هر نه ایسه ؛ ..

نادیده ، بر مدت باغین قالدقدن صکره تکمیل جسامتی  
طوپلایه رق آیاغه قالدی . مکتوبی باندن اشاغی تمامیه  
اوقوددی .

بیتردکدن صکره دوشمه مک ایچون اوتورمغه مجبور ایدی  
آغزندن :

— انتقام ! انتقام ! لقر دیلرندن بشقه برشی دو کیلمیوردی  
بویله بر کوزل قادینک آغزیه یاقشمیه جق کلمات سقیمه !! ..  
نادیده بو حال حدتند بیه کوزلدی ! حدقی کسب سکون  
ایتدکدن صکره مکتوبی بردها اوقوددی بودفعه اسکی حانی  
یعنی بوزکی صغوق . طاش کی غیر متحسس الینی اخذ  
ایتمشدی . کندیمی حدته مغلوب ایتدیکی ایچون نادم دخی  
اولیوردی ! .

مکتوبی بردها اوقوددی ، دیدیکه :

— سن مطلق بریسنی سورسك ، یاخود بنی اوتمشك !

اگر بریسیله سویشیور ایسهك وای حالکزه !

بو اللرم والدیمی بوغدینی کبی سنکده او مردار قابینه  
بر بچاق صوقر یاخود صوقدیرته بیلور !

بویله بر مادکسیماك آغزندن ایشیدیلن بویله تهدیدلردن  
کیم قورقار ؟ قورقلی ! چونکه نادیده هریدیکنی یاپدیرته بیلهن  
جانیه لردندر ! اسلافك اخلاقنی تمامیه توارث ایتشدی !!

حیزلی سسله ملاحظاننده دوام ایله :

— ایش سنك بورایه کلمکلیکنده در... فصل کتورملی ؟  
سنی فصل کتورملی ؟ ...

نادیده بر خیلی دوشوندی عقلنه کلن شی پك دهشتلی  
اولمایدركه :

— یابنده اولور ایسهم ! کله لرینی سویایوردی نهایت :

— هایدی ای نادیده ، جساتی طویله ! سن البته  
قورتاریلورسك — دیه بش موملی برشمعدانی پردملره طو -  
تیویردی بوندن صکرده میندره اوزاتدی . .

پردملر فلان طوتیشوبده کیمسهك امداده کلدیکنی  
کورنجیه ایغه قالدهرق قاحق ایستدی . لیکن دومان کوز  
آچدیرمدیغندن او طه قپوسنی بوله مدینی کبی استمداد ایتك  
ایستدیکی وقت دخی بوغازینه طولوب سس چیقارته مدی .

نادیده بوندن قور تیله میه جغنی اکلادقدن صکرمه :  
 — نه یاپهیم بو قدر یشایه جغم! دیدی . یابدقلرینه اصلا  
 پشمان اولمیه رق :

— والدیم اولدیردم ایسه سعادتیه مانع اولدیفنی ایچون  
 اولدیردم . دلربانی اولدیردم ایسه سرمک فاش اولمامه سی ایچون  
 اولدیردم . نیچون نادم اولهیم ؟ شمدیده قازدیغم قیوبه کندیم  
 دوشدم ، نیچون پشمان اولهیم ؟

بو فکرلر نادیده یی او درجه مستریچ ایتمشدرکه هیچ بر  
 وقت کندیسند کورلیهن بر استراحت قاب ایله یادی .  
 نادیده بر نظر وحشیانه ایله یوزینی یاقان علولره باقیوردی  
 آرتق کندیسندن کچمش ایدی ! ..

بوندن صکرمه سی ایسه معلومزدر . ایسته یانغین بوسیدن  
 ظهور ایتشد . قنبر هر قدر بونی تمامیه اکلایه مامش ایسه ده  
 بر درجه قدر یافلشمشدی . قنبر بویله دوشنورکن چفتلاک  
 خدمتکارلرندن بریسی کندیسنه بر مکتوب تسلیم ایله دیدیکه :  
 — قنبر اغا ! بو مکتوبی او بر چفتلاک کوندره سکزمش .

— کیم ویردی ؟

— حرمدن ویردیله .

— پکی !

قنبر مکتوبه باقهرق !

— بو علی بکک یازیسی دکل . مطلقا نادیده نك اوله جق  
عجبا کیزی بر شیمی ؟ ظن ایتیم ! چونکه بنمله کوندرتمزدی .  
نه اولورسه اولسون بن بونی او قوملی بيم !

قنبر او طه سنه قپانه رق ظرفی بیرندی . . ( علی ) امضاسنی  
کورنجبه پشیان اولدیسده کنارنده نادیده امضاسنی کورنجبه  
همان کوز کزدیردی :

سوکیلی فؤاد ، سکا اولان محبتم او درجه عالیدرکه یاز -  
دیغک مکتوبکه بیله طارلمدم . اورایه کلم دییوردک باق شمدی  
نصل کله جکسک !

بروقت عشقیله دلی اولدیغک  
نادیده

قنبر بونی او قودقدن صکره ممنونیتله دندیکه :

— اوح ! فؤاد انسا بنجه سنه حرکت ایتمش ، ولی نعمته خیاتی  
تجویر ایتمه مش ! هم یانغین کیفیتیه کنندیسنی میدان قویدی .  
قصداً ، اولدیغنه اینا تمقلغم لازم کلیور نادیده نك یازدیغندن بو  
اکلاشلیور . طوغریسی یا بن جسارت ایده م !

قنبر طولانی قاریشدی ره رق براسکی ظرف بولدی . مکتوبی  
قپایه رق طیشاری چیقدی .  
باغره رق :

-- عثمان ! عثمان !

قنبرك بونداسنه جواباً :

-- بيور ! صداسی ایشیدلدی .

برمدت مكره خدمتجیلرك اولدېغی قوجه او طه دن بر  
دلیقانی کله رك :

-- بئیمی چاغردك آغا ؟

-- اوت .

-- برشیمی سویله جكسك ؟

-- ایشك وارمی ؟

-- خیر .

-- شو مکتوبی آل . آخوردنده آل قصر اغه بین .

چفتاسكه كتورا كلادكمی ؟

-- هانكېسنه ؟

-- فؤاد بكك . . .

-- ها ! اكلام اكلام .

-- چابوق کلمی ها !

-- بن ذاتاً کیتدیکم یرده طور منی ایسته م !

-- آفرین . هایدی باقمیم . آدها طور یورسك !

-- شی . . . آخزدن برشی سویله می ؟

-- سلام سویله . چابوق کلسون . ها ! برده بكك خسته .

لغی خفیفدر ديه سویله ! اكلامكمی ؟

— بکی . بشقە برشی ؟

— لزومی یوق !

بر چاریك صكرە عثمان چفتلكدن انفكاك ایدیوردی . .

— ۶ —

فؤاد ، یازدینی مکتوبك جوانی بکلیوردی . . . کندی  
فکر نجه شمدی یه قدر ککلی ایدی . چونکه : علی بکدن استفسار  
ایتدیکی شی مهمدی . بوتاخیر جوابه بر معنا ویره میهرک تعجیبه  
قالیور دیدە دیوردی که :

— جهالك بورادن کیتمی ایچون بر کون ، جواب  
کلمسی چونده بر کون ، ایتدی ایکی ! پدرم ، مکتوبی آلیز آلمز  
جوانی یازوب کوندر سه ایدی — که بویله اوله جفته هیج شهیم  
یوق — شمدی یه قدر چوقدن کله جکدی . حالو که درت کوندر  
هیج برشی کلمدی .

ایکی کوننی یوله چیقار سه ق کریده ایکی کون قالیور .  
عجیا پدرم شهره می کیتمشدی ؟  
فؤاد بونلری دوشنورکن ذهنی بلا اختیار نادیده نك مکتو-  
بنه کیدیوردی :

— عجیا نادیده نه یاپدی ؟ بکا حد تلندی می ؟ یوق سه حقی  
اولدیغمی تسلیم ایله سه کوت ایده جکمی ؟ آم نه یاپلی یم نادیده ،  
کوزلسک اما والدە مسک ! . .

بویله دوشندکجه کوزینک اوکنه الماسک خیالی کلهرک :  
 — آه شایان پرستش چو جوق ! نقد درده کوزاسک .  
 نادیده به قدرده بکزیورسک ! نادیده ! نادیده ! سنک عشقه  
 حرمتاً اشته سنک برتمثالک اولان الماسی سوه جکم !  
 الماس ! اسمیده مسماسنه مطابق !

فؤاد یواش یواش اختیار چفتجینک قابله سنه قدر کیتدی .  
 قیوی اوره رق اهترازی برصدا ایله دیدی ، که :  
 — الماس ! الماس ! اوده میسک ؟ .

فؤادک بو سوزی اوزرینه قیو آجیلهرق الماسک قیو  
 قمرزی اولدینی حالده :

--- آ ! سزیمیسکنز ؟ بیورک ، مکتوبمی کلدی ؟ . دیدیکی  
 ایشیدلدی .

فؤاد ایچری کیرهک اوتوردی . الماس سؤالی تکرارایله :  
 — یازدینکیز مکتوبک قارشولغی کلدیمی افندم ؟  
 — خیر الماسم ، بنده اوکا تعجب ایدیورم .

بیچاره یتیم بوینی بوکهرک دیدی که :  
 — سزنی آلدانیدیکیز . هیچ اوילה کبار بکلر بزم کی  
 کویلی قیزلرینی اولادلغنه قبول ایدرلرمی ؟ اهمیت بیله  
 ویرمیوب یرتمش آتیویرمشدر .

فؤاد ، قیزک حالده حاصل اولان محزونانه طوره باقه رق



کندیسنی غائب ایتدی . اولطف باشی اللری ارمسنه آلهرق  
آلندن اوپدی . همده دیدی که :

— آالماس اکر سنی قبول ایتمزسه برلکده کیدرز . .

دنیا بیوک ! . .

فؤادک حالندن محجوب اولهرق :

— سز اولدقدن صکره هریره کیدرم . . .

زواللی قزجغز کندیسیده اصلا فرقنده اولمדיنی حالد

فؤادی شدتله سوپوردی . لیکن او مینی مینی معصوم قاپی

دها س—ودانک نه دیمک اولدیغنی بیلمدیکندن دوچار اولدیغنی

شیئک فرقنده بیله دکلدی . . یالکیز فؤاد اولدیغنی وقت قلمبنده

بر محزونیت ، بر کدر حس ایدر و دنیا ده پک یالکیز قالمش ظن

ایدردی . فؤادله برلکده اولدیغنی وقت ایسه دنیا کندیسنک

اولور و آرتق کوزی هیچ برشیئی کورمزدی . . فؤادده

بوزواللی حقنده شدتلی بر محبته کرفتار اولمشیدی . بعض کره

قیزجغزک قپوسی اوکنه اوتوروب پاموق اکر دیکنی کورنجه

بر قاق ساعتلر اولدیغنی یرده قالور و الماسی تماشا ایدردی . .

کوزلری بر برینه تصادف ایتدیکی وقت ایکیسنکده دودا -

قلرنده بر تبسم رونما اولور و الماس قوشه قوشه کلهرک کندیسنی

فؤادک قوللری آرمسنه آتار و فؤادکده اک مسعود دقیقه لرینی

بوزمان تشکیل ایدر ، قوجاغنده کی یتیمه نک یوزینه باقار و غیر

اختیاری اوله رق باشی آشاغی اکیلر و آلتی ، صاچلرینی اوپر ایدی .

الماسده قیپ قرمزى قزاره رق کندیسنى فؤادك قولارندن قورتارر و آزاجق اوزاقلشیر ایدی . . . لکن بوسفر فؤادك حالنده کی محزونیتیه دقت ایدنجه همان ینه قوجاغنه آتیلیر و بو دقعہ دوداق دوداغه کلورلر ایدی .

آه ! بر معصوم قیزك قابی نه عجابدر ! نقرده حساسدر ! ایشته فؤادله الماس درت کونی بوصورتله کچیردیالر . . . فؤاد مکتوبك کلمه مسندن طولای برطاقم سبیلر بوله رق الماسه آ کلامتمده ایکن شدتله کلن بریکیرك آیاق سسی اطرافده کی سکوتی اخلال ایتدی . نجره دن باقه رق سوینج ابله :

— عثمان ! عثمان ! مکتوب کتیردی . دیدی .

— آه اللهم !

فؤاد آیریله جنی وقت الماسك یوزینه باقدی . ایکی اوچ دقیقه لق بر فراق او بر مسرتلری نه چابوق سترایتمشدی ! ایکیسیده جاذبه یه مقاومت ایدمه یه رك دوداقلر برلشدی . . فؤاد طیشاری چیقهر رق کندیسنى آرامتمده اولان عثمان نك یانسه کیتدی .

عثمان — سلام علیکم اغا !

— علیکم السلام ! نه یاپدیکز باقه لم ایچیسکز ؟

— آه هیچ صورمه بك !

— نه اولدی ؟ خانمه برشی . . .

فؤادك فكرينه كهانی آكلار سگیزیا ؟ كندی مکتربی  
اوزرینه نادیدهك اختار ایتدیكنه ذاهب اولمشیدیده اوسؤالی  
اویله مراقله صورمه شیدی .

عثمان جواباً دیدیکه :

— خیر ، خانمه برشی اولدی .

— باق ، بنده سنی کوردیکمدن شاشردمده حالا آياقده  
طور بیورز . هایدی یوقاری کیدم .

— بیورك .

فؤاد مندرک اوستنه کوزلجه یرلشدکدن سکره دیدیکه :

— سویله باقم جانم نه اولدی . ؟ بنی مراقده براقه .

— یانغین . . .

— یانغیمی ؟

— اوت . . .

— نصل اولدی ؟ نرہسی یاندی ؟

— آه افندم . جهالك بورادن کلدیکی کیجه هیمز

اویویوردق . حتی اوکون بنم صول کوزمک اوست قپاغی

اوینا مشدیده خیردر انشالله برشی اوله حق دیمشیدم ! ؟ . .

— جانم بوزلرک لزومی یوق !

— نصل یوق اقدم نصل یوق ! شم دیکی زمان آدم لری ..  
 .. آه او کوزم کوشك محو اولدی .

— اوف ...

— آرقداشلرله او کیچه ساعت درده قدر او تورددق ...  
 آندن صکره یا عشیدق ... بیامم قاج ساعت صکره ز کور اتیه  
 هممز یاندیغمز یردن فرلادق ... کوشكک یاندیغنی کورمیه -  
 لمی ؟

فؤاد عجله ایله دیدیکه :

— برقضا اولدی یا ؟

— آه نصل اولدی ! کاشکه بن یانایدمدد ...

— ای ؟

— یانغین خانمک او طه سندن چیمش اولدیغدن خانی  
 قورتارمق ایچون بک اورایه کیدر . خانی قایدیغنی کبی طیشاری  
 چیمه جفی وقت آتسک اوستینه دوشر ...

— امان ، صکره ؟

— صکره قنبر اغاده ایچری کیرر ... اکر آراجق دها  
 ایچری کیرمیه ایمش بتون بتون یناجقلر ایمش ! . باشندن آشاغی  
 صو دو کرسده بک بابیار هان طیشاری چیقارولر .  
 — خسته فلان دکل آ ؟

— خسته در اقدم .. ایکی کوندر یتور ،

— واه واه ! قنبر دیدکده خاطر مه کلدی ، نصل اییدریا ؟

— اییدر افندم سلام سویلیدی .

— دیمك اولیوركه علی بكتك جواب یازمديغنه سبب  
بوايمش .

— نه جوابی ؟

— هیچ ! سن آ کلامزسك . مکتوب وارمی ؟

— واردر افندم اونتمده . . بیورك .

— هایدی اشاغی کیتده قارتی طیور .

عثمان ، فؤادك تکلیفی تکرار ایتدیرمیهرك اشاغی ایندی .  
فؤاد یالکیز قالنجه مکتوبك ظرفنه باقهرق دیدیکه :

— عجایب ، نادیدهك یازیمی !

بو آرائق نادیدهك او معهود کیجهکی حالی کوزینک  
اوکندن کچدی ، بچاره الماسك مزارلقدهکی حال فلاکت  
اشمالیده ! . مکتوبی آچوبده ینه نادیدهك یازیمنی کورنجه :

— او !! نادیده ، جرأتی آرتیرمش ! طوغریدن طوغری -  
ی یه مکتوب کوندرمهکه چکینمیور . آ ! امضا پدرمك . آی !  
کنارنده برده هامش وار ، امضاسی نادیده . تحف ! . .  
نه ایسه ، باقیم نه یازمشلر !

فؤاد مکتوبی او قودیغی مدتجه کوزلرندن یاش آقشیدی .  
مکتوبی اوقیوب کوزلرینی سیلهرك :

— زوالی پدرم ! کندیمی حالت نزعده اولدیغنی بیان

ایدرکن زوجہ سی نادیدہ بنم کلہ جکم ایچون اثر شادمانی ابراز  
ایدیور . آم عالیجناب آدم ! بوقدر لطفک قارش بنینہ سکا  
فلاکت کتیریورم ! الماسیدہ اولادلغہ قبول ایتدک ، لکن  
الماس قیزک دکل کلینک اولہ جقدر ! شمدی بیچارہ چوجق  
بکا منتظردر . کیدہ یمدہ کنیدیسنہ مژدہ و . . .

قیونک آجیلوب الماسک ایجری یہ کیرمسیلہ فؤادک لقرده .  
یسی آغزندہ قالدی . الماس ، بشوشانہ بر طورلہ قوللرینی  
فؤادہ طوغری اوزانہ رق یاقلشدی . . . فؤادہ مقابلہ  
بالمثلدہ بولندی .

قارئین ! رنگلی الماس کومک ایسترسہ کز ، کلکیزدہ  
فؤادک قوللری آره سندہ الماسک فصل بررنک کسب ایتدیکنی  
کورکز ! . . .

الماس محبوبانہ دیدیکہ :

— بنی قبول بیورمشلمی ؟

— اوت ، اولاداغم اولسون دیہ یازمش اما . . .

الماس ، فؤادک بویله لقردی بی یاری یردہ برامہ سنہ

تعجب ایدوب یوزینہ باقدی .

فؤادہ صیقیلہ رق لقردیسنہ دواملہ دیدیکہ :

— سن آنک کلینی اولہ جقسک ! . .

— کلین نہ دیمک ؟ . . . .

یتیمه نك وجدان معصومك بر صدای انعكاسی ديمك  
اولان بو سؤاله قارشى فؤاد تبسم ايدهر ك يالكلز الماسك  
صاچلريني اوپمكله اكتفا ايتدى . ليكن الماسه جواب ويرمه مك  
دخى اوله ميه جفى جهتله :

— صكره اكلا رسك . بوكيجه همان شمدي بن چفتلكه  
كیده جكم . . .

بوسوزه قارشى الماس محزونانه بر طورله بوينى بوكهرك  
ديديكه :

— بنى يالكلزمى براقه جقسك ؟ بن اولورم ! . .

فؤادده بوسوزدن متأثر اوله رق :

— نه ياپيم الماسم ؟ چفتلك يانمش ، پدرمده پك زياده  
يانمش اولديغندن كيدوب كنديسنى كوره جكم . مكتوبينده  
بويله يازمش . . .

— بنیده كتورك .

— سن بيكيره بينه بيلورمينسك ؟

— اوت . . .

— اما بز خيزلى كيدرز .

— ايسترايسه كز قوشديره قوشديره كيديكلز . رحمتلى

باباجغم پك كوزل آتہ بينردى . بكاده او كرتمشيدى . . .

— پك اعلا ، اويله ايسه ديه جكم يوق .

— همده شايد دوشورسم نه اولورم ؟

— معاذ الله ! بر طرفك قيريلور .

— دها ؟

— الله كوسترمسون ! اولورسك .

— دها اي يا ! سز يانمده ايكن اولورم .

فؤاد بر نظر شفقتكارانه ايله حالا قوللاري آرد سنده  
طوتمده اولديني يتيمه يه باقدي . . . دوداقلري . جاذبه سینه  
تحمل ايدمه دی . . .

نهایت فؤاد دیدیکه :

— وقت کچور . بن کیدوب سويایه مده بی کیر  
حاضر لسونلر .

— آ ؟ کیجه می کیده جکز ؟

— زیان یوق ، قور قیور میسك !

— سز يانمده اولدقدن صكره نهدن قورقه جغم !

— ايشته بويله اولملی ! وكندينكده برترك قیزی اولديني  
اثبات ایتلی !

— البته ایدم جكم !

ياريم ساعت صكره فؤاد ، عثمان ، الماس آغر آغر  
يولارنده دوام ايديورلردی . فؤاد بر نظر تقدیرله كنيج قيزك  
آته بنیشنه باقيوردی . فی الحقیقه الماس لقر دیسندمه مبالغه  
ایتمه مشیدی . بنیجیلکده کی مهارتی فؤاده اثبات ایتك ایچون  
فؤادك بوزینه باقوب تبسم ایدمك دیزکینلری صالیویردی .



فؤاد نصل تلاش ایتسهونکه بر قاق یوز آرشون اوتده  
قوجه مان بر هندك واردی ، بونی الماسك کورمديکنه عطف  
ایدهرك :

— الماس ! هندك ، هندك وار ! — ديه باغردیسهده  
کنج قیز باشنی دونديرهرك يالکیز بر کولسه مکله اکتفا ایتدی .  
فؤاد کوزلرینی قیادی . . چونکه : الماسك بیندیکی آت  
هندك تايانه کلشیدی . فؤادك آتہ اعتمادی وار ایدیسهده  
باقلم الماس اوزرنده طوره بیله جکمی ؟ فؤاد تحمل ایدهمیهرك  
کوزلرینی آچدیغی وقت الماس آت اوزرنده طور یوردی .  
عثمان دیدیکه :

— طوغریسی یا بن جسارت ایدهم !  
حشری قیز ، آرتق یا کلرینه یاقلاشمیور ، دائما آتی  
قوشدیر یوردی . بناء علیه فؤادله عثمان دخی اکانبیت مجبوریتنده  
ایدیلر . عثمان صورديکه :  
— دمنجك اسهمنی سه ویلديکزدی اما ، خاطرمدہ  
قلمدی .

— الماس !

— بك ، اولادلغهمی قبول ایتدی ؟

— اوت .

— چوق شاشیورم .

— نهيه ؟

- اناسی باباسی یوقی نصل ویرمشر ؟
- خیر ، بیوک پدرندن بشقه هیچ کیمسه سی یوقدر .
- هم باق سکا اکلایم نقدر آجیقلی بر حکایه در .
- هانکیسی ؟
- الماسک قورتیلیشی !
- آی ! الماس خانم قورتلیدی ؟ ندن قورتلیدی ؟
- اولومدن !
- شونی آکلایسه کز آ !
- فؤاد ، غایت متواضع اولدیغندن بویله چفتالك خدمه لرینه
- غایت اینی وعادتا آرقداشجه سنه معامله ایدر ، و بونکچونده
- کندیسی آنلر طرفندن سویایر ایدی . عثمان ایسته دیکی شئی
- معلومز اولدیغی وجهله مفصلاً اکلایقدنصره عثمان دیدیکه :
- یشاسون بکمز ! طوغریسی یا مملکت مزده مثلی یوقدر !
- اویله یا ! آغاچ قوووغنده کوردیکی برچوجنی یعنی بنی
- آلوده اولادلغه قبول ایدر سه بویله بر بچاره نی قبول ایتمی ؟
- سن بکا شو یا نغنی اکلات باقیم .
- اکلایم یا !
- اوقت خلیج اندن قولانمه کیرمدیکه ! یا نغین نره دن
- ظهور ایتدی دیدک ؟
- خانمک او طه سندن . . .

— خانم کی ؟ .

— اوت .

— غریب شی !

— ندن ؟

— هیچ !

فؤادك فكرينه كانى اكلا ديكزیا ؟ عثمان ، خانمك اوطه سندن  
چیقدى دیمسی اوزرینه . ~~مکتوب~~ بده کی : باق شممدی اصل  
کله جکسك کله لریده ذهننه ککشدی . بونك اوزرینه شوینله جه  
مرلاندی :

— اکر ! . . . او یاقدیسه . . . آه جانیه ! خیر خیر . .  
کندی اوطه سنی طوتشدره من . او ! اوت اودر ! بنم . طالق  
ککککم ایچون بوفعله جرأت ایتشدر . آه خائنه !  
عثمان ، ایشتمدیکی بر قاچ کله دن برشی ~~اکلا~~ یه میه رق  
دیدیکه :

— اوکم ! کیم جرأت ایدیور ؟

فؤاد او طور حدتی اوستنده اولدیغی حالده :

— سنك نه وظیفهك ؟ . . . حدکی بیل ! دیدی .

لیکن ایکی دقیقه کچمه دن بیکرینی عثمانکککنه یافلشدره رق

الندن طوتدی و :

— عفو ایدرسك دوستم ، سویلدیکم سوزلری کوی

آدم ! — سوزيله عثمانك قوش قاپنى تعمير ايتىدى .  
بونك اوزينه عثمان ديديكه :

— نه يى غفو ايدىم بكم ؟ اصل قباحى بنده در . سز  
اكر لطف ايدوبده بنى غفو ايدرسه كز . . .

— بونلرى براق دوستم . نه ديوردق ؟

— يانغين خانك او طه سندن . .

— ها ، اوت . نوقت ظهور ايتدى ؟

— اى بيله ميورم اما بز يانغينى باصديرنجهيه دها طوغر .

يسى يانغين سوتجهيه قدر صباح اولمشيدى .

— يانغين اوچ درت كون سونمز .

— بىم ديديكىم بنادن بر اثر قالمىوب بريغين كول حالى  
آلنجهيه قدر .

— خانم برشى اولدىمى ؟

— خير !

— كندى او طه سى طوتش سونده برشى اولسون اولورمى ؟

— ديدم يا ! على بك قربان كيتدى .

— زواللى پدرم !

— زواللى بكم !

عثمان اليه تا اوزاقده برشى كوستردك ديدى كه :

— كوريورميسكز ؟ چاق اوزاقده قرا كلكده برشى

كوريور .

— کوره میورم کوزلرم کیجه لین برشی کوره من .

— جانم شواغا جلرك خداسندن باقكز . هاه ! ايشته  
شمیدیه یوقوشدن اشاغی اینه جك .

— اوت اوت . . لکن الماس نرمیه کیتدی ؟

عثمان کولهرك بوسوزه جواب اولق اوزره دیدی که :

— ايشته او کوردیکمز قرالتی الماس خانددر .

— عجایب او قدر اوزاقاشسون . هایدی یتیشه لم بلکه  
برشی اولور .

— احتمال ! هم یولارده امین دکدر . .

بوقراردن صکره بیکیرلرك کورلیسی افهام مرامه میدان  
براقیوردی . غیور حیوانلر یوقوش یوقاری قوشیورلردی .  
آزاجق دها ایلریلدکلری وقت فؤاد بردنبره آتی طور دیرعرق  
عثمانه دیدی که :

— طور !

— برشینمی ایستیورسکز ؟

— برشی ایشیديورمیسك ؟

عثمان اطرافى دکلیرهرك دیدی که :

— اوت اوت . . سلاح سسی . .

— تمام ! بنده ایشتم . .

— اشاغیدهکی دره دن کلیور . .

— ایواه ! الماس . . .

اولگنندن زیاده بر سرعتله آتلینی یوقوشدن اشاغی  
قوشدیرمغه باشدیله . . . سالاخ سسلری کیندکجه دها واضح  
ضورتده ایشیدیلور ایدی . عثمان دیدی که :

— شهه سز حیدودلردر . . . چونکه اوکچیده بریسی  
اونورسه بیک کشی بی کچیرتمز . . .

فؤادایله عثمان هم بیکیرلری قوشدیرمق همده نقردی  
ایددرک کیدرلرکن بر آتلیک سرعتله یوقوشدن یوقاری کلکده  
اولدیغنی کوردیلر . . . آتلی آجی آجی باغریوردی . فؤاد دیدی که :  
— آه یاربی ! . . . الماسک ، الماسک سسی . . .

عثمان کوله رک :

— الماسک سسی تقدردده سومیلیدریا !

— لطیفه نك صردسی دکل ! عجبا نیچون باغریور ؟ اوت  
آتی چوق قوشدیردیده باشی ضبط ایده میور . براب بول  
عثمان بیکیرنده باغلی اولان ای چوزدی . . . فؤاد همان  
اشاغی آتلی . . . بوضرده الماسک ، تک دیزکینه اولانجه  
قوتیه آصیلمش اولدیغنی حالد کچدیکی کورلدی . . . فؤاد  
علی العجله یامش اولدیغنی ایلمکی حیوانک ایاقلرینه آتدی . . .  
همان طولاشمرق آت دوشدی . . . عثمانده الماسی قاپدی . . .

فؤاد الماسی قوجاغنه آلهرق دیدی :

— آه بایلمش ، الماس ! الماس !

عثمان ، دوشمن آئی قالدیرہ رق آغاچہ باغلامش ومعاینہ ۔  
 سندہ برسقطانی اولدیغنی کورمشیدی ۔ مطردسنی کتوردک  
 ایچندہ کی صغوق صونی الماسک یوزینہ دوکدی ۔ فؤادده  
 پوسه لریله صانکه قیزی ییه جکدی !۔۔۔ الماس کوزلرینی  
 آچهرق دیدی که :

— آ ، سزمیسکز ؟

— ایشته کور یورسک آ ؟

الماس ایاغہ قالقه رق بیندیک آتک یاننه یاقاشدیده دیدی که :

— ای حیون اما باشی آغر ۔۔

— آغر دکلدر ۔ سن چوق قزدیرمش اولمیسک هرنه

ایسه : سن نیچون کیرودوندک ؟

— امان ۔۔ امان ۔۔ قوشلم بیچاره لره امداد ایدلم ۔۔

— هانکی بیچاره لره ؟

الماس ، حالا ایشیدلمکده اولان سلاح سسلرینی اختارایله

دیدیکه :

— جانم ایشتیمیورمیسکز ؟ حیدودلر ۔۔۔

الماس صوک سوزینی متعاقب آتینه بینمشدی ۔ فؤاد وعثمانده

اکا پیرو اوله رق اشاغی به طوغری قوشمغه باشلدیلر ۔ عثمان

سلاحلغنه باقیوردی ۔ فؤادده سلاحلغک طولی اولدیغنی کورنجه

الماسه خطاباً دیدیکه :

— سویله باقم نه اولدی ؟

— یقوش باشنه کلدیکم وقت هیچ برسس ایشیدنیوردی .  
یواش یواش اینیوردم . . اوکدن بش کشی کیدیوردی .  
— اوت . . .

— اشاغیده درمه برچکید وارمش . . بن بیلیمورم آ!  
دیرکن او آدمرا اورادن کچیور . . .

اناس بوراده لقر دینی کسدیکندن فؤاد دیدیکه :

— چابق سویلسهکا !

— ایچمه فنالق کلیور .

— برشی دکلذر ، صکره ؟

— اورادن کچرکن برسالاح پاتلیدی . . ال اوکده کیدمن  
زواللی آدم درمیه یووارلندی . . بنده قاچدم کدم . .

— قاحق یاقیشورمی ؟

فؤادک ایتدیکی بولطیفهیه اناس جدیت قاتشدره رق :

— نه یاپیم یانمه سلاح یوقدی . . . سزه خبر ویرمه  
کلورکن آتی ضبط ایدمدم .

آرتق کچیده یاقاشمش اولدقلرندن کندیلرینی محافظه اینچون  
طور دیلر طار کوپری اوزرنده کیمسه یوقدی . یالکز آرده  
برسالاح پاتلیور علوی ظلمت آره سنده کورینیوردی . . . بونلر  
طوروب نه یاپه جقلرینی دوشنورکن ویزرزوزز ! . . دیه برقور .



شون الماسك تا اوموزندن كچدی . . بونك اوزرینه فؤاد دیدیکه :

— نشان قویدم . . سکا سلاح آتان حیدود شو قار-  
شیمزده در . هایدی آرتق آتدن اینده یانمه کل ! عثمان .  
سندده بیکیرلری آلدی بر قیا آرقه سنه باغلیوریر . اوچ قور-  
شون ینه ویزرزوز . صداسیله بونلرک یانلرندن كچدی .  
عثمان — بنده شو حیدوده نشان قویدم . . !

لقر دیسی یارم قالدی . چونکه کلن بر قورشون فسفی  
دلش و باشنك در یسفی پك جزئی صیرتمشدی .  
آزاجق صکره بیکیرلر باغلنمش وفؤادایله عثمانده بر آغاجك  
ارقه سنه صاقلانمش ایدیلر .

فؤاد یاننده کی الماسه خطاباً دیدیکه :  
— قارشودن پاتلیان سلاخلره باقیلیورسه اون کشی قدر  
وار . . .

الماس دترهیه تترهیه دیدیکه :

-- او . . او . . ت . . .

— نه او ؟ قورقیورمیسك ؟

— خ . . خیر . . اما . . سنزك ایچون . . .

بو ائناده قارشیک حیدود بردها سلاح اتمش اولدیغندن  
فؤاد آتش چیقدیغی یرنه نشان آلهرق قره بیناسنی بوشالتمش  
و متعاقباده :

— آی ! صداسنی ایشتمشدی . بر آز صکرہ عثمانک دخی  
تدینگی بر قورشون دیگر بر حیدودی :

— واه ! صداسیلہ عدم آبادہ کوندرمشدی .

سلاح سسلرندن اطراف کویلردہ کی اہالی محل وقمہ یہ شتابان  
اولمش اولدقلرندن اوزاقدن صدالری ایشیدیایوردی .  
حیدودلر آرتق آتش ایتدکلرندن فرار ایتمش اولدقلری  
بللی ایدی .

کویلیلردہ یتشمش اولدقلرندن یوجلیلرلہ اوچ آرقداش  
یعنی فؤاد ، الماس ، عثمان ہپ برلشدیلر . کویلیلرک اک ایلری  
کلہ نلرندن بریسی یوجلیلرہ خطاباً دیدیکہ :  
— نہ اولدی آغالر ؟

— بز یولمزہ کیدرکن رحمتلی آرقداشمنز کوپریدن  
کچیوردی . بر سلاح سسی آنی بزدن ایروب درہیہ کتوردی .  
مشعلہ لرلہ دیگر بر طاقم کویلیلر دھا کلش اولدقلرندن  
قیالرک ارقہ سی کوزلجہ آرانوب فؤادلہ عثمانک اورمش  
اولدقلری ایکی جسددن بشقہ برشی بولہ مدیلر . .

مشعلہ نک نشرایتدیکی ضیادن فؤادک یوزی ایچہ کورمش  
اولدیغندن کوی اغاسی دیدیکہ :

— وای فؤاد ! بک سزمیسکز بکم ؟

— آ احمد اغا ! نہ یاپدک بقالم اییمسک ؟

— چوق شکر ای یم بکم ! جام نصل اولدیده بوراده  
بولدیکیز ؟

— بزم اوته کی چفته لکده . . .

— اوت اوت طویدم . . . جناب حق دها بدترندن  
اسیرکه سون !

فؤاد : — آمین ! دیدکدن صکره مقدمه بش ایکن  
شمعی درت قالمش اولان یولجیلره خطاباً دیدیکه :

— سز کیمسکیز برادرلر ؟

— تجارز یولمزه کیدیوردق . . .

— پک اعلا ، آرتق تهلهکه قالمه مش اولدیغدن کیده  
بیلورسکیز . مع مافیه احتیاطلی طاورانکیز .

— تشکر ایدرز .

— استغفرالله . برده ایسترسه کز بوکیجه شو کویده

مسافر قالورسکیز . .

— یولجی یولنده کرک ! الله اصهارلدق !

— سلامتله !

یولجیلر کیتدکدن صکره فؤاد ، کوی اغاشنه دیدیکه :

— بوجسدلری کچید باشنه آسیویرک ، یارینده قیرسردارینه

خبر وبرک .

— پکی بکم ! درهیه دوشهن یولجی بی نه یاپه لم ؟

— بوله بیلورسه کز دفن ایدکز .

بومحاورمدن صکره فؤاد . الماس . عثمان یونارینه دوام  
ایتدیلر . لیکن بودفعه هب سکوتله امرار وقت ایتمش ایتدیلر .

## — V —

چفتاکه واصل اولدقلری وقت کونش دهاییکی طلوع  
ایدیوردی . عثمان بیـکیرلری آلهرق آخوره کتوردیکی کبی  
فؤادده الماسک الدن طوتهرق چفتاکک حرم دائرهـسندن  
ایجری کیردیالر .

بوندن برار اول چفتاکده شو وقعه جریان ایدبوردی :  
علی بک دهها هنوز اویانمامش اولوب نادیده باش اوچنده  
اوتوریور ویوزینه باقهرق شونی سویلیوردی :

. — ایشته دنیاده ، حقنده مرحمت حس ایتدیکم یعنی  
حانه آجیدیغم بر آدم وارسه اوده بودر ! زواللی ! بکا او قدر  
فداکارلق ایتدیکی حالده کندیسنی سومدم . حالبوکه سویورم  
ظن ایتشدم . هییات ! . . . مکر بوسودا والدومک مانعتندن  
ایلری کلیورمش . نه یاپیم ؟ دنیاده بن مسعود اولمدقن  
صکره دیکرلرنی مسعودیتیه ایصال ایچونینه بنی واسطه  
اولیم ؟ ! . استحصال مرایم یولنده بوده فدا اولسون ! بنده  
مقابلنده کندیسنه آجیورم یا !

آه فؤاد آه ! ایسته زوجم اوله جك ، باقم بوسفر نه مانع  
 بوله جقسك ! اكر او قورتا ديفك چوجفی سو یورسهك وای  
 حالکیزه ! .

علی بك بو آزالق کوزلرینی آچدیغندن نادیده دیدیکه :

— برشیمی ایسته یورسکز بکم ؟

— خیر الماسم ، فؤاد دها کلمدی ؟

— خیر سو کیلی بکم ! ؟ .

— اوف ! سن نیچون بویله ایرکن قالدك ؟ دها کونش

بیله طوغمه مش !

-- شمدی طوغار .

— یاربى بکک مرحت ایت ! فؤادی کورمه یتمده صکره

تقدیر الهیکی اجرا بیور !

علی بکک بودعاسی قبول اولمقده دوچار تاخر اولمدی .

نچرمدن باقمقده اولان نادیده بلا اختیار :

— ایسته فؤادکلدی !.. تبشیريله علی بکی احیا ایتمشدی .

اكر علی بك -- ونجه شاشیرمه ایدی، نادیدهك هیج

بیلمدیکی !.. فؤادی طانیدیغندن طولانی دوچار تعجب

اولوردی !... نادیده نکهده بواحتیاط سزلغندن ناشی یورکی

اوینادی . . فؤاده دقتله باقچه کنیدیسنی اولکندن بیک قات

دها زیاده کوزل بولمشدی . فؤاد الماسی لندن طوتمقده

اولدینی حالده ایجری کیردی . چهره سی بـم یـشـیل کـسیـامـش  
اولوب الی ، ایاغیده زانغیر زانغیر تتره یوردی . نادیده نك  
حالده آندن پك ابی ایدی .

فؤادی کورنجه علی بـكـك بوزی کولدی . یـتـاغـی ایچنده  
طوغرلمغه چالیشهرق — اللرینی اوپمك ایسته یهن — فؤادی  
دراغوش ایتدکن صکره الماسیده اوپهرك دیدیکه :

— اوه ! نه ده کوزل ! طبقی زوجه م ! سوکیلی چوجق ،  
بوندن صکره سنده بنم اولادم اوله جقسك ! هایدی والدكك  
انی اوپ ! شبه سز بیودیکك وقت سنده آنك کبی اوله جقسك !  
الماس محجوبانه برطورله نادیدنك الندن ونادیده ده آنك  
آلندن اوپدی .

علی بك كسیك كسیك دیدیکه :

— سوکیلی اوغلم ، ایشته سکا مکتوبمده وعد ایتدیکم  
زوجه م ، هایدی سنده والدكك انی اوپسهك آ ! . .

فؤاد تکمیل جسارتی طوپلایه رق نادیده نك انی طوتدی  
هرایکیسیده بر برینك اللرینك آتش کبی اولدینی حس ایتدیلر .  
فؤاد ، نادیده نك انی آغزیننه کتوردی . . . نادیده ده  
فؤادك آلندن اوپدی .

نه جسارت ! نه متانت ! شو نادیده ده ، که طورنده  
— همان — زره قدر برتغیر بیله کوسترمه مشدی .

حالبوکه فؤادک زانغیر زانغیر تتره‌یشی علی بکک بیله نظر  
دقتی جلب ایتدیکندن دیدیکه :

— نه اولدک اوغلم ؟ خسته‌لغک عودتمی ایتدی ؟

— خیر پدرم .

— او یله ایسه طوزک نیچون بویله ؟

— سنزى بو حالده کوردیکمدن مایوس اولدمده . .

— آه اولادم ! اصلا تأسف ایتیم ، بلکه ممنون اولورم .

چونکه سوکیلی زوجهم ، محترم والدهک ایچون بو حاله دوچار  
اولدم .

الماس بو آزالق برکوشه‌یه بوزلمش اوله‌رق طور دیغندن  
علی بک دیدیکه :

— نادیده جکم !

— افندم ؟ .

— باقسه‌کا الماس یورغندر . آلوب اوستنی باشنی  
دکشدیرسه‌ک اولزمی ؟

— هایدی الماس ، هایدی قیزم . کیدلمده اوستکی

دکشدیریم . راحت ایدرسک !

نادیده ایله الماس کیدوب علی بک فؤادله او طهمده یالکیز  
قالنجه دیدیکه :

— فؤاد ، اوغلم .

— افندم ؟ .

— یانمه یاقلاش ، سکا سویلیه جکلرم وار .

فؤاد تعجب ایدرک علی بکک یاننه یاقلاشدی و :

— سزی دکلیورم پدرم . . . دیدی .

— اولادم . بن آرتق اوله جکم ، بونی بک کوزل حس . . .

فؤاد مقابله برقاچ لقردی سویلمک ایستدیسده علی بک

میدان ویرمیهرک :

— طور اولادم ، لقردی نی تکمیل ایدیم . بونلر سکا

وصیم اولسون : بن وفات ایتدکن صکره زوجهم دیگر

بریسنه وارمق ایسترسه ممانعت ایدم جکسک . .

— لیکن . . . .

— طور اولادم ، ممانعت ایدم جکسک دیدمسه جبر

ایدم جکسک دیدم یا ! بنی بک زیاده سودیکنی بیلدیکم جهتله

بو آرزومی کنندیسنه سویلر ایسهک هیچ شبههم یوقدرکه

واز کچر . . بن ککندم سویلیه میورم . برده : الماسی

کورر کورمن کوکم سودی . بیودیکی وقت زوجهمک عینی

اوله جفی جهتله کوزلاکنده شبهه یوقدر . آنکله تزوج

ایتمایسک ، اوسوکیلی . اوسوکیلی یاورو جفی بختیار ایتمایسک

بونى بکا وعد ایدیورمیسک ؟

فؤاد برمدت تردد ایتدکن صکره نهایت :

— اوبت پدرم . .



— اکر الماسی تزوج ایتمهرك بشقه بریسنی آله حق اولورسهك ؟ ...

— مطمئن اولكنز عزیز پدرم ، الماسی بختیار ایده جكم ، آنكه تزوج ایده جكم .

-- تشكر ایدرم سوکیلی اوغلم . بن سندن بویله بر معامله امید ایدرم . كده سنی اوپیم !

علی بك زیاده سیله یورلمش اولدیغندن فؤادك قوللری آره سنده ایكن باییلیویردی .

فؤاد ، پدرینی وفات ایتمش ظن ایدرهك آلتندن صغوق صغوق ترلر آقغه باشلیدی . باعهره رق دیدیكه :

— الوداع عزیز پدرم ، وعدمی تکرار ایدیورم : الماسی بختیار ایده جكم ، تزوج ایده جكم ! ..

فؤادك بوصوك -- وزینه ؛ قیو آجیله رق ایجری کیره ن نادیده نك بر طور تهدید کارانه ایله سویلدیکی شو سوز جواب اولدی :

— اصلا ! ...

فؤاد ، هیچ مأمول ایتدیکی بو تصادفك وقوعه کلمی اوزرینه طوکه قالدی ... لقردی سویله مك ایچون دوداقلرینی قلمدا تمق ایستدیه ده چکه لری صانکه کلیدلنمشیدی ! ...

نادیده استخفافکارانه بر نظرله بر مدت فؤاده باقدقدن صکره :

— فؤاد بك افندی ! لطفاً ایچریکی اوطهیه تشریف  
بیوررمیسکیز ؟ عرض ایدم جك بعض شیلروار ! . . . دیدی .  
فؤاد نه سویلدیکی بیلمدیکی حالد :


— لیکن . . . بو متوفی . . .

— ده اایی یا ، بزی تعجیز ایتمز !

بو صرمدده علی بك کوزلرینی آچهرق قیصیق بر سسله :  
— صو ! . . . دیدی .

فؤاد برندن صیجریه رق :

— ده ایشایور ؟ . . . چوق شکر یاربی ! . . .

نادیده نك  کوستردیکی بو طور لاقیدی فؤاد ده عظیم  
بر نفرت حصوله کتیردی .

علی بك مغمومانه کوله رك دیدیکه :

— برقاج ساعته قدر اوله جکم اولادم ، امان .. صو . . .

نادیده علی بكك آغزینه بر پارچه صفوق صو ویردی .  
علی بك یتاغی ایچنده طوغرلق ایستدیسده ضعفی و جریحه -  
لرینك وجعی بوکا مانع اوله رق تکرار بایامسنه سبب اولدی .  
نادیده حالا اوطورمقدمه اولان فؤاده حاکمانه بر صدا ایله  
دیدیکه :

— ده اطور بیوررمیسکیز بك افندی ؟

— کلیورم افندم . . .

— لطف ایتمش اولورسکیز . . .

ایکسید اوطه دن چیقیدیلر . . اوزون بر صوفه دن  
 کچد کدن صکره بر مردیون چیقهرق تکرار بر صوفه دن مرورایله  
 نادیده نك اوطه سنه کلدیلر . . نادیده اوطه قپوسنی آچهرق .  
 — بیورکز ! — دیدی .

فؤاد هیچ برشی سویامکسزین اوطه یه کیروب بر مندره  
 اوتوردی، و نادیده یه ویره جکی جوابلری و نادیده نك صوره جنی  
 سؤاللری دوشونمکه باشلدی . نادیده ده فؤادی تصوراتنده  
 حر براقهرق حافی باشدن اشاغی سوزیوردی . بوز کبی  
 طونمش قلمنده — فؤاده اولان يك جزئی — بر محبتدن بشقه  
 هیچ برشی قالمامش ، یرلرینه : حکم ایتک ، امر ایتک ، هر  
 برسوزینی اجرا ایتدیرمک حسلری قائم اولمشدی .

فؤاد نادیده نك برشی سویله مدیکنی کوروب بو حالک ده  
 امتدادینی آرزو ایتدیکندن دیدیکه :

— ظن ایدرسه م بنده کزه بعض شیلر سویایله جکدیکز .  
 نادیده غریب بر صورتده کوله رک :

— اسکی حسابلری دوزلتمک ایستیه جکدم افندم ! . دیدی .  
 فؤاد ، باشندن اشاغی قاینار صو دوکیلر کبی اولهرق  
 دیدیکه :

— بر بریمزه هیچ بر بورجز یوقدر ظن ایدرم . .  
 نادیده حالا اوطوریه :

— یا کلیور سکز افندم . قوۀ حافظه کزك بودرجه انحطاط  
 پیدا ایتدیکنه تأسف ایدیورم .  
 فؤاد کذران ایدمن يك جزئی بر زمان ظرفنده کند یسنی طوپالایه  
 بیلسکه موفق اولمش اولدیغندن صغوق بر طور ایله دیدیکه :  
 — هر نه مه حمل بیور سه کز بنجه مساویدر . در خاطر  
 ایدمه میورم .

نادیده ینه او طور یله :

— اهمیتلی برشی دکلدر افندم . در خاطر ایدمه مکلک کز ،  
 یکی بر عشقك اثریدر .

— . . . . .

— یا ککامش اولدیغمی کوریور سه کز یا ؛ نه ایسه افندم  
 بز اصل مقصده دوام ایدلم .  
 — سزی دکلورم .

— سز بنی وقیله سودیکز دکلیم ؟

— . . . . .

نادیده فؤادك سه کوتندن حد تلنه رك فقط تائی بی دخی  
 لندن بر اقیه رق سوزینه دوامله دیدیکه :

— یا خود ، بن . بنی سویور سه کز ظن ایتدم دکلیم افندم ؟ .  
 فؤاد بلا فتور :

— هر نه ایسه ، دوام ایدکز . .

— خیر افندم . بوراسی بزم ایچون پک لازمدر .  
 جواب ویرکز . .  
 فؤاد سویلبەجکی لقردی بی پک زیاده دوشنەرك اك نہایت  
 دیدیکە :

— خیر ، سومدم ! . .  
 برقادینی قهر ایتمک ایسترسە کز ، بوکلە بی سویلیکیز ! . .  
 نادیدەنک کوزلری وحشیانە بر صورتە پارلادی . فؤادک  
 جسارتنە تعجیلە :

— یا ؟ ! . . کلەسی آغزندن دوکیلیویردی . فؤاد  
 بلا قتور نادیدە بە باقیویردی . بر دقیقە نادیدە مغلوب اولدی  
 وفؤادک نظری التمدە اریورم ظن ایتمدی . لیکن پک آزر و قتدە  
 اسکی طور عظمەتکارانە ایلە ممزوج شطارت جەلیە سینی طاقندی .  
 فؤاد ، آچش اولدیغنی پک ایی اکلادیغنی یارەنک اضطرابی  
 بردرجە بە قدر تعدیل ایچون دیدیکە :

— رجا ایدرم ، اسکی خاطرلرە لری یوقلمیکیز ! .

نادیدە باشنی ایکی طرفە صاللا دقن صکرە :

— قاریشمیکیز افندم . سز بی سومدیکیز دکلی ؟

نادیدە بوسؤالی مأمول اولنمە جق برسرین قانلیلقلە صور .

مشدی . فؤاد بیلە بوندن متحیر قالەرق :

— اوت افندم دیدی . . . .

— اویله ایسه نه ایچون سوقاقده پخردنک اوکنده  
اوتوروب بکا اشارت ایتدیکنز؟ ...

فؤادک اک زیاده کوجالیکه جواب ویره جکی سؤال بوایدی  
سویورم دیسه کندی سوزینی جرح ایتش اوله جقدی . بناء  
علیه خیری ، سکوتده کوردنک جواب ویرمدی .  
نادیده فؤادک صوصدیغنی کورنجه کوزلرینی آچوب بر  
تبسم تحقیر آمیزله دیدیکه :

— صوصرسکنز یا ! چونکه اچاق بر آدمسکنز ...  
فؤادک حدتندن یوزی موس مور اولدینی حالدده شدتله :  
— چوق ایلری کیدیورسکنز ! . حقکزدده حس ایتدیکم  
حرمتی اخلاسه بنی مجبور ایده جکسکنز ! ..

نادیده حالا اوطور تحقیر آمیزله دیدیکه :  
— تشکرایدرم . سزک کبی آدلردن آنجق بویله بر جواب  
مأمول اولنور ! ...

— . . . .

— سز اویله بردنی آدمسکنزکه . . . .

— لکن . . .

نادیده سوزینه فاصله ویرمیهنک شدتله دیدیکه :  
— لقردیمی کسمه مکنزی قاچ دفعه سویلمشیدم . اوت ،  
سز پک دنی بر آدمسکنز . چونکه بکا هیج بر محبتکنز اولمدیغنی

حالده ملازمتمده بولنديكز واك صكرمده ناموسمى پايمال  
ايدەرك صاوشديكز ، كيتديكز . . . صكرمده . . .

— قنبر مانع . . .

نادیده حالا اوشت افاده سيله :

— صوصكز ! يالانجياغكزدن . دساسلفكزدن بن سيله

اونانيورم ! افتراقه برواسطه اولق ايجون برقاج كنديكز كي  
آلق اولان آرقداشكزه تنبيه ايتديكز . اولجه صاقلی  
اولدقلى يردن سزه آتش ايتديلر . ديكر آرقداشلركده  
كلوب كويا سنى قورنارديلر . . نصل بك افندي انتریغه كزی  
این كشف ایتهمشی نیم ؟ .

بودفعه ده فؤاد تحقیر آمیز برطور ایله دیدیکه :

— طوغریسی یا کشفکزی و بو خصوصه کی مهارتکزی

تقدیر ایتهمك المدن کلیور !

— تحقیرك صرهمی دکل !

فؤاد کمال سکونتله دیدیکه :

— عجایب ! انسان ، طوغری برسوز سویلمکله مخاطبنی

تحقیرمی ایدر ؟ سز بندن صورديكز ، بنده ، سزك بو درجه  
بد بین اولديغكزی کورهرك محضا تأسفمندن ناشی اوسوزلری  
سویلدم . هیچ دوشونمورمیسکزرکه او کیجه بن یارالندم ،  
یا اوله ایدم ؟ . . انسان کیجه لین اوستنه قورشون  
صدقیرترمی ؟

— واقعا بو خصوصده حقاقر واردر . سزك ترتيبكزده اورمق يوقدى . ديديككز كي محضاً دقتسزلكدن نشئت ايتمشدر .

— افترآ !! . . .

— هر نه ايسه . براقكزده سوزمى تكميل ايديم . ناموسمى پايمال ايتدكدن صكره بنم ستمه اصلا او غرامديكز . بن ، زوالى بن ! ايسه سزك خسته اولديغكزى ويا خود وفات ايتديككزى دوشنهر ك اغلايور وچو . . .

نادیده اك صكره يه صاقلمق ايتديكى بومدهش سلاخنى همان سويايوريه جكندن طولايى كنديسنى توبيخ ايدهر ك ديديكه :

— اكلا ديكزمى اقدم ؟ . . ايشته بن سزك ايجون ماتمه ايكن على بكه راست كدم . او ، بنى تسلى ايتدى ، بنى سودى . بنده آنى سويورم ظن ايتدم ! . هيهات ! . بنم سوديكم حریت ايمش ! سزى تكرار كورنجه او سوداك هپسى محو اولدى . . ايستر سه كز على بكك يازدينى مکتوبلرى كوسترديم !

نادیده آچدينى طولابدن آلدينى اوفاق بر چانطه نك ايجريسندن اوج مکتوب چيقاردى . بونلرى فؤادك او كنه قويوب ديديكه :

— بيوركز .

فؤاد مکتوبلرى اليه ايتهر ك :



— بکا عائد اولدقلری جهته او قوییم !

— يك اعلا افندم ، اولدایسه بن او قوییم . مختصر

اولدقلری جهته صیقامیه جغکز بدیهیدر . دکلکیز :

• ملکم !

« بو کون قابنده اوله بر محبت پایداردرکه هروجهله

« لایتغیردر . سزك کبی برملکی کیم کوروبده مفتون اولمز ؟ .

« ایتدیگکز او تبسماره ، انسانك تاقلبنه قدر تاثیر ایدن

« اوچین جبیناره قارشى طوره بیله جك بر آدم تصور اولنه .

« بیلورمی ؟ مکر حسیات انسانیه دن یخبر اوله ! . بویله

« آدمرك بیله سزه ، ککوللرینی قارشى قویه میه جقلری

« شبهه سزدر . . .

نادیده بوراده طوره رق دیدیکه :

— دکلور میسکز ؟

— اوت افندم ، دوام ایدکز . .

« بو بنده ککز دخی سزك مفتونکیز اوله رق دست

« ازواجکزی طلب ایدیورم . لیکن بر نهج شرعی یارین سزی

« ایستدکلرنده رد بیوروب بیورمیه جغکزی اکلامقاخم ایچون

« استفسار کیفیته ووجهته سزه اولان عشقمی بیانه مجبور اولدم .

« معاذالله ، اولیه ، که سزی جانن سو من بو یچاره نی رد

• بیورده سکز ! •

« اگر دنیا ده سزه مالک اوله میهرق یشاید جق ایسه م  
 « بویه دنیا بکا حرام اولسون !  
 « ظن ایدر سه م سزه قابه کزده بر بیکناهک و فاینه راضی  
 « اولمز !

« ایشته ملکم . احوال بوندن عبارتدر . سزی پک زیاده  
 « سورم و موافقتکزی استرحام ایله ختم کلام ایلم سوکیلم !  
 . . . خاندانندن

علی

نادیده مکتوبی بتردکن صکره فؤاده دیدیکه :  
 — ایشته افندم بو علی بکک برنجی مکتوبیدر . شمدی  
 ایکنجیسنی دکلیکیز :  
 — مساعده بیورسه کز برشی سویلیه جکم .  
 — خیر خیر ، مکتوبلری بیتره یمده آندن صکره سویلر -  
 سکز . دکلیکیز :

« روحم ! الماسم !

نادیده بولقی کورنجه کوله رک دیدیکه :  
 — سزده بعض شیلر اخطار ایدیور دکلی ؟  
 فؤاد قیزاردق اوکنه باقدی ، نادیده ده سکونتله مکتوبی  
 او قومده دوام ایلدی :

« موافقتکزی مشعر لطفنامه کزه نقدر تشکر ایسه مینه

« آذر . لیکن والدہ کنز خانمک موافقت ایتیشی وخستہ در !  
 « دیہ جواب ویریشی تکمیل تصوراتمی محو ایدیور !  
 « بربریمزی سودیکمز حالہ نیچون بویلہ آیلرجه حسرت  
 « قالہم ؟ سوکیلم ، سزہ برشی تکلیف ایدہ جکم . بوتکلیقم  
 « بردنبرہ فنا کورنیورسہدہ دوشنلیدیکی وقت یاکلش اولدیغنه  
 « حکم ایدیور . قاچہلم ، اوت سوکیلم ، قاچہلم ! واقعا سزک  
 « کی بر دختر پاکیزہ آشیانہ مادری ترک ایتک تکلیفندہ  
 « بولمقلغک نہ بیوک بر جنسایت اولدیغنی بیامز دکم ، لیکن  
 « اووالدہ سزک سعادتکیزی ایستہ میور ! .  
 « قاچہلم ، نکاح قیدیرر صکرہ ایکیمزده برلکدہ والدہمز  
 « خاتم افندیمنک اللرندن اتکلرندن اوپہرک عفو مزی رجا  
 « ایدرز اولزمی سوکیلم ؟ »

۔۔۔ خاندانندن

علی

نادیدہ بومکتوبی ده او قودقدن صکرہ دیدیکہ :  
 -- ایستہ افندم ، ایکنجی مکتوب ده یتدی . شمدی  
 اوچنجیسنی دکلیکز .  
 — رجا ایدرم . . .  
 — خیر افندم . دکلیکز . . .  
 — بشقه ایشم اولدیغندن محاورہنی یازیدہ براقوب  
 کیدہ جکمى مع التأسف عرض ایدرم .

— اویله ایسه بو مکتوبك مندر جاتی آغز دن سویاییم .

— لطف ایتمش اولور سکنز .

— افندم ، علی بك بو اوچنجی مکتوبی وئدهك

وقتندن صکره در . بو مکتوبنده والدم — که از دو اجزه

مانع ایدی — آرتق یشامدیغندن ازدواجی تکلیف ایدیور

ورد ایتمه مکتوبکی صورت مخصوصه ده رجا ایدیور دی .

ایشته بن سویایه جکار می بتردم . شمدی سز سویایکنز .

— مادامکه علی بك سزی سومش و س—ویور . سزده

آنی س—ومش سکنز . شمدی کندیسندن نیچون صغودیکنز ؟

چیرکینمی ؟ طبیعتیمی فنا ؟

— اوت ، علی بك یعنی زوجم انسانه بیقینلق ویریور .

بن او قدر سولکی ایسته م . باقیکنز سزنی بودر جهلرده تحقیر

ایتدیککنز حالده ینه سزی سویورم .

نادیده بو س—وزنی متعاقب قوللرینی آچهرق فؤاده

طوغری قوشدی . وهمده شوسوزلری سویادی :

— سوکیلی فؤاد ! کل مسعود اولدم ! هایدی بی

قوجاقلده باریشه لم . ایشه او وقت ماضی بی اونودیرز .

فؤاد الیه ، قوللرینی بوینده صارمش اولان ندیده بی

شدتله ایتهرک دیدیکه :

— خانم ، زوجکنز یعنی پدرم اشاغیده حالت نزعده در !

نادیده فؤادك بو معامله سندن غایت حدتانهرك و غایته  
متأثر اوله رق :

— خیر خیر ، سز کله یشایه جغم ! چونکه ، اولادك زك  
والده سئی یم !

فؤادك قولاقلری دیننده برطوپ باطلامش اولسه بوقدر  
بر تأثیری موجب اوله مزدی . اللریخی نادیده یه طوغری  
اوزاته رق :

— مرحمت ! مرحمت ! . — دیه باغردی . . .

دها بعض اقر دیلر سویلدیسه ده باشی آرقه طرفنه دوشوب  
بایبایویرمش اولدیغندن نه دیدیکی ایشیدلمدی .

نادیده ، فؤادك بایلدیغنی کورنجه دیدیکه :

— فؤاد ! شممدی انتقام صرهمسی بکا کلدی . بنی  
سومدیککی سویله دک ، الماس ، دیجه قزاردك ، نهایت ینه رد  
ایتدك آرتق انتقامدن بنی برشی منع ایده مز ! . . .

بوسوزلرینی متعاقب مکتوبلری چیقاردیغنی چانطه دن  
اوافاق برشیشه آله رق آغزینی چوزدی . .  
طیشاریده برکوراتی وار ایدی . . .

نادیده هیچ اهمیت ویرمیهرك فؤاده یاقلدشدی . باشنه  
کلن حالدن بیخبر اولان فؤاده خطاباً دیدیکه :

— ایشته ای متکبر ، حیاتك المده ، اوده شوشیشه  
ایچریسنده ! .

ملعون قیز! زهر جیلاکی تکرار اله آلمشیدی .

آغزینه زهر آقته جفی فؤادی بر مدت تماشا ایتدکدن  
صکره سویلیدیکی شو :

— دها پک کنج ، هایدی براقه یمده یشاسونلر ، الماسله  
مسعود اولسونلر . — سوزلر صانکه برسند مقامنه کچه جکمش  
کبی همان نادم اوله رق :

— بویله بر شینک وقوعه کله سی ایچون یانیم اولمکلکم  
پاخود ، دلی اولماغم لازمدر !

نادیده ، زهر آقتمق اوزره اکیلیدیکی وقت فؤاده  
قیه میهرق بر خیلی مدت دها تماشا ایتدی . کندیسنی غائب  
ایده رک فؤادک آلندن اویوردی .

طیشاریده کی کوراتی تزايد ایدوردی . نادیده بیله  
تعجبده قاله رق :

— بونه ؟ عجبا علی بک وفانمی ایتدی ؟ هر نه اولورسه  
اولسون ؛ اله شوفرست چکمش ایکن بوندن استقامی آلهیم !  
صکره صره الماس ایله قنبره کلسون !

فؤادک کلیدلتمش چکه لرینی آچق بر دورلو ممکن اولیوردی .  
نادیده او طه ایچنده بویله دلی کبی طولاشیرکن بقمه قیو  
آچیلوب الماس ایچری کیرم رک :

— والده جکم ، پدرم اویاندی سزی ایستبور . دیدیکی  
کبی آرقه سندن کله ن خلایق لرده :

— خانم افندی ، بك سزى ايستيور ! ديديلر .  
 نادیده فؤادى زهرليه مديكنه حد تلوب قابندن :  
 — هاى بكي عزرائيل ايسته سون ! ديهرك چيقدى كيتدى .

## — ۸ —

نادیده نك او طه سنده يالكنز قالان الماس : ابتدا كيرديكى  
 وقت كورمديكى فؤادى اويله ياناز كورنجه :  
 — آ..! ديه حايقردى . بوندن صكره مخزونانه ديديكه :  
 — بوراده نه آرايور ؟  
 الماس بيله قصقانمى او كرنمشيدى !  
 فؤادك اقردى سويله مديكنى كورنجه ياننه كيدوب سسلنهرك :  
 — فؤادبك ! فؤادبك !  
 الماسك بوسوزلرى فؤاده صانكه حياتبخش اولدى ! كوزلر  
 نى آچوب الماسى كورنجه قوللر نى اوزاتدى . . . . ايكي  
 كنجنك دوداقلرى برلشدى . . . .  
 بودقيته ده قيو يواشجه آچيلوب نادیده ايجرىيه كيردى  
 ايسه ده فؤاد ، يوزى قپونك طرفنه اولمديغندن كورمه مدى .  
 نادیده بو حالدن اودرجه متأثر اولدى كه دوشمه مك ايجون  
 ديواره طيانمغه كنديسنى مجبور كوردى .  
 على بكك ايسته ديكي صويي ويرمش وزواللى خسته ده اويويه  
 قالمش اولديغندن — الماسك او طده قالدیغنه دقت ايتديكى

جهتله — اوطهده يالکيز قالمش ظن ايتديکي فؤادک ايشنى  
بتورمکه گمشیدی . قپودن کیردیکی وقت فؤاد ، قوللری  
آراسنده کی الماسه :

— آه الماسجغم سنی نقدر سوییورم ! پدرم اولنمکاکمزه  
مساعده ایتدیکی جهتله انشاءالله ابو اولدینی وقت دوکونمزی  
یپارز — دیوردی .

فؤادک بوسوزلرینه الماس جواب ویرمهدن اول نادیده :  
— انشاء الله فؤاد بك !. دیدی .

فؤاد بوسوزدن ییلدیرمله اورلمشه دوندی ، الماس قیزارق  
طیشاری قاچدی . نادیده قابندن :

— آه ! برکزه دها بابیاسهك !. — دیوردی .

فؤاد ، المارینی قاوشدرمرق نادیدهیه باقیوردی .

نادیده برتبسم ملعونانه ایله دیدیکه :

— سزى راحتسز ایتدیکمندن طولانی عفو می رجا ایدرم

افندم . . . برپارچه ایرکن کلدن ! . . .

فؤاد حدتلمهرك دیدیکه :

— عفو ایدرسکز افندم !. افترا ایدیورسکز ، بنی نهظن

ایدیورسکز ؟

نادیده حالا اوطور ایبایسانه سیله :

— چوق شی ! سزبنی معصوم ایکن اغفال ایتدیگز می ؟



فؤاد بوسوزدن بتون بتون حدتانبوب اختیاری ده النده  
کیده رک دیدیکه :

— خاتم افندی ! بن سزی اغفال ایتمدم . بلکه سزی بن  
اغفال ایتردیکیز . سزی بنی محل ملاقاته دعوت ایتردیکیز ، بن  
سزی پنجره ده کوروب باقش ایدم . سزک وظیفه کیز ، مقتضای  
عفت پنجره دن چکیلوب کیتماک ایدی . حالوکه سزی بویله یامد  
یکیز ! بالعکس بکا بر طاقم اشارتلا ایدهرک کوکلی جذب ایترد  
یکیز ، دها طوغریسی : چالیدیکیز ! بنده سزدن قلبی استرداد  
ایتمدم ، بر معصومه ویردم . بنی نه حق ایله تعیب ایدیورسکیز ؟  
نادیده اصلا حدتانبوب صغوق قانلیلقله دیدیکه :

— سزی نه حق ایله تعیب ایتردیکیمی می صوریورسکیز  
افندم ؟ چوجغکزک والده سی اولق حسبله !  
بوسوز فؤادک قوتنه خیلی خال کتیر دیسه ده ینه دوام  
ایده بیله رک :

— ایشته بو حال سزک بر قاندها شی . . . اولدیغکزی  
انبات ایدر . هانیا چوجغم ؟

— بنی بو قدر صافدلی ظن ایدیورسکیز . بن اوچوجنی  
سزه قارشى برسـالاح مقامنده استعمال ایده جکم . یابنی تزوج  
ایده جکسک یاخود الماسی آله میه جقسک !

— خائن ! چوجغمک یرینی سویله ! یوقسه پدر معنویه مک  
زوجه سی اولدیغکی اونترم ها !

نادیده بوته‌دیده قارشی تبسمله :

— یاخود ، اسکی سوکیلم اولدیغکی اونتیرم دیه سویله یکنز .  
افندم . اوزون لافک قیصه‌سی : بنی تزوج ایده جکمیسنکز ؟  
ها ! باقک شونیده سویله‌یمکه سزی بودرجه اجبار ایدیشم  
محبتمدن ایلری کلیور . شمدی سزی اصلا سومیوره ...  
فؤاد منونیتله دیدیکه :  
— ای او حالده ...

نادیده لقر دیسنه دوامله :

— منون اولمیکنز ، چابوجق چوجقار کبی سونیمیکنز !  
شمدی بن انتقام آله جغم ا کلا دیکزمی ؟ بن ، هر سویله دیکمی ،  
هر ایسته دیکمی اجرا ایتدیرملی یم ! بن بو قدر کوزل اولدیغم  
حالده بنی ردایتدک ، ایسته انتقامه سبب بودر !

فؤاد کال حامله بوسوزلره قارشی شو جوانی ویردی :  
— سکا آجیرم ، سوکیلی نادیده ! سوزلرمی ایی دکه :  
بن سنی سودم همده زیاده سیله سودم او کیجه یعنی مایسک اون ایکنجی  
کیجه‌سی ! یمین ایدرمکه او کیجه سکا بر او یون اوینامق نیتنده  
دکلم . بکا قارشی سـالـاح استعمال ایده نلرک کیم اولدقلری  
بیلمم !

سنکده تحقیق ایتدیکنک وجهله قنبر ورفقاسی بنی قورنار -  
دقدن صکره جریحهم شدتلی اولمدیغی جهته یالکنز ایکی کون  
خسته یاندم .

بن ، هر نقدر اورایه . یعنی سزك اوه كیتك ایسته دمسه ده  
قبر و ایکی آرقداشی بی منع وعادتاً جبر ایتدیلر . اللرندن  
قورتلنهك امكانی اولمادیغی ایچون چفتلکه کیدملمده اورادن  
قاچوب کلیرم دیه قرار ویردم . لیکن چفتلکده بئم آرقه می  
هیچ بر اقیه رق دائماً تعقیب ایتدیلر .

علی بکک یعنی پدرمک اولنمه سی مسئله سی اورتیه چیتدی  
بز بویله بر شیئه هیچ منتظر اولمادیغمزدن تعجب ایدرک علی  
بکدن ایشی صورددق سنک اسمکی سویلینجه نه حاللره دوچار  
اولدیغمی سن تفکر ایت ! . . . .

نادیدهك قلبی یواش یواش یومشایورایدی . فؤاد بوراده  
طورمش اولدیغندن نادیده دیدیکه :  
— اوت ، دوام ایدکز .

— قنبر ، سنک بی س—ودیککی بیلدیککی جهتله بو ایش  
یالکیز علی بکک خلیا—ندن عبارتدر ظنیه . سزی سودیککی  
نهدن بیلورسکز ؟ دیه علی بکه صورددی . دکلیورسکز ؟  
— اوت ، اوت ، دوام ایدکز .

— آه نادیده ، بوزمان کچن بر ایکی ثانیه ده دوچار  
اولدیغم خاجانی ممکن دکل تعریف ایدم سعادتم ، فلاکتم عنی  
بکک سویلیه جکی بر کلمیه منوط ایدی . علی بک قنبره جواباً  
حالا قولافلرمده طنین انداز اولان :

— مکتوبلریله ! دیدی ، و بو سوزینی اثبات ایچونده  
 سنک مکتوبلرکی چیقاردی . بنم حقیقه آجینه جق بر حاله  
 کلدیکمی کندیم بیله حس ایدیوردم . چونکه سنکله اولان ماجرا -  
 مزى سويله سه م . اینا نیمه جنى محتمل اولدیغی کبی بو سوزمی  
 اثبات ایچونده بکا یازدیغک مکتوبی یا قش اولدیغمدن هیچ  
 بر اماره م یوقدی . علی بک ، بنده سنی سودیکمی و کندی  
 الندن آلق ایچون بویله بر حیلده ده بولندیغمی ظن ایدم جکدی  
 نهایت سنی آله جق ، صکره بندن قصقانه جق و ایشک سو -  
 کندمه ده مطابق بر فاجعه ظهور ایدم جکدی .

اگر بنم لقر دیلر مه اینانه جق اولور سه — سنی فوق العاده  
 سودیکی حالندن بللی اولدیغی ایچون — تاف نفس ایدم جکی  
 شبهه سز ایدی .

علی بکه هیچ بر شی سويله سه م ، بکا یازق اوله جقدی ،  
 سعادتیم ، او طانی امید لرله بکلدیکم استقبالم محو اوله جق ایدی  
 شدت یأسدن بنده اتحار ایتمکلکم مأمول ایدی . یعنی : علی  
 بکک سعادت ایچون کندی قلبمی بناء علیه حیاتی محو اتمک  
 لازم کایوردی بن بو فدا کارلغک اجرا سندن کیری طور مدم  
 چونکه علی بک بنی اولوم دن ، یعنی آغاج قوووغندن قور تارمش  
 او قوتمش ، اولادی کبی تربیه ایتمش ایدی . بن بو فدا کارلغی  
 اجرا ایتسه م ، تحصیل ایتدیکم او دروس فضیلت محو  
 اولیه جقمیدی ... ؟

ایشته بورالزینی عریض و عمیق دوشوندم . نهایت کنندی  
استقبالی محوہ قرار ویرہرک او و جہلہ حرکت ایتدم .

انسان ، نقدر اولسہ ینہ انسایدر . نقایص بشریہ پک  
چوقدر . بونلریده بیلدیگمدن سنی شاید هر کون کورہ کورہ  
صبر ایدم . پدرمہ خیانتدہ بولنورم فکریلہ بوراسنی ترک  
ایدہرک دیگر بر چفتلکہ کیتدم واورادہ اولومہ منتظر اولدم .  
ایشته افندم ، بن سزہ هر شیئی اکلادتدم . شمعی سز  
حکم ایدکنز .

— بالعکس سوکیلی فؤاد! سن بکا بنی سودمیہ جکئی اکلاد  
تمیوب سودیکئی اکلادک! بنی نیچون تزوج ایتیورسک؟ بن  
بونی اکلامق ایتیورم .

— اوراسنی دخی اکلاتمیم : چفتلکہ مواصلتمدن برخیلی  
کون کچمشدیکہ پدرمہ یازدیغم و جہلہ مزارلقدمہ الماسہ راست  
کلدم . . .

— بیلورم ، دوام ایدکنز .

— ایرتہسی کون اولادلغہ قبول ایدوب ایتیمہ جکئی  
پدرمدن استفسار ایتمشیدم . سزک یازیکزلہ موافقت جوابی  
کلدی . . .

— اوت . . .

— حالوکہ بن آرتق المالی سومشدم . . .

نادیده نك طورنده علام حدت كور ملكه فؤاد دیدیکه :

— طاریایورسکز . بن سزه حقیقتی سویایه جکم . سز  
 بویله آرزو ایتدیکز . . . .

— دوام ایدکز . . . .

— الماسی سوممکلمه پك چوق سیلر واردی : سزی  
 آرتق بتون بتون غائب ایتدیکمـدن کوکلی بر حزن استیلا  
 ایدیوردی .

— تصدیق ایدرم ، چونکه کلین کونی قنبرك قوجاغنه  
 کندیکزی آتیویرمش ایدکز ! . . .

فؤاد هیچ لقر دیسنی کسمیه رك دیدیکه :

— الماسك حالی ، دهـا مزارلقدہ نظر دقتمی جاب  
 ایتشدی . سزه پك زیاده بکزه دیکی جهـتله کوکلده یکیدن  
 امید پیدا اولمغه باشلدی . آه ! امیدسز انسان نه فنا ایش !  
 دنیا نظرنده بر اشکنجه کبی کورینیور ! . . . آه ! اویله زمانلر  
 اولدیکه ، ابعاد نامتناهی کبی درینلشمش اولان اوچورملردن  
 اشاعی کندیمی آتمق ایستردم .

الماسی مزارلقدن آلوب کویه کتیردیکم کونك فرداسی ،  
 جهـان ایکی مکتوب کتیردی . بریسنك سزدن اولدیغنی  
 سویلینجه قوه سامعه مک دوچار تغایط اولدیغنی ظننده بولندم  
 لکن ، بو ، بر حقیقت ایدی ، ابتدا علی بکك مکتوبنی او قودم .

او مکتوبده سنک مدحک اکا درجه صداقتک یازلمشیدی .  
 حالبوکه واسطه خیانتک اولان مکتوبک یامده طور یوردی !  
 بن علی بکک سعادتق ایچون کندی استقبالمی محو ایتدم ،  
 بو قدر مشقتلر چکدمده سن آنلرک هپسنى بوشه چیقاردک ،  
 بنی بو قدر تعذیب ایتدکده هپسنى بر هوا اولدی ! . . . ایشته  
 بونلر ، سزدن سبب تنفرم اولدی . . . بنی حالا سودیکیکزه  
 ممنون اولدمنسه ده طاتلی دیللرله خیانتسه سوق ایتدیکیکزى  
 کورنجه عادتاً انسانلقدن نفرت ایتدم . . .

نادیده کمال انفعال ایله :

— دوام ایدکز ! . — دیدی .

— سوزلرمی آچیقجه سویلیهیم : مکتوبکز سببندن  
 سزدن نفرت ایتدم . آه ! بوسودا کزى اونتمقده الماسکده  
 پک چوق دخلی واردی ! . . . سزه پک زیاده بکزدیکنى یوقا-  
 ریده ده سویامشدم . ایشته بونکچون اسکی عشقمزه حرماً  
 آنی سودم .

حتی یازدیغم مکتوبه کوندردیککز مکتوبى بیله لف ایتشدم .

نادیده کمال حیرتله دیدیکه :

— اعاده می ایتدیکز ؟

— اوت اقدم .

— بونلر سزى تزوج ایتمکله که مانع اوله مز . چونکه

الماس حقنده محبتنم قدر شدید اولورسه اولسون ، سزك ناموسكزی اكل اتمكه واو سوکیلی چوجغمزه اولادم ! دیمكه مجبورم . . .

نادیده بك زیاده سـوینوردی . لکن بوسـعادتی چوق امتداد ایتدی . چونكه فؤاد لقر دیسند دوامله دیدیكه :  
— لکن بورایه مواصاتمده سزالماسی آلوب طیشاری چیقار .  
دیغکز وقت علی بك بنی یانه چاغردق : فؤاد ، سوکیلی اوغلم ، خطابیله کنیدیسی اولدکن صكره سزی تزوج ایتد .  
یرمیه جكمه والماسی آلهرق اویتیمه نی مسعود ایده جكمه حضور حقدہ یمن ایتدیردی . . .

نادیده بوسـوزلری ایشتمهك ایچون صـاغر اولق ایستیوردی ! . . .  
. فؤاد دوامله :

— شمدی اکلادیكزمی اقدام ؟ . . پدرم هم برحیاتدر .  
همده ویردیكم یمنه رعایت لازمدر .  
نادیده شدتله دیدیكه :

— الویرر افندی الویرر . بكا قیصه برلقردی سویلیکزر .  
سز بنی تزوج ایده جكمیسكزر ، ایتیه جكمیسكزر ؟

— پدرم برحیاتدر ، ایولكه یوز طوتمشدر . . .  
— بواعراض دكل ، علی بك شمدی اوله بیلور ! ؟ . .



فؤاد ، نادیده نك مرا منی اكلامیه رق یوزینه باقدی . نادیده  
شدتله دیدیکه :

— دها بشقه برسویله جککز وارمی ؟

-- ویردیکم یمین ...

— دیمك اولیوركه الماسی تزوج ایده جکسکز ؟

— اوت ، بالجبوریه !! ..

نادیده بك زیاده حدتله نرك :

— پکی ! کندی کزی ای محافظه ایدکز ..

فؤاد ، قضایه رضا ! مقامنده باشینی اکدی ..

— اولاد کزه ، ثمره محبتمز اولان بچاره یاورنجغه

آجیمدیغکز ایچون بك آلچق بر آدمسکز !! ..

فؤاد ینه باشنی اکدی .

بواننده اوطهیه بر خالایق کیره نرك :

— یمكه بیورکز اقدم ! دیدی . وبووجهله موجب

نقرت اولان بو محاورهیه ختام ویرلدی !! ..

یمك سسسزجه یندی . بعدالطعام فؤاد ، بوغازینی دمیر

چنبرلرله تضیق ایتدکاری ظن ایتدیکی حرم دائره سندن طیشاری

چیقوب — بر آغاجك دینده اوتوردیغنی کوردیکی — قنبرك

یانه کیتدی . قنبر فؤادی کورنجه همان دیدیکه :

— نه اوفواد ؟ .. یوزك صولمش !! .. چفتلكه سن ایو

اولق ایچون کیتدك ایدی .

— برشی دکل .

— نصل برشی دکل ؟ مزاردن چیقمشه بکزیورسک ! .

— بویه باقدیم ایچریده نه فورطنه لر اولدی ؟ بویه برملاقانک  
سکچون نقدر آجی اولدیغی بیلیرسه مده منعه موفق اوله مدم .

— نصل اولسه ، مطلق وقوعه کله جکدی .

— نادیده نه طورده بولندی ؟

فؤاد ، نادیده ایله بینارنده سبقت ایدن اوزون و حزن  
انکیز محاوره نی تمامیه قنبره اکلاندی . . قنبر حیرتله کندیسینی  
دکلیوردی . . قنبر ، بیان ملاحظه یه وقت بولمده دن فؤاد دیدیکه :

— اوزاقدن برشی کلیور . کوریورمیسک ؟

— هانکی طرفدن ؟

— شورادن جانم ، مملکت یولندن .

— ها ! کوردم . عجبا ندر ؟

— بیلیم . . طور یاقلشیور . . او ! ! بر آراهه ! .

بونک اوزرینه قنبر دیدیکه :

— برشی دکل ، مسافر کلیور . .

— صیق صیق کلورلرمی ؟

— اویله اولمق لازمکه جک چونکه دها دون کیتدیله . .

علی بکی یوقلامغه کلشاردی .

اوزاقدن ورودینی < کوردکلری آراهه کمال شبات ایله

چغتایک بیوک قپوسندن ایچری کیردی ... قپوسی آچیلوب  
طیشاری یه بردلیقانی چیقدی .

قنبر ، کلهنی طانیهرق دیدیکه :

— او !! خوش کلک عمر ؟

— خوش بولدق آتا !

— خیر اوله ؟ دون بوراده ایدک . .

— امان لقردی یه طالمیم . خانمک تیزهسی دون کیدر

کیمز پک زیاده خسته اندی . خانمی ایستیور . یایتیشور ،  
یایتیشه مز ! .

قنبر بو خبری خالیقلرک بریسنه سویلهدی .

نادیده بو خبره پک زیاده قیزدی . او یله یا ! هیچ اولمزه

ایکی کون ایشی تاخیر ایدیوردی .

حاضرانوبده علی بکک یاننه کیردیکی وقت علی بک

کوزلرینی آچهرق دیدیکه :

— بریره می کیدیورسک سوکیم

— شمدی بر آرابه کلش تیزه پک فنا حالد خسته لشم

اولدیفندن بنی ایستیورمش . مساعده کز اولورسه کیده جکم .

بونک اوزرینه علی بک محزونانه دیدیکه :

— بنده حالت نزعدهیم . آم نادیده ! سنی کورمه دن

اوله جکم ظن ایدیورم . . .

— الله امانت بکم ، کوندن کونه ایلاشیورسکز . بن

تنبيه ایتدم ، شمدی لاپه کزی کتیره جکار آنی بیه باغایه جقلر .  
وجعی تخفیف ایدیور دکلی بکم ؟

— اوت ، باخصوص سنک الکه اولورسه !

نادیده کولمه مکله اکتفا ایلدی .

— کیت نادیده جکم ، تیزه کی کور . بن بو قدر خودبین

اولیهیم . رجا ایدرم غایت چابوق کل .

— ممکن اولدینی قدر سریع کیمکه غیرت ایده جکم بکم .

— فؤاد نرده ؟

— طیشاریده در .

آرابه نك ورودندن یارم ساعت صکره نادیده شهیره

متوجهما عزیمت ایدیوردی .

قنبر آرابه نك آرقه سندن باقهرق دیدیکه :

— آه شو قادین ! نقدرده طاش یورکلیدر . شبهه سز

سکا ، یاخود الماسه بر فئالق ایده جکدر .

— اما یاپدکها !

— نه ظن ایتدک یا ؟ سکا سویله مدیمی ؟ کوشکی کیم یاقدی ؟

علی بکی بو حاله کیم دوچار ایتدی ؟

بر خدمتچی کلوب علی بکک فؤادی ایسته دیکنی خبر

ویرنجه بو محاورهیه ختام ویرلدی .

فؤاد ، ایچرییه کیتمک ایچون ایاغه قالقدینی وقت دقتلیجه

باقش اوله ایدی ، آغاجک یاننده کی اوتلرک وچالیرک آره -  
سندده جهانک یعنی اوسته ایبوشک صاقلی اولدیغنی کورر  
ایدی ! .....

..

ایبوش ، یانغین کیجه سی قنبردن چالمش اولدیغنی کندی  
مکتوبلرینی یاقدقدن و محسنه ، نادر بکه یازمش اولدیغنی مفصل  
مکتوبی تسلیم ایتدکدن صکره قابه سنه عودت ایدوب راحتجه  
بر اویقو او یومشیدی .

اویاندیغنی وقت کیجه اولمشیدی . یوزینی ییقایه رق بر  
اسکمله اوزرینه اوتوردی و قیصه چپوغنی طولدیره رق توتد -  
یرمکه باشلدی .

ساعت یدی بچق واردی . قنبردن مکتوبلری تکرار  
آلدیغنی ایچون پک زیاده کیفانیور وشویله سویانیوردی :  
— کیم بیلور منحوس حریف نقدر قیزمشدر ! بدلا ،  
هیچ انسان مکتوبلری میدانده براقورمی ؟ بنده بوراده کی  
وضعیتم کیتدکجه نازکلیشور . . قنبری نظردقتدن هیچ دور  
طوتماملی بم . بویانغین - بیندن فؤاد البته بورایه کله جکدر ،  
نادیده ایله کوریشه جکلردر . یا بنم مکتوب مسئله سی میدانه  
چیقارسه ؟ یاقنبر اوقودینی ومؤخرأ اوطه ده براقدینی مکتو -  
بلردن برشی اکلا دیسه ؟

آدم سنده ! قنبر او قومق بيلورمى ؟

ايبوش بويله مطالعاهلرله صباحه قدر قبونك او كنده  
اوتوردى . . . ايرته مى كونده فؤاده كنده جك اولان  
مكتوبى قنبر كنديسنه ويرمديكيچون حدتانه دى . قنبره  
راست كلديكى وقت قنبر :

— سن دها يكي كذب كنندن بو سفركى مكتوبى عثمان ايله  
كوندردم . — ديدى

ايبوشده جواب اوله رق :

— تشكر ايدرم قنبر ، ليكن ينه كيدردم . .

بو ايكي كشي يكديكرينه قارشى كوزل براويون اوينا يورلر .  
عجبا كيم غالب كله جك ؟ بوراسنى بزه حكايه مزك ايلريسي  
كوستره جكدرد ! .

ايبوش ايله قنبر بوروللارنى اودرجه مهارتله اوينا مشلر  
ايديكه قنبر كندى كندينه :

— عجبا كورديكيم شيلر رؤيامي ؟ عجبا نأديده ايله كوريشهن  
وفؤاده مكتوب كوتوردن جهان بومى ؟ . نقدردنه متاقى وار !  
قباحتلى اولسه بوكا موفق اوله مز ، قارشومده تترردى .  
مكتوبلريده بلكه فاميلياسينه عائد بر سريدر ! . . . ديديكى كبي  
ايبوشده كندى كندينه :

— چوق شى ! قنبرك حالى كودجه مكتوبلرمك

کنندسی طرفدن چالیدیغنه اینانیه جغم کایور ! نقدرده  
ماتتی وار !

دیمشدی .

او کونده بویلهجه مرور ایتدی : قنبر ، ایبوشه التفتات  
ایدیور ، اوده مقابلهده قصور ایتمیوردی . ایکسیده بربرینک  
آغزندن لقردی قایمق ایستیور ، ایکسیده موفق اوله میورلرده  
قلبلرندن :

-- وای ملعون ! آغزندن هیچ برشی قاجیر میور .  
دیورلردی ! !

ایرتسی صباح ایبوش فؤادک کلدیکنی کورنجه :  
— ها ! ! شمدی کوزلرمی آچلی یم ! دیدی .  
قنبر ، فؤادله قوجاقاشدقدن صکره بر آغاجک آلتنده  
اوتورمشدی . ایبوش ، تابر چاریکک مسافه دن طولاشه رقی  
یواش یواش قنبرک آرقه سنه صوقلدی . کندی کندینه :  
— یا لقردی ایده جکلری وقت بورادن قاتقرلرسه ؟ دیه  
کدرلنیور وبوکاده جواب اولمق اوزره :

— نر دیه کیده جکلر دیور وبویلهجه متسلمی اولیوردی .  
وقت کچدکجه قنبرکده ، ایبوشکده جانلری صیقایوردی .  
— یمکه ! یمکه ! ندالری اوزرینه قنبر قاتقوب کیتدیکنندن  
ایبوش کنندیسینی ایجه صاقلیه رقی :

— بختمه ! بورایه کلورلرسه قزانیرم . کلزلرسه شهلی !

دیوردی .

براز صکره قنبر تکرار کلهرک یرینه اوتوردیکه ایبوشده

طویه طویه بر :

— اوه . . . — دیمشدی . . .

بریارم ساعت مرور ایتدکن صکره فؤاد کلهرک قنبر

ایله لقردی ایتدیلر .

ایبوش ، معلومز اولان نادیده ایله فؤادک محاوره سنی

کوزلجه دکلهدی ده یواشجه دیدیکه :

— بزه ینه ایش چیقدی غالبا ! فؤاد نادیده نی رد ایتمش .

بوصباحکی کتیردیکی قیزی سودیکنی اقرار ایتمش . و آنی یعنی

الماس خانمی المقده اصرار ایتمش ، نادیده ده کنندنی صاقن

دیمش ! باقلم نه اوله جق . .

آرابه نك کلدیکنی کورنجه مراق ایتمش و :

— عجبا بونه اوله جق ؟ دیمشده قنبر ایله شهردن کلن

عمرک لقردیلرینی ایشتدیکندن مطمئن اولمشدی .

فؤادی کلوب ایجرییه چاغردقلری وقت صورتی ینه

آصدیسه ده قنبرک یرندن قالمیدیغنی کوره رک منون اولمش و :

— بویله صاقنوب دکله مک چوق اینی شی ! واقعا پک

اهمیتلی شیلرا کلایه مدمسه ده ینه هر حالده فائده دن خالی اولمدی !



دیمشیدی . بر مدت صکره فؤادك تکرار طیشاری چیقوب  
فؤادی چاغردیغنی و بر از قونوشد قدن صکره ینه ایچری یه کیر .  
دیکنی و قنبرك کویه طوغری کیدوب یکر می دقیقه صکره ایکی  
کشیمه عودت ایدوب آنلرله بر لیکده ایچری کیردیکنی و صکره ده  
چیتد قلرینی کوره رك پك زیاده تلاش ایتمش و کندی کندیسنه  
شونی حکم ایتمشدی :

— علی بك اولمش اولمایدیر ! . طوغریسی یا ، هیچ برشی  
اکلایه میورم . فؤادی ، علی بك نه یاپه جق ؟ صکره چیقوب  
قنبرله قونوشدیلر . عجباً نه لقردی ایتدیلر ؟ قنبر کویه طوغری  
کیدوب ایکی آدم کیتوردی . بونلر نه اوله جق ؟ .  
ایبوش پك زیاده مراقده قاهره ق نتیجه احواله منتظر  
قالمش ایدی ...

## — ۹ —

قنبردن آیریلان فؤاد ، علی بكك چاغرمسی اوزرینه آنك  
یاننه کیتمشدی . علی بك فؤادك ورودینی **ك**ورمسی  
اوزرینه ضعیف برسسله :

— اوغلم ، یاننه یاقلمش ، سسم چیتیمیور . سنکله ینه بعض  
شیلر قونوشه جغم . — دیدی .  
فؤاد مراقده قاهره ق و علی بكك یتاغلك یاننه اوتورده ق  
دیدیکه :

— سزی دکیورم پدرم .

علی بك قیصیق بر سسله :

— او غلم ، متانتکی محافظه ایله ، جدی شیلردن بحث  
ایتمککمز لازمکلیور .

فؤاد جوب ویرمیهرك علی بكك یوزینه باقدی . علی بك  
لقر دیسنده دوامله دیدیکه :

— سوکیلی او غلم ، بیلرسك كه بن سنی بك زیاده سویوزم .  
چوكلکندن بری سنی اولادم کبی بیوتم . . . .

— اوت پدرم ، لطفکیزك . . . .

فؤادك لقر دی سویله مسنه میدان براقیهرق :

— لحاف لقر دیسنی اورتدن قالدير . وقتنر طاردر ایجه

قنوشه لم .

— بیورکیز اقدام .

— سکا جیب خرچانی ویردم دکیلی ؟

— اوت پدرم ، همدہ مع زیاده .

— هیچ زیاده دکلدز . هر نه ایسه سوزمی دکله : بن

وقات ایدرسه م نه یاپه جقسك ؟

فؤاد فی الحقیقه یشارمش اولان کوزلرینی سیلهرك دیدیکه :

— سوکیلی پدرم ، نیچون خاطرکیزه بویله شیلر کتیر .

یورسکیز ؟ الحمد لله دها بك کنج اولدیغکیز کبی یارملر کزده

ایولکه یوز طوتمشدر . دها بك چوق سنه لر یشارسکیز . .

— بونلری صورمیورم . همان دیدمسه اولمدی یا !  
فؤاد محزونانه :

— نه یابه جغم پدرم ؟ سز اولمدقدن صکره بن یشایه بیلور  
مییم ؟ .. بنده اوله جکم !

— خیر اولادم ، سن یشایه جقسک . وعد کی اونیتیور-  
میسک ؟ سن الماسی تزوج ایده جکسک ، نادیده نی اولمکدن  
واز کچیره جکسک .. صباحکی نادیده ایله محاوره سی فؤادک  
عقلنه کلدیکندن سکوت ایدوب اوکنه باقدی .

علی بك یواش یواش دیدی که :

— بن اوله جک اولورسه م بیلیرمیسک که ثروتمدن سکا  
هیچ برشی اصابت ایتمز ..

— سوکیلی پدر جکم ، بویله شیلری خاطر کزدن  
چقارکز ..

— خیر اولادم ، بالعکس بونلری دوشونمک لازمدر .  
بن وفاتمدن صکره سوکیلیلرمی سفیل براقق ایستهم ! . اون  
ایکی دانه چقتلکم اولدیغنی بیلورسک دکلی ؟ .

— اوت پدرم .

-- بونلری زوجه مه ترک ایده جک اولسه م کندیسیده  
بك زیاده صاحب ثروت اولدیغندن حقسنزاق ایتمش اولورم .  
ثروتمک ثانی : سکا ، ثلثی : الماسه : ثلثک اوچده بریسنی

نادیده جگمه ، قالان مقـدارك نصفنى قنبره و نصف ديكري نـيده  
بو چقتلـكده كى خدمه يه ترك ايده جگم . .

فؤاد جدى بر طوق كوزليلـكـه ديدى كه :  
— ليكن ، حقسنزلق ايتـمش اوله جقسـكـز . .  
— نه دن ؟

— چونكه والده مه ! . يعنى سوكيلى زوجه كـزه — نسبـتـله —  
پك آـز بر مقدار ترك ايديورسـكـز . . هم بونلرك هيـيـچ لزومـيده  
يوقدر . سزدها پك چوق سنه لر يشايه جقسـكـز . .  
— او غلم . يشامنى بنده ايسـتـهرم . بنم دوشونديكم :  
يا اولورسـهـم ؟ .

فؤاد ويرهـكـ جواب بوله ميهـرق اوكنه باقـدى . على  
بك دوامله ديدى كه :

— بن هيـيـچ حقسنزلق ايتـمش اولم . ناديدـه جگم ، ديدـيـكم  
كـبـي پك زياده زنـكـيندر . بن سنكده زنـكـين اولمـه كى ، مملـكـتـك  
اشراقندن صاييلهـرق وطنـكه بيوك بيوك خدمتـلـر ايتـمه كى آرزو  
آرزو ايدرم او غلم . شمدى مرادمى اكـلـادكـ يا ؟  
-- اوت پدرم .

— پكى ! كيت اويله ايسـه قنبره سويلـده كويـك امامنى  
ودهـا بر كـشى يى آلـوب كلسون .  
— نه ياقـمـق ايچون ؟

— هايدى سن بنم سويلـه ديـكمـى ياپ !

— پکی افندم .

ایشته بوامر اوزرینه فؤاد طیشاری چیقمش و علی  
بکک سوزلرینی قنبره تنبیه ایتشیدی .

فؤاد علی بکک یاننه عودت ایتدیکی وقت خسته صورتی که :  
— دیدکلمی یایدیکمی اوغلم ؟

— اوت پدرم مستریح اولکیز .

برازصرکه خالایغک بریسی کله رک قنبر آغانک ایکی کشیله  
برابر ایچری کیرمک ایتدیکنی سویله دی . علی بکده جواباً :  
— کیت چابوق آنلری بورایه کتیر .

آزاجق صکره قنبر ، کوی امامی ، وکویک معتبرلرندن  
بریسی ایچری کیره رک علی بکه سلام ویردیار .

قهوه لر ایچدکن صکره علی بک فؤاده خطاباً دیدی که :  
— اوغلم ، ماصه نک اوزرنده حقه قلم وار . کاغده  
آلده کتیر .

فؤاد علی بکک ایتدیکنی اجرادن صکره :

— کتیردم پدرم .

— شمدی اوتورده سویلیه جکلمی یاز .

— یازیورم افندم .

علی بک برپارچه اوکسوره رک صواچدکن صکره :

— حاضر میسک . دیه صورتی .

فؤاد ده جواباً :

— سويليكنز پدرم . دیدی .

— باعث . . . . . ترقیم . . . وصیتنامه اولدزکه . . . بن . . .  
 یعنی . . . . . شهرینک . . . اک قدیم خاندانندن . . . اولان . . .  
 علی بن تیمور بك . . . عقلم باشمده . . . فیکرم یرنده اولدینی  
 حالده . . . . . آئیدهکی مادهلرک . . . وفاتمدن صکره . . . اجرا  
 اولمنسی . . . اولاداغم فؤادمه . . . وصیت ایدرم . . . اولا . . .  
 اون ایکی چفتلکدن . . . عبارت اولان ثروتم . . . اوچ قسمه  
 آریله جقدر . . . . . ثانیاً . . . بر قسمی کندیسنه . . . یعنی  
 اولاداغم فؤاد بکه . . . عائددر . اکا . . . ثالثاً . . . ایکنجی  
 قسمی . . . . . ینه آخرت اولادم . . . الماس خامه . . . هبه ایدرم .  
 رابعاً . . . . . ثروتمک اوچنچی قسمی . . . دخی . . . اوچ قسمه  
 آریلهرق . . . . . بریسی زوجهمه . . . عائد اوله جقدر . . . خامساً  
 ثروتمدن قالان مقدارک . . . نصفی اک صادق . . . آرقداشم  
 قنبر اغایه ترک و هبه . . . ایدرم .

سادساً . . . . . دیگر نصفی دخی . . . بو چفتلکدهکی . . .  
 خدمهیه . . . . . هبه ایدرم . . . سابعاً . . . کرک ترکدن حاصل اولان  
 و کرک موجود اولان . . . . . نقودم واسطه سیله . . . بو چفتلکک بولند  
 یعنی کویده . . . کوزل بر مسجد شریف . . . انشا ایتدیر یله رک . . .  
 آنک مصارفنه قارشواق . . . اولمق اوزره تارلا . . . آله .

جقدر ... و بونك متوليايكي ... دخی امام رضا افندی ...  
 سالا له سنه عاڻد ... اوله جقدر ...

علی بك بوراده سكوت ایتدیکندن فؤاد :  
 بیتدیمی افندم ؟ — دیه سؤال ایلدی .

— خیر اولادم ، یورلدیغمدن صوصده . سن یازدکمی ؟  
 — اوت پدرم ،  
 — او قوباقهیم ..

فؤاد ، یازیلان وصیتنامه نی او قودقدن صکره علی بك  
 دیدیکه :

— شمدی برده ذیل یاز .

— پکی پدرم ، سویلیکیز .

— شاید ... فؤاد بك ... ایله ... الماس خانم ...

تزوج ایتیه جك اولور لرسه ... کیم موافقت ... ایتمه مشسه  
 او ... میراثمدن محروم اوله رق ... اورادن قالان پاره ...  
 ایله ... شهرده ... چشمه لر یا ایله جقدر ... شاید ...  
 فؤاد بك و یاخود ... الماس خانمدن بریسی ... معاذالله ...  
 وفات ایدمه جك اولور سه ... حصه سی ... فؤاد بکه ...  
 یاخود ... فؤاد بکیکی الماس ... خانمه انتقال ایدمه جقدر .

بونلرده یازلدقدن صکره علی بك دیدیکه :

— آرتق یازدیر یله جق برشیم قالمدی . آغالر ! سزده

شاهد اولک ! آغزدن بردفعه دها سویلیهیم :

میراثك ثلاثی ، فؤاده ، ثلاثی الماسه ، قسم دیکرینك ثلاثی  
 زوجهمه ، ثلاثینك نصفی قنبره ، نصف دیکری بورادهکی  
 خدمتجیلره عائد اوله جقدر . نقود موجودهم ایله ترکهمدن  
 حاصل اولان پاره دن برمسجد شریف و آئی اداره ایده جک  
 ایراد یاییله جق و متولیلدیکی ده بوراده حاضر بولنان امام رضا  
 افندی سالالهنه عائد اوله جقدر . اکلا دیکزمی ؟  
 — اوت .

— فؤاد اولادم ، کتیرده امضا ایدیم  
 — بیورک .

علی بك امضالدقن صکره دیدیکه :  
 — بووصیتنامه کیمسه یه سویلنمیه جکدر . بن بونی ایشه  
 اوغلم فؤاد بکه تسایم ایدیورم . اوتنسیب ایتدیکی زمان میدانه  
 چیقارسون . سزده شاهد اولک . راضیمیسکز ؟ امام افندی  
 سز . شاهدیمیسکز ؟

— اوت بکم .  
 — سز حلیم اغا ، شاهد اولدیکزمی ؟  
 — اوت بکم .

— تشکر ایدرم اغالر . دیدیکم کبی کیمسه یه سویلنمیه .  
 جکفی اونتیک . سزدن بونی رجا ایدرم .

امام افندی — استغفرالله بکم . ذاتاً بونلرک بیوده  
 اولدینی کورینور . ماشا الله حالکیز اییلکه یوز طوتدیغکیزی



کوستریور یانیق انسانی بردن بره اولدیرمزسه آندن صکره  
برشی یامز ؟ ! .

— انشالله !

امام افندی ایله حایم اغا آرتق اوراده برایشلری قالماش  
اولدقلرخی کوره رک قنبره :

— قنبر اغا ، باق ، کیمسه اولسونده بزکیده لم . دیمشله

وعلی بکه وداع ایتدکن صکره قنبر ایله برلکده کیمشلردی .

فؤادله علی بک یالکز قالدقلری وقت علی بک :

— ایشته آرتق راحت اوله جکم . الماس نرده چاغرسه کا .

کندیسنی . . .

بوصرده قپو آچیلوب ایچری یه الماس کیردیکندن علی  
بکک لقردیسنی یارم قالدی .

— ایشته کندیسیده کلدی . نرده ایدک قیزم ؟

— خلا یقلرک یاننده ایدم افندم . .

علی بک کولسیه رک :

— بویله کول کبی پنبه لشمکه حاجت یوق ! سن آرتق

بنم قیزم اولدک . بکا « پدرم » دیه جکسک یاوروم .

الماس برقاندها قیزاردرق اوکنه باقدی .

اوطه دن ایچری برخلائق کیره رک :

— بک افندی قیرسرداری کلش ، فؤاد بکی کورمک

ایستیورمش . دیدی .

علی بك فؤادك يوزينه باقمه رق ديديكه :

— قيرسردارى سنى نه ياپه جق اوغلم ؟

فؤاد كولسيه رك ديديكه :

— اهميتسز بر شيدر پدرم ، دون كيجه كي وقعه انچون

چاغريديغنه هيچ شهبه يوق . الماس سزه كوزلجه اكالاتسون  
بن يانه كيدهم .

قيرسردارينك ورودي چفتلكده كيلرى خيلى متعجب  
ايتشدى . واقعا عثمان كليركلز وقوعانى — بيك دورلو مبالغه ايله

— هر كسه خبر ويرمش ايديسه ده قنبرايله ايبوش طويمديغى كي  
اوته كيلر ده قيرسردارينك كله جكنى هيچ مامول ايتيورلردى .

فؤاد ، سلاملق دائره سنه كتورلش اولان قيرسردارينك

يانه كيتدى . قيرسردارى يوكسك بويلى ، تىند چهره لى

اولوب بورشمش آنى . كسيلمش قرانطه بيتلرى ، مضروش

صقالى كىندىنك چهره سنه بر قاندها دهشت علاوه ايديوردى .

اياقلىرنده كوزل بر چزه ، النده ده — كومشلى بر چركس

قامچيسى بولنيوردى .

فؤاد بعدالسلام ديديكه :

— بر شيمى صوره جقسكز ؟

— اوت ، دون كيجه كي وقوعات حقنده هم معلومات

آلق و همده معلومات ويرمك ايتيورم .

- بیور کز .
- دون کیجه نره دن کلیوردیکز ؟
- چفتلکدن .
- کیجه وقتی ایشیکز نه ایدی ؟ قاج کشی ایدیکز ؟
- بر بن ، برده عثمان ، برده بر قیز ..
- بوکیم ؟
- پدرمک اولادلغه قبول ایتدیکی الماس خانم .
- پک اعلا ، کیجه وقتی یوللرک تهلاکلی اولدیغی بیلمکله برابر ...
- معلومکز درکه کوشک یاندی . و بو حربقه یدرمده دوچار فلاکت اولدی ..
- اوت . هر نقدر پک آجیدمسده الدن نه کلور .
- بکا اخبار کیفیت ایتدکلرندن و یدرمده پک تهلاکلی اولدیغندن بحثله کلککلکم ایچون مکتوب کوندرمشلردی بنده وقت غائب ایتمکسزین یوله چیقدم .
- عفو ایدرسکز . سؤالرمله سنری تعجیز ایدیورم ..
- استغفر الله . هیچ بر وقتده تعجیز ایتمزسکز هر نه صورارسه کز جواب ویرمهک حاضرم .
- تشکر ایدرم . سلاح سسلرینی نرددن ایشیدیکز ؟
- او بایری اینمدهن ایشیدیاوردی . بزده حیوانلر مزی سورهرک انلره امداد ایتدک ...

— صکرہ ؟ ..

بز دہ مقابلہ دہ بولندق ، ایکی دانہ سنی اوردق .

— او یوجلیر کیم ایمش ؟

— تجارز دیدیلردی .

— الله راضی اولسون افندم . او بدلا کویایلر هیچ

برشی سویله مدیلر . یا بیامدکلرنندن یا قورقیلرنندن !

— سز محل وقعہ یه کیتدیکنز دیمک ؟

— ماشاالله ! طوررمییم ؟ اقشام اولیور ، هم اولدی کبی

بکا دها صباحلین خبر ویردیلر . . . . بویقینلرده وقوعات چو -

قاشدیغندن بنیده پک زیاده تضییق ایدیورلر . .

— معلوم افندم ، نه فائده که خائنلر متبصرانه بر حرکت

ایدیورلر . .

— نقدر متبصرانه حرکت ایتسه لرینه المدن قورتیله مزلر .

مطلقا طوته جنم ! بوسفر کوزل براماره بولدم .

— نه کبی ؟

— طورکزده اکلاتیم : اولا اورایه کیتدم ، حیدود -

لردن بردانه سنکده یاره لشمش اولدیغی قانلی ایزلرندن بللی ایدی .

قیالرك آره سنی کمال دقتله معاینه ایدرکن مهم براماره

بولدم .

— مراقده قالدیم . نه کبی ؟

— سز نہ تخمین ایدرسکیز ؟

فؤاد دوشنہ رک دیدیکہ :

— هیچ بر شیئہ حکم ایدہ نم .

— بولدیغم شی بر مکتوبدر . هر نقدر مختصر یازلمش

ایسہدہ ینہ برخیلی معلومات ویریور .

— کورہ بیلور می یم ؟

— های های ! لیکن شمدی سز مکتوبہ طالہرق

لقر دیار می دگلہ جکسکیز . سوزیمی بترہ یمدہ اویله .

— رجا ایدرم ، چابوق اولکیز .

— بشقہ یرلریدم ارادقسہدہ برشی بولہمدق . . .

— اوت . . .

— قانلی ایزی تعقیب ایتدک . . . بعض یرلردہ غیب

ایدیورسہ قدہ یانمدن هیچ آیرمدیغم آالشقین (زاغار) م طاوشان

ایزی قوغالیورکی ایزلری بولیوردی .

— نہایت ؟

— ایزلرک نزمہ کیدہ جکنی حکم ایدرسکیز ؟

— طاغہ یاخود اورمانہ !

— خیر اقدم . ابتدا بنده بوفکر کردہ بواندمسہدہ یا کلش

چیقدی . قان کومہلمش ایدی . اورادہ طوروب یاردی

باغلقلرینہ امینم .

— نه دن ؟

— چونکه : آندن اول قان ، صره ایله آقشیدی .  
بورادن صکره بوضره دوام ایتوب یالکز قانلی ایاق ایزلری  
واردی ..

— هر نه ایسه ، مکتوب نه اولدی ؟

قیر سرداری کوله رک دیدیکه :

— صبر ایدکز اقدم . ذاتاً حکایه مده بیتدی . قانلر  
یواش یواش آزاله آزاله بتون بتون غائب اولدیلر . . ایزلر  
نرهبه قدر دوام ایتسه ای ؛ چاق مملکتک یاننده کی ایلغیناغه  
قدر کلشیدی . شبهه سز اورالرده بریرده صاقلنمشلردر .

قیر سردارینک لقردی بی بو قدر اوزاتمه سینک سبی : علی  
بك وسائر بکلر بر محضر یاپوبده کنیدی ایچون بر نشان جلب  
ایتسونلر ایچون ایدی ! . لقر دیسنده دوامله دیدیکه :

• — ایشته صره شمدی مکتوبه کلدی .

— ای !! ..

— بیورک باقیم برشی اکلایه بیلورمیسکز ؟

فؤاد ، قیر سردارینک ویردیکی مکتوبی بوجه آتی  
او قودی :

« صادق صیدی سیبوشم ایدی .

« سایت غایدی سفصل میدی سولان اویدی سکتوبکی

« میدی سالدِم آیدی . سبتدالری ایدی سزدمسهده قیدی  
 « سکره لری صیدی سمنون میدی سولدِم اویدی . سربیدی  
 « سها دیدی . سقت دیدی سیتده ایدی سکتوبلری میدی  
 « ساپدیرمه قایدی . سم هیدی سن بیدی سکا سیدی سانلری  
 « آیدی ساق یایدی سیمشدم دیدی . سحسندن میدی سصه کی  
 « حیدی سیشته مشك ایدی . سن بیدی سر هیدی سقدر  
 « نیدی سکا سایدی سکافات میدی سیده جکسه مده  
 « ایدی سیشته ایدی سو بویدی سفرکی سیدی سوجیلرک  
 « یویدی سازه لری پایدی سالدکیز یایدی سنك سیدی سصه  
 « کدر صیدی .

« سشقه بیدی سمر ایدی سیرمکه ویدی سزوم لیدی  
 « سو قدر یویدی . سقتضای میدی ساله حایدی سوره کویدی  
 « سرکت حیدی سیت ایدی . ساقی بایدی سمسارت حیدی ! .  
 سادر نایدی

فؤاد او قویوب بیتردکن صکره دیدیکه :

— طوغریسی یا ، بن برشی آ کلامدم اکر سز ،  
 ا کلایه بیلدیکز ایسه آفرین ! .

قیر سرداری کوله رک :

— واقعا بنده برشی آ کلامزدم . لیکن مقدا حیدودلق  
 ایتمش اولسه ایدم ...

— آی ؟ سز ...

— اوت اقدم ، وقتیه . نه ایسه : بومکتوب پک کوزل

و آچیق یازلمشدر . اربابی پک قولای آکلار ..

— بن برشی آ کلایه مدیغمی اعتراف ایدرم ..

— طور کز سزه او کریم . ابتدا کی کله ندر ؟ . کاغد

قلم وارمی ؟

— اوت ؛ جیمده قورشون قامله کاغد وار . سویلیک

یازیم .

— ابتدا کی کله ندر ؟

— صادق .

— پک اعلا . صکره نه کلیور ؟ .

— صیدی .

— پک کوزل . بونلرک ایکیسی ده برکهدر . هپ چیفت

چیفتدر دقت ایتدی کمزی ؟

فؤاد متعجبانه باغهررق :

— آ ! فی الواقع دیدیککز کی !

— برنجی کله نک ایلک حرفنی قالدیرک .

— اوت .

— نه قالدی ؟

— ادق .



— بوندن صکره کلهن کله نك ايلك حرفی بونك اولنه  
کثیرکز .

— کتیردم .

— نه اولدی ؟

— صادق !

— هاه ! ايشته شمدي ميدانه چيقدی . سويليه جکککز  
کله نك ابتدا کی حرفی ( س ) حرفه تبديل ايدرسککز . اصل  
کله نك ايلك حرفی نه ايسه مثلاً : ( ص ) ايسه صیدی ، ( ل ) ايسه  
لیدی ( ب ) ايسه بیدی دیرسککز . آکلادیکزمی ؟  
— تماميله !

— او حالده شو او قودیفککز مکتوبی تصحیح ایدهرک  
او قویککز باقیم !

فؤاد هم یازهرق وهم سويله نهرک مکتوبی برخیلی مدتده  
بیتردکن صکره بروجه آتی او قودی :  
» صادق ایبوشم .

» غایت مفصل اولان مکتوبکی آلدیم . ابتدا لری قیزدمسده  
» صکره لری ممنون اولدم ، برده اوقت ایتده مکتوبلری قایدیرمه .  
» هم بن سکا آنلری یاق دیمشیدم . محسندن حصه کی ایسته مشسک  
» بن هر نقدر سکا مکافات ایده جکسه مده ايشته بوسفرکی یولجیلرک  
» پاره لری یالککز سنک حصه کدر . بشقه بر امر ویرمه که لزوم  
» یوقدر . مقتضای حاله کوره حرکت ایت . باقی جسارت ! .

» نادر »

فؤاد کال تعجبله بونی او قودقدن صکره قیر سرداری دیدی که:

— شمدی دها ای آکلادیکزمی ؟

— اوت ، طوغریسی پک غریب .

— خیر ، بالعکس پک ساده . بنم نرهدن او کرندیکی بیلورمه یسکز ؟

— خیر .

— اسکی دفترلری قاریش دیرمغه لزوم کورینه جک . مکتوبک ایچنده محسن اسمی ذکر اولدیغندن نظر دقتمه چارپدی . . .

— نیچون ؟

— چونکه ، وقتیه بنم داخل اولدیغم چته نک رئیسک اسمی ده محسن ایدی .

— دنیاده بر محسنمی وار ؟

— اوت ، حیدود رئیس لرندن یالکیز بر محسن قالمشدر . بن آرقداش لرذن آیرلدقدن صکره نه اولدیلر ؟ او قدر حیدود طو تدم ، بزمکیلره هیچ تصادف ایتمدم . برده مکتوبده ایبوش اسمی وار . دقت ایتدیکزمی ؟

— طبیعی !

— ایشته بزم رئیس اولان محسنده بویله مجهول لسان

قوللانیردی . بن کنندیسنك اك عزيز آرقداشی اولدیغمدن  
بندن هیچ برشی کیزلمز ایدی . مکتوبده اسمنی کوردیککز  
ایبوشله برکون بویله قنوشیورلردی بن بونی طویهرق کندیسنه  
رجا ایله بنده او کرندم .

او وقت آنلری بر بک حمایه ایدردی . بوده امضاده  
کوردیککز نادر بکدر . یدی سکز سنه اولیسنه کلنجیه قدر  
هیچ بر قتل ایشنده بولمه مشدق . دیدیکم او آدم یعنی واسطه  
دها طوغریسی مکتوبده اسمی کچن ایبوش بزی قتله تشویق  
ایدیوردی .

بن بوکا هیچ بروجهله راضی اولیهرق حکومتده دخالت  
ایتدم . وابتدالری جاسوسلوقده کزه رک نهایت قیرسرداری  
اولدم .

— بك اعلا ، صکره ؟

— بر لکده ایکن صاقلندیغمزیرلری بیلدیگمدن اورالری  
هپ آرامش ایسه مده بر دورلو کندیلرینی بوله مدم . لیکن  
شمدی کندیلرینی الده ایتدم ظن ایدیورم . آرقداشلمی ،  
اواسملرینی کمال نفرتله یاد ایتدیکم ماعونلری جلاده تسلیم  
ایدرك حقیقه حیدودلقدن نفرت ایتدیکمی اثبات ایدجکم .

— بو نادر امضاسی کیم اولیور ؟

— مکتوبک روش افاده سنه نظر آ بونلرک حامیلری اوله جق .

- کندی آرقداشلرندن اوله مز می ؟
- خیر ، چونکه : باقیکنز صادق ایبوشم دیور .
- بوندن برشی چیقمز .
- اوت ، لیکن آشاغیده سکا مکافات ایده جکم دیور .
- برشریک بویله کله استعمال ایده مز .
- او حالده رئیسارندن اوله بیلور .
- محسندن می ؟
- اوت .
- بو هیچ ممکن دکل . چونکه : مکتوبده محسندن حصه
- ایسته مشسک دیور .
- حقکنز وار ...
- اویله یا ! .
- نادر اسمنده بک وار می ؟
- بک اونتهقانسکنز ! نادر بکی اونتهدیکزمی ؟
- اوت اما اونزوده ؟ حیدودلر نروده ؟ ! هم علی بکک
- اقرباسندندر ...
- سز بیلمز سکنز ... بونلری بکا سورک . واقعا
- بو مکتوب نادر بکی اتهامه کافی دکلسمده بن آنک محمیلرینیده
- بولوب هپسنی تلف ایده جکم .
- موفقیاتکنز شایان تبریکدر .
- علی بک خسته می ؟
- سویلمدمی یا ؟ یانغینده ...

قیر سرداری ، یاخود توبه‌کار حیدود فؤادک لقر دینی  
کسه رک :

— اوت، اوت ، جناب حق تیز وقتده شغالر احسان  
بیورسون .

— آمین ! .

— آرتق بکا مساعده بیورکده کیدهیم .

— بوکیجه بوراده قالسه کز اولزمی ؟ ساعت اون ایکی نی  
کچمش اولمی .

— تشکر ایدرم . لیکن کیدوب تحقیقاتمدن حکومتی  
خبردار ایتلیم .

— سنز بیلورسکنز . .

ایبوش قیر سردارینک کلدیکنی صاقلندیغی یردن کوردیکی  
وقت :

— بن بو آدمی کورمشم آما نروده ؟ دبه دوشنیوردی .  
قنبرکده دشوندیکی ، قورقدیغی نادیده‌نک انتقامی ایدی ! . .  
اوت بوقوجه قهرمان نادیده‌دن قورقیوردی .

قنبر ، براز اول سوکیلی افندیسی علی بکک ایتدیکی  
فداکارلقدن فوق‌الحد متأثر اولمشدی .

اوتلر آرمسینده مخوف ییلان کبی مختفی اولان ایبوش  
صباحدن بری آغزینه برشی قویمدیغندن :

— بو کون آج وصوسنر بوراده بکله مک هیچ خوشه

کیدر شی دکلد ر . ہمدہ ییلان ، یاخود کوستبک کبی ! دیمکہ  
مجبور اولمشیدی . هیچ شہم یوقدرکہ بوکلہن حریف بزم  
ایچون فنا بر حوادث کتیردی . باقہلم فؤاد کلسونده ایشی  
اکلارز .

وقت کچدکجہ جانی صیقیایور : آچانی ، صوسزانی دہ جانی  
صیقلمق درجہ سنده تزايد ایدیوردی .

ساعت اون بر اولدینی خالدہ فؤاد حالا چیقیمیور وایبو -  
شدہ دھنندن متصل :

— عجبانہ قونوشیورلر ؟ آہ اکلاہیہ بیلسہم ! صوسز  
لغم دہ آرتق درجہ نہایہیہ واصل اولدی . یا آچلغم ! آہ بن  
ہرشیدن وازکچدم . قنبر شورادن کیتسہدہ بن قارنمی  
طویورسہم ! . . . — دیوردی .

قنبر دہ جہانک اورادہ اولدینی بیلیورمش کبی یرندن  
قلمامیوردی . بر ساعت دہا مرور ایتدی . ایبوش ہرشیئی  
کوزیہ آلدیرہرق صاقلندی یردن حیقہ جقدی . باخصوص  
احتیاجات طبیعہ سی دہ کندیسنی زورلیوردی . . . بر چاریک  
دہا مرور ایدر ایتمز قیر سرداری عودت ایتدی .  
قیر سرداری کیتدکدن صکرہ فؤاد قنبرک یانہ کلنجہ قنبر  
دیدیکہ :

— بو آدم کیمدی ؟

— قیر سرداری ! ..

ایبوشك توپلری اورپردی و اوساعت اسکی آرقداشله .  
ینك چهره سنی تخطر ایتدی .

— نه ایچون گلش ؟

— دون کیجه کی وقوعات ایچون ! آزاجق طور دقدنصره :

— قیر سرداری ایله حیدودلرک بولمه سی ایچون برچوق  
شیلر قنوشدق . غایت اهمیتلی براماره بولمش ..

— نه ؟

— بر مکتوب ! هایدی ایچری به کیده لمده اکلایم .

صباحدن بری بوراده اوتوریورسك اذیت دگلی ؟

قنبر بوسؤاله تبسم ایدهرک :

— شیطان عذابده کرک ! ...

زووالی ایبوش ! هرشیئی اکلادی . صباحدن بری آج

وصوسز طور دینغی ده کندیسنه جبا !

فؤاد قنبرک لقر دیسندن برشی اکلایه میهرق :

— نه دیمك ایستیورسك ؟

— هیچ !! هایدی ایچری به کیده لم .

ایبوش آرقه لرندن باقه قالدی ! .....

— ۱۰ —

قنبر ، اوطه سندن بر حصر آلهرق صوفیه یایدی ..

— ای اکلات باقیم .

فؤاد ، قیر آغاسی ایله بینلرنده جریان ایدن محاوره نی  
تمامیله اکلاتدی .

قنبر ، غریب برهیجان ایچنده بولنیور ودائما :

— دیمک او مکتوب اوقته حق ، بوله جنم ، اکلایه جنم .  
دیور وفؤادده هر تقدیر سویله مه سی ایچون اصرار ایدیور سه ده  
موفق اوله میوردی . نهایت قنبر برخیلی دوشوندکن صکره  
دیدیکه :

— او غلم ، سن اوراده ایکن بن ، بوراده برخیلی تحقیقا -  
تده بولندم .

فؤاد کوله رک :

— قیر سردارانغی ها ! ای ، هانکی شی سنی بوکا مجبور  
ایتدی ؟

— ایبوشدن خوشلانماشیدم . . . .

— طبقی بنم کی !

— حالی بکا غریب کورندیکندن کنیدیسنی تعقیب ایتدم ،  
هیچ آرقه سنی براقدم . برچوق شیرده او کړندم .  
— جانم ، مراقده براقه . چابوق سویله .

قنبر ، اجرا ایتدیکی تحقیقاتی مکملا ، یعنی ابتدا آغاچلقده  
نادیده ایله ایبوشی دکله دیکنی ، کوشکک یاننده کی چالیلقدہ



صباحه قدر قالدىغى ، ايوشك مکتوبلرىنى چالدىغى ، صکرە  
ايوشك كىندىسەندىن مکتوبلرى چالدىغى اكلاندى .

ياللىق بىر مکتوبك كىندىسەندە قالدىغى سويلەمدى .

قېرىق حكاىەنى بىترىنجە فؤاد كمال تأسفە دىدىكە :

— چوق يازق !

— نە يە ؟

— ھىچ او مکتوبلرى انسان اورتە يردە براقورمى ؟

— نە ياپەيم شاشىردم .

— بازى ، او قودكى ؟

— اوت .

— اى !

— لىكن بىرى اكلایەمدىم .

— نچون ؟

— چونكە اكلایىلمىيان بىرسان دھا طوغرىسىنى مېھول

بىر طىزىدە يازلمىشدى .

— نىصل لسان ؟

— سىنك شمدى سويلدىكك ، يعنى قىر اغاسىنك بولدىغى

مکتوب كىي .

— آھ ! بىردانەسى اولسە ايدى !

قېرىق كۆلەرك :

— تأسف ایتە ! بىردانەسى دوشورمىش .

فؤاد كمال استعجال ايله :

— آمان شونى كورمىم !

قنبر — ايستە ! ديهرك قوينىدىن ايوشك دوشورمىش  
اولدىنى مکتوبى چىقاروب فؤادە ويردى .

فؤاد بونى او قودقدىن صكرە ديدىكە ،

— اوت ، بۇدە او اصولدە يازلمىش . بىن دها ممارسە پيدا

ايتدىكىمدىن بىر دىنبىرە اكلايه ميورم . كاغد قلم لازم .

— سىندە يوقى ؟

— وار ، قوينىدە طورىيور .

فؤاد مکتوبى تديق ايدىرك قىر سىردارىنىك او كرتدىكى

وجھلە يازدى بونك اوزرىنە قنبرە ، كولەرك ديدىكە :

— باق دكلە اولىكى مکتوب كى بوندىندە بر شى

اكلايه مىز مىسك ؟

— هايدى او قودە اكلايم .

— مىك وقتى اولدىمى ؟ دها بىزى چاغىرمدىلر .

— بىن ، ايستەمىز ديدىم . هايدى او قو !

فؤاد آتيدەكى مکتوبى او قومغە باشلادى :

» صادق ايوشم .

» بش نومىرەلى مکتوبىكلە بكا تبشیر ايتدىكىك شىئە پك

» مئون اولدىم . واقعا نادیدەنك سكا پولاتىقە ایتىمى بر شى دىمك

« دکلر . لکن بوندن اومدیغمز شیلرک حاصل اوله جنی  
شهره سزدر . . . »

قنبر فؤادک سوزینی کسه رک دیدیکه :  
— وای ، وای ! نادیده پولتیقه ایدیور ایش ها ! عجب  
نه مأمول ایدیورلر ؟

فؤاد ، محزونانه برتبسمله دیدیکه :  
— یک عجولسک اختیار دوستم ، صوصده آکلا .  
— یکی یکی ، ایشته صوصدم .  
« سنده اوکا پولتیقه ایت ، هر بر اوامری جانه منت عد  
ایدهرک اجرا ایت . »

« بونلردن بشقه بندن ایسته مش اولدیغک تعلیماتی ایشته  
» یازیورم :

« اولاً — علی بکک وسائرلرینک حسن ظننی جلب ایتک .  
» ثانیاً — نادیده پولتیقه ایتک »

— ای !! اوقو باقم ، دهانه لر وار .  
— بونلر برشی دکل ، اشاغیسنی دکه :

« ثانیاً — نادیده دن فؤاده یاخود فؤاددن نادیده برمکتوب  
» کلمه سی ایچون تشویقات لازمه ده بولمق .

« رابعاً — بویله برمکتوب الدهه ایدنجه بکا عیننی ارسال  
» ایتک .

« خامساً — نادیده ایله فؤادی محو ایدیه بیله جاك  
 « مکتوبلرینی اله کچیرمکه غیرت ایتمک .  
 « سادساً — بوحالك وقوعنده سریعاً فرار ایتمک .  
 « سابعاً — کمال احتیاط اوزره حرکت ایتمک .  
 « بالاده یازدیغم شوییدی مادهیی چابوق حصوله کتیرمکه  
 « سعی ایتمایسک . چونکه سکا لزومنز اولیور دیمترو هر تقدیر  
 « صادق ایسه ده سنك وظیفه کی تمامیه ایفا ایدیه میور . . . باقی  
 « جسارت ! . . . »

خانداندن :

نادر بك

فؤاد مکتوبی او قویوب بیترد کدن صکره قنبر دیدیکه :  
 — عجایب ، بونلر سنی ونادیده یی محو ایدوبده نه یاپه جقتلر ؟  
 — نه بیله ییم ؟  
 — نادیده ایله ده قونوشمشکز . او کیجه سکا هجوم ایدیه نلر  
 کیمدی ؟ بونلر بیلنورسه بونك سیدیده ا کلاشیلور . دگلی ؟  
 — طوغری !  
 — بن ابسدالری ، نادیده نك سکا براویون اوینادینی  
 ظننده بولنمشدم . لکن دگلش .  
 — اوت . چونکه نادیده بونی بندن مأمول ایدیور .  
 — شمدی سن بومکتوبه نه دیرسك ؟

- بنده شاشیردم . دیمك اولیوركه بو حریفك اصل  
اسمی ( جهان ) دكلمش . . .
- اوت .
- بونك ده قیر آغا سنك دیدیکی کبی او حیدودلردن  
اولدینی اکلایشلیور . . .
- بوده طوغری !
- بزم ( جهان ) بیلدیکمز آدمك اسمی ایبوش اولور .  
سه ، قیرسردارینك بولدینی مکتوبده کی اسمده ایبوشدر .  
بناء علیه بوراده کی حریفه یازلمش دیمك .
- اوت .
- قیرسرداری بکا ، بو حیدودلری نادر بك اسمنده کی  
بك حمایه ایدیور دیمشدی . او حالده ، بوسنده کی مکتوبده کی  
اسمده ( نادر ) اولنجه ایکیسیده براولدینی اکلایشلیور .
- شبهه سز .
- بز نصل حرکتمده بولنه لم ؟ .
- بنده شاشیردم . سن ابی اولمشکه نادیده یه جواب  
رد یازمشسك .
- بنم عقلمه بشقه برشی دها کلیور .
- نه ؟
- بو حیدود ، نادیده نی محو ایده بیله جك بر مکتوبی اله  
چیرمشدر . . .

— نەدن بیلەك ؟

— چونكە نادیده ایله جریان ایدەن محاورە مەن ائناسەندە بن ، مکتوبکیزی دە اعادە ایتەمدە دیدیکم وقت تەعجبدە قالەرق سوزمی تکرار ایتدیردی ایدی . . . اوملعون بنم مکتوبمی آچوب اوقومش وایچندە نادیدەنک مکتوبنی کورنجه آلمشدر . — سن . مکتوبکیزی اعادە ایدیورم دیه یازمەکی ؟ — یازدم اما اوراسنی سیلمشدر .

— بک طوغری سویلەك . چونكە جهان یاخود اصل اسمی موجبنجه ایبوش حیدودی مکتوبلرینی تسایم ایتەدن اول قابەسنە قیاندی ایدی .

— بنم فکرم : قیرسردارینی کیزلیجه کوروب سەندەکی مکتوبی تسایم ایدرز ، ایبوشی دە طوندیریز . قنبر ، بدایت محاورەدن بری طالغین ایدی . باخصوص مکتوبدە ایبوش اسمی کورنجه تفکری برقاندە تزايد ایتەدی . فؤادک رأینە جواباً دیدیکە :

— خیر ، بواولە مەن . چونكە نادیدەنک برمکتوبی آنک الەمدەدر . بوجالەم آنی دە میدانە چیقار .

— بک طوغری اما . بزم سلامتەز ایچون بویلە لازمدر .

— خیر اولادم ، کەندی سلامتەزی دوشونمەدن اول سکا بوقدر اییلکەر ایدەن علی بکک ناموسنی دوشنەکە مجبورزم .

باق نه رآی ایدیورم : ایبوشی چاغره رق بو حاللری کندیسنه  
تمامیله نقل ایدرز ونادیده نك مکتوبی ویرمدیکی حالدده حکومته  
تسلیم ایده جگمزی سویلیه رك تهیدید ایدرز .

— یامکتوبی ویرسه ؟

— ویرسه ، کندیسنی صالیویررز .

— برحیدودی صالیویرمك !! ممکن دكل اوله من ! ..

— اوت ، بنده برجانینك قورتلمسنی آرزو ایتیم ،  
لکین بویله ایجاب ایدیور . قیرسردارینك تکرار طوته میه جغنی  
نه بیلورسك ؟

— ....

— مادامکه بو قدر ایپ اوجی اله کچیرمشدر ، مطلقا  
نهایتیده بولور .

— حقلک وار .. لکین ...

— ای ؟ لکین ...

— یابوله مزسه ؟ ..

— بولسون ، آنك وظیفه سی بودر .

— کیده میم ایبوشی چاغره میم .

فؤاد بوضوک سوزینی متعاقب یرندن فرلادی ایسه ده قنبر :

— کل ، عجله ایتمه ، صباح اولسونده خیر اولسون !

دیهرک کندیسنی منع ایتدی ! .

قبرله فؤاد بویله قونوشورکن چفتلکدهده زواللی علی  
بکک شمعہ حیاتی یتون بتون محو اولیوردی :

نادیده شهره کیتمزدن اول اوطه سنه قیانونوب بر مکتوب  
یازهرق ، کندیمی کبی آلق بر خلایقی چاغردی . وبر خیلی  
تعلیمات اعطا ایتدکن صکره اوفق بر شیشه ایله برابر اکاتسایم  
ایتدی .

نادیده کیتدکن صکره علی بکک یاننده یالکز الماس .  
قالمشیدی . . الماسک جانی صقیلوب اوطه دن چیقنجه معهود  
خلایق علی بکک یاننه کلدی . علی بک ، پک زیاده حرارت حس  
ایتدیکندن خلایقه خطاباً دیدی که :

— کلشن بکا برصو ویر .

کلشن نادیده دن درسنی آلمش اولدیغندن :

— اقدم ، صویک سزه مضر اولدیغنی خانم افندی تنیه  
ایتدی ،

— مضر دکدر سن برصو ویر .

— خانم کیدرکن بکا اوفق بر شیشه ووروب بک صو  
ایسته دیکی وقت بوندن آزاجق طاملات دیدی ایدی . . .

— بویله برشی وارده دمیندن بری نیه طور یورسک ؟

زواللی علی بک ! اولومنی تقدردده چابوق آرزو ایدیور !

جانی قیز ! اللری اصلا تتره مدن صویک ایچنه بش اون



طامله طاملتدی ، علی بکه ویردی . ایشته بودفعه یوزی  
صرارمشایدی . علی بك بارداغی سرعتله قاپوب همان ایچدکدن  
صکره :

— اوف ، بو ، نیچون بویه ؟

— زیان یوق افندم ، ایچدکدن صکره هر نقدرینه برار  
حرارت ویرر ایمشسهده اوچ ساعته وارمز ، خلاص ایدرمش !  
کلشن بوصوك سوزینی متعاقب برده تبسم ایتدی !...  
یارم ساعت قدر برمدت کچدکدنصکره علی بك حایقیره رق  
دیدیکه :

— امان یانیورم ، اوف ، صوویر . علاجدن ده قوی !؟  
کلشن ، خانمی کبی جانی اولان بوملمون خالایق ، بارداغه  
قویدینی صویه شیشه دن ینه برقاق طامله علاوه ایتدی .  
بچاره علی بك ، تسکین حرارته مدار اولور فکریله ینه  
ایچدی . لکن وجعی تحمل اولنه میه جق درجه لره قدر تزايد  
ایتدیکندن :

— امان یاربی ! ، اولسه مده قور تیلسم ... دیه باغرمغه  
باشلیدی .

کلشن قلبندن :

— برقاق ساعته قدر بوده اوله جك ، صکره بن آزاد  
اوله جغم . یوز لیرام اوله جق ، قوجهیه واره جغم !... دیوردی .

علی بکک فریادی اوزرینه الماس یتشدی و سوکیلی پدرینه  
بارداقله بیاغی برصغوق صو ویردی .

علی بک صوینی ایچدکن صکره هرشیسی بردنبره کسیلدی .  
حالبوکه براز صکره دهها زیاده اوله جغنی اصلا ظن ایتمیوردی .  
الماس ، علی بکک اللرینی طوته رق دیدیکه :

— بویله بردنبره نه اولدیکز عزیز پدرم ؟

— بنده بیلمیورم قیزم ، حرارتم واردی ، کلشدن صو  
ایستدم . .

— اوت . .

— کیدرکن سوکیلی نادیده جکک ویرمش اولدینی  
شیشه دن برقاج طامله قویدی . حرارتی کسه جکمش . . .  
حالبوکه زیاده لشدی .

کلشن ، شاید سرلری میدانم چیقار ملاحظه سیله الماسک  
قولاغنه اکیله رک دیدیکه :

— زواللی علی بک ! نوبت صقنتیسیله صایقلیور . . .

الماس کلشنک یوزینه باقوب باشندن اشاغی تمامیه برسو -  
زدی . کلشن ، صرارمقدن و تتره مکدن کندیسنی منع ایده -  
میوب فرقنده اولمدینی حالده النده طوتمقده اولدینی شیشه  
قایویردی . انتاریسک اوستندن یوارلنه رق الماسک ایاقلری  
دینه دوشدی الماس دوشمن شیئه دقت ایدوب برشیشه اولد -  
یغنی کورنجه یواشجه آلوب جینه آندی .

کلشن ، بونک هیچ فرقنده اولدی .

براز صکره علی بک دها زیاده فریاد ایدیوردی . یوزی  
موصمور اولمش ، کوزلری جقورلشمش ، یناقلری چوکمش  
ایدی . زواللی یی ، نادیده بیله کورسه شبهه سز آجیردی .  
وبودرجه شدید برزهر انتخاب ایتدیکندن احتمالکه پشیمان  
اولوردی .

زده قالدی ، که الماس کبی حساس برقیز زواللی علی بکه  
آجیمسون ! بیچاره الماس ، بوغازندن یالکنز برخیراتی چیقمقده  
اولان علی بکک بوز کبی صفوق اللرینی طوته رق هونکور  
هونکور آغلیوردی !...

الندن بشقه نه کلور ؟ ...

فؤاد قنبرنه اولان مکالمه سنی بترمش وعلی بککده فریادی  
ایشتمش اولدیغندن همان یوقاری یه چیقدی .

علی بکی اوحالده کونجه اوستینه آتیه رق :

— پدرم ! پدرم ! دیه باغرمغه باشلدی .

علی بک فؤادک لقردیارینی ایشیدوب کوزینی آچهرق بر  
تبسم ایتک ایسته دی . هیئات ! ..

فؤاد بارد فقط مؤثر برطورله ایاغه قالقهرق :

— بویله بردنبره نه اولدی ؟ دیه کلشنه صوردی .

کلشن شاشه لیه رق دیدیکه :

— بیا ... بیا ... بیلیمورم ... بن با ... رداغه ...  
طا ... طا ... طامله ... قومدم .

بوسفرده شاشیرمق نوبتی فؤاده کلدی . حیرتله خالینگ  
یوزینه باقهرق :

— نصل طامله ؟ .

کلشن بتون بتون شاشیرهرق :

— ش ... شی ... ه ... هیچ افندم ... صا ... صایقه ...  
صایقلیور ...

فؤاد ، بوایشده برسر اولدیغنه حکم ایدهرک دوشمنمه  
باشلادی . علی بکک زهرلندیکنه حکم ایتدیکندن :

— چابوق ، ازاجق یغوردله ، صیجاق صوکتیر ! دیدی .

کلشن ، کتیردیکی یغورتهده نادیدهک ویردیکی صودن  
قامق ایشه مشدیسده شیشه نی بوله مینجه دوجار حیرت  
اولمشدی ! ..

فؤاد ، یغوردی قاشیقله علی بکک کندلنش آغزندن زورله  
صوقغه باشلادی .

اون دقیقه صکره صیجاق صودخی کلشن اولدیغندن فؤاد :  
— برلیکنده کتیر . دیدی .

صیجاق صوینیده علی بکک آغزندن آقیتهرق آزاجق

صکړه قی دخی وقوعبولدیسېده ملعون نادیدهنک مدهش  
زهري علی بکک وجودینه یایلمش ، فؤاده پدیني قورتار -  
مقدن محروم اولمشدی .

بوزکله برابر علی بک ینه برپارچه کسب سکونت ایتدی .  
برالندن فؤاد ، دیگر الندن الماس طوتیوردی .  
ملعون کلشن ده آیاقده طوریور وموعود مکافاتی آله میه -  
جغینه بلکه سبب اوله حق اولان فؤاده لعنت ایدیوردی .  
برساعت بویه جه کچدی .

زواللی علی بک ، هپ برحالده ایدی . الماس ، دقتله جینه  
آتدینی شیشه ایله فکر آ پک مشغولدر . علی بکک بو حاله  
دوچار اولیشنه اوشیشه نک سبب اولدیغنه هیچ شبهه ایتیمور .  
فؤاده عین فکرده در . کلشنک تتریه تتریه ویردیکی  
جوابلر ، کندیسنه هیچ صورمدینی حالده بن ظامله قومدم  
دیشی هپ شبهه لرینی تحریک ایدیوردی . نادیده ایله صباحلین  
وقوعبولان محاوره لرنده کندیسنک « دها پدرم صاغدر . »  
دیمه سی اوزرینه نادیده نک : « او ، اولور ! » دیشی ده عقانه کلهرک  
تتره مکدن کندینی آله میوردی .

زواللی علی بک ! زواللی فؤاد ! .

علی بک ، کوزلرینی آچهرق برشی مرلاندیسېده هیچ  
بریمی ایشیدلمدی .

فؤاد علی بکہ اکیلہ رک دیدیکہ :

-- نہ دیدیکہ عزیز پدرم ؟ .

علی بک غایت یواشجہ :

-- زوجہم ! ..

بونک اوزرینہ فؤاد ایاقده طور مقده اولان کلشنہ خطاباً

دیدیکہ :

-- کیت ، چابوق قبرہ سویلہ ، بریسی حیوانہ بینسونده

سریعاً شہرہ کیتسون ، خانمی آلسونده کلسون ! .

کلشن ، نادیدنک ورودی بلکہ اورتالی قاریشیدیر

ملاحظہ سیلہ :

-- لکن افندم .. کیجہ اولدی .. تیزہ سی ... دیہ یلایسہ دہ

فؤاد حدتہ :

-- دہا طور یور میسک ملعون ؟ شمدی سنی تپہ لرم !

دیہ حایقر دیغندن نہ سویلدیکنی کندیسیدہ بیلمدیکی حالہ :

-- پکی افندم ! دیوب او طہ دن چیقہ دی .

علی بک غایت یواش برسسلہ دیدی کہ :

-- اولادم . الماس ایلہ .. تزوج ... ایدہ جہ جکسک ...

زوجہم ایچون ... دیدکلمی یاپہ جقسک دکلہ ؟

فؤاد زیادہ سیلہ مضطرب اولہ رق :

-- مطمئن اولک سوکلی پدرم . الماسی تزوج و مسعود

ایده جکم وزوجه کنز حقه‌دهه امر ایتدیککنز شیرلی اجراییه  
سعی ایده جکمه هر یرده حاضر و ناظر اولان جناب ذوالجلالاک  
نامنه یمین ایدرم !

علی بکک یوزنده برنور بشاشت ظاهر اولدی .  
الماس قزاردی . . باشی فؤادک اوموزینه دوشدی . .  
فؤادده بوکوزل باشی پوسه‌لره غرق ! . ایتدی .  
شایان ترسیم لوحه دکلی؟ باخصوص علی بک فراش مماتده  
مشغول آه وانین ایکن !  
بو حالی تمامیه تماشا ایتمکده اولان علی بک فؤادک الی  
یواشیجه صیقه‌رق :

— مسعود اول ! سوزینی بک یواش تلفظ ایتدی .  
فؤادده بوکا مقابل علی بکک طوتمقده اولدینی الی اوپدی .  
علی بک یواشیجه :

— مسعود . . . اوله جکم اما . . . آه ! زوجهم . . .  
— شمدی کله جک !  
علی بک امیدسزلیکنی مشعر اولمق اوزره باشنی صاللاذی .  
یارم ساعت ده‌ها مرور ایتدی . . آه ! نه کدر انکیز  
دقیقه‌لر ! .

زوواللی علی بک ! پرستش ایدرجه سنه سودیکی جانی زوجهمی  
طرفدن تسمیم ایتدیرلمشیدی ! .

در که خجالتدن تخلص ایتدیکی برسفیه ، اسکی عاشقی  
الده ایتک ایچون بیچاره قیدی !

شهره خبر کیده لی ایکی بچق ساعت اولدینی حالده نادیده  
حالا کله مشیدی . حالبوکه مراد ایتسه چوقدن کلیردی .

اوج ساعت اولدی ، حالا کلهن کیدن یوق . بیچاره علی  
بك دقیقه دن دقیقه خیر ، نایه دن نایه ماته تقرب ایدیور  
ونادیده نك كمدیكندن متأثر اولیوردی . بعض شیلر مرالد -  
ندی . فؤاد دقتله دكليوب بولرك :

— یارب ! نادیده نی کورمه دن جانمی آله ! دعا سندن  
عبارت اولدیغنی اکلادی .

وام بیچاره علی بك ! صوك نفسنده ذکریله مشغول اولدیغنی  
زوجه سی : کندینك وفاتنه سبب اولدی ، ابتدا یانغین صکره  
زهرله کندیسنی محواتک ایسته دی .

فؤاد ده آرتق امید ی قالمه مش وزهرک وجوده یایلدیغنی  
ا کلامش ایدی .

یاره ساعت دهابویه کدر انکیز بر صورتده مرورایتدی .  
الماس آغلر ، فؤاد اوکا پیرو اولور ، بیچاره علی بك ده آراقده  
برکوزلرینی آچه رق بو ایکی صادق و مشفق اولادلغنك حقنده  
کوسترمکده اولدقلری محبته زورله تبسم ایدر و دوداقلری :

— نادیده ! ديه قلداردی . چونکه سوز سویلمیوردی .  
دیلی شیشمش ، پارچه پارچه اولمشیدی .



شهره کیدن عثمانك عزيمتدن بری تمام درت ساعت مرور  
ایتدیکی حالد نادیده ینه کلمه مشیدی .

على بك صوك دفعه اولق اوزره كوزلرينی آچدی . قار -  
شوسنده ایکی اولادلغنی کورنجه چوجقلرينك كوز یاشلاريله  
ایصلاامش اولان ایله ، انلرك الارینی صیقدی . فوق العاده  
برغیرتله :

— الله ! . . . ديه بيلمشیدی ! . . .

بچاره على بك خاں زوجه سنه اولان محبتی یولنده فداى  
جان ایتدی : آرتق وفات ایتمشیدی !

بايقوش ، مخوف سسیله اوچ دفعه اوتدی ! . . . .  
الماس وفؤاد ابتدا هیچ فرقنده اولامشلسه ده طوتدقنری  
الك صغودینغی حس ایدنجه بربرلرینه دهشتله باقدیلر . .

فؤاد اکیلوب قابی یوقلادی . ضرباندن خالی اولدینغی  
کورنجه ذاتاً یاشلی کوزلرندن دموع تأثر دوکهرک :  
— جناب حق مغفرت بیورسون ! دیدی .

بوانئاده چفتلکک بیوک قپوسندن ایچری بر عربه نك کمال  
شمتله کیردیکی ایشیدلدى .

نادیده خانم ، نتیجه عملینی کورمک ایچون تشریف  
بیوریورلردی !

بوقدر تأخر ائمه سنك سببی : على بك شاید وفات ائمه مش  
ایسه ایشی اوراده کیلره بلکه اکلاتیرم ملاحظه سنه مبنی ایدی .

حالبوکه بر چاریک اول کلش اولسه ایدی فؤادک تداویسی  
سایه سنده زوجنی صاغ کوره جکدی .

نادیده ، همان قوشه رق علی بکک او طه سینه کلدی ..  
آرتق فریادی دکللی ! .

نادیده . بو قوم دیانی والده سنده ده پرووه ایتمش اولدیغندن  
شمدی پک کوزل اجرا ایتدی .

خبر ایچون یوللامش اولدقلری عثمان ، علی بکک تیزه سینه  
ده خبر ویرمش اولدیغندن یارم ساعت صکره اوده کلدی .  
فؤاد ، پک متأثر بر حالده اولان الماسک ایلاشمه سینه بلکه  
برمداری اولور فکر یله کلشنه دیدیکه :

— بر لیونا طه یاپوب کتیرده الماس خانم ایچسون !  
کلشنک جاننه منت ! چونکه نادیده نک کیدر کن ویردیکی  
دیگر بر شیشه ده کی بر صوی الماسه ایچیرمک ایچون چاره آره  
یوردی .

براز صکره لیونا طه کلدی ... فؤاد بونی الماسه ویره رک :  
— شونی ایچسه کز آ !

— پکی .

الماس ، لیونا طه نک یاریسندن آز زیاده سنی ایچدکن  
صکره دیدیکه :

— آ ، بو لیونا طه نه تحف ! ..

بوسوز اوزرینه نادیده کلشنه و برده الماسه باقدی . دودا  
 قلرنده بر تبسم ظاهر اولدیسده ینه اغلامغه و فریاد ایتمه  
 باشلادی ...

فؤاد الماسك النذن بارداغی آله رق ایچدی و :

— سکا اویله کلش دیدی !! —

آشاغیده کی خالایقلرده آغلامغه و کورانی نی عیوقه چیتا-  
 رمغه باشلدیلر .

طیشاریده کی تکمیل خدمه ، و کویلی دخی علی بکک و فاتنی  
 ایشیده رک متأثر اولدیلر . و حتی بعضیسی اوتانمہ نی دخی قالدیر رق  
 آغلادیلر بیله ! . چونکه چفتلکده موجود بولانلارک هپسی  
 — ایبوشدن ماعدا — علی بکی پک زیاده سورلردی .

## — ۱۱ —

ایبوشک حال حدتی حقیقتاً چوق امتداد ایتدی . او قدر  
 احتیاط اوزره حرکت ایتمشیکن قنبره ایشی ینه چاقدیر مشیدی ! .  
 عجبا قیر سردارینک بولدیفنی شی نصل بر مکتوبدر ؟  
 بو حیدود لرله کندی آرقداشلری بیننده بر منابِت وارمیدر ؟  
 ایبوش بو حدت اوزرینه قلبه سنه عودت ایدوب اعلا  
 بر صورتده قارننی طیوردی . بر آره لق کیدوب قنبر ایلہ فؤادی  
 ینه دکله مک عقالنه کلدیسده صوفه ده اوتوره جقلری جهته  
 بوفکر پک بیهوده ایدی .

قابلهك او كنده او طوروب بو كی تدیرلر دوشنوركن  
بردیره بترمدی .

چونكه اسمك تلفظ اولندیغی ایشتمشیدی . ایبوش  
اطرافنه باقوب کیمسه نی کوردمدیکندن :

— چوق شی ، عجبا یا کاشمی ایشتم ؟ . دیدیسه ده کاشك  
کلوب کندیسنه برمکتوب ویرمه سی اوزرینه یا کاش طویمدیغی  
اکلادی ایبوش . خایقك یوزینه متعجبانه باقهرق دیدیکه :  
— بونه ؟

کاشن یواش برسله :

— کورمیورمیسك ؟ برمکتوب .

— کیم ویردی ؟

— خام .

— برشی سویله دیمی ؟

— خیر ، یوق . یوق ! بوکیجه همه حال اجرا اولملی

ایمش . اکلادکی ؟

— پکی هایدی سن کیت ! .

ایبوش قابلهك اطرافنی طولاشه رق کیمسه اولمادیغنی کو-

رنجه ایجری کیروب غازی یاقدی . ومکتوبی اوقودی .

برسطر مکتوب اوقیور ، کوزلرینی قالدیروب پنجره یه

باقیوردی . بویله جه مکتوبك اوقومه سی ختام بولدقدن صکره

درین بردوشونجه یه طالدی ! . . .

ایبوشك دوشونمكده حقى واردى . چونكه ، باقىكز  
مكتوب نه صورتده يازلمشیدی :

« جهان ! »

« شمى به قدر بكا ايتديكك خدماته بر دانه دها علاوه  
اولمق لازمكلىور . »

« بن ، سنى صادق ظن ايدىوردم ، حالبوكه : سنده ،  
« بندين استفاده ايتك ايتيورمشك ! نه باطل فكر ! »

« بوفكرى ذهندن چيقار ، زيرا بن آدمى آوجك  
« ايچنده ازبويريرم ! . سن ، بنم فؤاده يازديغم وفؤادكده بكا  
« اعاده ايتديكى مكتوبى صاقلامش وفؤادك مكتوبنده برچيزكى  
« چيزمشك ! . بن ، اويله مكتوبلردن خوف ايتيم . ايشته  
« بومكتوبم عليهمده دها مدهش برسلاح ايكن آنى سكا اعطا  
« ايتمكده ينه برأس كورمىورم . بن ، سكا نه ويريرسه  
« آنكله قناعت ايتمايسك ! »

« بندين استفاده ايتمك قالمشه ، صكره الدانورسك ! . »

« اكلاذك يا ؟ ايشته بوسفركى اواصرم :

« بومكتوبى سكا تسليم ايدن خلاق ، بوكيجه الماسك  
« اوطةسنده ياته جفندن بنم ويرديكم برصوبى اكا ايچيرهك  
« كندىنى بهوش ايدجكدر . ساعت بشده چفتلكك اوفق  
« قپوسنده بكليه جكسك ! كلشن بايغين بر حالده اولان الماسى »

« سکا تسلیم ایده جکدر . سن الماسی کوتوروب ایکی ساعتک  
 « مسافه ده کی چایه آته جقسک آتمزدن اولده اولدیره جکسک !  
 « ایشته بو ایش ایچونده سکا درتیوزلیرا ! لکن ، الماسی  
 « اولدیر دیکنه بنی قانع ایتک ایچون الماسک قنالی اولان بش  
 « پرمغنی بکا کتوروب اولوقت موعود مکافات آله جقسک !  
 « شممدی مرادمی اکلادک یا ؟ همان اجرا ایتایسک .  
 « اکر بو مکتوبمی آلدیغک انده یاقزسه ک کنیدی یوق بیل !  
 « نادیده »

ایبوش طالغناقدن قورتلدقن صکره دیدی که :  
 — یغما یوق ! تکرار جلادک الله تسلیم اولمغنی هیچ  
 آرزو ایتم ! . بوسفر آصمیوب کسرلرسه نه یایرم ؟ آصه لر  
 بیله هرکس مصلوبی ایپدن چالمق ایچون هر وقت ادعا ایتزلر  
 آ ! تمام یاپه جغمه قرار ویردم . الماسی آلوب بورادن فرار  
 ایدرم ، کوتورر مغارده صاقلرم . ذاتا نادر بکده بکا ایکسینی  
 بردن محو ایده بیله جک برکاغد بولورسه ک قاچ دیمشیدی .  
 ایشته بنده یالکز نادیده بی تمامیله محوایده جک کاغدی بولدم  
 آرتق طوررمی بم ؟ . واقعا درتیوز لیراده آتیلیر پاره دکدر  
 اما ، نه یایرسک ؟ اوچنده اولوم وار !  
 هم بن نادر بکدن قاچیوز لیرا آله جغم ! نادیده نک مکتو -  
 بنی ، الماسی ، کیم بیلور قاچیوز لیرایه اکا صاته جغم ! . یابن

انتقامی اونیتیمی؟ ایبوش بویله جه دوشونمکده ایکن — علی  
 بکک وفاتندن طولایی — طیشاریده حاصل اولان کورانی یی  
 ایشیده رک همان طیشاری یه فرلامش وهر کیمه راست کلدیسه  
 کوزلرینی یاشلی کورمش اولدیغندن :

— ها ! علی بک اولمش اوللی ! الماسده بویکجه اوله جک  
 نادیده ایله فؤادی بر برلرینی تزوجدن منع ایدهن مانع-ارک  
 ایکسییده اورته دن قالقه جق ! چوق ای شی ! باخصوص  
 درتیوز لیرایه ! . دیدی . مع مافیه :

— عجبا بویکجه کیری قالورمی ؟ . دیه دوشنیوردی ! .  
 ایبوش ساعت بشه قدر او طه سنده بوش طورمدی : یازی  
 طاقنی اولدینی یردن چیقاردی . حقه نک آغزینی کوزلجه  
 قپایوب جنبه آتدی . تحته قوطونی یاقدی . کوللرینی کومدی  
 حاصلی داعی شبهه هیچ براماره بر اقدی .

سلاحلرینی کوزلجه معاینه ایتدی . هپسینی بلنه طاقدی .  
 قرار لشدیریلان جنایتک اجراسنی اصلا مامول ایتمیوردی  
 وعدنده ثبات ایتک دها طوغریسی منفعتی کوزتمک ایچون  
 ساعت بشده قپوجغه کیتدی . هیچ کیمسه لر یوق ! یاریم  
 ساعت دها بکله دی . . ینه کیمسه لر یوق ! .

ایبوش :

— کوردیکمی ؟ نافله بکله دم . ظن ایدرسهم بوایش یارین  
 کیجه یه قالدی . بنم بوراده بکله دیکم ذاتا بوش ایدی یا ؟ .

مکتوب المده دها نه ایستیورم؟ یا الماس؟ . دیدرک اولجه  
ویردیکی حکمی تأیید ایدرکن قوییه خفیججه اورلدی .  
ایبوش یواشیجه دیدیکه :

— کیم او؟

قپو آچیلوب کلشن کورندی . قوجاغنده کی زواللی یتیمه  
ایچدیکی لیوناظه سببیه باغین برحاله بولایوردی .  
کلشن دیدی که :

— بوراده میسک؟

ایبوش استهزا ایله :

— کورمیورمیسک کوزل قیز؟ بوسوک سوزنی متعاقب  
کلشنک چکه سنی او قشامشیدی ! .  
کلشن ، کویا حد تلنمش کبی :

— امان سنده ، شمدی بونک صرهمیمی؟ آل شونی !  
— ویر یاقه یم . آغیرمی !

— خیر ، قوش کبی ! ایشته بن کیدیورم . خانک امرخی  
بیلورسک یا؟ بو کیجه ایشی بتملی ! زواللی به نقدر آجیورم . .  
بندن نقدر خوشلانمشیدی . .

— سندن کیم خوشلنمز کوزل قیز؟

— آی شوکا باق ، طور مشده بنمله اکلنیور ! . الله

اصهارلدق ! .



کاشن یلان سویلمه مشیدی . ملعون حیدود بیچاره یتیمه یی  
قوجاغنه آلدینی وقت :

— او !! صحیح پک حقیف ایمش ! طاشیمه سی قولای  
اوله حق ! . دیه اظهار ممنونیت ایتدی .

قلبه سنه وداع ایتدیکی وقت چارشف خدمتی ادا ایدمن  
بیوک بربری آلوب الماسی ایجه صاردی . . ایپارله ده کوزله  
باغلادی . . کیمسه ، کندیسینی کور میوردی . . قنبرک یاتدینی  
یره بر نظر کیندارانه ایله باقدی .

هر هفته ایبوشله محل تلاقی اولان چشمه باشنه کلدیکی  
وقت کوله رک دیدی که :

— کیم بیلور محسن بنی یارین بوراده نقدر بکنیه جکدر !  
اگر مغاره ده ایسه بورایه قدر یورولمقدن قورتیلور ، دکلسه  
بختنه کوسسون ! عجیبا فؤادک اوچکید باشنده راست کلدیکی  
حیدود چته سی کیملردی ؟ . بزم کیلرمی ایدی ؟  
بو احتمال خاطرینه کلدکجه پک زیاده مضطرب اولیور  
یالکنز :

— نقدرده دلیم ! هیچ بزم کیلر اولیه فؤاده عثمانه  
اوریله حق قدر مهارتسنز میدرلر ؟ .

دیه رک بر پارچه متسلی اولیوردی .  
ایبوش مغاره نك آغزینه کلدیکی وقت ایجه یورلمشدی .  
واقعا الماس ، خفیفه ده یول ایجه اوزاق ایدی .

ایبوش مغاره‌نك مدخانی تشکیل ایدن طاشی هرزمانکی  
کبی قالدیره رق قارغه کبی اوتدیکی حالده :

— کیم او ؟ صداسنی ایشتمینجه پك زیاده تعجبده قالب

— عجب بوراسنی کشفمی ایتدیلر ؟ دیه صغوق صغوق

تر دوکمکه یاشلمشدی .

ایبوش جیندن اوفاجق بر فتر یاقدقدن صکره اشاغی یه

ایندی . بوراسی کاملاً خالی ایدی . کتابمرك ابتداسنده

سویله دیکمزکی تفنکله ، پوستله ، هیچ بر شی موجود دکدی

ایبوش آلیق آلیق اطرافنه باقورکن صاغ طرفده کی قپو بردنبره

آچیلهرق ایبوشك کوزلرینی — شید بر آیدینلق — قماشدیردی

و بونی متعاقب ده :

— قورقومن یامزه کار قالدی ! بیورك بقالم اوسته

ایبوش ! صداسی ایشیدلدی .

ایبوش بونی متعاقب برنجی مغاره دن هیچ فرقی اولمیان

دیگرینه کتورلدی . کوزلری آیدینلغه الشدیغی وقت اطرافنه

باقهرق آرقداشلرینك کاملاً اوتوردیغنی ویاالکزه محسنك یاتدیغنی

کوردی . ایبوش حصوله کلن حیرتی کتم ایدمه مبهرك دیدیکه :

— یاھو ، بونه ؟ هیچ سس چیقارم دیکز ؟

بریسی — شمدی احتیاطله حرکت ایدیورز .

— ایدیورسکزه اما بنم اودم قوبدی . هم بنم ویردیکم

پارولایی طویمدیکزمی ؟

— طویدق اما یاسحیحاً بر قارغہ اولوبده مغاردنک یا ۔  
 نندن ده بر انسان کچورسه ؟ بوراسنی کوردرک بزى الویرر ۔  
 — کورلیه لم دیهرک بورایه صیچان کبی طیقلم قده نه معنا  
 وار ؟ بورادان نه قاچه بیلورسکز نه ده مدافعه ایدہ بیلورسکز !!  
 ایبوشک بواقردیلرینه یتاقده یاتان محسن جواب ویردرک  
 دیدیکه :

— اولیه اما اوسته ایبوش ۔ سلاحرمن حاضر ایدی ۔  
 ایبوش محسنک سسنی ایشیدنجه اکا طوغری کیده رک :  
 — عفو ایدرسک بابا محسن ، لقردی به طالبوب سنی  
 اوندق ۔ سکا نه اولدی ؟ نیه یاتیورسک ؟  
 محسن ایاغنی کوستردرک دیدیکه :  
 — ایاغمدن اورلدم ۔

— آدم سنده ، ایاغندن اورلغله هیچ انسان بویله بیوک  
 خسته لرکی یاترمی ؟

— بنده بیلورم اما ، قاجار کن زیاده جه سقطلندم ۔  
 برایش آچسون دیه مخصوص یاتیورم ۔  
 — ای نروده اورلدک باقیم ؟

ایچلرندن بریسی سوزه قاریشهرق دیدیکه :  
 — بن او اوغورسزیره کتمیه لم دیدم ۔ بنی ینه دکله میوب  
 کیتدیلمده ایشته بویله اولدق ۔

— اویله اما ، بش تجار کچه جگمش دیه خبر ویردیلر  
ایدی .

— یا ؟ ! اونلر سزمی ایدیکنز ؟ آبدال کبی ، ایچکزدن  
ایکیسی ده کیتدی ها !

— نه یاپیم ؟ بن آنلره کندیکیزی کوسترمیک دیه او قدر  
تنبیه ایتدم . دکله مدیلر .

— ای ، سن نیه اورلک ؟

— بنمکیده بودالاقدن اولدی یا ! تسلیم اولک دیدیکمز  
وقت هپسی شاشیردیلر . بنده آرتق مدافعه ایتیمه جکلر در  
دیه رک میدان چیقدم . او وقت اورلدم .

— ای اوسته ایبوش ، سن نره دن طویدک ؟

— بزم چفتلکه قیر اغاسی کلدیده آندن ...

بوکله جمله سنی تترتدی ! ، دار آغاجنی کوزلری اوکنده  
تجسم ایتدیردی ! .

محسن تعجبله دیدیکه :

— سنزک چفتلکه قیر سرداری نه آرابور ؟

ایبوش کوله رک :

— اصل اهمیت بزم چفتلکه در . هانیاسنر یوجیلره

سلاح آنارکن اوچ کشی امداده کلدی ایدی ؟

— اوت .

بررسی — آه ، بن اونلره بر تفنك آتدم اما راست  
کمدی .

بر دیگری — بنده آتدم اما راست کمدی . پك قرانلق  
ایدی .

ایبوش ، بر نظر استخفاف ایله بو ایکی حدوده باقه رق  
دیدیکه :

— آنلر آتدقلری وقت هوا قراکلق دکلیدی ؟ . بعده  
محسنه خطاب ایدم رک :

— ایشته او آدملر بزم چفتلکدن ایدیلر ...

محسن عجله ایله دیدیکه :

— امان کیم اولدقلرینی سویله ! ..

— نه یابه جقسک ؟

— ای اولدیغم وقت کیدوب هبسنی اولدیریم .

ایبوش باشنی صالایه رق دیدیکه :

— پك قولای دکل ! .

— جانم ، سن کیم اولدقلرینی سویله !

— بری فؤادبك ، دیگری عثمان . بریده ...

— ای !

— آنیده سن بول .

— بشقه بررسی اوله جق .

— نه ایسه . آلك لزومی یوق . محسن . باقه لم دهانه  
یادیکز .

— نروده ؟

— جانم اوچید باغنده هیج برشی دوشور مدیکزمی ؟  
— خیر .

— یا مکتوبی هانکیکز دوشوردی ؟

محسن صاراره رق دیدی که :

— مکتوبی ؟

— اوت .

— قوینده !

بوسوزیله برابر محسنك قویننه صوقدینی ال بوش چیقدی !

بونك اوزرینه ایبوش دیدی که :

— هپکزده احتیاطسزسکیز دیه بن سویلمیورمی یم ؟

— زیان یوق به ایبوش ! هیج برشی اکلایه مزله ،

اوته کی دورلو یازلمش ایدی .

— هر نه ایله یازلمش اولورسه اولسون ! هر حالده احتیاط-

طسز لقدر آ ! بلکه بریسی اکلایویرر . . .

— لقردیکی کسیورم ، شو کتیردیكك شی نه در ؟

محاوره نك بوندن صکره سی ایبوش ایله محسن پینده بزجه

معلوم اولان اصولده جریان ایتدی .

— مکتوبده نه یازلمشیدی ؟

— اہمیتی برشی یوق ایدی .

— بك اعلا !

ایبوش ، قنبری نصل دکلہ دیکنی وقیرسردارینک مکتوبی بولدیغنی نصل او کرندیکنی تمامیلہ محسنہ اکلاتدی .

بونلر بو محاورہده ایکن آرقداشلرندن بریسی باغره رق دیدی کہ :

— او !! اوستہ ایبوش ! بوکتیردیکک شی قلدییور .

— زیان یوق . محسنہ خطاباً :

— اکلا دیکمی ؟

— اوت ، شمندی کتیردیکک شو قیزی بورادہ می

صاقلیہ جفز ؟

شونی سویلمکی اونو تہمہ لم کہ :

ایبوش ، چفتلکدہ کی وقعہ لری محسنہ اکلاتورکن الماسی

اولدیرمک ایچون نادیدہ طرفندن وقوعبولان تکلیفی سویلمہ .

مش ویالکز ، اولجہ نادر بکدن آلدینی مکتوبدہ کی امر اوزرینہ

الماسی چالوب مغارہ یہ کتیردیکنی سویلمہ مشدر .

ایبوش ، محسنک سؤالنه جواباً دیدی کہ :

— اوت ، اوچنجی مغارہده طورہ حق ، اوراسی ایدر

دکلی ؟

— بیلورسک یا ! بك چوجقلرینی اورادہ صاقلرز .

— بکی ، شمدی بونیدہ اورایہ کوتور ملی ، کندیسینہ  
رعایت اینملی !  
— اولور .

ایبوش ، الماسک باغلرینی چوزر چوزر منالتندن یلدرمه و باش  
اورتوسیلہ برابر الماس چیقنجه محسندن ماعدابتون حیدودلر :  
— آ ؟ ؟ . دیہ باغردیلر .

ایبوش ، بلا اختیار کولہرک ، بونلرہ خطاباً دیدی کہ :  
— کور دیکز می ؟ بن ، برانسانی آرقہ مدہ کتوردم ،  
قوجہ برچفتلکدن چالدمدہ کیمسہ فرقندہ اولمدی !  
— آدک اوستندہ اوستہ ایبوش ! توکلای سکا ( اوستہ ! )  
دیہ مشلر .

ایبوش ، حیدودلردن بریسینہ خطاب ایدہرک دیدیکم :  
— بونی ایچریکی مغاریہ کتور . اگر کندیسینہ جزئی  
برحرمتسزلکدہ بولنہ جق اولورسہک وای حالکہ !  
— سن راحت اول اوستہ ایبوش ! بن چوجق لالافتی  
اوکرندم . بوکچوک خانمدہ کز مکہ کیدیورمش کبی باش اورتوسنی  
اونتمہ مش ! بوچون بویلہ یاتیور اوستہ ایبوش ؟  
— اویویور .

— اما یابدک ها ! بونصل اویقو ؟

— یاخود ، اویوتیلیور . .

— آ کلادم اولو طوبراغی سریمشک .



— بدلا اجزا ایله .

— هر نه ايسه ايجري يه . کوتور ديمی ؟ .

— یو ! . بوراده طورسون ! . هایدی ايجري يه کوتور ،  
مندر اوزرينه ياتير ، غازي ياق .

-- اويديردق ! .

ايبوش ديكر لرينه خطاباً ديديكه :

— ای ، نه حوادث وار باقه لم ؟ بن اوراده دنيا دن خبر سز  
قالم ! .

— بزمده هيچ خبر مز يوق . او كيجه دن بري هيچ  
مغاره دن طيشاري چيقيورز .

— ينه ده چيقيميك ! محسن ، يوركيدن برخبر وارمی ؟  
محسن — ها ! اومی ؟ قوجه يورکی ! اوته کی بدلا قير  
اغاسنی کاربان صويان حيدودلر ها بوراده در ، ها شوراده در  
ديه طاغدن طاغه طولاشدير يور .

— چوق شی ! ديمك سزی حالا آرايورلر ها !

— شېه می وار ؟ کیت کیده بزه هيچ اتمك براقيه جقنر .  
دره بلكك دوری کيتدی ، شمدي حكومت وار ، حيدودلری  
طوتديني وقت آسيور ، ليكن بزی ايسته دكلری قدر آراسوانلر .  
بز بولنيز ! .

— بويله حرکت ايدرسه كنز البته طوتيلورسكنز . سز دن

احتیاط دیدکاری شی قالقمش ! کیمیکز مکتوب دوشیرپور .  
کیمیکز اوریلیور . . .

— چوق اولیور اما ، اوسته ایبوش !

— جانم بن سزك فزالغکز ایچون سویله میورمیا ! باق بو  
سفرکی تدبیرکز اییدر . بومغارهدن چیقمیک ییه جککز  
واری ؟

— دها اوچ کون بزی اداره ایدر .

— پك اعلا ، آرتق بن کیدهیم .

— دها ایرکن جانم اوتورسهك آ !

— بکی کوره جکم . هم صباح ده اولمشدر . بورایه کله لی  
قاج ساعت اولدی ؟

— ها باق بر شی دها سویلیهیم . بز ، کیجه نی کوندوز  
یابدق !

— بو ، نیه ایی ؟

— بوراسنی شاید باصه جق اولسه لر ، بزی غافل بولمق  
ایچون کیجه باصرلر . بزده اویقو سرسه می اولیه لم دیه کوندوز  
اویورز . فصل ایی دکلکی ؟

— بنجه ایی دکل ، نه ایسه ، دعالر .

— سلامته !

ایبوش ، مغاره دن چیقدیغی وقت کوندوز اولمشیدی .

ایاغینلرک آرمسندن یواشجه کچهرک قواق آغاچنک دینده  
 اوتوروب دکلندکدن صکره طوغریجه نادر بکک قوناغنه کیتدی .  
 نادر بک هیچ اوممیدینی حالدله ایبوشی قارشیسندنه کورنجه  
 دیدی که :

— او ! . خوش کلدک ، بابا ایبوش ! خیر اوله ؟

— انشا الله ... خیره تبدل ایدم ! .

— هله شویله اوطور باقیم . بویله بردن بره کلیشنه ...

— واقعا شاشیله جق شیدر . لیکن بکا امر ایتمه مشمی

ایدیکز، که ایکسینی ... معلوم یا ؟

— اوت .

— ایشته بندم یالکیز بریسنی محو ایدم بیله جک بر دلیل

اله کچیردم .

— نه کبی ؟

— برمکتوب ! .

مکتوبمی ؟ کیمدن ؟ .

— نادیده خانم افندی حضرتلری طرفندن ! .

— اوح ! ویر باقیم .

بونک اوزرینه ایبوش مسهیزیانه بر طرز ایله گولدکدن

صکره دیدیکه :

— یامده دکل افندم . حالوکه ذهنندن شونلری

کچیروردی :

پیر اول نادر بك ! بن بدالامی یم ؟ . بنم سن ده آله جق  
انتقام وار ، سن بنم آلدیغمی ایشدیكك وقت هیج فتور  
کثیرمدك ، شریکینك وجودی اورتهدن قالقه جفنه منون اولدك .  
نادر بك ایبوشك یاعده یوق ! دیمه سی اوزرینه یوزینی  
اکشیده رك دیدیکه :

— اویله ایسه نافله ! الهه کچیردم دیمه . .

— سز مراق ایتیمك بكم ، بن شمدی کیتسم آنی کتیره  
بیلیرم .

— هایدی قوش کتیر ! .

ایبوش ، ینه اوملعونانه تبسمیله :

— بابزم اجرت ؟ . — دیدی .

نادر بك متعجبانه برصورتده ایبوشك یوزینه باقهرق :

— سنك بوكون حالك تبدل ایتمش . دلمی اولدك ؟

— -- نیچون بكم ؟

— چونكه : نه دیدیکنی بیلمیورسك ؛ اجرت ایسته یور

سك . شمدی به قدر سنكله بوخصوصده غوغا ایتدكمی ؟ .

— الله عمرلر ویرسون بكم ، ایتدك ، لکن . .

— ای ، لکن ؟ .

— بوراده طور مق نیتندد دکم ؟

— نه یابه جقسك ؟ فرارمی ایدم جقسك ؟

— اوت بكم ،

— عجایب ! نهدن ؟

— اولیه ، دها ای ، (موره) یه کیتمک نیتندیم . اوراده  
اونجه یه قدر پاره لری یرم .

— ای اما شمدی یه قدر قاچ لیرا بریکدیردک ؟ .

— بیک دانه قدر اولمی ! .

— ای ، شمدی ده بن یوزلیرا ویررسه بیک یوز ایرا  
اولور . بونکله نه یاپه بیلورسک ؟

— ایشته بن ده بونکچون اجرت ایستدم یا !

نادر بک حیرتله باغردق :

— نه ! . . . سن یوزلیرایه راضی دکلیسک ؟ .

ایبوش سرین قانلیقله :

— خیر بکم ،

— نچون ؟

— چونکه سزه ویره جکم مکتوبی برقاچ یوز لیرایه نادیده

خانمه صاته بیلورم . ذاتاً بکا تودیع ابتدکی ایشی یاپسه ایدم

درتیوز لیرا آله جقدم . شمدی آنی ده یابدم . لیکن اونک

یرینه بشقه برشی الده ایتدم . .

— سویلکرندن هیچ برشی اکلایه میورم .

— اکلایه من سکز بکم ؟

— اکلات باقهیم .

— الی لیرا !!! .

نادر بك كوله رك :

— سن بوكون مطلقا چيلدير مشك برشيئي اكلاتمق  
ايچون اللى ليرا ويريلورمى ايمش ؟ سن بونى نروده كوردك ؟  
— شمدى بكمزده كورم جكم !!! .

— بن برپاره بيله ويرمم .

— سز بيلورسكز بكم . دعالر .

نادر بك ايوشك كيتديكنى كورنجه آرقه سندن باغرم رق :  
— ايوش ! ايوش ! كل !

ايوش ده ذاتا قبونك طيشاري سنده طوروب بويله برندايه  
منتظر اولديغندن همان ايجرى يه كيردى و :

افندمز برشيمى امر بيوره جق ؟ — ديدى .

— اوت ، كيمه ! بكا اكلات ..

— اللى ...

— اون ليرا ويريم هايدى ..

— اللى بشدن اشاغى اولمز .

— دمينجك اللى ايدى يا !!

— كيتدكجه بيويور .

— يكرمى ليرا !

— آلمش ..

نادر بك ، حصوله كلن حيرتى كنم ايچون كوله رك :

— لطیفه نك صردسی دكل ، ایشته ایسته ديكك الی لیرایی  
ویره جكم . اكلات باقیم .

— آلتشدن اشانی اولمز !! .

نادر بك پاره لری كتیرمك ایچون یرندن قالدی . . کیدر كن  
ایبوشك یوزینه اوپله باقیوردی ، كه بونظرده کی دهشتی  
ایبوشده اكلایهرق دیدیکه :

— افندمز ، صاقین بنده کزی طوتدیرمق ایسته میگز .  
چونكه بنم بورادن صاغ چیقمدیغمی کورمن بر آرقداشم سزك  
بكا کوندرمش اولدیغكز مکتوبلرك كافه سنی قیر سردارینه  
تسلیم ایده جکدر . زیرا انلری یاقدم .

ایبوش ، درایتی سایه سنده کنیدی سنی بوموت محققدن  
قورتارمشیدی . چونكه نادر بك قپوسنك اوکنده نوبت  
طوران ایکی آرنبودی کتیرمكه کیدیوردی . نادر بك بوتد -  
یرینك بوشه چیقدیغنی کوره رك آلتش لیرایی مجبوراً کتیروب  
دیدیکه :

— آل ، تمام آلتش دانه ، ایسترسه ك صای !

— استغفر الله بكم ، بوبنده كزك سزه اولان امنیتی بك  
بیو کدر . .

— هایدی اكلات باقیم .

ایبوش هر بیلدیکنی تامایله نادر بکه اكلاتدقن صکره  
دیدیکه :

— کوریورسکیز که نقدر مهم خبر لر ویردم . نادیده نك  
ایکی مکتوبیله نادیده نی ایسته دیککز کی اوینا ترسکز . الماسه  
فالق یاپارم دیه فؤادی ده قورقوترسکز بو وجهله ده انتقامکزی  
آلیرسکز .

— آفرین ایبوش ! چوق ایش کورمشك . شمدی  
ویردیکم آلتش لیرایه آجیام . الماسك بولندیغی یری بکا سو -  
یله مك ونادیده نك مکتوبلرینی بکا تسایم ایتك ایچون قاج لیرا  
ایسته رسك ؟

— ایشك نقدر اهمیتی اولدیغی دوشوندیکزمی بکم ! .  
— اوت .

— ایسته بنده بوکا کوره پاره ایسته جکم .

— سویله باقیم .

— بیک لیرا !! .

نادر بك تعجبندن باغرم رق :

— بیک لیرامی ؟ .

— اوت بکم ، جزئی بر مبلغ ! .

— خیر خیر ، بن مطلقا یا کلش ایشیتیورم . دکلی ؟

— خیر بکم ، بك طوغری ایشیدیورسکز . طقوز یوز

طقسان طقوز لیرایه بر لیرا دها ضم ایدرسه کز بیک لیرا اولور .

نادر بك باشنی صالایه رق :



— نافله امید ایتمه . بنده بیک لیرا نه کز ر ؟ .

— مساعده بیورر سه کز بر پارچه کوله یم . سز بو کونکی  
کونده اون — اون بش بیک لیرایی بر آنده صایه بیلورسکنز .  
هم نادیده نک مکتوبی بش آلتیوز لیرایه صاته بیلورسکنز .  
الماسه کلنجه آتی ده فؤاد بک بیک لیرایه فرح فرح آلور .  
— بشیوز ایرادن زیاده ویره م .

— سز بیلورسکنز . شونیده سویله یم ، که پشیمان اوله جق .  
سکنز . زیرا بر کون کچر سه ایکوز ایرا دها زیاده ایستیه حکم .  
بنج مرادم سزدن پاره لری آلور آلمز صولوغی ( موره ) ده  
المق واوراده راحتجه یشامقدر . نه اولور نه اولمز !

نادر بک ایبوشک بوقطعی سوزلرینی ایشیدنجه دوشونمکه  
باشلادی . هیچ مأمول ایتمدیکی حالد ایبوشک بوحر کتده  
بولایشنه بک زیاده حدتلیور دیسه ده الندن برشی کله مزدی .  
هر نقدر ایسته دیکنی یاپدیره بیلور دیسه ده الی آلتنده بولنان  
حیدود چته سی کندیسنی کورمه مشلردی . حتی محسنندن  
ماعداسی اسمنی بیله بیلمز ! . یالکز ایبوشی آمر مطلق  
طایر لر ایدی .

ایبوشده بونی بک کوزل بیلدیکندن بویله طیانیوردی .  
نادر بک کندی کندینه بر طاقم حسابلر یاپدقدن صکره  
دیدیکه :

— بکا باق ایبوش ، شمدی سکا صاری صاری تمام  
 یدیوز لیرا ویریرسم راضی اولورمیسک ؟ .  
 نادر بک لئوردیسنی بیتردکدن صکره الینی جینه صوقوب  
 بر آوج آلتون چیقارهرق شیقرداتمغه باشلادی .  
 ایبوشک بیله قراری اودرجه قطعی ایکن شو شقرقینی  
 ایشیدر ایشتمز ترده دوشدی . اوپله یا ، یدیوز لیرا از  
 پاره می ؟ کندیسنکده وار ! . راضی اولسنه از قالمشیدی .  
 لیکن نادر بک بهمه حال بوشیلری الده ایده جکنه قانع اولد .  
 یغندن دیدیکه :

— سویلهدم آافندم ! برلیرا دکل برپاره اشاغی اولمز .  
 نادر بک حیرتله ایبوشه باقیوردی . کندی واسطه جنایتک  
 بوقدر انصافسز اولدیفنی طوغریسی یا ، کندیسی بیله  
 بيلمزدی .

براز دوشندکدن صکره دیدیکه :

— سکز یوز لیرایه نصلسک ؟

— اولمز بکم .

— هایدی اوپله ایسه اغورلر اولسون ! .

ایبوش اوپله قپوسندن چیققدن صکره بلمکه تکرار  
 چاغریلیرم دیه بکلدیسهده بوپله برشی ظهور ایتمدیکندن تکرار  
 ایچری کیروب دیدیکه :

- طقوز یوز لیرایه ویریورم .  
 نادر بک کوله رک دیدیکه :  
 — کل ایبوش کل ، شویله اوتورده سنکله قونوشلم .  
 — بیورکنز بکم .  
 — بن سکا بیک لیرا ویره جکم . فقط بر شرط قویه جغم  
 راضی اولورمیسک ؟  
 — نه در ؟  
 — شو شرط ایله که بورادن کتیمیه جکسک ، بو ایشار  
 بیتنجه یه قدر یانمده قاله جقسک . اکلادکمی ؟  
 — اوت بکم ، لکن ... تهلکه وار .  
 — هیچ بر تهلکه یوق .  
 — سزک یازوب محسنک دوشوردیکی وقیر سردارینک ده  
 الینه کچیردیکی مکتوب بنی قورقیتور .  
 — قورقه ! او مکتوبده بنم ده امضام وار . همده  
 بیلورسک یا ! سکا اولان مکتوبلرمی طوغری یازی ایله یازمم .  
 بوایش بیتدکن صکره بنده ازاجق بورادن کیتمک ایسته یورم .  
 — یا ! نه طرفه ؟  
 — بنده موره طرفلرینه ! نصل راضی اولدیکمی ؟  
 — راضی اولدم اما ... پارملر ؟  
 — ها ! ایسته بو خصوص کوچ . بوزلره قیمت بیچلم .

مکتوب ، اوچیز لیرا ، الماس یدیوز لیرا . مکتوبی بکا  
ویردیکک وقت یوز لیرا ویریرم . الماسی بزه یعنی بورایه کتیر-  
دیکک وقت درتیوز لیرا ویریرم . اوته کیلری ده ایش بیتدکدن  
صکره .

— پک ای . شمدی سز یوز لیرا کتیریگز .  
نادر بک برشی اکلایه مدیسه ده ایبوشک مطلوبی ویردی .  
ایبوش لیرالری صایه زق دیدیکه :  
— باقکیز بکم ، بن نقدر طوغری بر آدم !! ایشته ایکی  
دانه زیاده چیقدی . بیورک .  
نادر بک کوله رک :  
— سنک اولسون . ای صکره ؟  
— پارمی نیچون ایستدیکیمی صوردیکز ؟  
— اویله یا !  
— مکتوبی تسلیم ایده جکمه آندن !  
— هانیا مکتوب ؟  
— ایشته !  
ایبوش ، نادر بکک یانندن ممنوناً مفارقت ایلدی .

تکمیل کوی خاتیِ جدّاً متأثر اولدقلری حالده بولنیورلردی .  
قنبر بو حال یاسنده بیلہ ایبوشک بولندیغنه دقت ایدهرک  
کندی کندینه دیدیکه :

— جهان یوق عجبابواقشام، فؤادله ایتدیکمز محاوره‌ی  
ایشتمدیده قاجدی می ؟ اکر . بزی دکلیه بیلدیه پک اوسته  
بر شیمش !

صبحا این قارغاشلق آره سنده الماسک غیبوبتنه کیسه  
دقت ایتدی . نادیده مستثنا ! چونکه :

لیوناظه‌ی ایچن الماس غیر قابل تحمل براویقویه طوتیلهرق  
اولدینی یرده قالیویرمشدی . فؤاد بیچاره سیده بو حالده ایدی .  
کلشن ، الماسی قوجاغنه آلوب کتوردکن بر آرز صکره  
نادیده ده اوطه دن چیمش و الماسه تخصیص اولنان اوطه  
کیتمشدی . اوطه یه کیردیکی وقت کلشن ، الماسی یتاغنه یاترمش  
و باش اوچنه اوتورمش ایدی . .

— اوہ ! . ایتدیکمز کی اولدی .

— نه ده کوزل ! طبقی سزه بکزیور . عجبا ساعت قاج ؟

نادیده ساعتنه باقه‌رق دیدیکه :

— تمام وقت ، هایدی کوتور ( کوله‌رک ) باش اورتیسنی

اونته !

بر مدت صکره عودت ایدن کلشن :

— جهان اغایه تسایم ایتدم. تبشیرینی نادیده خبر ویردی.

— آفرین ایشه سن وظیفه کی یابدک، شمدیده صره نم  
وعدمه کلدی!

ایشته بونکچون نادیده الماسک غیبوبتنه دقت ایتهمش کبی  
کورینوردی.

علی بک، خواب ابدیسنده کیمسه نک تعجیز ایده میه جکی  
محل سکونته وضع ایدلدکن صکره فؤاد راست کلدیکی  
بر خلاقه:

— الماس خانمه سهویله ده آزاجق بورایه کلسون! —

دیدى ایه ده هیچ بر جواب ظهور ایتدی.

دیگر بر خلاقه دخی:

— چابوق الماس خانمی بکا یوالا! دیدیسه ده ینه بوکاده

جواب کلدی. لیکن خلاقه آرهمنده بر کوراتی قویمشدی.

— الماس خانم! کچوک خانم! دیه ایدیلن ندالره پجو-

ابسز قالیور ایدی.

فؤاد، الماسک کله ییشینی هیچ بر شئیئه حمل ایده میهرک

مضطرب اولیوردی.

تکمیل او طهار اراندی، الماسی ینه بوله مدیلر. نهایت

کلوب نادیده ایله فؤادی الماس خانمک غیبوبتنی خبر ویردیلر.

بو خبر فؤاده ییلدیرم کبی تاثیر ایتدیکندن برمیندرک اوستنه

دوشیویردی.

نادیدہ ، فؤادك بوحالنه قارشى تبسم ایدوردی .

حرم دائره سنده بو حال جریان ایدرکن سلامقدمده هر  
کسن جهانی آرایوردی ! . حالبوکه بووقت جهان ، نادر بکله  
پازارلقده ایدی ! . . . فؤاد کندینه کلدیکی وقت نادیده آیاقدہ  
طوران خلایفه دیدی که :

— هایدی کلشن ، بزى راحت براق ! .

فؤادله ایکیسی یالکزقالنجہ مستہزیانہ برطورله دیدی که :

— فؤاد بك افندی ، جاریہ کزلہ قنوشمق ایچون آزاجق  
وقت غائب ایدرمیسکز ؟ .

— استغفرالله ، بیورکز ! .

— غلی بك وفات ایتدی . . .

— مع التأسف ، که اوت ، جناب حق مغفرت بیورسون .

— تکمیل ثروتی بکا قالدی .

فؤاد ، بو مقدمه لرك نرہیہ منجر اولہ جفنی اکلا دیغندن

غریب بر صورتده کولہ رك :

— اوت افندم .

نادیدہ ، فؤادك کولہ سینہ ہیچ بر معنا ویرہ میہ رك :

— شمدی سز نہ یاپہ جقسکز ؟

— قدر نہ ایسه او ، اولہ جق .

— بیلیور میسکز ، که بن ، سزی شمدی چفتلکدن

طرد ایدم بیلیمك حقنی حائزم . اكر بویله برشی یاپه جق  
اولورسه م بر ، ایکی ، نهایت اوچ کون صکره آج قاله جفکیز  
بدیهیدر . هر تقدیر علی بك سزه چوق خرچلق ویرردیسه ده  
پاره بریکدیر مدیککیز ظن ایدرم . بویله دکلیم اقدم ؟

فؤادینه غریب بر صورتده کولدکن صکره دیدی که :  
— بوده طوغری ! . دوام ایدکز .

— دیمك اولیورکه بن هر نه ایسترسه م یاپه بیلورم . یعنی  
سزی بورادن طرد ایله آج براقه بیلورم . بونی تسلیم ایدر  
سکیز آ ؟

— اوت اقدم .

— ای ، شمدی بنی ینه تزوج ایتیه جکمیسکیز ؟

— اصلاً !!!

نادیده ینه هیچ مأمول ایتدیکی بو : اصلاً ! کلمه ردینی  
ایشیدینجه هیچ احتمال ویره میهرک یا کلش طویدیغینه ذاهب  
اولدیسه ده فؤاد ، برقاج کره تکرار ایدنجه آرتق شههسی  
قالیهرق حیرتله فؤادک یوزینه باقدی .

فؤاد ، بر نظر بیقیدی ایله نادیدهیه باقیوردی . نهایت  
دیدی که :

— تعجبمی ایتدیکنز ؟ باقکیز ایضاح ایدیم : اول امرده

بن ، بر پاره سز دکل ، ثانیاً ولوکه بر پاره سز بیلله اولسه م پدرمه  
ایتدیکم یمین وار . ثالثاً الماسی سویورم . . .



نادیده نك كوزلری مدهش بر صورتند پارلدایه رق دیدی که :

— سز الماسی ایستدیککز قدر سوکز ! بر اولونی سومک ممکن ایسه سزده آنی سوکز ! علی بکه ایستدیککز یمینه کلنجه آنک اوحال معتوهیتنده سویله دیکی لقردی مقبول اوله مز . برقاج یوز لیرا پاره کز اولسه بیله ایکی کونده بیتر .

فؤاد ، نادیده نك لقردی لرندن حد تلنه رك دیدی که :

— عجایب ! الماسك وفاتی بیلورسککز ها ؟ آنی ده علی بك کبی زهر لدکی زهر جی قاری ! ؟ سنك کبی بر جانیه نك زوجی اولمقدن ایسه آچلقدن اولمك دها اییدر ! . ذاتاً الماس اولدکن صکره دنیاده نیچون یشایم ؟ .

قوینندن وصیتنامه یی چیقارهرق سوزینه دوامله دیدی که :  
— باق ، بوده علی بلك وصیتنامه سیدر ! . دكله ! .

وصیتنامه سوزی اوزرینه نادیده :

— آ ؟ ! . . دیه حایقرمقدن کندیسنی منع ایده مدی .  
فؤاد وصیتنامه یی کاملاً او قودقدن صکره آجی آجی کوله رك دیدی که :

— کوردیکز می ؟ .

نادیده ملعونانه بر تبسمله :

— بویله ساخته بر شیئی بن قبول ایدم ! . ساخته کار ! .

فؤاد کندیسنه بویله برصفت اسناد اولنمه سیندن قیزه رق  
دیدیی که :

— بنی ساخته کارم ؟ . سن بکا الماسک قبری ایله چوجغمی  
تسایم ایت ، بنده بو وصیتنامه یی بیرتهیم ! .  
نادیده حالا اومعهود تبسمیله :

— هاه هاه های ! . . امان — مساعده کزله — کولهیم !  
ساخته برکاغده بنی تهدید ایتک ایستیور ! . چوجغمی سکا  
تسلیممی ایدیم ؟ آفرین ! . اوچوجغمی بن ، سکا قارشى سلاح  
مقامنده استعمال ایده جکم .

فؤاد زیاده سیله حدتله رک :

— بکا سویله مک ایستمدیکم لقر دیلری سویلته جکسکز .  
بن ، اوچوجقدن اوتانمام ، بلکه سن اوتانورسک ! . .  
فؤاد بوسه وزلریله یأس حدت ، حیرت ایچنده قالان  
نادیده یی ترک ایدره رک طیشاری چیقدی .

فؤاد پک مایوس ایدی . چونکه : مدت عمرنده ایکی  
کشی سومش ، ایکسینیده بر آنده غائب ایتشدی .  
بوندن صکره دنیا ده قابوده نه یاپه جق ؟ ! .

اگر فؤاد ، برحس طبیعی ایله الماسک صماغ اولدیغنه  
حکم ایتسه ایدی ، شبهه سز اتخار ایدردی .

حرم دائره سندن طیشاری چیقدیغی وقت یاپه جغی شیئی

قرار شد یرمش اولدیغندن راست کلدیکی بر خدمتچی به کند -  
یسـیـله قنبرك حیوانلرینك حاضرلنمـهـنی امر ابتدی . قنبرك  
اوطه سنه کیره رك قنبری ایاق اوستی کورنجه قوللارینی اكا  
طوغری اوزادوب دیدیکه :

— الماس یوق !

قنبرده فؤاده مقابله بالملده بولنه رق :

— جهان یوق !

بویله آیق اوستی طورمقله برشی حاصل اوله میه جغندن  
قنبر ، صوفیه بر حصیر یاهرق دیدیکه :  
— اوتور باقم .

بونك اوزرینه فؤاد ، نادیده ایله بینلرنده ایکنجی دفعه  
اوله رق جریان ایدن شدتلی محاوره بی کاملاً اکلاندی .

قنبر پك بیوك بردقته فؤادی دکلیوردی . فؤاد لقردینی  
بیتردکن صکره براز دوشنه رك دیدیکه :

— علی بکی مطلقا نادیده زهرلتمشدر ، کندیمی زهرلیه مز .

— اوت ، بچاره پدرمی کلشن زهرلشدر . چونکه :

بن . دون کیجه ایجری به کیتدیکم وقت کلشنك ، نادیده نك  
ویردیکی برشیشه دن عی بکه ویردیکی صویه برقاچ طامله  
علاوه ایتدیکنی ایشتم .

— هاه ! اشته شمدی ایش اکلشلدی .

— نه کی ؟

— علی بك زهرلندی ، الماسده جهانہ یاخود ایبوشه  
تسلیم ایدلدی .

فؤادك ، اولجه حیوانلاری، حاضرلمسنى امر ایتدیكى خد-  
متجى كلهرك حیوانلرك حاضرلندیغنى بیسان ایتمهسى اوزرینه  
قنبر دیدیکه :

— نه او ؟

— کیده جکیز .

— زهیه ؟

— بنم ، اولجه بولندیغم چفتلکه ! .

— سبب ؟

— حیاتمزی محافظه ایتمک ایچون .. برده ...

— یا ؟

— برده .. انتقام آلمق ایچون ! .

— بووقت چفتلکی ترك ایتمک مناسبتسز اولمازمی ؟

— علی بك کبی زهرلمکی آرزو ایدرسهك بوراده قاله  
بیلورسك ...

— بك طوغری اما ...

— هایدی ، بوسفرده سن بنم سوزمی دکه ! یولده دها

ای اکلایشیرز .

برچارىك صکره ایکی آرقداش یوللرینه دوام ایدیورلردی .

کچید باشنه یعنی — حیدودلرك بش یولجی بی صویمق ایسته -

دکلری یزه کلدکلری وقت قیر سردارینی اوراده کوردیلر . .  
 فؤاد وقنبر برر سازم و یروب چکمک ایسته دیلر سده قیر آغاسی  
 بونلری لقردی یه طوتدی .

ابتدا ، علی بکک وفاتنه تأسف ایتدکدن صکره دیدیکه :

— بنم بوراده اولدیغمه شبهه سز تعجب ایدیورسکمز . دکلری ؟  
 — اوت ، پک طوغری .

— بوقیالرک آلتلرینی تکمیل آراتدیریورم .

— نیچون ، برشیمی مأمول ایدیورسکمز ؟  
 — بلایکه !

— انشا الله موفق اولورسکمز ! .

— انشا الله !

قنبرله فؤاد یوللرینه دوام ایتدیلر . فؤاد دیدیکه :

— شو قیر سرداری الله ایچون چالیشیور .

— بوکاده سبب : نشان آلمقدور .

— اکر بولورسه ، بن توسط ایدرم . زیرا شبهه سزکه

چفتلکده کی ایبوشده بوچته نک افرادندن ایدی ، الماسی ده

آنلرک یاننه کوتورمشدر . امان یاربی ! ملک کبی قیزجغز

اووحشی جنوارلرک النده ! . .

— تأسف ایتمه البده بولورز . . و . . .

— وانتقامیزی آلورز ! .

— یقینده ! .

— بن ، برقرار ویردم ، بیلیم بکنور میسک ؟

— نئاو ؟ چفتلکه کیتیمیه جکمی بز ؟ سن بویله دیمدی کمی ؟

— دیدم اما ، شمدی او قرار دن جايدم .

— یانه یابه جغز ؟

— بیایورسک یا ، شمدی چفتلکلر دن پاره آلق و قیدر .

— اوت . .

— اوپارملرله مملکتده کوزل برقوناق یاپدیریرز .

— صکره ؟

— آه ! الماس ، سن و بن اوچمز اوتوریرز .

— یاچفتلکلر ؟

— آدم سنده ، اونلر قولای ، بریسنی کهایا یاپارز .

اولمز می ؟

— بونلر ، صکره دوشینیه جک ایشلردر . سن ،

وصیتنامه نی نادیده یه کاملاً او قود کمی ؟ .

— اوت .

— ها ، اویله ایسه مملکتیه کیتملیدر .

— یا بن بشقه دورلومی سویلیورم ؟ حکومتیه خبرویریرز .

کلوب چفتلکی مهرلرلر . .

بوقرار اوزرینه یوللارنی تبدیل ایدمک شهره طوغری

معهود خانه یعنی قنبرك فؤادی تداوی ایتدیکی خانه ایندیله .  
خانجی بونلری کولهرك قارشولش و :

— او ! . بزم اسکی مشتریلر . — دیه قوۀ حافظه سـ.نك  
زیاده لکنی اثبات ایتمشدر .

تصادف بویا ، فؤادك ایلک اول یاتدیغی او طه بوش اولد .  
یغندن یولجیلر من اورایه کیردیله .

فؤاد بر مدت اطرافنه باقندقدن صکره آجی آجی آغلمغه  
باشلدی ، بو او طه ده کچیردیکی برقاج خاجانی دقیقه لر خاطرینه  
کشییدی ! . — تعیر مخصوصله — صولر قرارمش اولد .  
یغندن ایکی آرقداش دها طوغریسی بابا — اوغل احبابلری  
طولاشمغه کیتیمهرك قرنلری طویورمقله مشغول اولدیله .  
مك ، شطارتسز کچدی . فؤاد بیچاره الماسی دوشینیوردی :  
عجیـ او خائن حریفلر قز جغزه بر فئالق یامشمی ایدیله ؟ صاغ  
براقدیله ایسه کیم بیلور کندیسنه نقدر اشکنجه لر اجرا  
ایدیورلر ! .

قنبر ، فؤادك حالنی کورمهرك محزون اولیور و تحف تحف  
بعض فقره لر نقل ایدیورسه ده بومساعیمی بوشه چیقیوردی .  
ینلرنده حکمفرما اولان سکوت آره لقدمه بر قنبرك سویله دیکی :  
— زیتون ای ، لیمونی ده چوق . بوندن یسه کا ! سوزلریله  
منقطع اولیوردی .

حاصلی : ایکسیدہ نشہ سبز بر صورتہ طعاملرینی اکمال  
ایستدیلر .

یمکدن صکرہ بر قاج هوائی سوزلر تعاطیسندن صکرہ  
یتاقلرینہ اوزاندیلر .

قبر ، نادیدہ نک کندیلرینہ قارشى استعمال ایدہ جکی  
حیلہ لری دوشنہ رک معذب اولیور و بونلرہ بر چارہ مدافعه  
آرابوردی . کندی مهارتہ کووہنہ رک بونکا اولقدر اہمیت  
ویرمیور دیسہ دہ ، الماسک غیبوتی اوزرینہ فؤادک دوچار  
اولدینى حالى و آرتق بوضربہ یہ مقاومت ایدہ جک قدر اقتدارى  
قالمیان اوبچارہ کنجک حالى تفکرلہ دوچار اندیشہ اولیوردی .  
فؤادک عقلی ، فکری الماسدہ ایدی . کوزلرینی قباسہ  
الماسک کندیسندن استمداد ایدر بر حالہ کوریوردی . کو -  
زینی آچسہ و ہرہانکی نقطہ یہ باقسہ مزارلنى والماسی ایلمک  
دفعہ کوردیکی وقتکی دهشتی کوریورم ظن ایدردی .

عقلندن ، نادیدہ دہ جیقمیوردی . ہر حالى ذہندن محاکمہ  
ایستدی ، ابتدالى آنی معذور کوردیسہ دہ دہا اینی تفکر  
ایدنچہ ارتکاب ایستدیکى آلچقلنى پک بیوک بولدی .

آرہ لقمہ بر کرہ دہ بو حاللرہ کندیسنک سبب اولدینى  
دوشینہ رک حیاتندن بیقیور وعادتا کندی کندیسیندن نفرت  
ایدیوردی . زواللى دلیقانى !



بو الم افزا صفتیلر ، قورنتیلر آره سنده ایکی اوج ساعت  
او یویه مدی .

همان همان اتخار ایتک ایستدیه ده یانی باشنده یاتان قبری  
دوشینه رک واز کچدی .

قنبرک کندیه نه بو درجه ده محبتی اولسنی و کندیه سنکده  
اکا قارشی احترامله قاریش یق بر محبت حس ایتسنی غریب  
بولیوردی .

اگر اتخار ایدم جک اولورسه وفاتندن صکره قنبرکده  
یشایه میه جفی محقق ایدی . قلباً بر مجلویت حس ایتدیکی بو  
آدمک حیاتی ایسه کندیه سنک غندنده مقدس ایدی . .

قنبرنده او یویه میوب راحتسز اولدیغنی متمادیاً بر طرفدن  
بر طرفه دونیشندن اکلا یوردی . بر آره لق دیدی که :

— قنبر ؟

— نه او ؟

— او یویورمیسک ؟

قنبر ، هیچ آرزوسی اولدیغنی حالده کوله رک دیدی که :

— او یویورم ! . تحفک به . او یوسه م لقردی سویلیه

بیلور مییم ؟ ! .

— نه بیلیم بن ؟ . عجبا وقت نصل ؟ .

— بیلیم اما صباح یقین اولملی .

یتاق ایچنده بوقیصه جق محاوره دن صکره او یقویه طامش

اولان بوايكي آرقداش ؛ بيكي رلرك تيمارى ايجون استعمال اولنان  
قشاغينك كورلتيسندن اويانديلر .

فواد ، همان يتاغندن فرلايوب اوستنى كيدكدن ويوزيخى  
ييقادقندن صكره پخرمي آچهرق برجيفاره تلنديردى .  
قنبر ، يتاغى ايجندن ديديكه :

— ديلمى اولدك فواد ؟

— نه يه ؟

— بووقت قالقيلورمى ؟

— سن اويو ، قاريشمه ! .

حقيقت ! . پخرمده اوطور و بده اطراف وا كناف سير  
ايديله جك زمان ايدى . خانك اوكى آچيق اولديغندن كوزك  
آلا بيلديكى قدر محل سير ايديله بيلوردى . شفق سوكمش  
اولوب سبز يوكلى مانده عربه لر ينك غجيرديسى ، مركبلره  
يوكنمش صبانلرك قالديرملره سورلمسيلر حاصل اولان طقرقى  
هرصالى كوفى مملكتمده قورلمقده اولان بازاره اطراف كويلردن  
كلهن كويللرك كورلتيسى ، كنج اولاح قاريلرينك بوينلرندهكى ،  
بللرندهكى كموش تزييناتك چنغلتييسى . خروسلرك ، كلبلرك  
فريادلرينه قاريشهرق كوزل بر آهنگ تشكيل ايدوردى .

شهر خارچنده ايسه تماميله سكونت جارى اولوب اقشامدن  
ياقلمش آتيزلرك حالا دوام ايدن دومانلرى افقه قاريشهرق  
هواى نسيمي ايله اختلاط ايتمكده در .

شمس جهانتابده کمال لطافتیه عرض دیدار اید یوردی .  
 اشعه زری ، نورانی خطرات کی تصادف ایتدکاری لطیف  
 چنزارلری ، اوفاجق کولی ، اولرک جاملرینی یالدرملقده در .  
 فؤاد ، طبیعتک تشکیل ایتدیکی شومؤثر لوحه بی تماشا ایاه  
 اناسی ، نادیده بی ، چقتلککاری . وصیتنامه بی ، ایبوشی ، هپسنی  
 اونتدی . انی بو حالندن بیدار ایدن قنبر اولمشدر .

— اویدوردق ! . بز بورایه کونشک نصل طوغدیغنی  
 کورمک ایچونمی کلک ؟ هانیا وصیتنامه ؟  
 — نصل وصیتنامه ؟

قنبر ، آلیق آلیق فؤادک یوزینه باقدی . فؤاد کندیسنی  
 طوپلایه رق دیدیکه :

— عفوایت بابا قنبر ؛ طالمشیدم نه صورتک ؟

— وصیتنامه بی آبابام !

— جیمده طور یور .

— بکا ویر ، سنده طور سه مطلقا غائب ایده جکسک .

— آل ! دها ایرکن دکلکی ؟

— بنده شمدی کیدیورم دیمدم آ ! .

— براز کچسونده کیدرز . باقملم بوکون آدم کوندرتوب

مهرلته بیلورسهک اعلا اولور ، دکلکی ؟ .

— بن کیدر خبر ویریم ، سن بنی بوراده بکله .

— یو ! برلکده کیدملم .

— خیر. سن آزاجق طولاش . اورته لقدن غائب اولمها!  
 بزکلور سنی خاندن آلورز . اولزمی ؟  
 — فصل اولورسه اولسون ، سکا برشی سویلیمی ؟  
 — طور دینگ قباحث !  
 — دیدیکم کبی چابوچه برقوناق یاپدیرم . بن بویتاقلردن  
 ایکره نیورم

— باق بونده حَقْ یوق ! خانجی بویتاقلری کیسه به  
 ویرمزکه ! ! بعض کبار مشتریلر کلورسه انکیچون صاقلر .  
 — هر نه ایسه ، خانجی نی چاغر باقمه لم . براز صکره بشوش  
 خانجی کلهرک دیدیکه :

— برشیمی ایستیورسکز ؟

— بابالق ، بزه تازه یاغ بوله بیلورمیسک ؟ تازه اولملی ها !  
 — بولورمیسک ؟ نه دیمک ! قبونک اوکنده آز کویایلر می  
 وار ؟ هپسیده یاغ کتیرمشلر . . انسان یاغ المق ایسترسه  
 بو کویایلردن المایدر . اما بونلرک یاغلریده هر هفته بر اولمز .  
 بعض هفته ای بعض هفته فنا ! بوکاده سبب : اینکلر هر هفته  
 بشقه اوت . . .

قنبر ، کمال استعجال ایله سوز سویلمکده اولان خانجی نی  
 صوصدیر ورق دیدیکه :

— آبابام ، بزسندن یاغ ایستدک ، لقردی ایستمدک .

— شمدی کلیور . بنم طبیعتم . . .

— لزومی یوق به آدم . طبیعتک سنک اولسون . یاغ  
کتیر یاغ !

قبر ، خور دانه رق کیدمن کوزه حریفک آرقه سندن  
باغرم رق :

— اینک یاغی اولسون ها ! . طوزلنی اونته ! .

یارم ساعت صکره بابا — اوغل قرلرینی مکملاً طیورم رق ،  
خاندن چیقديلر .

فؤاد ، احبابلرینی کورمکه کیتدیکی کبی قبرده ایشنه  
قوشمشیدی .

فؤاد ، اوچ درت ساعت قدر وقت کچردکن صکره  
خانه عودت ایندی . فؤاد بومدتی بوش کچریمه مشیدی :

بر قاج احبابنه اوغرایه رق آنلرک تعزیه لرینی دکلدکن  
صکره قلبی ، محزون اولدینی حالدیه سوقاقلری طولاشیوردی .

بیچاره رحمتلی علی بکه پک زیاده سیله آجیور واوله کوزل بر  
ذاتک بنختک بو قدر فنا اولسنه تعجب ایدیوردی . بیچاره ،  
دنیا ده اک سودیکی بر انسان طرفندن زهرلنش ایدی . او  
خائننه نی نقدرده سویوردی ! .

فؤاد بونلری دوشنه دوشنه کدری برقاندها تزایدایتدی .  
فیکری ، علی بکدن الماسه ، الماسدن علی بکه انتقال ایدیوردی .

یورویه یورویه تا ، نادیده نک قوناغنه قدر کیتدی . بر

بچق سنه اول دینده طور و بده نادیدهك ملاكلری حیران  
ایدهك مرتبه ده اولان حسنی تماشا ایتمدیکی دیوارك دینده  
ینه طوردی . کوزلری ، پنجره یه بلا اختیار معطوف قالدی .  
بر بچق سنه ایچنده نقدر تبدلات حصوله کیشیدی ! . .  
او و قتلر ، بو دیوار دینده کچر دیکی دقیقه لری اك مسعود  
ساعتلردن عد ایدردی ! .

شمدی ایسه ، او مسعود دملر ، منحوس زمانلره ، مؤلم  
ساعتلره تبدل ایتمشدی ! .  
او و قتلر ، دنیاده کوزی یالکیز نادیده نی کورر و قلی  
آنك محبتی حس ایدردی .

شمدی ایسه ، نادیده یه اولان او شدید محبتی ناقابل احما  
بر نفرته تبدل ایتمشدی ! .

او و قتلر ، نادیده نی ملاکلر قدر معصوم طانیر و هر بر  
حرکتی تقدیس ایدردی ! .

شمدی ایسه ، او معصوم نادیده زوجنی زهرلك دركه سنه  
تزل ایتمشیدی ! .

او و قتلر ، قلبنده یالکیز نادیدهك محبتی بولنوردیکه آنی  
ابدی ظن ایدردی ! .

شمدی ایسه ، زمان ، او شدتلی محبتی دیگر بر الماسپاره یه  
منقلب ایتمشیدی ! .

بتون بوحال لر فؤادك ذهنتدن كچهرك پك زياده متأثر  
اولسنه سبب اولدی .

اورالرده سرسریانه برصورتده كزركن بردنبره تتره -  
دی . چونكه ، آزاجق ایلریده ایبوشی کورمشیدی .

آرقه سندن قوشوب طوتمق ایستدیسده قوشاركن ایاغی  
برطاشه ایلیشهرك بالدير کولدير یوارلنیویردی .

قوجه طالغین ! . یاخود چیلغین عاشق ! .

ایبوش آرقه سنه باقهرق فؤادی کورنجه همان فراره  
باشلادی .

فؤاد کنديسنی طویلايوب قالقنجهیه قدر ایبوش خیلی  
اوزاقاشمش اولدیغندن طوتمق ممکن دکدی .

فؤاد ، ایبوشی طوته مدیغندن طولای قور کتیرمهرك  
وار قوتیله قوشوب آنی تعقیبه باشدی .

بر آدیم آتوب برده آرقه سنه باقان ایبوش ، فؤادك  
قوشدیغنی کورنجه اوده قوتی بجاقلرینه ویرهرك قاجمغه  
باشلادی .

بویله جه برخیلی سوقاقلری طولاشدیله . بونلری کوره نلر  
شبهه سز چیلدیرمش اولدقلرینه ذاهب اولیورلردی ! .

فؤاد ، ایبوشك شهردن خارجه طوغری چیقماق نیتده  
اولدیغنی اکلانجه — قوشه مقده دوامله برابر — شونلری  
هرلدانیوردی .

— چوق شی ! غلبه‌اق آرم‌سندہ ایزنی غائب ایتیمورده  
شہردن طیشاری قاجیور . نہ اولورسہ اولسون ، آرقہ‌سنی  
براقم ، سلاحرلم مکملدر ! .

ایکسیسیدہ قوشہ قوشہ شہردن بتون بتون طیشاری  
چیق‌دی‌لر . ای‌بوش ابتدا بریول طوتوب اورادن کیت‌دیسہ‌ده  
صکرہ پشیمان اولمش اولمایدرکہ بونی ترک ایدم‌رک دیگر طرفہ  
قوشمغہ باشلادی . ای‌بوش بوحرکتندہ بر قوس چویرمش  
اولدیغندن فؤاد طوغریدن طوغری‌یه قوش‌دینگی حالده یتشمہ‌سی  
محقق ایدی . لیکن بوسفرده بحت ای‌بوشہ یاردم ابدی .  
فؤاد اوکنہ باقیہ‌رق قوش‌دیغندن ایاغی بر چقوره باتمسیلہ  
یوارلی‌یوردی ! . ایاغہ قالدینگی وقت ای‌بوش ، ایلغلرک  
آرم‌سندہ غیب اولمشدی ! . .

فؤادک ایلک ایشی کندیس‌نی توبیخ ایتک اولدی : نہ  
کورلیکی قالدی . نہ اشکلکی ، نہ بدلانی ! .

حاصلی : یارم ساعت متہادیا قوشمقدن حاصل اولان  
یورغناقدن بشقہ دیزینک دریمی صیرلمق‌ده فؤادہ کارقالدی !! .  
فؤاد ، خانہ عودت ایتدیکی وقت قنبر حالا کلہ‌مشیدی .  
کندیس‌نی بویله آقصارکن کورمن خانجی دیدیکہ :  
— ایاغکزه برشی اولدی غالباً ؟ .

— اوت . دوشدم .



خانجی کوله رك :

— كنجلك حالى ! هى كیدی هى ! نلر یامازدق !..

فؤاد ، اپچنك صقنتیسنى دفع اتمك اپچون خانجینك  
كچمش وقوعاتنى دكله مك ایستیه رك دیدیكه :

— واقعا ایاغم براز آغریورسه ده زیانسز برشیدر ،  
یارین هیچ برشی قالمز . سنز كده كنجلیك كزده بویله شیر  
اولردی دكلی ؟

— آه اوغلم ! بز نلر یامازدق ! بر سفر تمام اوچ آی  
چكدم ..

— نه یی ؟

— بنده ای یاپدم یا !

— نه یی ؟

— آه ، او بزم دورلر ...

-- بن ، برشی اكلایه میورم .

غلیان حسیات ، تخطر ماضی ایله جوشمش اولان اختیار  
خانجی لقردی طویار می ، كه صوصسون !

هیجانی برپارچه سكون بولدق دن صكره دیدیكه :

— سن بیلمز سك اوغلم ، او وقت بیامم سن وارمیدك ؟

بركلین آلیجی یه كیتمشك .. هوموندوسه ، اوچر كس كویته .

— اوت اوت ..

— بزم برشیدن خبرمن یوق . برده كويدن اپجری

کیررکن اوهند کلردن اللشیر !.. التیشیر !.. بردن فرلایان  
چرکسلرله برغوغا ایتدککه تعریف ایده م .  
— نهیه ؟ دوشمانلغیزی واردی ؟ .

— خیر اولادم . اوچرکسلرک هپسنک النده بررقوجه .  
مان لو بود واردی . عادتلی او یله ایمش . بزمنکیلردن  
کیمیسنک فسفی ، کیمیسنک قبورینی آلدیلر . برغوغا که دکه  
کیتسون !.. او ، اودونی ییهن آدمک آتدن دوشوشی نقدرده  
تحف اولیوردی یا ! هله ، بنم اطرافنی صارمش اولان یکرمی  
چرکسه !.. قریاچ صاوورهرق هپسنی طاغتم !..  
فؤاد ، خانجینسک کال مبالغه ایله اکلاتدینی بو حکایه یی  
کوله رک دکلیوردی .

خانجی دوامله دیدیکه :

— هله بریسنک یوزینه برقاق قریاچ اوردیغم کبی همان  
یره دوشوردم !..

فؤاد حیرت واستهزا ایله :

— یا ؟ !..

— نه شاشیورسک اوغلم ؟ اودورلر بشقه ایدی !.. بن ،  
آنلردن یریسنی قوغالرکن آلمده کی آت همان اون آرشون !..  
اکلی برهند کی آتالارکن !.. دوشدی بنده ایانم قیرلدی .  
بوصره ده قنبر او طه دن ایچری کیرمش اولدیغندن لقرد .  
یلری کسیلدی .

قنبر خانجی به خطاباً دیدیکه :

— چاقوق ، بزم حیوانلری حاضر لاسوئلر .

— نه او ، کیدیور میسکیز ؟

— خیر .

— ای !

— جانم نه که لازم ؟ اقشامه بوراده یز .

— سز بیلورسکیز .

خانجی کیتدکدن صکره فؤاد دیدیکه :

— نه یاپدک ؟

— چوق ! . کیتدیکم وقت کیمسه یی بوله مدم .

— بن سکا سویله دم ایدی .

— نه ایسه ، بن طوغری اوینه کیتدم .

— کیمک ؟

— جام ، هانیا بر مأمور وار . . . اوف ! . . اسمی خاطر مه

کلیور .

— هر نه ایسه ، صکره ؟

— کندیسنی اوینده بولدم . دها یکی قالقمشدی . ایشی

اکلاتدم . بندن وصیتنامه یی ایستدی . او قودقدن صکره :

پکی ! دیدی .

— نهایت ؟

- نه عجله ایدیورسك ؟
- بنده اكلاته جق شيلرم وار .
- صكره اكلاترسك . ايسته اوما مورله حكومه كيتدك .
- اوت ، صكره ؟
- جانم عجله ائمه ! سويليه جكلرمي شاشيردم . اكر مستعجل برشي ايسه ابتدا سن سويله !
- يوق يوق ، سن دوام ايت .
- قلمده برطاقم دفترلر چيقارديلر ، يازديلر ، او قوديلر .
- اوزون اوزون حسابلرده بولنديلر . بو ايش تمام اوچ ساعت سوردی .
- ايجه صيقلمشكدور ! .
- شېبه مي وار ؟ جان صقنتيسندن اوليوردم ! . بشقه ايشلرده ناقغه باشديلر . بزمكيني نچون براقديكز ديه صوردم . سزكله برابر چفتلكه كیده جك افندی دها گلندی دیدیلر . يارم ساعت . بر ساعت اونیده بگله دك . اوده گلدی . بن همان ياقه سندن طوتوب كتورمك ايستدم قارنى آچمش ، بيلم نه ايمش ، حاصلی : بن اوه كيدوب قارنمی طیورهمده آته بينر كلورم دیدی . بنده كندیسنه بورانی تعريف ایتدم .
- بیتدی می ؟
- همده هپسی بیتدی ! . شمیدیه سن اكلات باقمیم .

فؤاد لقردی سویله مک ایچون آغزینی آچمش ایکن خانجی  
کله رک لقردیسی آغزنده قالدی .

خانجی دیدیکه :

— حیوانلر حاضرلندی !

— پکی ، طورسونلر . اکر بزی کلوب صوران اولورسه  
کل بزه خبر ویر .

— باش اوستنه !

خانجی کیتدکن صکره فؤاد دیدی، که :

— ایبوشی کوردم ! .

قنبر ، ایشتدیکنه اینانه میهرق :

— جهانی کوردک ها ؟ نره ده کوردک ؟

— سوقاقده . .

— یاننه یاقلشوب لقردی ایتدیکزمی ؟

— خیر .

— فنا ایتمشک .

— نه دن ؟

— انسان طور و بده ایکی چفت لقردی ایتزمی ؟ .

— جانم ، طورده سویلهیم .

— ای ، هایدی سویله ، ایشه آغز می قیادم .

فؤاد ، ایبوشی نصل تعقیب ایتدیکنی سویله دی .

قنبر برخیلی دوشوندکن صکره دیدی که :

— ہانکی طرفدہ ؟

— نہ ؟

— ایبوشک غیب اولدیغی چایرلق . .

— چایر دکل آ جانم ! ہپ ایلغین . .

— ہرنہ ایسہ ، نہ طرفدہ در ؟ آنی صوریورم .

— قیر سرداری ہانی تعریف ایتمشیدی . . ایشته

اوراسی . . .

بواننادہ خانجی قیودن باشنی اوزاتہرق دیدیکہ :

— سزی بریسی آرایور ؟

— کیم ؟

— بر آتلی ، یانندہ حکومتدن عسکر کبی بریسی وار . .

— تمام ، بزم بکلدیگمز آدملر . آتلی حاضر می ؟

— اوت .

— بز اقشام کلہ جکیز یلک حاضرلہ ہا !

بعدہ فؤادہ خطاباً :

— ہایدنی !

— ایشته کلیورم .

قنبر وفؤاد اشاغی ایندکلی وقت ایستدکلی مأمورک

کلش اولدیغی << ووردیلر . . . مأمور افندی ابتدا فؤادی

اسلاملہ یهرق علی بکلک وفاتندن طولانی بیان تأسف ایتدکدن

وفؤادک دردلرینی تازملدکدن صکرہ قنبرہ خطاباً دیدی، کہ :

— سزى بکلتدم . دگلى ؟ .

— خير ، برپارچه .

— عفو ايتديكز دگلى ؟

— استغفرالله ! .

### — ۱۳ —

انئای راهده پك قونوشمديلر . يالكز فؤاد آره لقدمه  
بركره قنبرك كنديسنه لقردى سويله ديكنه ذاهب اولور و آت  
اوستنده اكيلهرك قنبرك سويله ديكنى دكارسه ده قنبرك كنديسنه  
خطاب ايتيوب كندى كنديسنه سويلنديكى شو سوزلى  
ايشيدردى :

— حيدودلرك ايزى ده اوراده غائب اوليور . جهان ده  
فؤادك الندن اوراده قورتيليور . چوق غريب ! . . .  
ايشته بويله جه يولك ياريسنى قطع ايتملركن قيرسردارينه  
راست كلديلركه ياننده درت آدم واردى .

قيرسردارى جمله سنى سلامليه رق فؤاده ديدى كه :

— چفتلكه مى كيديور سگيز ؟

— اوت .

— بوكيجه اوراده مى قاله جقسكز ؟

- خیر .
- سؤالرم چوق اولیور اما عفو ایدرسکز . .
- استغفرالله !
- بوکیجه نروده قاله جقسکز ؟
- خنده .
- کیمک ؟
- یوسفک خاننده !
- پک اعلا ، کلورمده قوشورز . سویلیه جک بعض شیلر وار .
- بیورک بکلرز . دعالز .
- سلامته !
- فؤاد اوزاقاشمش اولان قیر سردارینک ارقه سندن باغره رق دیدیکه :
- سز نروده کلورسکز ؟
- چفلدکن !
- فؤاد ، آتی قنبرک یاننه یاقلاشدیردق دیدیکه :
- عجبا قیر آغاسی بوکیجه نه سویلیه جک ؟
- قنبردن جواب بکلدیسده بوکا بدل قنبر دو داقلریخی اویناندی . فؤاد اکیله رک دکلدی . .ینه شو سوزلری ایشندی :
- حیدودلرک ایزی ده اوراده غائب اولیور ، جهانده فؤادک الندن اوراده قورتیلور . چوق غریب !



فؤاد ، مأمور افندی ایله بر طاقم هوایی سوزلر تعاطیسندن  
صکره چفتلکه واصل اولدیلر . بونلری کورن خدمه اطرا -  
فلرینه اوشدیلر .

مأمور افندی ، وقار رسمیننی طاقه رق دیدیکه :  
— کوراتی لازم دکل ، هرکس ایشنک باشنه کیتسون !  
بعده فؤاده خطاباً :

— بک افندی ، سزده خانم افندم حضرتلرینه سویلیکزکه  
بنم سورلرمی دکلک ایچون اطفأ حرم قپوسنه تشریف بیور -  
سونلر .

-- یکی افندم .

قنبر حالا سویلنمسنده دوام ایلیوردی .

فؤاد حرم قپوسنی اوره رق کلهن کلشنه دیدیکه :  
— خانم افندی یه سویله . باشنه بر اورتی آسونده اطفأ بورا یه  
قدر کلسون . بر مأمور کلش دیه سویله ! .  
بر چاریک صکره نادیده قپویه کلدی .  
مأمور افندی دیدیکه

— سزی تعجیز ایتدیکمدن طولایی اولا عفو کنزی رجا  
ایدرم افندم . حسب الوظیفه . . اجرای مأموریت اتمک کمنز  
لازم کلدیکندن آزا حق ایچری یه کیره جکز . کیمسه اولسون . .

نادیده . مأمورك سبب ورودینی بیلدیکندن اوفیکه سندن  
چاتله مق راده لرنده کلیوردی ! .

کاشکه چاتلسه ایدیده ، جمعیت بشریه بوندن صکره کی ترتیبات  
خائنانه سندن قورتلسه ایدی ! . .

مأمور افندی ایله برلکده فؤاد وقنبر ایجری کیرنجه ،  
نادیده ایشیدنلری غشی ایده بیله جک درجه ده لطیف برسسه  
دیدیکه :

— بنم لزوم وارمی افندی ؟ .

مأمور — اوت افندم ، بورایه کلمکلمکم ، متوفی علی بکک  
اوطه سنی مهرلمک ایچوندر .

— بیورکز . ایشته شو اوطه در ! .

علی بکک اوطه سی مهرلندی .

بو ایش کورلدکن صکره نادیده یه خطاباً دیدیکه :

— افندم ، اورته یرده بروصیتنامه وار ، بومهرلنه کیفیتده

وصیتنامه ایچنده « نقود موجوده » سوزی بولنسندن ایلری  
کلمشدر .

— اوت افندی .

— شمدی بزم وظیفه من بیتدی . ینه بوراده اقامت ایدم .

ییلورسکز لکن شهره تشریف ایتسه کز دها مناسب اولور .

نادیده بوسوزلره جواب ویرمدی . یالکز خائنانه

برصورتده فؤادک وقنبرک یوزینه باقدی .

حرم دائره سندن طیشاری چیقده قلمری وقت آتلینی کز -  
 دیرمکده اولان خدمتچیلردن حیوانلری آلمغه کیتدیله .  
 فوادك آتی عثمان کزدیریوردی . فواد آنه بینجه عثمان  
 دیدیکه :

— آی ! کیده جکمیسکز ؟

— اوت .

— بوراده نیچون قالمیورسکز ؟

— هیج ! .

— سزه بر حوادث ویرهیم . .

— نه ؟

— جهان یوق !

— ای . ایبوش اولماقله نه اولور ؟ .

— فصل ایبوش ؟ .

— شی . . . شاشیردم جانم . جهان دیه جکدم .

— خانم پک مراق ایتدی . بتون اطرافی آراتدیردی .

بزدن هپ جهانی صورتدی .

— نه که لازم ؟ صوراریا ! .

— سزه برشی ایچون یالوازه جغم . .

— سویله باقیم .

— بن بوراده بوندن صکره اوتورهیم . سزک خدمتکزه

کیرمک ایستهرم .

— نیچون ؟ بوراسی فنا می ؟ .

— هېمزك پدري مقامنده اولان رحمتلى على بكك وفات  
ايتديكى بوجفتلكده طورمغى قاجم كوتورميور .

حيوانلرينه بنمش اولان فؤادله مأمور افندى فؤادى  
چاغردقلرندن عثمان ايله محاورده دوام ايده مديلر . مع مافيه  
فؤاد آيريليركن :

— پكى ، ايجابنه باقارم . ديمشيدى . قنبر . فؤادك لقردى  
ايتديكنه قيزه رق :

— جانم ، شمدى لقردينك صرهميى ؟ . باقسه كا اقشام  
اولدى !

— برپارچه قنوشيورددق . ( سنى يواشاتهرق ) ايپوشك  
غيموبتندن نادیده مراق ايتمش . .  
— يا ! .

— اوت ، هېسنى چاغرمش ، صورمش .  
— نه ديمشله ؟ .

— بتون چفتلكك ، جوارينى آرامشله ، بوله مدقلرندن  
كورمدك ديمشله .

— البته بوله مزله . چونكه ايپوش شهرده ! .

— كورديكى ؟ عثمان ايله قونوشديغمه قنامى ايتشم ؟ .  
آزاجق دها طورسه ايديكز ، بلكه بشقه برشى اوكرنيردم .  
قنبرله فؤاد بو محاوره لرني غايت يواش سسله يورتدكلرنندن  
مأمور افندى لطيفه ايجون ديدى كه :

— یو !! بویله قونوشمیکز ! بن شبهه لیورم .

فؤاد کوله رک جواب ویردی :

— شبهه لیمکده حقکز وار . چونکه قنبر : مأمور افدینک

یاننده برقاچیوز لیرا واردر کندیسنی صویالم ! دیور ! ..

فؤادک بوسوزلرینه هبسی کولدیله .

قنبر حالا سویلنیوردی ! . فؤاد برقاچ کره دکله دیسه ده

ینه اولقر دیلردن بشقه برشی اکلایه مدی . نهایت جانی

صیقیلهرق دیدی که :

— قنبر ، دلیمی اولدک ؟

— چوق غریب . . .

— اویدردق ! ! .

— برشیمی سویلیورسک ! .

— یو !! . . . کندی کندیسه ترکی سویلیورم ! .

خانه کلیر کلز حیوانلرینی خانجییه بالتسایم او طه لرینه

چکلدیله .

فؤاد یورغناقدن کندیسنی برمندرک اوستنه آتهرق دیدی که :

— قنبر ، سویله باقمیم ، بوکون نیچون بو قدر طالعین

ایدک ؟ .

— چونکه : سن ، ایبوشی نره ده غیب ایتدیکسه قیر

سرداریده قانلی آیاق ایزلرینی اوراده غائب ایتمشدر .

— ای ، بوندن نه چیقار ؟ .

— عجله ایتمه ، المزدده اولان مکتوبدن جه-انک یاخود ایبوشک اوحیدودلرله مناسبتی اولدیغی تحقیق ایتشدردگی ؟ .  
— اوت .

— ایکیسنکده ایزلری بر محله غائب اولدیغنه نظراً او -  
رالرده بریرده مختفی اولدقلری میدانه حیقمیورمی ؟ .  
قنبر ، فؤادک جواب ویرمدیکنی کوره رک سؤالی تکرار  
ایله دیدی که :

— او یله دگلی یا ؟ . . . .  
— اوت اما ، مملکته بوقدر یقین بریرده نصل طوره  
بیلورلر ؟ .

— سن بوکون سویلدیگک لقردی نی دوشنمیورسک ،  
آنلر ایچون پک ای اولان بر حال وارایسه اوده بودر . ایشه  
بنم بوکونکی طالعینلغمه سبب بونلردر . ایبوش نادر بکک آدمی  
اولنجه آنک قوناغنه طبیعی کیده جکدر . شمدی بزم یاپه جغمز  
شی ده نادر بکک قوناغنی تحت نظارتده طوتمق ، ایبوشی تعقیب  
ایدوب الماسک نه اولدیغنی اکلامقدر . نصل ویردیکم قراری  
بکندیگمی ؟ .

— او !! . پک کوزل بر تدیر ! . لکن نادر بکک قوناغنی  
نصل تحت محافظه ده بولندیره جغز ؟ .

— ایشه بنم دوشونوب دوشونوبده بوله مدیغم بر بوراسیدر ! .  
— بنم عقلمه برشی کلیور . .

— نه کبی ؟ .

— قیر سردارینه هرایشی سویلیهرك آنك معاونتی  
طلب ایدم . یعنی آنك آدملرندن بریسی نادر بلك قوناغنه  
کیروب چیقانلری کوزتله سه نصل اولور ؟

— ای اما ...

— اعتراضه لزوم یوق . بویله یاپه لم .

— طورده لقردیمی تکمیل ایدیم . بز نه وقت برشی  
یایمقدن عاجز قالر ایشهك اووقت اکا مراجعت ایدرز ایوشی  
تعقیب ایچون آنك بیلمدیکی بر آدم لازمدر .

— عثمان اولزمی ؟ .

— بنده بونی دوش-نیورم اما ، اوچیدود چفتلکده کی

آدملرك هپسنی بیلیر .

— بزده بشقه دورلو حرکت ایدرز .

— نصل ؟

— نادر بلك قوناغنك یاننده یاخود قارشیس-نده عجباً

بردگان یوقیدر ؟ .

— اولسه بیله نه ایشه یارار ؟ .

— چوق شیئمه یارار . دکانی کیرالرز . کینکلرینی قپارز .

بریمز ایچ طرفده طوروب سوقاقه آچه جغمز بردلیکدن نادر  
بلك قوناغنی کوزتله .

— یا شبهه نیر لرسه ؟ .

— بنده ، کیده منده دکانی بزطوته لم دیمدم آ ! قیر سردارینک آدم لرندن بریسی کیدوب دکانی طوتار . ایبوش نادر بکک قوناغنه مطلقا کیجه کیده جکدر . کیجه لین ده آرقه سندن کلهن آدمک کیم اولدیغنی فرق ایده منز ! .

— آفرین به فؤاد ! .

صباحدن بری هیج برشی یمه مش اولدقلرندن بوشامش اولان معده لرینک اضطرابی تسکین ایچون مسابقه یه چیقمشلر کبی یمکلرینی بتردیله . قنبر ، چبوغنی تلندیردکن ، فؤادده جیغاره سنی توتدیردکن صکره دیدیکه :

— بنم ذهنمی برشی اشغال ایدیور . بیلدورمیسک ؟ .

— یو !

— قیر سرداری بزه یولده راست کلوبده نیچون ، « بواقشام کله جکم ، سویله جکلم وار » دیدی ؟ .

— آدم بیلیمورمیسک ؟ . نشان آلق سوداسنده اولد .

یغندن . . . .

قنبر ، قیر سردارینک بردن بره اوطه یه کیرمه سی اوزرینه لقردیسنی تکمیل ایده مدی .

فؤاد ایاغه قالقهرق دیدیکه :

— بیورک بقالم ، بزده شمدی سزی قونوشیوردق .



قیر سرداری برمیندره اوتورده رق دیدیکه :

— بنی می قونوشیوردیکیز ؟ .

— اوت ، بن ، عجبا نه سویایه جکدر دیوردم . .

— صیحا پک چوق شیلر واردر . دون بنی کوردیکیز یا ؟

— اوت .

— دونکی کیجه بنی بن اوراده کی کویده جیردم . مباحلین

ینه اورالری آردیوب برشی بولمقدن صکره شهره کلپوردم .

یولده برقاچ کشی به راست کلام . کند کیکندیته : بن بولری

طایه جغم دیدم آ بردورلو کیم اولدقلری خطر مه کندی .

طیانه میهرق : نه آره یورسکیز دیه صوردم . مکرسه بولر سزله

چفتلکده کی آدملر دگلی ایملر ؟ . چفتلکدن جهان اسمنده

برسی ایله اناس خانم یعنی متوفی علی بکک اولادلغی غائب

اولمش اولدقلرندن آنلری آره یورلرمش . . .

فؤاد مرارت انکیز برتسمله دیدیکه :

— اوت ، دوام ایدکیز .

— بو حال . بکا غریب کورندیکندن یولمی دکشدره رک

چفتلکده کیتدم . خانم دن وسائرلرندن ایشی صوروب اکلادم .

آراق دونه جکم وقت خانم ایله علی بکک وفاتینه دائر

برسوز آچیلدی ، خانم ، کند یسی تیزه سی ایچون ماکته

کیتدیکی وقت علی بکده برشی یوقش . صکره عودت ایتدیکی

زمان ایسه علی بکی وفات ایتش کورمش . بوحاله هیچ احتمال  
ویرد مدیکندن علی بکه باقش . حائده زهرلنک علامتی کورمش .  
— ای !! . . . حقیقتا غریب ! .

— بن سزه دیمدمی یا ؟ . . علی بک وفات ایتندن اول  
اورته یرده هیچ بروصیتنامه سوزی یوقش ، صکره ، سز  
وصیتنامه یی کوسه ترنجه ایشی اکلامش : علی بکی سز یعنی  
اولادانی فؤاد بک زهرلشسکز ! . . .

فؤاد دهشتله باغره رق دیدیکه :

— بن ! بن ها ! سزده ایناندیکز دکللی ؟ .

قبر سکوتله مکالمه یی دکلیوردی ! .

قیر آغاسی فؤاده جواب اوله رق دیدیکه :

— اینانسه م کلوب سزه سویلرمییم ؟ .

— صکره ؟ .

— بن ابتدا تعجب ایتدم . کلوب سزی طوتمقاغمه اوقدر  
اصرار ایتدی . که بونده کندیسنک منافع شخصیه یی اولدیغی  
اکلامقده تردد ایتدم . حتی سزی طوترسدم بکا بشیوز ایراده  
وعد ایتدی ! . .

فؤاد — ای ! . حقیقتا هم مدهش هم غریب هم مضحک ! .

قبر — ای بر حرکتده بولنشسکز . بزمده سزه سویایه .

جک بک چوق شیلرمن وار . کنددی کندیمزه ایش کوردم

دید که ده حقمسز بر صورتله اتهام ایدلدیکمز دن ایشی سزده  
اکلانمغه مجبورز . — مقدمه سیله اولندن نهایتنه قدر هر شیئی  
بر لاف اکسیک بر اقمسزین اکلاندی .

قیر سرداری اولقدر مراقله دکلیوردی . که لندن کلسه  
کورلتی اولمه مق ایچون همان نفس بیله آلمیه جقدی ! .

قبر حکایه سنی بیتیردکن صکره قیر سرداری بر خیلی مدت  
دها دوشوندیده دیدیکه :

— ایبوشدن چالوبده صکره ینه چالدیروبدنه ال نهایت  
بر دانه سی سزده قالان مکتوب حالا یانکزده می ؟ .  
— اوت ، ایشته آلکز .

قیر سرداری کال دقتله مکتوبی اوقودی . جبندن محل  
وقعه ده بولدیفی مکتوبی چیقاروب بر برلریله تطبیق ایتدی .  
امضالر ، یازیلر ، بر برینک عینی ایدی . بونلری تدقیق ایتدکن  
صکره دیدیکه :

— جهانک فراری ، الماس خانمک غائب اولیشی شممدی  
پک آشکاره بر صورتده اکلانشیلدی . باقکمز ، نادر پک  
مکتوبنده ،

« ایکسینی محو ایده جک براماره الدهه ایدرسهک فرار ایت »  
دیور . فؤاد بکک نادیده خانمله اولان محاوره سی ایسه علی بکک ،  
خام طرفندن زهرلندیکنی و الماس خانمک اولدیرلمک اوزره  
ایبوشه تسلیم ایتدیرلدیکنی میدان چیقارر . دها ایضاح ایدیم ،

سز ایچوری به کیرد بککز وقت علی بکک ایچمه جکی صویه  
خانم طرفندن ویرلمش برشیشه دن برقاچ طامله طامتدیرلدیغنی  
علی بک سویله دی الماس خانم تصدیق . خالایق انکار ایتدی  
دکلی ؟ .

— اوت .

— بو حالده نادیده خانمک : « علی بک شمعی اولور »  
دیدیکی بو وقعه ایله بریره کتوریلرسه خالایق واسطه سیله علی  
بکک زهرلندیرلدیکی اکلاشیلور .

— اوت .

— الماس خانم بحیثه کلنجه : فؤاد بک خانمی تزوج ایچون  
نه مانع کو سترمشیدی ؟ . علی بکک حیاتی ، الماس خانمه اولان  
محبتی دکلی ؟

— اوت .

— علی بک وفات ایدنجه مانع یالکیز الماس خانم قالدی .  
چونکه نادیده خانم علی بکک ایتدیردیکی ییمینه الینه اینانمزدی .  
الماس خانمی محو ایتمک ایچون نه یاپه بیلردی ؟ یا زهرلمک ، یا خود  
بشقه صورته اولدیرمک دکلی ؟ . زهرله مه مش اولدیغنه نظراً  
اولدیرتمک ایسته دیکی اکلاشیلیور .

— بوده طوغری ! .

— الماس خانمی اولدیرتمک ایچون کیسه مراجعت ایده .

بیایید؟ بر درجه‌یه قدر محرم اسرار ی اولان ایوش طور رکن  
بشق‌سنه مراجعت ایدرمی؟

— خیر ..

— بو حالد ایوشه مراجعت ایتشدرد . ایشته الماس  
خانمك غائب اولمه‌سنه سبب اولان وقعه بودرد . هم الماس  
خانمك بو صورتله غائب اولمسی پكده شهینی دعوت ایتمز .  
— نچون ؟ ..

— چونكه : فؤاد بك الماس خانمی مزارلقده بولدی ،  
اوراده اولمك ایسته‌یوردی . شمدی ایکنجی پدری دخی وفات  
ایدنجه ینه کندیسنه برسوء قصدده بولمش دینله بیایر . جهان  
یاخود ایوش ایسه آلدیغی امر موجبجه اورادن فرار ایتمه‌سی  
لازمکلیورایدی . ایشته ایوشك ده فرارینی انتاج ایدن سبب !  
نادیده خانم ، فؤاد بکی بش پاره‌سز بر اقه‌رق آندن انتقام  
آلمق ایسته‌یوردی . لیکن صکره وصیتنامه‌یی کورنجه شایر -  
مشدر .

ایشته علی بکك اولاد معنویه‌سی طرفدن زهراندیکنی  
وساخته بر وصیتنامه ترتیب اولندیغنی بکا یعنی قیر آغاسنه خبر  
ویرمکه نادیده خانمی مجبور ایدن سبب ! . شمدی آکالا -  
دیکزمی ؟ .

فؤاد کمال خایجانله دیدیکه :

— هر شیئی اکلا دق ، عجیبا الماس صاغمیدر ؟

— ایشك كلیشه‌نه باقیلورسه صاغ اولمسی لازمکلیور .  
چونکه : جهان شهبه‌سز نادیده خاندن ، الماسی قتل ایچون  
بر مکتوب آلمشدر . بویله اولمسه فرار ایتزدی . مکتوبی اله  
کچیرنجه کوتوروب نادر بکه ویره جک اوده نادیده خامی تهدید  
ایله یاره آله جقدر . اکر الماس خامی اولدیرسه لر آنلرده نادیده  
خامک شربک جنایی اوله جقلری جهته برایش کوره مزلر ..  
بو عاقلانه سوزلر فؤادک هیجانی تسکین ایله امیدوار  
ایلدی .

قنبر دیدیکه :

— دها سویلنه جک شیلرده وار ..

— دکلیورم . هر شیئی سویلیک . تقدیر عادی اولسه  
ینه اهمیتی اوله بیلور .

— فؤاد ایلوشی بو صباح بوراده کورمش ، آرقه‌سنه  
دوشوب قووالمش ، نامملکتک طیشاریسنه قدر قوشمشلر .  
اگر فؤادک ایاغی قایوب دوشمیه ایش آنی طوته جقمش ..  
— یازق ! صکره نه اولمش ؟

— فؤاد ایاغه قالقندی وقت ایلوش چالیلر آرسنه غائب  
اولمش ایش ! .

— بوراسی مملکتک نه طرفنده در ؟

قنبر آغز آغز سویلیهرک :

— چیدودلرک قانلی ایزلرینی غیب ایتدیکمز یرده . . .

— چوق شی ، پک عجایب ! .

— پک بوقدرده تعجبه شایان دکل . چونکه جهانک

چیدودلرله متفق اولدیغنی بیایورز . اوراده بریر تدارک ایتشلردر .

— حقکمز وار . برقاج کون صکره اوراسنی کوزلجه آراتدیریرم .

شمدی به قدر پک آز لقردی به قاریشان فؤاد دیدیکه :

— نر بر تدیر دوشندک . . .

— نه در ؟

فؤاد ، قبر ایله قرارلشدردقلری شیئی قیر آغاسنه اکلادی .  
قیر سرداری ، بو فکری ذهننده کوزلجه محاکمه ایتدکدنصکره دیدیکه :

— پک کوزل دوشنمشسکمز . بن ، یارین آدملمردن بریسنی

کوندروب دکانی کیرالتیرم . . .

— اوراده دکان وارمی ؟

— واردر . اناختارینی سزه کوندیریرم ، کیجه لین ایچنه

کیروب صاقلنیرسکمز ، برقاج کون اوراده بکله مک لازمکله .

جکدر ایلمک کیجه بن ده بولنورم .

— یارین نر وصیتنامه ایچون اوغراشه جغز . سز زحمت

ایدوبده دکانه صاقلنورسه کز ای اولور .

- سزك ايشكز كوندوزدر . كيجه لری برلكده بوانورز .  
 ايشكز اولدینی كونلر نوبته دكانده قالورز .  
 — بك اعلا ! .  
 — ای ! . وقت كچدی ، بكا مساعده ایدكه كیدهیم .

## — ۱۴ —

- قیر آغاسی قنبر وفؤاده وداع ایدرکن ایبوش ده تادر بلك  
 یاننه یکی کیدیوردی .  
 نادر بك هر کیجه کلمه سی ایچون ایبوشه تنبیه ایتمش اولدینی  
 حالده برکیجه اول کلمدیکنه تعجب ایدیور و عجباً بوکیجه ده  
 کلیه جکمی دیه دوشنیوردی .  
 ایبوش نادر بلك یاننه کیرنجه همان :  
 — سزی بکلتدم اما عفو ایدرسـ کـز . جمله سیله سوزه  
 باشلادی .  
 — ایتیمه جکم ، چونکه دون کیجه کلیوب بی مراقده  
 براقده . . . نیچون کلدک ؟ .  
 آرقداشلری چوقدن کورمدیکمدن . . .  
 — اکلدیکز دکلی ؟ .  
 — اوت بکم ، سایه کزده . . .  
 — بوکیجه نیچون بوقدر کیچ قالدک ؟ .  
 ایبوش ، اطرافنه باقهرق یواشجه دیدیکه :



— بنی تعقیب ایتدیلمر . . .

نادر بك حیرتندن باغره رق :

— تعقیبمی ایتدیلمر ؟

— اوت .

— کیم تعقیب ایتدی ایجه آکلات باقمیم .

— دون سزدن آیرلقدن صکره ابتدا کیدوب نادیده نك

کلوب کمدیکنی تحقیق ایتک ایسته دمسه ده اوراده کیمسه نی

بوله میه جغمه امین اولدیغمدن آرقداشلك یاسه کیتدم . کیجه نی ده

اوراده کچیردم . بو صباح ینه نادیده نك کلوب کمدیکنی تحقیق

ایچون اورالرده طولاشیرکن . . .

— ای !

— آرقه مدن برکوراتی ایشتمدم . برده دونوب باقمیمکه

فؤاد یره دوشمش . . .

نادر بك ایبوشك لقردیسنی کسه رنک حیرتله دیدیکه :

— فؤادمی ؟ . بوراده نه آرایور ؟

— بیایم !

— صکره ؟

— بن ، یولمه دوام ایتدم . آرقه مه بردها باقدیغم وقت فؤادك

بكا طوغری قوشدیغنی کوردم . حالندن ده بنی طونمق ایسته .

دیکنی ا کلا نیجه همان فراره باشلادم . نیم نقدر خیزلی قوشدیغمی

بیایر سکیز یا ! . ایسته بن اولانیجه سرعتمله قوشدیغم حالده اوده

بزم آرقه می برافزوردی . . . نقدر اولدیغنی بیلمز سه مده ایجه  
قوشدق . یوزلغه باشلمش اولدیغمدن شهرک خارجه طوغری  
قاجغه باشلادم ابتدا بزم آرقداشلرک اولدیغنی مغاریه طوغری  
قاجدم ایسه ده آرتق طوتیه جغمی اکلا نیجه اورایه طوغری  
قوشدم . . .

— یاسنی مغاریه کیررکن یقالیه ایدی دهامی ایو  
اولوردی ؟ . . .

— عفو ایدرسکنز بکم ، او قدر احق دکه . بن بو حر -  
کتمله بر قوس چویردم . فؤادکده بنی طوتمق ایچون  
طوغریدن طوغریه قوشمه سی مأمول ایدی . حالبوکه  
اورالرده ایسه بر طاقم چقورلر ، هندکلر واردی . بونکچون  
بونلرک بریسنه مطلقا دوشر دیهرک او یولی تعقیب ایدم .  
— صکره نه اولدی ؟ .

— دیدیکم کی . چقورلردن بریسنه آیاغی باتمش  
اولمایدرکه دوشدی . بنده ایلغینلرک آرمسند غیب اوله رق  
مغاریه کیردم . . .

— کورلمدیکنه امینمیسک ؟ .

— تمامیه !

— بوکیجه نه یه بنی بکلتدک ؟ .

— شاید اوراده بنی بکلر سه دیه کیچ حیققدم .

- انی ایتمشك ، بوندن صكره كوزینی آچده حرکت  
ایت . نادیده کله مش ، دیدك دگلی ؟ .
- اوت بکم .
- عجیبا کیله جگمی ؟ .
- البته کله جك . طاغ باشنده اوتوره جق دکل آ !
- چابوق کلسه ده مکتوبی صاتسه ق . . برده مکتوبی  
نادیده یه صانه جغمز یرده فؤاده صاتسه ق اولزمی ؟ .
- ایبوش تعجیله دیدیکه :
- الورمی یا ؟ .
- بلکه آلور . هر نه ایسه بولزومسز . الماس نروده ده  
ایسه یارین کیجه بورایه کتیره بیلورمیسك ؟ .
- کتیر یرم .
- ساعت قاچده ؟ .
- بووقت انی دگلی ؟ .
- مناسب ! . شمدی سن کیت یارین ، هیچ مغاردن  
طیشاری چیقمه . آندن صكره سینی سن يك اعلا بیلورسك .
- طبقی امرکز کبی حرکت ایده جکم .
- هایدی ایشك راست کیتسون ! . بن یارین کیجه  
بوراده هیچ برکیمسه براقهم .
- دها انی اولور . دعالر ! .
- ایبوش ، نادر بلك یانندن چیقدندن صكره ابتدا  
سوقاقده کیمسه اولوب اولمدیغنی اکلامق ایچون اطرافنه

باقدی . سوقاق تنها اولدیجی جهتلہ خیزلی خیزلی یوربیہرک یولنہ دوام ایتدی . هر سوقاق باشنده طوروب اطرافنی دکلیوردی . مملکتک دیشاریسنده کی ایاغینلر آرسندن کچہرک مغارہیہ واصل اولدی . معناً مدہش بیالانلر قدر مخوف اولان بو دہشتلی قاتل حقیقتاً بیالان کی اوتلرک آرسندن سورینہرک کیدیوردی .

مغارہنک مخرج و مدخانۃ تشکیل ایدن اوفق قبائی قالدیرہرق قارغہ کی اوچ کرہ اوتکی دخی اونتدتن صکرہ اشاغی ایندی . رفقای ملعتی قونوشیورلردی .

ایبوش ، بر کرہ وتک اوستنہ اوتورہرق دیدیکہ :  
— نه قونوشیورسکز ؟ .

— بویقینلردہ هیچ بر آو اورہمدق . . .

— آو یرینہ کندیکز طوتلمیکدہ ! .

ہپسی بردن کمال خوفلہ :

— نه ! ! . بر تہلکہ می وار ؟ . — دیہ باغیردیلر . .

— قورقیک برشی یوق ! . بزم کچوک نہ یاپیور ؟ .

— ایچریدہ کی کوکر جینعی ؟ .

— اویلہ یا ؟ .

— بن بیلہ اوکا آجیورم . هر وقت آغلیور .

فی الواقع حیدودک دیدیکی طوغری ایدی :

اماس ، دو چار اولدیغی باغیناقدن قورتلدیغی وقت نرده  
اولدیغی بردلو فرق ایدمدی .

کچمش حناری ذهنده جمع ایتکه اوغراشدیسهده موفق  
اولمدی . اطرافنه باقندی :

درت سیاه دیوار ، کندیسنک اوزرنده یاتدیغی برکروهوت  
بردستی ، برطوپراق بارداق ، برده لامبه کوردی .

بونک اوزرینه غایت تعجبده قالهرق :

— عجبا بن نردهدیم ! . بورایه نردن کلدیم ؟

سوزلرینی برقاچ دفعه تکرار ایتدی . قیوی آحق ایچون

آیاغه قالمدیغی وقت باسدیغی یرک طوپراق اولدیغی کورنجه :

— آ ! بوراسی نصل یر ؟ دیه شاشه قالدی . هله

باشندهکی باش اورتیه دقت ایدنجه :

— شممدی چیلدیره جغم . دیمک اولیوزکه بن بورایه

کندم کلشم . — دیدی .

لامبهدهده آرتق غاز قالیبوب سونمکه یوز طوتمشیدی .

بر آرزوکره لامبه سوندیکندن بیچاره الماس قرانلقده قالدی .

اطرافده هیچ برینجره اولمدیغی کوردرک وقابنی استیلا

ایدن قورقویهده مقاومت ایدمیهرك :

— کلشن قالفه ! . کلشن قالفه ! دیه سسلندی .

نه مددهش انتظار ! . هیچ کیسه کندیسه جواب ویرمیور .

یالکیز دریندن دریندن بعض خورداملهلر ایشیدیلیور ! .

الماس ایاغه قانقوب قیوئی آچمغه تکرار چبالرکن جیندن :  
پات ! : دیه برشی یره دوشدی .

الماس دوشه ن شیئی قرانلقده برخیلی آرادقدن صکره  
بولدی . ال یوردامیلله بوجسمک برشیشه اولدیغنی اکلاخجه :  
— ها ! عقالمه کلیور . کلشن قانمه نك علی بکه ویردیکی  
صویه طاماتدیغنی شیشه ! . چوق شی . نیچون بویله فنا قویور ؟ .  
نه ایسه جییمده بولنسون ! .

شیشه نی قویننه کوزلجه ساقلا دقدن صکره قویوه الیله  
اوره رق ایچه کورلتی ایتدی .

الماس . آرتق یوریلوب میندر اوستنه دوشدیکی وقت قیونك  
آچیلدیغنی طویدی .

کلن آدم اورته لنی قراکلق کورنجه :

— لامبه ده غاز بیتمش ! — دیهرک قیوئی قیایوب کیتدی .

الماس بو آدمک کیم اولدیغنی قراکلقده کورده مه مش ایدیه ده  
یابانچی اولدیغنی سسندن بلای ایدی . ایکی اوچ دقیقه صکره قیو  
تکرار آچیلوب انده غاز ایله بریسی ایجری کیردی .

الماس ، کورلرینی آیدینلغدن ناشی ابتدا براز قیادیه ده  
کوزلرینی آچنجه قوس قوجه بر حریفک ایاق اوستنده طور -  
دیغنی کورده رک :

— آی ! . . . دیه باغر دقدن صکره بایلیو یردی . . . .

تکرار آید یعنی وقت لامبه سینی یا نار بولدی . قیوی اوره رق  
برخیلی کورلتی چیقاردی .

براز صکره قیو آچیلوب سرت برصدانك :

— سن هیچ اوصلو اوتورمیه جقمیسك ؟ . دیدیکی  
ایشیدلدی .

بیچاره الماس قورقوسندن کوزلرینی قپایه رق :

— سن کیمسك ؟ .

— بنمی ؟ حیدودم !

الماس کندی غیب ایتمه درجه لرینه کله رك :

— امان یاربی ! . حیدودمیسك ! .

حیدود ، ینه برطور درشانه ایله دیدیکه :

— قارنك آحیقدیمی ؟ ...

— ...

الماسك صوصدیفنی کورنجه اولکیلردن دها سرت بر

سسله .

— سکا سویلیورم . جواب ویرسهك آ ! .

الماس ککه لیه ککه لیه دیدیکه :

— ا . . . . و . . . . و . . . . ت . . .

براز صکره چامورکی سیاه براتمکه قورتلی برپیزی الماسك

اوکنه قویان حیدود قپودن چیقارکن :

— کورلتی ایتیه جکسك ! دیه تنیه ایتدیکی کبی :

— سکا ابتدیکمز بوا کرامی کیمسہ یہ یامایز . . قار کبی  
اتمک ، قائمق کبی ینیر ! . . صو ایسترسک دستیدہ وار ! . .  
دیمشیدی ! .

بدبخت الماسک بوندن صکرہ کی مشغولیتی ہب آغلامق  
اولدی . بوحیدودلرک الہ نصل دوشمشیدی ؟ فؤاد کندیسنی  
یچون قورنارمدی ؟ . نہ وقتہ قدر بورادہ قالہ جق ؟ . کندیسندن  
نہ ایستیورلر ؟ . ایشتہ بومشکلرینی حل ایدہ مین الماسک الندن  
آغلامقن بشقہ برشی کلپوردی .  
ایبوش ، حیدودک سویلدیکی :

— اویچارہ یہ آجیورم ، ہر وقت آغلاپور . سوزلرینہ  
جواباً دیدی کہ :

— آراتق آغلامہ سی بیتر . یارین اقشام کوتورہ جکم .  
— نرہ یہ ؟ .

— نہ کہ لازم ؟ . ( بمدہ محسنہ خطاباً ) محسن ، دہا  
آیاغک ایولشمدمی ؟ .

— نہ دیمک ؟ . ہب آیاغمک آغریسنیمی چکہ جکم ؟ . ہر  
ایش اولسہ یرمدن قوش کبی فرلارم ! . .

..

قیر آغاسی کیتدکن صکرہ فؤاد آرقداشنک یوزینہ باقہرق  
دیدی کہ :



— کوردیکمی ؟

— نهی ؟

— قیر سرداری نشان ایچونمی کلش ؟ .

— نه یاپیم ، بن اوילה ظن ایتشیدم . حاصلی جناب حق

راضی اولسون ! . ایشمز پك اعلا کیدیور .

— آه ! عجبا الماس نرده ؟

— آرتق چوق اولیور ! . الماسك صاغ اولدینی میدانه

حقیقدی یا ! نیچون مراق ایدیورسك ؟ . هایدی وقت کچدی

اویویهلمده یارین ایرکندن قالقهلم . ایشمز وار .

— سن کیدوب یاپدیرسك اولزمی ؟ .

— اولمز . ایکمزده برلکده کیتمايز .

ایرتهسی صباح بوایکی آرقداش دها طوغریسی : بابا —

اوغل طوغریجه حکومه کیتدیور . اقشامه قدر برخیلی اوغرا .

شدقاری حالده هییچ برشیئه موفق اولهمدیلر .

نادیده خانم افندی ، چفتلکدن شهره عودت بیورمشلر .

سده یور غناغندن بحث ایدهرک وکیل کوندرمه مش ایدی .

کویندن ده جایی لازم کلان امام افندی ایله دیگر شاهدك کلهسی

ایچون خبر کوندرلدی .

اوکون برایش کوردهمین قنبرایله فؤاد خانه کلدارنده قیر

آغاسنی کندولرینه منتظر بولدیور . قیر سرداری بونلری

کورنجه دیدی که :

- ایشی بچردم .
- آناختاری کتیردیکزمی ؟
- ایشته ! .
- هایدی کیده لم .
- یو ! . کیجه اولسون .
- نصل کیرالدیکز ؟ .
- بن کنسیم کیتمدم . آدملمدن بریسنی کوندردک  
ایچنده کی حریفی راضی ایتدیردم . اون بش کون قدر دکانی  
بزه ترک ایده جک .
- فؤاد — بنم ذهنمی برشی بوزیور . یا ایبوش بزدن اول  
کلشسه ؟
- قنبر فؤادک سویله دیکی بومناسبتسز سوزه کوله رک قیر  
سردارینه خطاباً دیدی که :
- سز فؤاده باقیک ! . او بو کیجه سویله دیکنی بیلیموز  
سزه برشی صوره جغم . نادر بکلک ده حیدودلرله مش-ترک او .  
لدیغی معلوم . عجبا اوده آصیله بیلورمی ؟
- های های ! آز انسانی اولدیردیله ؟ . هم فرمانلری  
چوقدن کلشدر .
- مملکتک معتبر بر بکی . . .
- واقعا دیدیککز اوله بیلورسده ده هیج کیسه نک خبری

اولمەدن اجرا ایدیلە جك اولورسە هر كس بالاردن قورتلد -  
يغیچون دعا ایدر .

— یا نادیده یه برشی یاپه مز می نز ؟ .

— یو ! . . بوکا برشی یاپه میز ، یالکیز کندی میزی محافظه -

دن بشقه ! .

— اوده البته جناب حقدن بولور ! .

— شهبه میز ! .

یمکدن صکره اوچ آرقداش نادر بکک قوناغه طوغری  
یوریه رک قوناغک قارشیننده کی دکانه کیردی لر .

کینسکلر ذاتاً قیالی اولدیغندن طیشاریدن کنیدی لرینی  
کیمسه نك کوره میه جکی طبیعی ایدی . قیر سرداری دها  
کوندوزدن کینکلرده بر دلیک آچدی رمش اولدیغندن اوچی ده  
کوزلرینی دلیکلره طیایه رق سوقاغی ترصده باشلادی لر .

فؤادله قنبر لقردی یه باشلاد قلدن قیر سرداری دیدی که :

— یو ! . . بوراده لقردی ممنوع ! .

بونک اوزرینه قنبر ، متأثرانه بر طوره صورتی که :

— جیغاره ایچمک ده می ؟ .

قیر سرداری قنبرک بوسؤالنه کوله رک جواباً دیدی که :

— اوت جیغاره ایچمک ده ممنوع !

— آه ، بوفنا .

— بونك ده قولاي بوانه بيلور : اولديغك يردن قانقوب  
دكانك ايجريسنه كيدرسك ، اوراده ايجرسك .  
— اوه !!! .

فؤاد — بوقدر سوينه ! . سـنـك كوزلك هيمزدن اي  
كورديكندن بورادن آريله مرسك . .  
— ده ايركندر . كلهن كيدمن اوله ميه جغندن بن  
على الحساب برجياره ايجه يمه كوزلم اي اولسون !!! .  
— هايدى باقم .  
فؤاد — سز لقردى ي منع ايتديكز . حالبوكه هيچ  
صوصمورسكز ! . . .

## — ۱۵ —

ايبوش ، نادر بکه ايتديكى وعدى ايضا ايتدى يعنى —  
صبح اولوب براز اويقو كسيديرر كسيديرمز ، همان مغارهدن  
طيشارى فرلادى — كه ساعت بش واردى . — صافى  
هوای نسيمى بي تنفس ايدهرك كندى كنديسنه ديديكه :  
— بورطوبتلى مغارده اوتوروبده وجودى خراب  
ايتمكدن ايسه بر پارچه طولاشيرم . مملكت ايجنه كيرم ، كه  
بخى كورسونلر . . هم كورسه لر بيله بكا كيم يتشه بيلور ؟ . .  
ايبوش ويريكي بوقرار اوزرينه قيرلرده برخيلي طوللا .

شدی ایسه ده ، بلکه کلمشدر دیه ركه همان مملکتیه طوغری  
یوریمکه باشلادی .

نادیده نك چفتلکدن عودت ایتدیکنی اکلایجه مسرورآ  
ایجری کیردی . کندیسنی طانیان بر قاج خدمه نك :

— وای ، جهان ، خوش کلدك ! دیه ایتدکری استفسار  
خاطره مقابله ایتدکدن صکره دیدیکه :

— آزاجق خانمی کوروب بر قاج شی سوبلیه جکم .  
ایجرییه خبر ویرك

— بز سنی نقدر آرادق .

— نوقت ؟ .

— هانیا جانم شو الماس خانم غیب اولدیفی وقت . .

علی بك اولمشدی . قیرسرداری ده کلوب سنی صورتی .

ایبوشك یوزی یمیشیل کسپله ركه دیدیکه :

— قیرسداریمی ؟ .

— اوت . سنك غیب اولدیفکی خبر ویرك .

ایبوش متاتی محافظه یه غیرتله دیدیکه :

— صحیح ، بردنبره غیب اولیورمشدم . علی بکی بك

زیاده سودیکمدن آنك وفات ایتدیکی یرده اوتوره مدیغمدن

قاچدم . . .

— برایش بولدیکی ؟ .

— خیر ، مملکتته کیده جکم . .

-- نره سی مملکتک ؟ .

— ایپک .

— ایپکمی ؟

— اوت ، نه دن صورдук ؟ .

— عثمان ، دبره لیدر دیمشیده . . .

ایبوش ایتدیکی خط-انک دهشتنی تقدیر ایتدی . برکت  
ویرسونکه خانمه خبرویرمه که کیددن اوشاق کلوبده :

— خانم افندی سنی استیور ! . دهرک ایبوشی  
صیقتیدن قورتاردی .

نادیده ایبوش-ک کله جکینه هیچده منتظر اولدیغندن  
سویتمکمی ، یوقسه کدرلتمکمی لازم کله جکنده تردد ایتدیره ده  
ذهنده ترتیب ایتدیکی فاجعه نك اجراسیچون جهان کی  
مقتدر برینه احتیاجی اولدیغندن سویتمشیدی .

آرقه سینه یلدرمه سنی کهرک جهانک ورودینه منتظر  
اولدی .

ایبوش اوطه دن ایجری کیرر کیرمز قیونی قیایوب  
دیدیکه :

— خانم افندیمنزه بعض مهم شیار عرض ایده جکمدن بو  
احتیاطی چوق کورمز لر صانیرم . .

نادیده نصل تعجب ایتس وونکه شممدی یاننده کی جهان  
چفتلکده دائماً محویت کوسترن جهان دکلدی . قارشیننده کی  
جهان شخصاً اوته کینک عینی ایدیسده طبعاً مختلف ایدی .  
دیدیکه :

— نه سویلیه جکسک ؟ .

— سویلیه جکمی خانم افندیمر بندن دها اعلا بیلورلر .  
پاره ایسته مکه کلدم .

— نه پاره سی ؟ .

ایبوش ، مستهزیانه کوله رک دیدیکه :

— خانم افندیمر بندن دها اعلا بیلورلر . الماس خانمک  
قتلی ایچون ویریله جک مکفاتی ایستیورم .

— فی الحقیقه خاطرمدن چیقمشیدی . سکا درتیوز ایرا  
ویره جکم . الماس اولدیمی ؟ .

— هم اولدی ، هم اولمدی ! .

— نه دیمک ؟ .

— دیمک ایستیورم ، که درتیوز ایرا پک آزدر .  
بونکچون الماس خانم اولمز .

— پک اعلا ، الماسک اولمه سی ایچون قاجیوز ایرا  
ایستیورسک ؟ .

-- شونی ده بیلکیز که فؤاد بکه الماس خانمی تسلیم ایدرسهم  
بیک ایرا آلیرم .

— ای ! ..

— یعنی ...

نادیده حیرتندن باغره رق :

— بیک ایرامی ؟ . صحیحی ؟ .

— اوت افندم . عاجز بنده کزم ...

— جهان ! .

— افندم ..

— سن عقلکیمی بوزدک ؟ . بیک ایرا بو ! . سنک

والماسک آغر لغندن قات قات فضله ! . بن وعدم اوزره درت

یوز لیرادن برپاره زیاده ویرم . الماس صاغ دیه بنی آلدادیور .

سک . مرادک پاره قوپارتمق ! .

— سز امنیت ایتیمه بیلورسکز افندم ... نه وقت الماس

خاتمله فؤادبک افندیکنک نکاحلری ، دوکونلری اولورسه او .

وقت اینانکز . .

بوضربه نادیده نی همان محو درجه لرینه کتیردی .

ایبوشده ایشک بویله اوله جغنی بیلدیکندن بر کناره

چکیلوب کولیوردی . نادیده دیدیکه :

— اصلا ! اصلا بودوکون اولیه جق ! ..

— اجراسی سزک الکزده ! . هم بیک ایرایالکزر الماس

خانم ایچون ...



- دهامی وار ؟ .
- مکتوبلر . .
- اتصال مکتوبلر . .
- الماس خانمك اولمهسی ایچون بکا ویریلدن امرنامه . .
- بوکا نقدر فیئات بیچورسکزر افندم ؟ . .
- بشیوز لیرا . . .
- آز دکلی یا ؟ ! . .
- سز عنایت بیوروبده دها زیاده احسان ایدرسه کز
- اوبشقه ! . .

نادیده جدیدنی طاقه رق دیدیکه :

- جهان ، شویله قارشیمه اوتورده سویلیه جکلرمی اینی
- دکله ! . قنبر ، فؤاد ، الماس قتل ایدملی ، مکتوبم بکا تسایم
- ایدملی ! . قاج لیرا ایسترسک ؟ .
- ایبوشده جدیدنی طاقه رق برخیلی دوشوندکن صکره
- دیدیکه :

- فؤاد ایچون بیک ایکیوز لیرا ، الماس خانم ایچون
- بیک لیرا ، قنبر ایچون سکز یوز لیرا ، مکتوب ایچونده
- بشیوز . هپسی : اوچ بیک بشیوز لیرا ایدر . آزاما خاطر کز
- ایچون ! . .

- شو اوچ بیک بشیوز لیرانک اوچ بیک لیراسنی قالد .
- یرسه ق نصل اولور ؟ .

— بز یاییچ کسمیه جکیز . انسان اولدیره جکیز . . . !

— بیاک !

— ایکی بیاک ! .

— آرتق خاطر کز ایچون راضی اولدم . شونیده

سویلیهیم یالکیز دکم . تمام یکر می آرقداشز . . .

— بن یالکیز سنی بیلیرم .

— الماسی بورایه می کتیردم ؟ یوقسه ایشنی بیترملمی ؟ .

— بورایه کتیرمکه حاجت یوق . ایشینی بیتریورک .

صاقین بنی الداتغه قالممه ! . بن قوی اثبات ایسترم ها !

— باش اوستنه ! .

ایبوش نادیده نك قوناغندن چیقـ ارکن کندی کندینه

دیوردیکه :

— بك مغاره دن چیقدیغم ایچون بکا طاریله جقسه ده ائی

ایش کوردیکمدن ممنون اوله جقدر . ای قورناز قنبر ! باقهلم

شمدی المدن نصل قورتیله جقسك ! . آه نه اولوردی چفتلکه

کیتسه کزده زده پوصو قوردرق همکزی اولدیرسهك ! . .

خوش شهر ایچنده ده بزسزی صاغ برامیزیا . . .

ایبوشك بو کبی ملاحظه لری شرکای ملعتنك مخفی

اولدقلری مغاره یه کیدنجه یه قدر امتداد ایتدی .

مغاره یه کیروب برپارچه دکلندکن صکره الماسك محفوظ

اولدینگی دیگر مغاره یه کچدی .

بچاره الماس ! . حزین حزین آغلیوردی . ایبوشی  
کورر کورمز منونیتله یرندن فرلایه رق دیدیکه :

— آ ! . . . جهان آغا ! . . .

— اوت قیزم ، جهان آغایم . . . سنی کوتورمکه کلدم . . .

— فؤاد بکک یاننه دکلی ؟ .

— شبهه سز . . . بو حیدودلر بزه خبر کوندریلر ، بزده

پاره ویره رک سنی قورتاردق .

الماس چو جقه سنه مسرته قاپیله رق دیدیکه :

— ای ، هایدی کیده لم .

— بوق ، برایی ساعت صکره تمامیه قراکلق اولسونده

اووقت ، کیدرز .

— بوراده کیجه کوندوز بللی دکل ، ! . . . نیچون کیجه لین

کیده جکیز ؟ .

— فؤاد بکک او یله تنیه ایتدی .

— اه بنده راضیم .

ایبوش بو ایشک ده بویله سهولته حصول بولدیغنه

سوینه رک آرقداشلرینک یاننه کیتدی .

بوصره ده ساعت ، کیجه نک برینی اشعار ایدیوردی . که قنبر

ایله رفقای ده تمام بو وقت نادر بکک قوناغنک قارشیسینده کی

دکانه کیرمش ایدیلر .

ایکی بچق ساعت قدر برمدت مرور ایتدکدن صکره  
ایبوش ، وقتک کلدیکنی کوردرک الماسک محبوس اولدیغی  
مغاره یه کیروب دیدیکه :

— حاضر میسک ؟

— نیه حاضرانیم ؟

— هایدی آرقه مدن کل .

مغاره دن چیقدن صکره ایلغینلرک آره سنده الماس کوچه  
یورویهرک ایبوش ایله برلکده شهر داخلنه کیردیله .

ایبوش ، قنبر یاخود فؤاد ، راست کلوبده ایشلرینی آلت  
اوست ایتسونلر دیه تر تر تتره مکده ایدی .

قنبر ، فؤاد ، قیر سرداری ده اصلا جانلری صیقلقمقسنزین  
نادر بکک قوناغنه برکیمسه نک کیروب کیرمیه جکئی کوزتله مکده  
ایدیلز .

سیغاره ایچمک ایچون دکانک ایچ طرفده طوران قنبر  
یواشجه دیدیکه :

— ظن ایدرسه م بوکیجه صباحه قدر بکلیه جکز .

— زیان یوق ، برایکی ساعت دها بکلرز . صکره بریمز  
بکلر ، ایکیمز اویور .

بولندیغی یردن سوقاغک تاباشنی کورمکده اولان فؤاد  
بردنبره دیدیکه :

— صوص ص ص ص . . . یوقاریدن طوغری برقادین  
ایله برارکک کلیور . . . هم پک یواش بوریورلر . . . ارکک  
اطرافه پک دقت ایدیور ! .

فؤادک بواخطاری اوزرینه دیگر ایکی آرقداشی ده کال  
دقتله سوقاغه باقدیلر . .

کله نلر نادر بکک قوناغنک قیوسنده طور دیلر .  
قارئین کرام بونلرک ایبوش ایله الماس اولدقلرینی البته  
اکلامشلدردر .

— سوقاق قراکلق اولدیغندن یوزلری تمامیه تشخیص  
اولمئوردی .

ارکک ، یواشجه قیوی چالدى . برقاج دقیقه صکره  
نادر بک — النده لامبه ایله — قوناغک بیوک قیوسه-نی  
آچدی . ایبوش ایله الماس ایچرییه کیرمک ایچون ، یوزلرینی  
دکان طرفه دونمش اولدقلرندن ، فؤاد :

— الماس ! . دیه باغردیغی کچی ، قنبرده :

— ایبوش ! دیه برندای حیرت صالیویرمش وقیر سر -

دارى ایسه ، فتورسزجه :

— نادر بک ! دیمشدی .

ایبوش ایله الماس ایچری کیروب اوجسیم قیو بیوک  
برکورلتی ایله قبانقدن صکره قیر سرداری دیدیکه :

— بختمز قوتلی ایتمش ! . سویلیه جکلر مه دقت ایدکز ! .  
— سزی دکلیورز .

— بوایش ، بوکیجه اولوب یتملیدر . شبهه یوق ، که  
الماس خانمی بر حیلله ایله الداتمشلردر . چونکه هیچ ممانعت کوستر-  
میور ، بن ، کیدر حکومته خبر ویررم . ذاتاً آدملرم هر وقت  
حاضر اولدیغندن بر قسمی بوراسنی باصار .

قنبر آغا بورادن چیقاجق اولان ایبوشی تعقیب ایدر ،  
صاقلندی یری اوکرنور . اوراسینیده باصارز . وهپسنی  
بوکیجه آصدیریرز ! یارینه قالسه بلکه نادر بك ایچون برقار-  
یشقلق اولور .

قنبر — بك طوغری ، لیکن ، سز ایبوش بورادن  
چیقدقدن صکره کیتملیسکز . .  
— شبهه سز .

فؤاد — یا ، الماس نه اوله جق ؟ .

قنبر — مناسبتسز املک صره سی دکل ! . صوص ! . . .  
براز صکره ایبوش قپودن طیشاری چیقدی . برایکی  
دفعه اطرافنه باقدقدن وکیمسه نك کندیسنی کوزتله مدیکنه ! .  
امین اولدقدن صکره یوریمکه باشلادی .

ایبوش — وقاغی دوزر دوزر ، دکانک قپوسی یواش-جه

آچیلہ رق ایکی کنشی چیقدی ، بری : قنبر ، دیگر دی دہ ، قیر -  
سرداری ! .

عقلی ، فیکری طارمہ طاغین اولمش اولان فؤاد دہ دکانہ  
قالمشدی . .

قنبر ، ایبوشک آرقہ سنہ دوشوب کمال مہارتلہ آنی تعقیب  
ایده رک مغارہ لرینی اوکرنندی . لیکن خیلی مشکلات چکدی ! .  
دکانہ عودت ایتدیکی وقت قیر سرداری دہا کلمہ مش ایدی .  
یارم ساعت قدر برمدت مرور دن صکرہ اودہ کلدی . قنبری  
کورنجه همان دیدیکہ :

— نصل ، اوکرندمی ؟ .

— های ، های ! .

— زردہ ؟

— سزک ، قانلی ایزی غیب ایتدیکنز محلہ ، فؤادک

دوشدیکی یرده ! .

— شمدی اوراسنی بولہ بیلورمیسکنز ؟ ،

— المله قویمشم کبی ! . .

— پک اعلا ، بنده لازم کله نلری بولدم . هر شیشی اکلا -

تدم ، نادر بکک مکتوبلرینی کوستره رک سوزمی اثبات ایتدم .

بوکیجه هر ایش بیتہ جکدر . فرمانلری حاضر در . بورانی

یاصه جقلرده نردہ ایسه کلور . . . هاه ! ایشته کلور لر . . .

قیر سرداری دها لقر دیسنی بیترمه دن مکملاً مسلح یکر می  
نفر عسکر کلوب برر تمنا ایدهرک دیزلدیلر .

قیر سرداری بونلرک اون ایکی دانه سنی طیشاریده بر اقوب  
دیگر لر یله قوناغک قبوسنی قیرهرق ایجری کیردی .

نادر بک ، او کیجه ایبوشک کتیره جکی الماسی کورمه ملری  
ایچون قوناقدیکی خدمتکارلرک هپسنی برر بهانه ایله طاغیتمش  
ایدی . کوراتی بی ایشیدوبده نه اولدیغنی بیله میهن نادر بک  
طیانجه سی النده اولدیغنی حالده اشاغی به فرلامشیدی . لیکن  
سلاح استعمالنه وقت بولامادن یاقه لندی .

قیر سرداری ، نادر بکی ایکی عسکره تسلیم ایدوب کوندر  
دکن صکره تکمیل او طه لری آزادی . نهایت بریسینده بیچاره  
الماسی بولدی ! . . . .



### « هانمه »

نادر بکک توقیفندن صکره قنبرک دلالتی ایله ایبوش ورفقا  
سنک مخفی اولدقلری مغاره باصلمش وتسلیم اولدقلرندن  
صامان دومانیه مغاره طوانجه ضیشاری چیقماغه مجبور ویشلدوز .



بووقعه غایت مهم اولدیغندن آمر مملکت همان او کیجه  
اعداملرینی اجرا ایتدیرمش ، و هپسینی مملکتک ایشاک جاده  
باشلرینه تعلیق ایتدیرمشدر .

ایرته سی صباح اهالی ایشی اکلامش و بویله بیوک بر بلادن  
خلاص اولدقلری ایچون ده هپسی ، سوکیلی پادشاهلرینه دعا  
ایتمشدر .

وصیتنامه دعواسنی فؤاد قزانندی . وصیتنامه موجبنجه  
علی بکک ثروقی تقسیم اولنهرق وفات ایتدیکی کویده کوزل  
برمسجد شریف بنا اولندی .

اناس خانم دهاسن بلوغه واصل اولدیغندن بیوک پدری  
وصی تعیین اولنهرق بومناسبته ده فقیر فقط ناموسکار چنتجی  
اختیار لغنده سعادت حال بولدی .

قیر سردار ینک وقوعبولان خدمته مکافاة برنشان  
کتیرتلدی و بووجهله ده اوتوبه کار حیدود بحق تاضیف  
ایدلدی .

اناس خانمک سن بلوغنه وصولنک برنجی آینده غایت مضطرب  
برصورتده فؤاد بکله دوکونلری اجرا ایدلدی .

قنبرده مقدمه دوچار اولدینی فلاحده اوزرینه مجبوراً  
اختیار ایتدیکی جالادلنی وفؤادک کندیسنک اوغلی اولدیغنی  
اصلاً سویله میهرک اولادینک سعادتینه اوده اشتراک ایتدی .


یا نادیده نه اولدی ؟ .


عدالت بشریه دن تخایص کریبان ایتدیکی کبی عدالت الهیه -  
دن ده قورتلدیمی ؟ .

هیات ! . . هم عدالت الهیه دوچار تأخردنه اولمادی :  
نادربك ورفقاسنك صاب اولندقلری سنه ، مملكتك شدت  
حرارتنه تحمل ایدهمیهرك شهر خاقنك موسم صیفده برقاچ  
آنی کچیردکلری یا یایله کیدرکن یزندیکی محفه نك قاطری توکزله -  
مه سیه درت بش مناره بوی اوچورومدن اشاغی یوارلندی  
کیتدی . . . .

نادیده ذهنندن فؤاد ایچون برانتقام تصور ایدیوردی ! .  
کلشن . خانمندن یازه قویارتمغی دوشینیوردی ! ! . . .

« ایشته اجرا اولنان جنایاتك نتیجه سی »






فاریں

یونانی سطراری تشکیل ایده نه صوک جملہ رومانیزک  
ضمانی ارأۃ ابتدیکندہ — ولوکہ یک عاجزانہ اولسونہ —  
برقاج سوز سولہ مک استیورم :

« نادیدہ ! » بی نشرہ جسارت ایدشم ، حقمنزدہ کوستر -  
بدہ تشریفات وطنیہ درانہ کوکندیکندہ ایلری کلمندر .

صاحبہ نک — طرز افادہ — هیچ برمنیہ مالک اولدیغنی  
بیلمز دکلم . فقط ، اساس ، بتونہ بتونہ خیل اولیوب حقیقتاً  
دقوعبولطہ برقعہ فیمیه اسناد ایدیرلیدیکندہ کندی کنده :  
صن تریدہ کی اصابت « صن افادہ ده کی قصورلری اورز »  
دیرک نومید اولدم . فی الواقع ، ابراز بیوریلونہ — خارق  
العادہ دیریلدیکلم — رغبت ده [°] بوفکرمی تأیید ایلدی .  
برده ، بوبله یک ناقص اثر حقندہ کی ترویج عمومی افرا -

[°] نسخ موجودہ سی قلمش جزاء لر ایکنجی دفعہ طبع ایدیلرہ ایلول  
اواسطینده برمجی فورمہ دن اعتباراً توزیع ایدیلہ جکدر .



نموده صبح مثال اولدوق کوزل کوزل ائرلک مبداه قونلمسسه  
 مهب اوله جفنی واختیار ایدیلره بونجه فداکارلقلک ده ایلور نمره سی  
 اقتطاف اوله جفنی درسونکجه بختیار لغم بر فاندلها تزیاید ایلور .  
 بنادشله نقدر تشکرا ایتسم ' نقدر منندار قالسم ' ینه آردر ! .  
 عالم تحریره ایلک ایاق باصدی لغم شوارمده انظار انقباهه  
 بر آجی حقیقت عرصه ایتلک ایتبورم ' که اوده : اصول تربیده  
 کومتر دیکمیز لاقیدلک ' مساحه مادرانه یا خود بدرا نه در .  
 سوکیلی اقرانم ' دخی ' بوضصوص حقنده نظر دقنی جلب  
 ایچوره انقاب فکری کنیدلرینه وظیفه ایدینورلر و طمنزه بچو  
 خدمت ایتسم اولورز . چونکه : بومبالا تنزلو مدله بر نتیجه  
 منجر اوله بقدر ! . . .

۲۰ مابسی سنه ۱۳۰۷

ع . جالهد



محرک در دست طبع آناری

قوش دیلی پیاسه‌لری

بوسرلوحه آلتنده تشکیل اولنان کوچوک رومانلر کلیاتی  
ملیکتمزه عائد فجیع حکایه جککردن عبارت اوله رق بربری  
متعاقب نشر اولنه جقدرلر .

آتیده کی درت عددی کاملاً یازلمشدر :

اضطراب وجدان

قاتل

سویور

سومیور

قنديل کیجه‌لری

شو عمومی نام ایله ترتیب اولنان مضحک حکایه‌لر کلیاتی  
شهر مزه متعاق کولنج رومانجقدردن مرکب اوله رق یکدیگری  
متعاقب میدان مطبوعانه عرض اولنه جقدر .  
آتیده کی درت عددی کاملاً یازلمشدر :

تعقیب

ینه تعقیب

دیسسه

سود نینه‌ک کور طرفی

الهن وماتیلد

فرانسز مشاهیر محرریندن « آدولف بهلو » نك انفس  
آثارندن اولان شو رومان فرانسه‌ده پك زیاده مظهر رغبت  
اولمش لطیف ولطافتی نسبتده شایان استفاده‌در .

آجینمزی ؟

بوده کوچوک فقط مؤثر بر حکایه جکدر .









## محرک دردست طبع آناری قوش دیلی پیاسه لری

بوسرلوحه آلتنده تشکیل اولنان کوچوک رومانلر کلیاتی  
مملکت مزه عائد فجیع حکایه جککردن عبارت اوله رق بربرینی  
متعاقب نشر اولنه جقدرلر.  
آتیده کی دوت عددی کاملاً یازلمشدر :

اضطراب وجدان

قاتل

سویور

سومبیور

## قتدیل کیجه لری

شو عمومی نام ایله ترتیب اولنان مضحک حکایه لر کلیاتی  
شهر مزه متعلق کولنج رومانلر جقدردن مرکب اوله رق یکدیگرینی  
متعاقب میدان مطبوعاته عرض اولنه جقدر.  
آتیده کی دوت عددی کاملاً یازلمشدر :

تعقیب

یننه تعقیب

دسیسه

شود یننه نک کور طرفی

## الهن وما یلیه

فرانسز مشاهیر محرزینندن « آدولف بهلو » نک انفس  
آنارندن اولان شو رومان فرانسه ده یک زیاده مظهر رغبت  
اولمش لطیف ولطافتی نسبتنده شایان استفاده در.

## آجینمزی ؟

بوده کوچوک فقط مؤثر بر حکایه جکدر.

